




Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.50







Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.50





Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.50



Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.50



Ab. 2/2





*Ex Libris Joannis Nenoini*  
*1874*

MALE CENTRALE  
DINI  
II  
2  
50  
TA NE





















COMMENTARIVS  
PAVLI MANVTII

IN EPISTOLAS M. TVLLII


CICERONIS

*ad M. Iunium Brutum, & ad Q.  
Ciceronem fratrem.*



VENETIIS, M. D. LVII.

Cum priuilegio Pontificis, & senatus  
Veneti, in annos XX. 10



ALI

PR

A

Paulu

S

tionem nobis  
consilia re  
retur; cor  
inde alia  
variatione  
ruptis sen  
exemplis  
tima nase  
quippe no  
reprehena



ALFONSO CARAFÆ

PRAESTANTISS. IUVENI,

ANTONII, MARCHIONIS

MONTISBELLI, FILIO,

Paulus Manutius, Aldi filius,  
S. D.

**S** I SVO quæque res merito  
penderetur, Alfonsæ Carafæ;  
hominum esset in uirtute ui-  
gilantium præclara conditio;  
contraq; , quos auersa à ra-  
tione uoluntas ad malas artes & flagitiosa  
consilia traducit, cum ijs pessime semper age-  
retur; eorumq; docti exemplo, sapientius de-  
inde alij non modo suis, uerum etiam publicis  
rationibus consulerent. itidem enim, ut è cor-  
ruptis seminibus uitiosæ fruges, sic à malis  
exemplis improba studia, à laudabilibus op-  
tima nascuntur. uerum hoc totum secus est.  
quippe non modo ad reprehendendum, quæ  
reprehendi iure possunt, procliniore, quàm

A 2 ad



ad laudandum, quæ laude digna sunt, omnes fere sumus, nec satis æqua lance turpe & honestum examinamus; quæ debemus pariter, alterum odisse, alterum diligere: sed etiam sæpe facimus, ut eas res, easq; actiones, quarum causas ignoramus, quæq; recte ne an secus fiant, dijudicare non possumus, accusemus tamen, acerrimaq; uituperatione, quæ interdum efferri laudibus oporteret, ea deprimamus. Ac ne me putes, Alfonse clarissime, huius initium sermonis temere detulisse: ego nunc, si nescis, meam, meam dico? immo uero communem utriusque nostrum causam ago. aut enim uterque agimus egregie; aut uterque similiter peccamus. Audi ne tu uoces in Latine lingue nomen irrumpentes, hominum obtrectantium, qui rei pulcherrimæ scientiam reprehendant; qui nos derideant, ludosq; faciant, atque etiam, si dijs placet, odio dignos existiment, quòd opera tantum ac temporis in hoc tam nobili studio colloceamus? tu fortasse non audis, totus in literas abditus, multorum à consuetudine seiunctus: aut, si audis, negligis opinor, magnis non tam fortune,

fortuna  
quam  
ad om  
loco, h  
ditate p  
rem, it  
benigne  
nuntur  
dam esse  
grem, t  
intra, qu  
lucosiss  
tiam, qu  
sensibus  
sim. Ob  
quod cog  
dam: La  
extincta  
nationem  
tine loqu  
minimam  
mulacra  
scripi per  
neant, u

fortune, in qua tamen ipsa multum inest,  
quàm rerum omnium laudabilium præsi-  
dijs ad omnia munitus. me uero, humili hominem  
loco, hac una tibi Romani sermonis in cupi-  
ditate parem, ceteris rebus omnibus inferio-  
rem, ista sane, quæ feriunt aures meas, ue-  
hementer commouent: non quòd ea, quibus  
utuntur, argumenta firma sint; quæ osten-  
dam esse inania: sed quòd, ut eam quisque uir-  
ginem, cuius amore flagret, intactam ab in-  
iuria, puram ab omni labe uelit, sic ego, quasi  
lutosis maculis aspersam, ac fœdatam eloquen-  
tiam, quam semper dilexerim, cum aspicio,  
sensibus intimis afficior, sic, ut ferre non pos-  
sim. Obijciunt illud primum: quatenus ali-  
quid cognosci possit, eatenus in eo laboran-  
dum: Latinam linguam obsoleuisse iam, &  
extinctam pene totam esse: quam enim hodie  
nationem, ut omnes animo perlustrentur, La-  
tine loqui? quod uero ex ea supersit in libris,  
minimum id esse, tanquam aliquod inane si-  
mulacrum corporis exanimis: quocirca neque  
sciri perfecte, cum exiguam partem libri conti-  
neant, neque pronunciari decenter, cum ser-



monis usus euannerit , à nobis posse . Secundo  
loco statuunt : ut absolute percipi , quod ne-  
gant , Latina lingua possit ; mirari se tamen  
etiam atque etiam, cur industriam in ea perdi-  
scenda tam diuturnam ponamus. uitio quidem  
id fieri uoluntatis, et iudicij : dignitatem in re  
tantam non esse , ut hærere per tot annos in  
hoc studio debeamus . Concludunt postremo :  
ut de perfecta cognitione , de dignitate , ac  
præstantia concedatur ; tamen esse , cum , ea  
pulsæ , successerit alia , minime necessariam .  
Hæc isti : quæ specie aliquid uidentur ; ego, re  
nihil esse , si quando me præsentē disputantur,  
ostendo . Conuenit inter nos , esse aliquid in  
omnibus facultatibus atque artibus extre-  
mum ; quò nostra studia cum peruenerint ,  
quiescendum . sed hoc extremum quibus termi-  
nis metimur , rei ne natura , an uulgi opinio-  
ne ? si opinione uulgi : licet propemodum ocio-  
se uinere : mediocria , quæ putantur excelle-  
re , queramus : id satis est : illa summa , ubi  
summum decus habitat , quæ uulgus ignorat ,  
omittamus . sin extremum illud esse uolumus ,  
quò peruentum cum est , progredi longius non  
licet :

licet  
tam e  
operis  
nor, N  
se putat  
clarissim  
motum  
abditar  
triuisset  
cogitant  
tere tam  
tatibus,  
multum  
dem non  
ratio est  
qua per  
stio : uer  
contendi  
Studio p  
industri  
est. com  
tendat  
sum defi  
res inte



licet : moderata studia non dantur . perfe-  
ctam enim scientie laudem adipisci , maximi  
operis est : itaque hoc extremum , quod , opi-  
nor , Natura nouit una , sapiens nemo unquam  
se putauit esse consecutum . extant , literarum  
clarissimis testata monumentis , exempla sum-  
morum philosophorum : qui cum aetatem in  
abditarum rerum perscrutanda notitia con-  
triuissent , multaq; partim legendo , partim  
cogitando praeclara & eximia reperiissent ; la-  
tere tamen adhuc , magnis inuolutam difficul-  
tatibus , ueritatem , et aliquid sibi , atque adeo  
multum esse querendum existimabant . Ea-  
dem nunc , aut certe similis admodum nostra  
ratio est . Querimus id , quod in Latina lin-  
gua perfectum putamus . non assequemur . e-  
sto : ueruntamen , quo plus , ut assequamur ,  
contenderimus , eo scilicet propius , si quid  
studio proficitur , accedemus . At laboris &  
inductris terminus tamen statuendus aliquis  
est . concedo : sed hoc quidem , si diligenter at-  
tendatur , nihil aliud est , quam perfectum ip-  
sum definire . hoc enim ad unum nostri labo-  
res intenduntur : hoc unum nostra spectat in-

*Augustus*  
dustria . perfectum autem ipsum ego mihi cer-  
te ab hominibus imperitis definiri nolo . defi-  
niant ij, quibus utor magistris , Cicero , Cæ-  
sar , Terentius , Plautus ; quorum ex libris ,  
quæ Latine linguae sit elegantia, quæ ubertas,  
quæ uis , facile possum intelligere . quæ si , non  
dico quanta sunt , ( immensa enim esse uideo )  
sed si ea mihi magna ex parte comparassem ;  
modum fortasse facerem studio meo : sed , ut  
inter hos , qui nunc homines uiuunt , aliquid  
esse uideamur , nihil tamen , si uere de nobis ip-  
sis iudicare uolumus , præ illis uiris , quorum  
extant satis multa scripta diuinitus , nihil in-  
quam plane sumus . quare , quod ad scriben-  
dum attinet , habemus abunde , quod imite-  
mur . De pronuntiatione uero minimum labo-  
ro . quid enim ? an putamus in ijs ipsis , qui tum  
Romæ uiuebant , eandem pronuntiandi ratio-  
nem fuisse ? non fuit . confuebant in urbem ,  
illecti spe summorum magistratuum , quod ha-  
buit illis temporibus premium eloquentia , o-  
ratores ex uniuersa Italia . causas agebant  
Romani homines pariter & peregrini , foras  
uocis dissimiles , pronuntiatione diuersi : sitam  
tamen

tamen  
lebat  
educa  
tes ; S  
tes . m  
cus pra  
nus R  
ne dece  
bat , qu  
num in  
nullum  
quidem  
emulo  
ma laq  
mlegio  
ceteris  
modo di  
ribus es  
ent , ad  
magnis  
giri , tu  
Secundi  
equidem  
istos in



tamen quisque , pro eo , quantum quisque ua-  
lebat ingenio , laudem ferebat . si Curibus  
educatum , aut Arpini , orantem in foro audi-  
res ; Sabinum statim , aut Arpinatem agnosce-  
res . neque tamen à forensi opera , & à iudi-  
cijs propterea quisquam est exclusus , quia mi-  
nus Romane , hoc est quia minus apte , minus  
ne decenter , pronunciaret . nunc ipsum , in  
hac , qua Itali omnes utimur , lingua est ne om-  
nium in disiunctis & longinquis urbibus si-  
millima pronuntiatio ? mehercule ne in iisdem  
quidem . Venetijs enim ( domestico utar ex-  
emplo ) aliter in urbe media , aliter in extre-  
ma loquuntur . quapropter nimis iniusto pri-  
uilegio damnabitur Latina lingua , si , quod in  
ceteris linguis usu uidemus euenire , ut non  
modo diuersis , uerum etiam iisdem & tempo-  
ribus & locis non similiter omnes pronunci-  
ent , id ei præcipuum opponatur : cuius etiam  
magnis ac præstantibus meritis aliquid lar-  
giri , tum humanitatis , tum æquitatis esset .  
Secundum erat de dignitate . in quo , non tam  
equidem quid ipse respondeam , quàm quid  
istos in hanc mentem impulerit , quero . Ita  
ne ?



ne? dignitatem Latinae literae non habent? hu-  
miles, & obscurae sunt literae illae, quae popu-  
li Romani nomen extollunt, atque illustrant?  
quae summorum imperatorum fortiter & prae-  
clare gesta per omnes gentes cum laude disse-  
minant? quae maiores opes, quam ulla un-  
quam lingua, maiora suorum meritorum prae-  
mia in orbis terrarum domina ciuitate sunt  
adeptae? Sed ineptus sum, si me patronum La-  
tinae linguae profitear: quae tantum possidet  
eloquentiae, ut, ipsa suam causam si agat, fa-  
cile se ab aduersariorum calumnia uindica-  
re possit. Nunc, quod isti postremo loco ar-  
gumentum, quasi postrema in acie subsidium  
firmissimum, collocant, uideamus in eo quan-  
tum roboris ac neruorum sit. plus enim est for-  
tasse, quam ut contemnere, minus certe,  
quam ut pertimescere debeamus. Nusquam,  
inquiunt, uiget usus Latini sermonis: aliter  
nunc omnes loquimur. id uerum est. si quid igi-  
tur in Latinam linguam studij confertur, opera  
non bene ponitur. hoc falsum. duplex autem  
est, qua utor, ratio probandi. Primum illud su-  
scipio, ac defendo: non, quaecunque necessaria  
non

non si  
que d  
ita La  
cessari  
pro me  
rere ma  
nam el  
raque, ar  
ea, quae  
dis tribu  
ueritas,  
certe me  
enim is  
grem.  
sui iuncti  
nunc me  
cu, quae  
mur: gi  
luminas  
uestes, t  
fidibus,  
cibus, ha  
non ut n  
tis facer

non sint, propterea spernenda esse omnia, at-  
que explodenda; deinde, si spectetur utilitas,  
ita Latinam utilem esse linguam, ut etiam ne-  
cessaria uideatur. Quæ sunt, quæ uere & pro-  
prie necessaria dicimus? nimirum ea, quibus ca-  
rere nullo modo possumus. huiusmodi sunt pri-  
mum elementa, deinde, quibus famem, frigo-  
raq; arcemus, uictus, uestimenta, ædes, aut  
ea, quibus hæc parantur; præterea, in publi-  
cis rebus leges, & magistratus, in priuatis se-  
ueritas, et uigilantia. ex hoc numero Latinam  
certe non esse linguam, facile concedo. neque  
enim is ego sum, qui libenter cum ueritate pu-  
gnem. Sed præter hæc, quibus hominum uita  
sustinetur, ac regitur, quàm multa sunt, mi-  
nime necessaria, quæ tamen habemus in deli-  
cij, quæ amamus, quæ etiam honore prosequi-  
mur? gemmas, & uasa pretiose calata, co-  
lumnas marmoreas, laqueata tecta, sericas  
uestes, textiles picturas, artem in uocibus, &  
fidibus, odores in unguentis, condimenta in  
cibis, hæc certe, & huius generis sexcenta,  
non ut necessitati pareret, sed ut sensibus sa-  
tisfaceret, inuenit industria. quæ quin habeant  
incunditatis



incunclitatis & ornamenti plurimum, nemo  
negat. quod si, quæ sensus inuuant, & labo-  
riose quæ sita sunt, & retinentur accurate:  
quanto nobis ea, quæ animum oblectant, po-  
tiora debent esse? pascitur animus magnitudi-  
ne rerum: quid Lulij sublimius historia, quæ  
populi R. bellicam uirtutem commemorat?  
grauitate sententiarum: quis Cicerone pru-  
dentius, quis eruditius disputat? elegantia  
uerborum, & copia: quis eodem ornatior,  
quis uberior? uarietate scriptorum: quod ge-  
nus Romanæ literæ desiderant? poetas habent  
egregios, historicos, oratores, philosophos  
etiam excellenti doctrina claros. quæ si uera  
sunt; (sint, necne, res ipsa declarat: ambi-  
gere non licet) & si uoluptatem studiosis  
Latina lingua parit incredibilem; possum istis  
tribuere, quod uolunt, necessariam uulgo non  
esse, dum ipsi contra, quod ratio postulat, at-  
que exigit, hoc mihi tribuant, amandam esse  
uehementer, atque expetendam. Sed hæc ad  
eam, qua legendo fruimur, uoluptatem pars  
attinet: nunc, quod eram alterum pollicitus,  
de utilitate uideamus. Omnes lingue aliarum  
admixtione



admixtione linguarum, si moderata sit, au-  
gentur; si nimia, corrumpuntur, atque inte-  
reunt. quod enim recipitur, id esse debet eius-  
modi, ut recipientis naturam sua ui, suaq; ma-  
gnitudine non exuperet. itaque sermo hic no-  
ster Italicus multas Gallici sermonis, multas  
Hispanici, quasdam etiam aliarum nationum  
habet partes. causam si querimus: non alia,  
quàm earum gentium interuentus, & consue-  
tudo, fuit. quòd si Gallorum, aut Hispano-  
rum immensa multitudo, (exempli causa di-  
ctum à me sit: omen quidem inane esse uolo)  
sed si earum nationum maior aliqua uis in  
Italiam irruerit, ac permanserit: maior si-  
mul inducetur Gallici, aut Hispanici sermo-  
nis usus; & fortasse aduentitium illud usque  
eò ualebit, ut hoc domesticum uincat, suisq;  
sedibus expellat. quod olim Romane linguae  
contigit: quam, multarum etatum spatio, mul-  
tis maximarum rerum adiumentis auctam,  
atque confirmatam, diuersis tamen populis Ita-  
liam occupantibus diuersarum linguarum im-  
petus oppressit. Cum igitur lingua linguam  
amplificet; nostraq; haec Italica, non multis  
abbinc

abhinc saeculis orta, nec admodum liberaliter  
praemiorum nutrimentis educata, non ita dum  
adoleuerit, ut suis contenta uiribus esse possit:  
statuo sic, atque concludo; accessionem ei fieri  
maiores non posse, quam si cum Latina coniun-  
gatur: non modo, quia nulla plenior, aut or-  
natio; uerum etiam, quia nulla similior: ex  
quo sequitur, ut ad coeundam cum ea societa-  
tem nulla commodior. Est igitur literarum  
Romanarum cum per se laudabilis admodum,  
& iucunda tractatio, tum uero, si quidem  
hunc ipsum, quo nunc utimur, auctum exor-  
natumque sermonem cupimus, magnopere ne-  
cessaria. Atque haec tu quoque uides Alfonse  
ingeniosissime, tuumque iudicium con mea sen-  
tentia coniungis. itaque, cum à prima pueritia  
ad eloquentiae Romanae cupiditatem incumbe-  
re cepisses; postea te non ambitio, quae saepe  
praclare iacta fundamenta uirtutis euertit,  
non commodum, non illa, bonis artibus ini-  
mica, uoluptas ab hoc studio deduxit. ac ne  
nunc quidem langues; cum tamen omnia ui-  
deas ardere bello, armorumque strepitu aures  
tuae quotidie personent. quin, dum patrum tui,  
Carolus

Carolu  
uterque  
nus, in  
Monte  
princeps  
et uita  
quisque  
ita expl  
consuetu  
nes in m  
aliis ma  
uers ma  
ea, dicit  
urum e  
num; qu  
bili geue  
roribus,  
illud net  
cit, quo  
aspirare  
quanqua  
lingua ce  
cum dolo  
nam, ut



Carolus Cardinalis, & Ioannes Paliani Dux,  
uterque ob uirtutem immortalitate dignissi-  
mus, maximeq; pater tuus, Antonius Marchio  
Montisbelli, natus ad omnem gloriam, omniq;  
princeps laude cumulatus, urbem Romam,  
& iura pontificia tuentur, partesq; in bello  
quisque suas consilio, uigilantia, fortitudine  
ita explent, ut antiquam maiorum suorum  
consuetudinem referant, ipse te interea conti-  
nes in tuis perennibus studijs; animumq; tum  
alijs magno principe dignis uirtutibus, tum  
uero maxime excolis eloquentia, doctorem in  
ea, ducemq; nactus, diuino quodam munere,  
uirum excellentem, Ioannem Paulum Fla-  
uium; qui te nouo quodam, planeq; admira-  
bili genere disciplinae, abductum à uulgi er-  
roribus, per directam semitam ad eximium  
illud ueteris Romanae linguae decus facile du-  
cit, quò uel cum summis laboribus ac uigilijs  
aspirare pauci, aut fortasse etiam nemo potest,  
quanquam me non nunquam, de statu Latinae  
linguae cogitantem, miseratio quaedam acerbo  
cum dolore tangit: quòd ita futurum animo cer-  
nam, ut haec, per tot iam saecula, à tot inge-  
nijs,



nijs, tam diligenter culta, Latine scribendi  
ratio, quæ parentem nostram Italiam nobilita-  
uit, quæ tot in nos merita contulit, ætate de-  
mum nostra, nisi remedium aliquod diuinitus  
extiterit, suam honestatem omnem neglecta  
prorsus in perpetuum amittat. quod si rebus  
inclinatis, iam iamq; cadentibus opem ferre  
quisquam potest; unus est Paulus IIII, Pon-  
tifex omnium optimus, idemq; diuina potius,  
quàm humana, sapientia præditus. unus in-  
quam, aut nemo unquam, & Latinam lin-  
guam, & laudabilia quæque studia ueterem  
in dignitatem uindicabit. qui cum frater fue-  
rit aui tui; cumq; illum una uirtus ad eum gra-  
dum extulerit, unde humana omnia despicit,  
supra casus omnes, supra fortunam ipsam col-  
locatus: hunc te decet imitari, huius uitam,  
perpetuo sanctissime traductam, huius omnia  
facta, consilia, instituta tibi ante oculos pone-  
re. uides pietatem erga Deum, & in auctori-  
tate Pontificia, id est in ipsa religione tuenda  
firmitudinem animi, atque constantiam. uides  
multiplicem rerum humanarum diuinarumq;  
scientiam, trium uero linguarum, Hebraicæ,  
Græcæ

Græcæ  
eloque  
fatent  
mo lo  
ferre lo  
fita, se  
tia. hu  
pedem  
eam fel  
rant, a  
spectas  
bonina  
suam  
sequar  
tua, de  
enim tu  
tuosq;  
istam  
ferunt,  
Præta  
ipso sci  
rere m  
fluente  
ro grati

Græcæ, Latinæ cognitionem pene singularem.  
eloquentia uero prorsus eum excellere omnes  
fatentur, qui quidem ita quacunque de re non  
modo copiose, uerum etiam eleganter, ac di-  
serte loquatur ex tempore, ut ei non arte qua-  
sita, sed à natura donata uideatur eloquen-  
tia. hunc igitur sequere, & in illius uestigio  
pedem statuere. ipse enim Deum secutus est; cum  
eam felicitatem, quam plerique mortales igno-  
rant, animo cogitaret. quem tu quoque finem  
spectas, ut audio. et ob eam causam futurum  
homines augurantur, ut eius dignitatis, quæ  
summæ proxima est, insignia breui omnino con-  
sequaris. quod cum euenerit; letabor primum  
tua, deinde communium studiorum causa. qui  
enim tuos impetus ad laudem nunc uidemus,  
tuosq; plane sensus intelligimus; an, ubi ad  
istam uoluntatem auctoritas atque opes acces-  
serint, fore dubitemus, ut à te ipso dissentias.  
Præstabis Alphonse tu quidem alia præclara, te  
ipso scilicet digna, tuâq; familia in qua flo-  
rere uides heroes permultos, gloria circum-  
fluentes, uirtutis in studio defexos: maxime ue-  
ro gratiam referes optime de te merita Latinæ

B      linguæ



lingue, eamq; paulatim Italia cedentem, &  
ad transalpinas nationes, magno nostro dede-  
core, migrantem, in suam sedem domiciliumq;  
reuocabis. cuius glorie causa, si monendus es,  
monitorem ad te; sin rogandus, supplicem  
uolui mittere commentarium hunc meum in  
epistolas ad M. Brutum, & ad Q. fratrem:  
qui cum tibi studia commendat eloquentia, in  
quibus ego per tot annos, utinam cum aliqua  
laude, magno certe cum labore uersor, com-  
mendat simul, paulo tamen uerecundius, se ip-  
sum, & uigilias meas: quarum fructus mihi  
erit uberrimus tum beneuolentia, tum iudi-  
cium tuum. quasiui omnino, idq; mihi primum  
fuit, posteritatis utilitatem; quod est pro-  
prium familie nostre: sed in te ipsum simul,  
cum huic operam commentario darem, specta-  
ui. tu si probas ea, quæ literis mandamus; si  
faues industria, optimeq; te esse animatum er-  
ga mea studia significas: ego me, quæ summa  
sunt, omnia consecutum putabo.


A  
E  
ad  
ad erudi  
rem pro  
tamen h  
um est  
tus, qu  
etiam a  
uinciam  
ita mult  
mescen  
in Cret  
præditi  
doniam  
tenfi or



ARGVMENTVM  
EPISTOLARVM

M. Tullij Ciceronis

ad M. Iunium Brutum, Brutiq;  
ad Ciceronem.



H

VIVS libri epistolæ quia non  
ita sunt obscuræ, ut interpre-  
tationis lumen desiderent, non  
hærebimus admodum in senten-  
tiis: non nulla, ad historiam, aut

ad eruditionem quæ pertineant; quæ, ut extra  
rem propositam fortasse uideantur, dignitatem  
tamen habebunt; persequi & indagare consili-  
um est. Post interitum C. Cæsaris, M. Bru-  
tus, qui coniurationis in illum particeps, atque  
etiam auctor, princepsq; fuerat, Cretam pro-  
uinciam à senatu accepit administrandam; nec  
ita multo post, plebis concitatæ furorem extim-  
escens, urbe cessit; reditq; de sperato, cum  
in Creta non multum neque sibi, neque reip.  
præsidii putaret esse, intendit animum ad Mace-  
doniam: quam ei Q. Hortensius prætor, Hor-  
tensii oratoris filius, facile tradidit. nam Cæsar

B 2 de

de Parthica expeditione cogitans, & magistratus in triennium creauerat, & prouincias diuiserat: ex quibus Macedoniam regi à M. Bruto, absoluta prætura, uoluerat. ad eum igitur Macedoniae præfectum Cicero scribit. et sunt etiam ad Ciceronem aliquot, unaq; sane præclara ad T. Pomponium Atticum, Bruti epistola. Ac sciendum est, scriptos esse à Cicerone, præter eos, qui nunc extant, multos præterea epistolarum libros, ad C. Cæsarem dictatorem, ad C. Cæsarem iuniorem, ad Pansam, ad Hirtium, ad hunc ipsum Brutum. itaque contenti non fuimus inscriptione uulgata; neque, librum, tantum, sed, librum primum epistolarum ad M. Brutum, inscripsimus. sic enim citari à Nonio animaduertimus; qui librum quoque octauum epistolarum ad eundem nominat.

P. A.

ad M.

M. A.

P. C.

eum, qui  
participat  
patre et  
ceterorum  
M. hic  
ut fuisse  
etoritur  
plurimum  
argum  
sequor.  
illud ne  
Polidor



PAULI MANVTII  
commentarius in epistolas  
Ciceronis  
ad M. Brutum, Macedoniæ pro consule.

EPISTOLA PRIMA.

276.

M. Antonio,  
P. Cornelio Dolabella, COS.

CICERO BRUTO] Potest ambi-  
gi, patricius, an plebeius fuerit hic  
Brutus. patricium fuisse, Posidoni-  
us philosophus, eumq; secutus Plu-  
tarchus contendit: Brutum enim  
eum, qui reges eiecit, tres filios habuisse, duos, quos  
participes coniurationis in remp. ultimo supplicio,  
patre consule spectante, affectos, historiæ narrant;  
tertium, vnde Iunia gens propagata est; & à quo  
M. hic Brutus originem duxit. Contra, plebeium  
ut fuisse credamus, Dionysii Halycarnassei facit au-  
toritas. nam etsi Plutarchum, pro eo, ac debeo,  
plurimi facio: tamen Halycarnasseum, qui nititur  
argumentis, libentius, hac quidem in re, auctorem  
sequor. Plutarchi est simplex & nuda narratio. nam  
illud nescio quid, quod affert ex Posidonio; ipsius  
Posidonij ætate fuisse Romæ præstantes ex ea gen-

C te



## Commentarius in lib. I.

te uiros, quorum forma ad similitudinem imaginis accederet illius Bruti, qui ciuitatem dominatu regio liberauit, ita plane nihil est, ut refellendum non existimem. Noster autem Cicero cum in Philippiis orationibus, & in libro de claris oratoribus dixit idem, quod postea Posidonius, & Plutarchus; potuit id Bruto gratificari; quem cum unice diligebat, tum ad studium libertatis recuperandæ facilius impelli posse existimabat, si ab illo Bruto, qui primus Romæ iugum seruitutis uirtute depulerat, progenitum ostenderet. Dionysij ratio hæc est; eaq; , ut mihi uidetur, admodum firma. Si L. ille Brutus, qui libertatem Romæ constituit, uirilem stirpem reliquisset; eius posteri patricii fuissent. quod si patricij; consulatum sine dubio multi gessissent. at per annos CC, quod fasti declarant, consul Romæ Iunius nemo fuit. nam, quod Scæuas, & Bnbulcos, qui Iunij fuerunt, consules uideas, CC, ut dixi, post reges exactos annis; hoc potius docemur argumento, plebeios fuisse, quàm patricios: cum in consulatu collegas habuerint de gente patricia; eo porro tempore consules fuerint, cum eum magistratum duobus patricijs mandari lex Licinia uctaret. Præterea in eiusdem Dionysij historia tribunum plebis uideo Brutum quendam fuisse, plebeie partis defensorem acerrimum; item alterum in oratione pro Quintio; alios etiam alibi. neque, ut opinor, de gente Iunia fuisse, quisquam negabit; & plebeios fuisse, ideo uerisimile est, quod, tribunatum pl. plebeijs tantum hominibus deferri, leges iuberent. Liuius fane duos tantum nominat Bruti filios: in quos, coniurationis crimine conuictos, animaduersum est.

sed

sed  
Brut  
eadem  
facile  
bitati  
rota  
men  
dero,  
reges  
Dion  
non ad  
Bruto,  
Dion  
lius, c  
porro  
bertu  
homin  
C. l. o  
designa  
exclud  
qui Ne  
cij fuer  
Marcel  
se, nec  
Neron  
à gent  
steris a  
B. V. N.  
quod l  
reliqui  
se; cur  
uratur;



sed uerbum addit nullum, unde, nullum præterea Bruti filium fuisse, possit intelligi. Apud Dionem eadem fere, quæ apud Liuium, leguntur: ut non facile, utrum senserit, diiudicare liceat. itaque dubitatio ex Dionysio, & Plutarcho, Posidonioq; rota nascitur. quanquam ego quidem, cum argumenta illa duo, quæ posui, cum animo meo considero, unum, de nullo Iunio per CC annos, post reges eiectionis, consule; alterum, de Brutis, quos Dionysius, & Cicero nominant, tribunis plebis; non admodum esse uideo, cur dubitem. et ab eo Bruto, quem contra patres multa pro plebe gessisse Dionysius memorat, potuit M. Brutus, Seruiliæ filius, ceteriq; Bruti eius ætatis ortum trahere: is porro ab aliquo L. Bruti patricij liberto. nam liberti ita familiæ nomen assument, ut patricij, ab homine patricio manumissi, tamen esse non possent. **C L O D I V S**] cum sit hic Clodius tribunus pl, designatus; quo honore patriciam gentem leges excludebant; ex ijs Clodijs, qui Pulchri, aut ex ijs, qui Neroni cognominabantur, qui utrique patricij fuerunt, esse non potuit. fuit igitur ex Clodijs Marcellis. aut, si Pulchrum, uel Neronem uelis esse, nec tamen patricium; dic, à Pulchrorum, aut Neronum liberto genus duxisse: cum, etsi libertos à gente patricia leges remouerent, eorum tamen posteris aditum ad magistratus darent.

**T R I - B V N V S P L .**] Non uidetur prætermittendum, quod Plutarchus in libro τῶν προβλημάτων scriptum reliquit, tribunatum pl. magistratum non esse; cum neque purpuram habeat; neque licitoribus utatur; neque sella curuli sedens ius dicat; neque

C 2 pote-



## Commentarius in lib. I.

potestatem, creato dictatore, deponat, more omnium magistratum. Cicero tamen magistratum appellat in oratione pro P. Quintio. Et, quod ait Plutarchus de purpura, id refellit idem Cicero pro Cluentio: qui, quo loco de L. Quinctij tribuni pl. intolerabili superbia uerba facit, Vultum, inquit, atque amictum, atque illam usque ad talos demissam purpuram recordemini.

DESIGNATVS] designabantur Tribuni pl. comitijs tributis: quod institutum est anno ab urbe condita CCLXXXIII, consulibus T. Quinctio Capitolino, Ap. Claudio Sabino: cum ad id tempus comitijs centuriatis designati essent. designabantur autem ante consules, ut ex prima epistola ad Atticum satis dilucide patet: & ante eosdem etiam magistratum inibant, nempe III id. Dec. quod ex Dionysio, Liuioque planum fit. nam quod in Pediani libris impressum est, tribunos pl. nonis. Dec. magistratum inire solitos; id mendosum esse puto. nam; ut omittam Liuij testimonium, in quo momenti multum statuo esse; Dionysius cum de quarto id. Dec. primo tribunatus pl. die mentionem facit, adiungit illud, μέχρι τῆς νύκτος, cum dicat, suis quoque temporibus idem seruari. eoque magis adducor, ut suspicer de mendo; quod, quem locum Ciceronis, qui est in libro secundo in Verrem, Pedianus ibi exponit; in eo Ciceronem de alio magistratu potius, quam de tribunatu pl. locutum esse, facile perspiciet, si quis animum paulo accuratius aduerterit. nam si de tribunatu plebis intellexisset, nunquam Sulpicium à Manlio, & Cornificio, quos proximis superioribus uerbis tribunos pl. nominauerat, separasset. nec de Sulpicio

Sulp  
mini  
ur:  
gite  
lic in  
amor  
dilexi  
na, ue  
uel per  
ianu  
tiam &  
officiu  
ab ipso  
subaud  
quia d  
Clodij  
pium  
cum el  
quit, si  
tus est,  
molesta  
tranlla  
fratrem  
& qual  
natura  
mis ho  
Te s  
qua de  
item eg  
bandum  
re, cui  
Clodia



Sulpicio ullo, (ut etiam hoc addam) nisi patricio, me  
mini me legisse. hoc satis esse ad hunc locum uide-  
tur: reliqua persequemur in eo libro, qui de ma-  
gistratibus inscribetur. VALDE me amat.]  
sic in epistola ad Dolabellam: Tantum accessit ad  
amorem, ut mihi nunc denique amare uidear, antea  
dilexisse. Et ad Appium: Nihil est, quod beneuolen-  
tia, uel amore potius effici non possit. ASVIS,  
uel per suos potius ] correctione usus est, ut id ab  
inimicis Clodij non delatum modo, sed fictum e-  
tiam & excogitatum significaret. nam, ASVIS,  
officium continet deferendi: PER SVOS, fictum  
ab ipsis, & studiose compositum ostendit. Vel dic-  
subaudiri, scriptum: quod uerbum omiserit Cicero,  
quia delatum potius, quàm scriptum, ab inimicis  
Clodij uellet ostendere. ut sententia sit hæc: scri-  
ptum à suis inimicis, uel per eos potius coram te-  
cum esse actum. infra, paulo planius, Si quis, in-  
quit, secus ad te de illo scripsit, aut si coram locu-  
tus est. OCCULTAS hominum uoluntates,  
multiplicesq; naturas ] eandem fere sententiam  
translatis uerbis exornat in epistola ad Quintum  
fratrem: Multis simulationum inuolucris tegitur,  
& quasi uelis quibusdam obtenditur uniuscuiusque  
natura. Et in oratione pro Marcello: Cum in ani-  
mis hominum tantæ latebræ sint, tanti recessus.  
TESTIMONIUM ] testes enim duntaxat ea de re,  
quæ de agitur, testimonium dicunt: cetera tacent.  
item ego, cum indicia multa ad animum Clodij pro-  
bandum possim colligere, omittam: de ipsa tantum  
re, cuius causa hanc epistolam scripsi, hoc dicam,  
Clodium de te amicissime & loqui, & sentire.



## Commentarius in lib. I.

AUCTVS Antonij beneficio est. ] causa, cur Antonium Clodius uellet saluum. quia tamen beneficium illud à Bruto simul acceperat; utrunque, si fieri posset, saluum uoluisset: quia non poterat, Brutum malebat. A T E E S T: ] quia tu simul cum Antonio beneficium illud in Clodium contulisti. quod autem beneficium hoc fuit? forsitan ipse tribunatus: quem, Antonio consule, & Bruto prætoris suffragantibus, obtinere facile potuit. I N T E L L I G I T ] qui Antonium de regno, uos de libertate cogitantes uider.

276.

QVALIS ET prudentissimus, ] qualis debet esse is, qui & prudentissimus, & idem optima fortuna sit. bonos enim ciues diligit, malos odit, qui prudens est: qui uero optima fortuna, mutationem non quærit: sicuti contra, qui fortunâ sunt deteriore, uetera odere, noua exoptant, ut ait Sallustius in Catilina. ergo, cum Clodius Antonium saluis nobis uelit saluum; nos tamen mauult; quia distinguit honestum à turpi, propter summam prudentiam; & stabilem remp. cupit, propter optimam fortunam.

C. Vibio Pansa,      cos.  
A. Hirtio,

SCRIPTA & obsignata iam epistola, ] non intelligi, quæ proxima antecedit, epistolam, temporis ratio facile declarat. illam enim Antonio & Dolabella, hanc Pansa & Hirtio cos. neque uero statim, sed

fedm  
gularat  
ME  
dem  
si, Lira  
lium,  
uerum  
uideo it  
in libro  
dierim  
exempl  
maduer  
lius De  
quando  
mnam  
mum,  
it; &  
etus a  
cervice  
auctori  
Vnum  
bium u  
nem to  
tradit  
esse pa  
immu  
à Suet  
ut mut  
gio aut  
transib  
gnoscit  
est pat



sed mensibus propemodum quatuor post initum magistratum, scriptam esse constat. **MAXIME QVE** mirabiles.] literæ mirabiles, mihi quidem non ualde satisfacit, nec usitatum puto. quòd si, Literæ plenæ rerum nouarum, maximeq; mirabilium, legas; tum uero non loquendi modo genus, uerum ipsa quoque sententia mirifice satisfaciet. Ac uideo ita scriptum esse in libro Pauli Magnuli: quo in libro solebat ille (quod ex ipso, cum uiueret, audierim) miniatulis literis ea notare, quæ in antiquis exemplaribus, contra quàm esset in impressis, animaduertat. **DOLABELLAM**] P. Cornelius Dolabella, Ciceronis antea gener, cum aliquandiu bonum ciuem simulasset, ut etiam columnam illam, Cæsari erectam, euerteret; ad extremum, corruptus ab Antonio, reip. causam deseruit; & Syriæ administratione à populo accepta, uictus à Cæsio, & Laodiceæ oppressus, seruo suo ceruicem ferendam præbuit. Hæc ex historia: quæ auctoritatibus singula confirmare, putidum uidetur. Vnum addam, patricius fuerit, an plebeius, in dubium uocari posse. uerum dubitationem prorsus omnem tollit Dio: qui, transisse illum ad plebem, lib. 42. tradit. itaque tribunus pl. fuit Cornelius, sed desijt esse patricius: sicuti & Octauios, nomine nunquam immutato, modo patricios, modo plebeios fuisse, à Suetonio docemur. non enim semper adoptione, ut mutare nomen necesse esset, sed aliquo priuilegio aut à plebe ad patres, aut à patribus ad plebem transibant. quod et Octauix gentis, & Augurini cognoscitur exemplo: qui cum esset Minucius, hoc est patricius, (Minucios enim plebeios ante nun-



## Commentarius in lib. I.

quam inueniam) tribunatum pl. tamen gessit. suspicari fortasse aliquis posset, Dolabellam ex Cornelio Liuium esse factum, mutato gentis nomine Liuiæ testamento; qua de re in epistola ad Atticum 106: ideoq; cum Liuij essent plebeij, tribunum pl. fieri potuisse. sed inuenio illum Cornelium, non Liuium, aliquot annis post epistolam illam à Cicerone de Liuiæ testamento scriptam. nam ep. fam. 219: P. Cornelium uocari dicit eum, qui Dolabellæ beneficio ciuitate à Cæsare, uicto iam Pompeio, donatus erat. & Dio eo, quo diximus, loco, P. Cornelium Dolabellam, neque prænomine, neque nomine, neque cognomine immutato, tribunum pl. appellat. Ex Asia fugere] ex Asia cedentem Dolabellam, & in urbem Laodiceam receptum, C. Cassius, cui Dolabellæ oppugnandi curam senatus mandauerat, cum XII. legionibus obsedit. Appianus.

Cum tveò] Dictum paulo durius uideri potest: cum neque Cicero ipse eodem modo locutus alibi sit, neque quisquam, quod sciam, de ijs, qui optime latine scripsisse existimantur. at si, Eò haberes, ita accipias, quasi, prope eum locum haberes; ferri fortasse posset: ut genus loquendi, quale illud, sit, cum dicebant, esse ad urbem, hoc esse prope urbem.

APOLLONIA, DYRRHACHIOQVE] ubi suas copias eo consilio Brutus continuerat, ut, si forte Antonius ad Mutinam exercitum reip. fugasset, quamprimum eas in Italiam ad tuendam remp. posset traicere.

ANTONII] Marci; quem D. Brutus Mutina, ubi ab eo per aliquot menses obsessus fuerat, erumpens, & cum eo Pansa, & Hirtius Consules, adhibito

bico  
a o m  
non et  
I E R  
natus  
dixerit  
promp  
præcipi  
du sub  
que se  
perfolu  
quinou  
bare po  
qui uel  
ximas  
nor, C  
quos et  
ille qui  
nem in  
ter recti  
citare  
minime  
ritu in  
qui con  
italare  
teret.  
concit  
potest  
partib  
autem  
ritas, q  
prum le



bito Octauiano, acie fuderunt. POPULI  
 ROMANI uictoria ] ciuis enim loco Antonius  
 non erat, hostis iam à senatu iudicatus. SC E-  
 LERATISSIMO hosti ] Dolabellam quoque se  
 natus in hostium numerum retulerat. itaque cum  
 dixerit, hosti, uere dixit: cum, sceleratissimo, de-  
 promptis maledictum ex ipsius pessime factis, ac  
 præcipue ex C. Trebonij cæde; quem Smyrnæ, no-  
 ctu subito aduentu oppressum, occiderat. infra quo-  
 que scelus ei attribuit, cum ait: Ut sceleris pœnas  
 persoluat. LV D I B R I O ] qui se putaret cum  
 quinque legionibus, populi Romani imperium tur-  
 bare posse. T V A dignitate, ] dignitas est in ijs,  
 qui uel summos magistratus administrarunt, uel ma-  
 ximas res pro patria gesserunt. primum illud, ut opi-  
 nor, Cicero non spectauit, cum dixit, dignitas:  
 quos enim magistratus Brutus gesserat? præturam  
 ille quidem, sed & à Cæsare datam, nec tamen om-  
 nem in ciuitate. nam post idus Martias, paucis in-  
 teriectis diebus, metu Antonij, plebisq; ab eo con-  
 citatæ, urbe excessit: ut per tres menses integros  
 minime præturam exercuerit. alterum igitur, de me-  
 ritis in remp. significasse potius uidetur, cum eius,  
 qui ciues suos à tyrannide uindicasset, dignitas po-  
 stularet, ut idem hostem populi Romani bello pe-  
 teret. D E A N T O N I I S ] illam seditionem  
 concitauit C. Antonius Marci frater, cum esset in  
 potestate Bruti. itaque expono, De Antonijs, de  
 partibus Antoniorum fratrum subleuandis. Quod  
 autem infert, Magis mihi probatur militum seue-  
 ritas, quàm tua; significat id, quod à Dione scri-  
 ptum legimus; cum milites ipsi, qui seditionem fe-  
 cerant,



## Commentarius in lib. I.

erant, ut delictum suum quodam modo corrigerent, seditionis auctores occiderunt, quaestoremq; etiam & legatos C. Antonij ad necem depoposcerunt: quos Brutus, ad clementiam magis, quam ad seueritatem, propensus, nauibus impositos, quasi mox mari demersurus, male de se meritos tamen seruauit: ipsiq; etiam Antonio, cuius opera bis iam conflata seditio erat, iterum pepercit. Miror autem quid sibi uoluerint, qui hoc loco pro Antonijs Antonios, & nullo sensu, & contra ueterum librorum fidem, reposuerunt.

BENEVOLENTIAM exercitus, ] Credo, cum auctores seditionis occiderunt, quo benevolentiam erga Brutum declararent.

PROVIDISSE, ] operam dedisse, & à senatu impetrasse, ut decreta nostra ne expectares, ipse ad arbitrium tuum, uti res poscere uideretur, bellum administrares.

VT NUNC iudico, ] quia uideo, ex ijs rebus, quas geris, multum accessurum ad dignitatem tuam. tunc id esse è rep. intelligebam, nunc è tua etiam dignitate iudico futurum; cum ita te & copijs instructum, & animo paratum uideam, ut et remp. in libertatem uindicare, & te ipsum laudibus illustrare possis.

MAXIMO OCIO ] ita ueteres libri, sine dubio, mendose. quid enim elicitur sententiæ? ego mallet, Maximo animo, non omnino procul à uetere scriptura. nam si, animo, tribus duntaxat literis, linea superimposita, scribas, sic, aïo; neque contra consuetudinem facias, & facilem fuisse ex, aïo, in, ocio, mutationem, facile perspicias.

277.

ANTONIOS, ] tres fratres, Marcum, Caium, Lucium

Lucius  
xime  
clemen  
rior ut  
ciem  
sed re  
fuit per  
tem me  
quam se  
conciat  
dem cul  
Mi h  
grece d  
gras est  
est in  
dem d  
" Ma  
" emenda  
rut. Pla  
Mih  
uersus  
test. it  
nis loc  
cem  
laris a  
nam,  
singul  
sæ aue  
in eam  
rum in  
Immit



Lucium : qui ut hostes à senatu iudicarentur , maxime Ciceronis opera est perfectum . NEQVE clementiæ tuæ concedo . ] neque concedo , clementior ut ipse sis , quàm ego sum . INANEM spe-

ciem ] est enim clementia specie quidem præclara , sed re ipsa non nunquam perniciofa . qui enim ita sunt perdit , ut ne beneficio quidem affecti prauitatem mentis exuere possint , præstat eos tollere , quàm seruare . Brutus tamen , cum C. Antonio de concitata seditione pepercisset , iterum ei , in eiusdem culpæ crimine deprehenso , ueniam tribuit .

MIHI quidem &c. ] quod in epistola ad Atticum græce dixit , βιβιωται ; hic latine , Plautinis uerbis , acta ætas est . et inter illum locum , & hunc aliquantum est in sententia similitudinis . ibi enim , Mihi quidem βιβιωται ; uiderint iuuenes : hic ,

» Mihi quidem ætas acta ferme est ; tua istuc  
» refert maxime .

emendandi autē sunt , qui typis impressi cirūferuntur , Plautini libri . nā , ut in ijs nūc omnibus legitur ,

Mihi quidē ætas acta est ; tua istuc refert maxime ; uersus neque iambicus esse , neque trochaicus potest . itaque dictio , ferme , illuc est ex hoc Ciceronis loco transferenda .

SENATVS du-  
cem ] se ipsum designat : cuius fuit in senatu singularis auctoritas .

EXORACULO ] uere : nam , ut Cicero futurum prouidit , ita cecidit . in quo singularem illius prudentiam licet agnoscere . Causæ autem , in quas intuens mouebatur , ut assiduus , & in eam sententiam accuratissime scriptis literis Brutum in Italiam accerseret , huiusmodi ferme erant . Imminebat M. Antonius libertati , pecunijs , quas de templo



## Commentarius in lib. I.

templo Opis abstulerat, & legionibus, quas è Mæcedonia in Italiam euocauerat, instructus. præsidium reip. in quatuor maxime hominibus erat, in D. Bruto, qui Galliam cisalpinam, à senatu datam, administrabat; in adolescente Octauiano, qui priuato consilio exercitum comparauerat; in consulis, Pansa, & Hirtio, qui, delectu acerrime habito, eas collegerant copias, quæ ad impetus Antonij reprimendos sufficere uiderentur. Quid igitur erat, cur Brutum Cicero, quasi publicæ causæ diffidens, tam sæpe, tamq; uehementer, ut in Italiam ueniret, hortaretur? Primum incertos belli casus, Martemq; communem extimescebat: itaque, si quid accideret, adesse Brutum, quò ciuitas, perditis rebus, tanquam ad arcem, confugeret, exoptabat. deinde non admodum erat, cur ab ipsis ducibus confideret. D. Brutus bene ille quidem de rep. sentiebat; nec erat quidquam de illius uoluntate dubitandum: sed eius exercitus etsi numero amplissimus, firmitate tamen erat exiguus; quippe qui magnam partem ex tironibus constaret. tres reliqui suspecti esse poterant; Octauius, quòd esset à C. Cesare adoptatus, quòdq; ueteranis fere Cæsaris militibus uteretur; Pansa & Hirtius, quòd Cæsarianas partes ciuili bello semper fouissent, & à Cæsare magnis beneficijs ornati, percussores illius, Brutum & Cassium, libertatis auctores, nequam amare possent. atque hanc animi uoluntatem Pansa, diuturna simulatione obtectam, aperuit ultimo uitæ die; cum ex illis uulneribus iam iamq; moriens, quæ aduersus Antonium pugnans accepisse pro rep. ac libertate uidebatur, Octauium, lectulo assistentem,

assiste  
nam  
ipsum  
teries  
conu  
scend  
romus  
defect  
Bruti  
uincere  
nit, Ci  
stanc  
coacta  
culo A  
nim su  
Anton  
perma



assistentem, multis uerbis est cohortatus, ut, quoniam, quicquid resp. uirium habuerat, totum id ad ipsum unum, profligato Antonio, consulibus interfectis, infirmo D. Bruti exercitu, belli fortuna contulisset, occasione uteretur, & de patris ulciscenda nece consilium susciperet. Siue igitur Antonius uicisset, præcauendum erat, ne uacuum ac destitutam in rep. uictor irrueret: quod malum Bruti præsentis exercitus arcere poterat: siue, ut uinceretur, casus tulisset; id ipsum plane, quod euenit, Cicero metuebat; ne non satis in ijs esset constantiæ, ac fidei, quibus ipsa se resp. necessitate coacta commiserat. Vere igitur dixit, Hæc ex oraculo Apollinis Pythij edita tibi puta. aduentum enim suum in Italiam Brutus ita distulit, ut spatium Antonio & Octauio dederit cocundæ in publicam perniciem societatis.

EPISTOLA

Commentarius in lib. I.

EPISTOLA II.

Pansa consule, Hirtio interfecto.

277.

**G** **E** **S** **T** **A** sunt.] ad Mutinam; cum  
duo consules, Pansa & Hirtius, &  
pro prætore Cæsar Octavianus cum  
Antonio pugnarunt. **S** **A** **E** **P** **E**  
scripsi] fortasse, quod eorum volun-  
tatem suspectam haberet M. Brutus; qui eos C.  
Cæsar, olim contra rep. pugnantis, in præsidii  
fuisse meminisset. **I** **N** **D** **O** **L** **E** **S** **V** **I** **R** **T** **V** **I** **S** **]** uirtutem enim uiris attribuimus, indolem  
pueris, & adolescentibus. et quanquam Octavia-  
nus è pueris iam excessisset, tamen ad earum rerū,  
quas contra Antonium pro rep. gesserat, maiorem  
admirationem sæpe puerum Cicero appellat, ut in  
epistola ad Cornificium: Puer egregius præsidium  
sibi primum, & nobis, deinde summæ reip. compa-  
rauit. Et in alia ad D. Brutum: Ne adolescentem,  
uel puerum potius Cæsarem iudices temere fecisse.  
& Philippica IIII. Laudo, laudo vos Quirites,  
cum gratissimis animis prosequimini nomen claris-  
simi adolescentis, vel pueri potius. **H** **O** **N** **O** **R** **I** **B** **V** **S**] non præsentibus: magistratum enim nul-  
lum adhuc gerebat, tantum erat pro prætore: sed  
iis, quos, uideo fore, ut optime de rep. meritis asse-  
quatur. **G** **R** **A** **T** **I** **A**] quia nihil extraordina-  
rium in libera ciuitate sperare quisquam potest,  
nisi gratia ualeat. recte igitur honores, & gratiam  
coniunxit,



coniunxit : quòd utrunque animos facere potest male cogitanti . GRATIA , ] ex amicitiiis, propinquitatibus, clientelis Cæsaris mortui collecta . PERSVASVM EST ] hoc illi persuasum non esse, magis è rep. fuisset . hæc enim illum ad immoderatam potentiæ cupiditatem extulit opinio . ANTONIVM ] cum Macedonicis legionibus Brundisio redeuntem . epist. fam. 197 : & Philippica I I I . 184 . & I I I I . 192 . & V . 200 . ANTE hanc rem pulcherrimam ] ante prælium Mutinense . EFFVNDEBAT : ] cum ad te in Macedoniam trajcere decreuisset, si Antonius pugna vicisset . Idem scribit ad C. Cæsium his verbis : Brutus Mutinæ vix iam sustinebat : qui si conseruatus erit ; vicimus : sin ; quod dii omen auerant ; omnis omnium cursus est ad vos . AD XII . CAL . MAII : ] quo die de profligatis Antoni copijs nuncium accepit .

277 :

IN CAPITOLIVM ] vt Ioui Opt . Max . propter victoriam gratias agerem . IN ROSTRIS COLLOCATVS ] vt inde Pansæ literas de victoria recitaret . quod ab ipso factum tradit Appianus lib . 3 . Illud addo, de Rostris verba facere priuato cuiquā non licuisse, nisi magistratus ei concionem daret . COLLOCATVS igitur, concione à magistratu data . GRATIARVM actio, ] quòd eo auctore bellum contra M . Antonium decretum susceptumq ; esset, ut Philippicæ orationes declarant . POPVLAREM me esse ] quod alioqui in malam partem accipi soleret . nam fere ad seditiones excitandas, & statum reip . perturbandum, populi



## Commentarius in lib. I.

populi studium quærebatur. sed, popularem esse in populi salute, præclarum est: ut ipse in quadam epistola, Facti iam sumus in re salutari populares.

**LIBERALITAS**] liberalitatem posuit pro clementia: quia capto C. Antonio, & seditiones concitanti, Brutus tamen pepercerat. quem ut occideret, dicitur à Cicerone literas accepisse, ut apud Plutarchum legimus. **VNAM** & eandem esse causam.] hostium loco omnes pariter esse habendos. quod si ita est, cur tu C. Antonium seruas? cum ipsi Marcum & Lucium, eius fratres, armis persequamur.

**CONSULES** duos] Hirtium & Pansam. **DUNTAXAT BONOS:**] non etiam fortes & strenuos: quoniam uterque ceciderat. bonos autem, bene sentientes. **HIRTIVS** quidem] corrigit quod dixerat, Duntaxat bonos: sed corrigit tantum modo quod ad Hirtium attinet. **FUGERAT:]** Bononiam. Appianus. **FERRE NON POTUIT]** ideo bonus magis, quàm fortis. **PERSEQVITVR,]** lentius tamen, quàm oportuit: quod habuit spatium Antonius sui recreandi. uide infra, & epist. fam. 173.

**SIVE** captiuos, siue dediticios] rursus ad C. Antonium redit. fuit enim grauisimum Ciceronis odium in Antonios. Adiungit autem, Siue dediticios, quia non prælio captus erat C. Antonius à Bruto, sed se ipse dediderat. leniores autem in dediticios, quàm in captiuos, debemus esse. sed omnium eandem esse causam Cicero uolebat, odio uidelicet permotus: quod tamen dissimulat duobus modis, primum, cum interpretationem illam alijs ascribit; deinde, cum infert, Nihil differui durius.

EPISTOLA

vianus  
qui eum  
pugnare  
batur,  
quam si  
I v d  
aut ad  
bus, q  
non int  
mea po  
nari,  
Q v o  
Anton  
aut po  
facio, e  
liquide  
præripe  
Non ac



EPISTOLA III.

278.

Nullis consulibus, cæsis  
Pansa & Hirtio.

B

RVTI nostri, & consulum, ] De-  
cimi Bruti, & Hirtij, & Pansæ,  
consulum; qui Antonium pugna  
uicerant. et obseruandum, cum  
eius particeps uictoriæ Cæsar Octa

uianus fuisset, tamen hic à Bruto non nominatum;  
qui eum & ut Cæsar filium odio prosequeretur, &  
pugnare contra Antonium non tam pro rep. ut vide  
batur, quam priuatæ potentæ causâ suspicaretur.  
quam suspicionem res ipsa deinde comprobauit.

I V D I C I V M esse de ijs ciuibus, ] ad senatum,  
aut ad populum R. spectare, ut iudicet de ijs ciui-  
bus, qui M. Antonium in bello secuti, pugnantes  
non interierint. itaque ego de C. Antonio, qui in  
mea potestate est, per me ipse non statuam: sed se-  
natui, aut populo R. iudicandum relinquam.

Q V O D enim non senatus censuit, ] cur ego in C.  
Antonium durius aliquid statuam, cum id senatus  
aut populi R. iudicium esse debeat? iustissime igitur  
facio, cum in eum, ut in hostem, non animaduerto:  
siquidem senatui, aut populo R. suam potestatem  
præripere non debeo.

R E S non coegit, ]  
Non accidit, ut ego eum occiderem: quoniam se

D ipse

rem esse in  
in quadam  
populares.  
a potuit po  
& seditiones  
quem ut pot  
pulle, ut apu  
eandem est  
ter esse habet  
omium totius  
tres. arma po  
] Hirtium  
non etiam in  
scelerat. bonu  
I V I quidem  
nos: sed com  
minet. Fv q  
ne non va  
rit. P e r i  
oportet: quid  
randa. unde n  
camoros, ius  
randa. ius etiam  
memos. Ad  
non prolo es  
e igitur decile  
tiam in cura  
idem esse cou  
re permoran  
is, primum  
bit; deinde,  
ISTOLA



## Commentarius in lib. I.

ipse mihi, eiusq; legio tradidit. QVID QVAM  
ERIPVI:] hoc ideo dicit, quia ornamenta milita-  
ria illi reliquerat. Plutarchus. DISSOLVTE:]  
neque crudelis in eripiendo fui, neque dissolutus in  
remittendo: custodiui enim illum diligenter. QVO-  
AD BELLVM FVIT:] in Italia. quasi nunc, M.  
Antonio deuicto, belliq; timore sublato, de Caio  
dimittendo, aut certe Romam mittendo Brutus co-  
gitet. quem tamen non multo post, cū de Ciceronis  
& Decimi Bruti nece cognouisset, occidi iussit. Plu-  
tarchus. TRIBVERE potentibus,] acu-  
leus in Ciceronem, qui Octavianum honoribus  
extraordinarijs ornabat. Quod autem pro, poten-  
tibus, in Bestarionis antiquo libro scriptum est,  
petentibus; respuo. nam tum in uoce, potentibus,  
Bruti, de libertate admodum timentis, animus ma-  
gis exprimitur: tum relatio illa, miserorum, &  
potentibus, uim in sententia, concinnitatem ha-  
bet in uerbis. CVPIDITATEM, & arro-  
gantiam] Cupiditas & de bonis, & de improbis ho-  
minibus usurpatur: ipsa per se neque turpitudinem  
habet, neque laudem. addit igitur, Et arrogantiam;  
quod potest aliquis cupere, quæ non licet, neque  
tamen ea per arrogantiam occupare. TRA-  
DVCI ad mala consilia] uerus uates de Octa-  
uiano. LARGITIONIBVS:] honoribus,  
qui supra modum deferantur: quibus, etiam qui  
recte sentiat, non nunquam corrumpitur, & depra-  
uatur. ubi enim maiorem aliquam potentiam nacti  
sumus, tantum abest ut humilia cogitemus, ut etiam  
ad altiora animum extollamus. Est autem hic largi-  
tio, in tribuendis honoribus nimia liberalitas. nam  
lar

largi  
N  
rem  
nus,  
ne, di  
ur Oct  
stat.  
nobis  
ribus et  
aduerte  
masse,  
quam,  
Q  
orator  
tam ill  
tur. I  
stor:  
ostendi  
pruden  
quis be  
ctum e  
ne ani  
mus ex  
res  
scriptu  
Tux ui  
tio; ne  
recepta  
non ui  
mendi,  
animo



largitio pecuniæ locum hic habere non uidetur.

278:

NE V SEMPER &c.] hoc dicit. Cæsarem occidimus; sed regiam potestatem M. Antonius, Cæsare nequior, assumpsit. ita uidendum est, ne, dum in Antonio tollendo sumus, hæc sit causa, ut Octavianus, potentia elatus, Antonio peior existat.

NE QVE opinantibus, aut patientibus nobis] siue id nobis non opinantibus, siue patientibus euenerit. æque enim nobis uitio dabitur. Et aduerte, hanc loquendi consuetudinem ueteres admasse, ut libentius dicerent, Neque opinanti, quàm, non opinanti; ut exemplis intelligitur.

QVANTA maxima] antiqua locutio, ut de oratore lib. 1. M. Cato eloquentia tanta fuit, quantum illa tempora, atque illa ætas ferre maximam potuit. Dixit etiam Celsus, non malus latinitatis auctor: Ut tumor, quantus maximus esse potest, se ostendat. Et ipse Brutus infra, 287. SED etiam prudenter] subaudi, sentiendo. potest enim aliquis bene sentire, nec tamen prudenter. quod obiectum est Ciceroni; quasi, cum in remp. optime fuerit animatus, ei tamen male consuluerit, quia nimis extulit Octavianum.

TVAE VIRTUTES]. In Bessarionis libro, Tuæ uirtutis, uideo scriptum esse, & coniungi cum sequentibus: ut sit, Tuæ uirtutis unum hoc. Mihi; ut dicam, quod sentio; neque scriptura uetus, neque impressis libris recepta satis probatur. vetere quid significetur, non uideo. recens primum non caret suspitione mendii, quod ab antiqua discrepat: deinde occurrit animo quiddam fortasse probabilius. periodum

D 2 enim



## Commentarius in lib. I.

enim libentius ita concluderem; Alia omnia sic ad-  
sunt, ut cum quolibet antiquorum comparari pos-  
sint. Tuæ uirtutes, additum fortasse est, ut, quæ-  
nam essent illa, quæ cum quolibet antiquorum  
comparari possent, exponeretur. GRATO

animo, liberaliq; profectum, ] Laudem cum turpi-  
tudine coniungit, quo sit reprehensio tolerabilior:  
quod ingenij, atque artis est. Et in cohortationi-  
bus, præceptum Ciceronis est, in epistola ad Trebo-  
nium, ut laudes eum, quem cohortere. sic Brutus Ci-  
ceronem primum laudat ut gratum & liberalem, de-  
inde reprehendit ut minus cautū, nec satis in tribuen-  
dis honoribus moderatum. nam ex Ciceronis sen-  
tentia senatus & lictores & cetera imperij ornamen-  
ta, nomenq; pro prætore Octauiano decreuerat:  
post uictoriam autem Mutinensem quinquaginta  
dierum supplicationes. Philippica v. & xiiii.  
& Plutarchus.

EXEMPLO, aut præsidio ]  
utrumque refertur ad illud, Male cogitantibus: ut  
tamen, male cogitantibus, ambigue dictum sit,  
hoc sensu: EXEMPLO, male cogitantibus ijs,  
qui cum dari aliquid à senatu, contra quàm legibus  
& more maiorum liceat, uiderunt, incendi facile  
possunt, ut eadem concupiscant: PRÆSIDI-  
DIO, ei, qui accepit à senatu, male cogitanti.

ITAQUE timeo &c. ] sensus hic est. cum ue-  
stris decretis locum quæstorium, & honorem pro  
prætore contra leges habuerit; uereor, ne putet se  
altius ascendisse, cum ad hos extraordinarios hono-  
res ascendit, quàm sit ascensurus, si inde ad consu-  
latum ascenderit. plus enim est ex priuato loco  
ad quæstorium, prætoriumq; ascendere, quàm ex  
quæstorio

enim  
seru  
storu  
inquit  
quod  
pidat  
Octau  
sal fier  
quall o  
tonio a  
gi, asc  
erit per  
NON  
cilius a  
Octau  
quanc  
VERE  
pe fuit  
extrum  
nes, t  
pitudin  
RIA d  
consul  
TATE  
TIAM  
faretu  
stis, f  
ctum ]  
fuluif  
retur, e  
lescent  
posset



quæstorio prætorio ue ad consularem ; cum præ-  
sertim Octavius annum ageret x i x , cum quæ-  
storum prætorumq; iura consecutus est . timeo ,  
inquit , ne plus putet esse , quod iam habet , quàm  
quod habendum restat ; ideoq; in consulatus cu-  
piditatem facile ueniat . quod ita contigit . nam  
Octavius , consulibus ad Mutinam occisis , con-  
sul fieri uoluit : quod cum non impetrasset , iratus  
quasi ob ignominiam , prodita reip. causa cum An-  
tonio ac Lepido societatem iniuit . placet igitur le-  
gi , ascensurum , pro descensurum . alioqui cum satis  
erit perplexa , tū inepta quoque videbitur sententia .  
N o n tyranno , ] regnandi enim instrumenta fa-  
cilis arripimus , si à senatu deferuntur , quod de  
Octauiano timendum est ; quàm si à tyranno relin-  
quantur : qua occasione usus est Antonius . I N-  
T E R F E C T O : ] non solum tyranno , quem imitari tur-  
pe fuit , sed eo tyranno , qui est interfectus ; cuius  
exitum timere debuit Antonius . duæ igitur dictio-  
nes , T Y R A N N O I N T E R F E C T O , altera tur-  
pitudinem , altera periculum designat . I M P E-  
R I A quælibet ] quæ restant ; præturam ipsam ,  
consulatum , a tque adeo dictaturam . F A C I L I-  
T A T E M ] in tribuendis honoribus . P R O V I D E N-  
T I A M : ] ad futura dispicienda . putas enim Cæ-  
sarem extraordinarijs honoribus , quos illi decreui-  
stis , fore contentum . T E C O N S V L E M fa-  
ctum ] scribit Appianus , Ciceronem in senatu con-  
suluisse , ut amissis consulibus Octavianus surroga-  
retur , eiq; deinde aliquis collega adderetur , qui ado-  
lescentiam illius quasi magister regere & moderari  
posset : senatum affecti ætate hominis ineptam am-



Commentarius in lib. I.

bitionem risisse. satis enim patuit, quò spectaret.  
279.

FILIVS ] filium Ciceronis, qui Athenis philosophiae operam dabat, Brutus secum abduxit, & equitibus praefecit. epist. fam. 191: Dio, Plutarchus, alij.

EPISTOLA IIII.

Nullis consulibus.

SERVILIUS etiam de Ventidio. ]  
S Seruilius Isaurici filius, is, qui C. Caesaris collega fuerat in consulatu: Ventidio Basso Mulione, qui ex humili admodum fortuna ad consulatum est euectus, primusq; Romanorum de Parthis triumphum duxit. uide Gellium lib. xv. cap. 4.  
IISDEM locis ] ubi esles. nam, utrum in Macedonia esset, nec ne, fortasse ignorabatur. non erat certe, cum epistolam proximam superiorem scripsit: cum dicat à se filium Ciceronis in Macedonia cum equitatu esse praemissum. AD FIDEM, & ad dignitatem ] cum enim tyrannum uita priuasti, quasi tuam in eo fidem obstrinxisti, eodem te in rep. animo semper futurum. persequi igitur ministros, imitatoresq; tyranni, qui tyrannum ipsum occideris, tuæ fidei videtur esse. DIGNITATEM: in primis enim hoc te decet, tuisq; praeclare factis dignum est.  
SCELERIS ] quia rep. non solum deseruit, sed

sed  
C. T.  
rere  
qued  
bono  
Anro  
fine ca  
nus ex  
gione  
gionem  
gnam  
sta v  
titeret  
com  
fuit.  
consul  
nus ab  
tribuni  
crearet  
Suevon  
Sylla e  
peam,  
histori  
tribuni  
a pont  
condit  
perpe  
quo u  
postre  
pontifi  
ta, rest  
extrem



sed etiam oppugnauit : multoq; etiam magis , quia  
C. Trebonium occiderat . H o c ] vt persequere  
Dolabellam bello . T v m : ] cum te ad perse-  
quendum Dolabellam literis hortabar . F v g a e : ]  
bonorum , si ad Mutinam secunda fortuna usus esset  
Antonius . V t s p e r o : ] dubitat adhuc , neque  
sine causa : nam Antonij equitatus integer pene om-  
nis ex praelio discesserat : praeterea Ventidius suas le-  
giones tres cum eo coniunxerat : & habebat ipse le-  
gionem secundam , & ex reliquis legionibus ma-  
gnam multitudinem . epist. fam. 161. V e -  
s t r u m collegium ] pontificum minorum . pon-  
tifex-enim erat Brutus . 285. S A C E R D O T U M  
C O M I T I I S : ] ratio creandorum sacerdotum haec  
fuit . Creati sunt à collegio pontificum usque ad  
consules C. Marium , & C. Fimbriam : qui fuit an-  
nus ab vrbe condita D C L : quo anno Cn. Domitius  
tribunus pl. lege lata instituit , vt populi comitiis  
crearentur : vt ex oratione 11. in Rullum , & ex  
Suetonio in Nerone cognouimus . rursus uictor  
Sylla eorum creandorum potestatem , populo ere-  
ptam , collegio pontificum restituit , vt ex Dionis  
historiarum xxxvii. collegimus . mox Labienus  
tribunus pl. lege Domitia renouata , ius creationis  
à pontificibus ad populum transtulit , anno ab vrbe  
condita D C L x x x x i . vt ex eodem Dionis loco  
perspicuum est . Eiusdem fere sententiae , nouo ali-  
quo iure adscripto , legem tulit C. Caesar dictator .  
postremo consul M. Antonius , qui triumuir fuit ,  
pontificibus veterem cooptandi potestatem , lege la-  
ta , restituit , vt apud Dionem legimus lib. xliiii. in  
extremo . quam tamen à Pansa consule sequenti an-

D 4 no



## Commentarius in lib. I.

no esse abrogatam, ostendimus in libro de legibus Romanis, quem propediem edituri sumus. **HABERI POSSE:**] lex quidem, quæ vetaret, non erat: consuetudo tamen non ferebat. itaque lib. II. ad Atticum, 25: Quoniam, inquit, Nepos profiscitur, cuinam auguratus deferatur. Nimirum significat, Nepotis absentis rationem haberi comitijs augurum non posse.

279:

**IN CAPPADOCIA**] quò profectus erat, specie quidem ad vota matri deorum peragenda, re vera ad bellum excitandum. Plutarchus. **LEGE Domitia**] populi comitijs, vt Cn. Domitius tribunus pl. lege sanxerat. **AVGVRI:**] augures sacerdotum numero continentur. lex autem Domitia de omnibus sacerdotijs erat. **QUI PETIT**, cuius ve ratio habebitur. qui petit, de præsentibus est: cuius ve ratio habebitur, de absentibus. **DE DOMITIO**, & de Catone nostro] altero L. Domitij Ahenobarbi, altero M. Catonis Uticensis filio, utroque ætissima affinitate Brutum attingente. nam duas Porcias, Uticensis filias, alteram Ahenobarbus in matrimonio habuerat, alteram Brutus habebat: vt etiam alio loco diximus. **ASIAM**,] non, quæ de tribus orbis partibus vna numeratur, sed, quæ provincia est Ciliciæ finitima. **COLLEGAM** sibi surrogasset] locus multis difficultatibus obstructus: quem tamen, vt spero, ita explicabimus, atque aperiemus, vt ad veritatem nemo non possit, aditu patefacto, peruenire. Ac primum illud ponatur, Ciceronem Bruto significare, vt, si eundem sibi statuit in Asiam, decernat ante de  
Marco



Marco filio , vtrum velit eum ad sacerdotum comitia Romam uenire , præsentemq; petere ; an in Asiam una proficisci . quò si proficiscatur , incommoda sequuntur illa . primum , si accersere eum ad comitia voluerimus , facultatem nobis omnem auferet locorum longinquitas . sin , vt absens petat , placebit : infirma spe nitentur : cum sint omnia præsentibus facilia , quàm absentibus . Accedit illud , quo maxime Cicero perturbatur , quia , quando futura sacerdotum comitia sint , ignorat . nam cum ea non nisi à consulibus , aut ab interrege , aut à pontifice maximo haberi possint ; consules porro hoc tempore nulli sint ; interrex creari non possit ; pontifex maximus M. Lepidus ab vrbe absit : sequitur , vt de comitiorum illorum die prorsus incerta coniectura sit . quam ob causam de filio accersendo constituere non potest . itaque totam rem ad Bruti consilium ac prudentiam reijcit . Quod autem dixi , comitia sacerdotum solis consulibus habere licuisse , aut , si consules non essent , interregi ; probatur hoc modo . Pansa viuo , celeriora omnia fuissent : mortuo , futurum , vt tardiora sint , Cicero videt . cur tardiora ? nimirum quia quæ potestas surrogandorum sacerdotum penes consules erat , ea , sublati consulibus , ad eos magistratus , qui supererant , non transferebatur . hoc ita esse , satis , vt opinor , illa verba declarant : Nunc per auspicia longam moram video . Cum igitur , præter consules , ex ordinariis magistratibus habere sacerdotum comitia nullus posset : simile veri est , ab interrege haberi ob eam causam potuisse , quòd interrex eodem , quo consules , iure esset ; vtpote qui creandis consulibus habere



## Commentarius in lib. I.

bere comitia posset. prætores autem eodem, quo  
 consules, iure non erant. nam, quamvis collegæ  
 consulum dicerentur, minime tamen consularia co-  
 mitia, ac ne prætoria quidem, habere poterant.  
 quod à Messalla in libro de auspicijs traditum, obser-  
 uauimus. longæ igitur moræ, quam Cicero timet,  
 hæc est causa; quòd, extinctis consulibus, neque  
 magistratus tunc erat, qui sacerdotes comitijs ro-  
 gare posset; & interrex toto anno creari à senatu  
 non poterat. sic enim mos maiorum obtinuerat,  
 vt, cum nullus iam esset patricius magistratus, tunc  
 demum interrex à senatu crearetur. at hoc anno,  
 mortuis Hirtio & Pansa consulibus, alij tamen su-  
 pererant patricij magistratus, vt prætores, ædiles  
 curules. ita nodus erat difficilis: quia neque præ-  
 tor, aut ædilis curulis habere sacerdotum comitia  
 poterat; & qui potuisset, interrex, is ne creari pos-  
 set, eorum causa fiebat. auspicia enim, quibus eum  
 patres creare soliti erant, (nihil enim, neque publi-  
 ce, neque priuatim, maioris rei, sine auspicijs, apud  
 veteres gerebatur) redire ad ipsos non poterant,  
 dum vel vnus esset patricius magistratus. expectan-  
 dum igitur erat, donec patricij magistratus annuo  
 munere essent perfuncti. tunc enim creatus inter-  
 rex à patricijs senatoribus comitia primum consu-  
 libus rogandis, deinde sacerdotibus habuisset. Aut  
 intellige sic. Comitia primum consularia interrex  
 habuisset, deinde consules creati sacerdotum co-  
 mitia ipsi habuissent. quod similitudinem veritatis  
 maiorem habet: vt interregis vna cura de rogandis  
 consulibus esset; consules deinde reliqua perfice-  
 rent. Quæri potest; cur, quemadmodum Crispi-  
 nus

nus e  
 temp  
 libus  
 suis,  
 dicitur  
 quo de  
 lum, q  
 ta pol  
 ra. no  
 statore  
 nus co  
 s a vi  
 nens p  
 cum H  
 x i a,  
 de con  
 bant, i  
 à C. C  
 Hirtius  
 Plancus  
 fuisse  
 lum re  
 poni,  
 c e m  
 stratus  
 esset  
 auspici  
 bant,  
 ferri p  
 sunt,  
 stratus  
 ciornat



nus consul morti proximus, secundi belli Punici temporibus, dictatorem dixit; ne resp. sine consulibus esset, ( iam enim & M. Marcellus, collega ipsius, interfectus erat ) itidem Pansa, summo in vitæ discrimine constitutus, dictatorem non dixerit; à quo & consulum, & sacerdotum, aut saltem consulum, qui deinde sacerdotes rogarent, haberi comitia possent. Hanc dubitationem facile tollit historia. non enim, quo tempore Pansa petijt, creari dictatorem licebat: cum dictatoris nomen M. Antonius consul funditus iam è rep. sustulisset. Pansa viuo] is Bononiæ perierat ex vulneribus Mutinensi prælio acceptis. S V R R O G A S S E T, ] in locum Hirtij eodem prælio interfecti. P R A E T O R I A, ] designandis insequentis anni prætoribus. de consularibus comitijs, quæ ante prætoria fiebant, ideo non meminit, quia designati iam erant à C. Cæsare, Parthicum bellum cogitante, qui post Hirtium & Pansam consules essent, L. Munatius Plancus, & D. Iunius Brutus. Et prætorijs antecessisse sacerdotum comitia, quòd deorum immortalium religionem rebus humanis æquum esset anteponi, vel hic locus perspicue demonstrat. S A C E R D O T V M comitia ] hæc non, ut magistratum, quotannis, sed, cum surrogandus aliquis esset in demortui locum, habebantur. P E R auspicia ] quæ ad patricios magistratus pertinebant, nec ad senatum, nisi cum ij non essent, transferri poterant. V N V S ] quasi dicat, duo nunc sunt, prætor, & ædilis curulis. patricij enim magistratus dicebantur ij, qui, maiorum ætate, patriciorum causa ex gentibus patricijs erant instituti.

A D



## Commentarius in lib. I.

**AD PATRES** ] non dicit, ad senatum, in quem non soli patricij, sed plebeij quoque, in primisq; qui ex equestri essent ordine, legebantur; sed, ad patres: quòd, à solis patricijs senatoribus creari interregem, moris esset. et quanquam, patres, interdum pro vniuerso senatu vsurpatur; proprie tamen de patricijs dicebatur; quibus aditus in senatum initio solis patuit. itaque in epistola ad Pætum, **Ad patres**, inquit, censeo, reuertare: plebeij quàm improbi fuerint, vides: cum de patricijs Pæti maioribus intelligeret. **REDIRE** ] tunc redeunt, cum, in magistratibus nullis dum designatis, quod sæpe ciuium in dissensionibus contigit, annus abiit.

## EPISTOLA V.

### Nullis consulibus.

**G** **RATIAS** agam. ] quòd eam sententiam dixisti, qua mihi honorificentius nihil esse potuit, vt meum esset liberum iudicium de bello gerendo. **AVT AD** commendationem honoris ] vt, si comitia sacerdotum essent, peteret: si non essent, honorem suum ad insequentis anni comitia commendaret: quibus absens peteret, ne abesset ab exercitu, tam necessario reip. tempore.

280.

**IN SVSPICIONEM** ] legimus & apud Suetonium, suspectam Pansæ mortem fuisse, medicumq;

cumq;  
vulnet  
ro pot  
Appia  
quebat  
sulem  
ritatem  
LEV S  
nonem  
FONT  
occider  
thynian  
lib. III.  
exercit  
illa Phi  
mentio  
Nec  
in fide  
uitas, u  
Atticum  
rhachin  
cio: D  
contem  
distat a  
,,  
,, Pe  
CAND  
distare



cumq; Glyconem custoditum esse, quasi venenum  
vulneri indidisset. **TORQUATO:**] cur Torqua  
to potissimum? quia Pansa quæstor fuerat, ut ex  
Appiano cognouimus; consulisq; sui mortem perle  
quebatur, pro ea necessitudine, quæ inter con  
sulem & quæstorem fuit: quam ad paternam ca  
ritatem accessisse, traditum est. **ACHIL  
LEVS]** pro, Achilles: ad græcam inflectendi ra  
tionem, ut cum dixit, Achilleos nostri. **TRE  
BONII]** quem Asia præfectum Dolabella Smirna  
occiderat. **TULLIO:**] Tullio Cimbro, qui Bi  
thyniam administrabat. Dio lib. XLVII. Appianus  
lib. III. Plutarchus in Bruto. **FLAVIVS:]** in  
exercitu Bruti opificum præfectus: quo in extrema  
illa Philippenfi pugna cæso, dicitur Brutus in illius  
mentionem vehementer suspirasse. Plutarchus.  
**NECESSARIIS tuis]** erat enim Dyrrhachium  
in fide Ciceronis. itaque lib. XIII. ad Terentiam, Ci  
uitas, inquit, hæc semper à me defensa est. Et ad  
Atticum lib. III. Quod mei studiosos habui Dyr  
rhachinos, ad eos perrexi. Et in oratione pro Plan  
cio: Dyrrhachium, quod erat in fide mea, petere  
contendi. **IMAM]** ultimam: quæ longissime  
distat ab urbe Roma. sic Horatius,  
,, - hæc Ianus summus ad imum  
,, Perdocet.  
**CANDAVIAE]** cuius montes Dyrrhachio LXXIX.  
distare, Plinius tradit.

EPISTOLA



Commentarius in lib. I.

EPISTOLA VI.

Nullis consulibus.

**B** **IBVLVS**] Bruti priuignus. fuit enim M. Calpurnij Bibuli, qui C. Cæsaris collega fuerat in consulatione, ex Porcia filius; quæ post obitum prioris viri Bruto nupsit. Sed videntur duo Bibuli sacerdotium cupuisse, ut est 284. Brutus autem priuignum solum commendauit. Plutarchus in Bruto, & Catone. Et, hunc de M. Bibuli liberis primum non fuisse, prænomen ipsum declarat. fuisset enim Marcus, non Lucius, ex vetere consuetudine. Marcus autem, ut opinor, perierat aliquanto ante, interfectus à Gabinianis militibus. Valerius cap. i. lib. iii. **CVIVS** tantæ pro rep.] hæc verba indicant, cum dixit, Quam carus mihi esse debeat, non significasse propter affinitatem, sed propter Bibuli virtutem studiumque erga salutem reip. **SIMODO** iusta est, aut pro officio &c.] cum dixit, **IUSTA**, ad virtutem Bibuli spectauit; quam ornari, iustum erat: cum, **PRO OFFICIO NECESSARIO**, ad necessitudinem, qua Bibulum attingebat: ut vel hoc nomine eius causa velle cogeretur. **IN PANSÆ** locum] ut pontifex minor creetur. 284. auctor rhetoricorum ad Herennium itidem locutus est lib. i. Augur damnatus de pecunijs repetundis, in demortui locum qui petat, nominauit. quam loquendi rationem

nem q  
100  
non m  
tudine  
bris sci

No  
Cicero  
minatus  
aplurib  
APPV  
tare App  
nere inf  
BRAB  
dabirur  
causa sci  
MITT  
minions  
Quintus  
canto C  
distingo  
DERE  
test euad  
tur. quæ  
Cicero  
par; sed  
let, eos



nem qui non intelligebant, pro, IN PANSÆ  
LOCVM, fecerunt, IS PANSÆ LOCVM,  
non modo contra veterem latine loquendi consue-  
tudinem, verum etiam contra quàm in antiquis li-  
bris scriptum est.

280:

NOMINATIONEM] vt tu de eo referas. sic  
Cicero auguratum petens, à duobus auguribus no-  
minatus erat, Pompeio & Hortensio. neque enim  
à pluribus licebat. Philippica II. & de claris orat.  
APPVLEIVM vero] quasi Ciceronis auctori-  
tate Appuleius magis, quàm Domitius, egeret, ge-  
nere inferior, & patre natus minus nobili. CELE-  
BRABITVR:] laudabitur à me, tibiq; commen-  
dabitur. quasi dicat: Sed hæc epistola Bibuli solum  
causa scripta est: neminem admisceo. DI-  
MITTERE ex sinu,] ita loquimur de ijs ho-  
minibus, aut rebus, quæ nobis carissimæ sunt. ad  
Quintum fratrem lib. II. 317. Iampridem istum  
canto Cæsarem. mihi crede in sinu est, neque ego  
discingor. EX QVANTO POTEST EVA-  
DERE:] ex tanto viro, quantus iam est, facile po-  
test euadere, qui vestras paucorum laudes assequa-  
tur. quasi & magnus vir esset Bibulus, nec tamen  
Ciceronis adhuc paucorumq; similium laudibus  
par; sed qui, cum in via virtutis tantum processis-  
set, eos aliquando assecuturus videretur.

EPISTOLA



Commentarius in lib. I.

EPISTOLA VII.

Nullis consulibus.

**S** **E**QVITVR iudicium tuum;] volunt omnes boni idem, quod tu, remp. liberari: in eoq; te ducem sequuntur. **M**VNICIPEM Sueslanum] cum duæ sint Sueslæ, Arunca, & Pometia; utram intelligit? Pometiam. nam Aruncam fuisse coloniam, non municipium, ex Velleio cognoscitur. **M**ETELLO imperatore] qui à Creta deuiçta Creticus est cognominatus, & cum **Q.** Marcio Vatia consulatum gessit. Plutarchus in Pompeio. **O**CTAVVM principem] in quavis legione erant, ætas prima, triariorum; altera, principum; tertia, hastatorum; vltima, velitum: quæ, velitibus exceptis, diuidebantur singulæ in decem centurias: singulis autem centurijs primarij centuriones præerant: eaq; in triarijs ita appellabantur, primum pilum, secundum pilum, tertium pilum, & deinceps vsque ad decimum pilum; in principibus, primus princeps, secundus princeps, vsque ad decimum; in hastatis, primus hastatus, secundus hastatus, item vsque ad decimum. duces appellabantur, primi pili centurio, primi principis centurio, primi hastati centurio, & ita vsque ad decimum. velites vero in has triginta centurias prorata parte distribuebantur. Nasennius igitur octavum principem, idest octauam centuriam principum,



pum, duxerat sub Metello Pio, Numidici filio. Polybius, Cæsar, Linius, & alij.

## EPISTOLA VIII.

## Nullis consulibus.

VNGERER officio,] Assequi non possum, qua in re tantam iacturam fecisset Brutus, aut quod accepisset tantum vulnus, vt hac tam exquisita consolatione indigeret. suspicarer aliquid de Porcia vxore, quam Nicolaus philosophus ex quadam epistola, quæ Bruti nomine circumferebatur, viuo adhuc marito mortem sibi conscivisse, colligebat; nisi & graniter Plutarchus illam Nicolai opinionem conuelleret, & ego alia haberem argumenta, quibus, hanc epistolam nullo modo ad Porciæ mortem referri posse, facile intelligo. nam, vt alia omittam, Brutus ipse infra ad Atticum scribens, Valetudinem, inquit, Porciæ meæ tibi curæ esse, non miror. Neque vero est, quod quisquam dicat, fieri posse, vt inuersus sit ordo epistolarum; vtq; illa Bruti ad Atticum, quæ posterior legitur, ante hanc tamen scripta fuerit. etenim, cum hæc à Cicerone scripta est, nondum erat ab Octauio superatus Antonius. id vel ex eo intelligi potest, quod ad finem ita scribit: Nos te, tuumq; exercitum expectamus: sine quo, vt reliqua ex sententia succedant, vix satis liberi videmur fore. Nempe igitur adhuc in ambi-

E guo



## Commentarius in lib. I.

quo res erat. at vero illam alteram, superato iam Antonio, scriptam fuisse, nemo ignorare potest, qui eam legerit. Quare, ut dixi, de Porciae morte non est cur possimus intelligere. Quid igitur? omnino sciri posse non arbitror: nisi, quidquid est, magnū aliquid sit, necesse est; cum & ei Cicero nihil in terris simile fuisse dicat, & in tota epistola multa ponat, quæ insigniter magnitudinem vulneris, à Bruto accepti, amplificent. quid autem fuerit, cum diligenter & accurate cogitauerim, reperire, verum ut fatear, non queo. **I N M E O** luctu, ] in obitu Tulliolæ: quam cum illi carissimam esse constaret, susceptum ex amissa dolorē lenire literis præstantes viri voluerunt, Ser. Sulpicius, M. Brutus, Cæsar ipse, cum eo tempore in Hispania contra Pompeii liberos pugnaret. **I I S** remediis, ] rationibus & argumentis ex philosophia depromptis. **V R E S T V,** ] Quantus es tu, consuetudo amat. est igitur minus vsitata locutio notanda.

281.

**C V M** rationes, tum auctoritas tua ] hæc enim ad consolandum plurimum valent. itaque & Sulpicio per literas consolanti idem responderet lib. IIII. fam. Me non oratio tua solum, sed etiam auctoritas consolatur. Notanda sunt quasi capita quædā consolationis. **O F F I C I O,** & naturæ ] officio, quod immoderatus luctus turpis videretur, præsertim in me ipso, quem ætas, & dignitas, & res gestæ à muliebri mollitia deterrent: Naturæ, quæ moriendi legem, communem omnibus, ita sanxisset, ut abrogari nunquam posset. **P O P V L O,** & scenæ ] omnibus hominibus: quod omnia tua facta



ita æque manifesta sunt, ut ea, quæ histriones in scena, spectante populo, agunt. **FORTIORES** ceteri sumus, ] exemplo tuo, qui tyrannum occidisti, ad fortitudinem excitati. **CV** simile in terris nihil fuit ] adhuc considero, ad quem hæc verba referri possint, cum, ut ostendi, neque ad matrem possint, neque ad uxorem. **NE ID IPSVM**, ] nam, ut scripsit in **III**. Tusculana, id ipsum nihil dolere, immanitatis est in animo, stuporis in corpore. **VT MODICE**, ] doleamus.

**VI** x satis liberi ] quasi solidam libertatem præter Brutum nemo spectaret, ne ex iis quidem, qui tum reip. causam contra M. Antonium in Italia tuebantur, præsertim cum Octavius Cæsaris nomen incitare contra libertatis auctores videretur. Plutarchus etiam unum M. Brutum legitima reip. iura cogitasse tradit. scripsit idem ad C. Cassium his verbis: Ut omnia, ut spero, prospere succedant, multum interest te venire. exigua est enim spes reip. Et ad ipsum Brutum infra scribens, indicat, se non optime sperare de rep. ne hostibus quidem victis. 286. **VETRI** ] Antistio. 282: intelligit autem eas literas, quarum infra initium est, Et si daturus eram.

**E 2 EPISTOLA**



Commentarius in lib. I.

EPISTOLA IX.

Nullis consulibus.

COGNITA senatus auctoritate, ]  
occisis consulibus ad Mutinam, O-  
ctauiani potentiam senatus sus-  
pectam habere cœpit, presertim cum  
is, vt alteri è consulibus sufficeretur,  
postularet. itaque Brutum è Græcia decreto  
reuocauit, sed frustra. nam, inter Antonium, Lepi-  
dum, Octauianum conspiratione contra remp. fa-  
cta, trium virorum armis oppressa sunt omnia.

AUCTORITATE] non hic, vt alibi, senatus au-  
ctoritas à senatusconsulto differt. qui enim simile  
veri est, cum in aperto discrimine resp. versaretur,  
Octauiani opibus post Antonii fugam immoderate  
auctis, senatum in tanta re auctoritate fuisse con-  
tentum? quod, vt ostendimus in libro de senatu,  
voluntatem quidem senatus indicabat, infirmior ta-  
men erat, quàm senatusconsultum.

281.

FRANGEBANTVR] Non Octauianum desi-  
gnat, qui ab initio belli optime sentire de rep. visus  
est: nec in eum, Frangebantur, vlllo modo conuenit:  
sed Antonii studiosos maxime intelligit.

SOCERVM] nisi me coniectura fallit, Pansa socer  
fuit Q. Fufius Calenus. coniecturam inde duco,  
quòd eum video à Pansa consule sententiam pri-  
mum rogari; qui tamen neque dum consul fuerat,  
neque Ciceroni certe rebus gestis, & meritis in  
remp.

remp.  
propit  
citem  
um.  
ra dice  
& infet  
lene  
rias ide  
mum re  
leni cor  
tis mul  
multa e  
lore. C  
te ferat  
quin C  
stretur  
nim, G  
Vehem  
neris, t  
tum, cu  
in Hirt  
perueni  
res est  
secundi  
fortuni  
nam,  
ces sui  
hostib  
runt:  
proelio  
mur, q  
ipso ex



remp. antecellebat. vt hoc ei deferre honoris, nisi propinquitate moueretur, Panfa non debuerit. Recitemus Ciceronis verba ex oratione x. in Antonium. Necessitatem, inquit, mihi attulit paulo plura dicendi, sententia eius, qui rogatus est ante me. & infert proxime: Quæ est enim ista tua oratio Calene? quæ mens? qui nunquam post Cal. Ianuarias idem senseris, quod is, qui te sententiam primum rogat. Et in viii. in eundem, posteaquam Caleni consilium de pace cum Antonio iungenda satis multis verbis exagitauit, subiungit hæc: Satis multa cum Fusio, ac sine odio omnia, nihil sine dolore. Credo autem, qui generi querelam moderate ferat, æquo animo laturum amici. quo in loco quin Caleni gener Panfa, qui consul erat, demonstretur, vix putauerim posse dubitari. conuenit enim, Generi querelam, cum huius epistolæ verbis, Vehemens & acer Panfa, cum in ceteros huius generis, tum maxime in focerum. GEREBATUR,] tum, cum senatus erat erectior. NON nulla in Hirtio.] Hirtius enim ante Panfam ad Mutinam peruenit. Panfæ aduentu duobus præliis confecta res est. ideo solum Hirtium nominat. VT IN secundis, fluxa; vt in aduersis, bona.] huius belli fortuna neque secunda plane fuit, neque aduersa. nam, si secundas res cogitemus, in hoc minus felices fuimus, quod victoria nostri duces vsi non sunt, hostibusq; spatium ad instaurandum bellum dederunt: sin aduersas, hoc prospere successit, quod prælio vicimus. ergo est hoc, quamobrem lætemur, quod erat victrix resp. cæsis Antonii copiis, ipso expulso: illud cur doleamus, quod post victo-

E 3 riam



## Commentarius in lib. I.

riam ita multa peccata à D. Bruto, vt quodam modo victoria exciderit è manibus. iisdem verbis de se ipso vsus est in epistola ad Atticum libro IIII. Ita sunt res nostræ, vt in secûdis fluxæ; vt in aduersis, bonæ. B R U T I deinde] Et sententia patet; & ita scriptum est in antiquis libris. miror tamen, cur istam culpam in D. Brutum nominatim Cicero contulerit, cur non potius in Octauianum, quem à Bruto, vt Cæsaris filium, non amari, probe nouerat: cuius certe grauius, quàm D. Bruti, peccatum illud fuit, quòd Antonium, ex Mutinensi prælio fugientem, persecutus non est. habebat enim copias veteranorum militum firmissimas: at D. Brutus & tirones, & omnium rerum inopia, propter diuturnam obsidionem, pessime acceptos: quod ipse in quadam epistola, suam tarditatem in Antonio persequendo excusans, conqueritur. præterea ipse Cicero proximis verbis non vni Bruto id tribuit, sed inter duces communicat: ait enim: Perterritos, inermes, saucios non sunt nostri duces persecuti. videndum igitur, an glossa fuerit dictio, Bruti, ad illud, peccata, scripta ab homine imperito, qui, quod Bruti, Octauianiq; cõmune fuerat, id vnius Bruti proprium putarit. L E V I T A T E M eius,] etiam D. Brutus in quadam epistola hominem ventosissimum appellat. & infra 285. Lepidus inconstantior, Antonius impurior. & 286. B O N I,] bene sentientes, sed à robore infirmi, ob veteranorum infrequentiam. epist. fam. 158. L I T E R I S,] ab vrbe missis. epist. fam. 159. I N T E R P R E T I B V S:] iis, qui mandata ferunt, & referunt: vt illud in epistola Planci, fam. 150: Do operam,

peram  
tem  
tre m  
vi. H  
terre  
imperi  
nam  
s a t  
Leam  
rim; q  
tentia,  
Attici  
libertat  
pertate  
lere vi  
rit, qu  
tonium  
hæredi  
Marcio  
C o n  
quibet  
qui arm  
est, co  
o r d  
mo in  
tium a  
ribus e  
s i m  
lus oc  
neque  
miles  
summa



peram , vt Lepidum ad huius rei societatem incitem. vtor in hac re adiutoribus, interpretibusq; fratre meo, & Laterense, & Furnio. Et in Verrem lib. vi. Hæc non occulte, non per amicos, atque interpretes, sed palam de loco superiore ageret pro imperio & potestate. SPÆM CERTISSIMAM:] si peteret, certo adepturum. NECES-  
SARIOS] ad propinquos & amicos refertur. De L. tamē Marcio Philippo accipiendum non crediderim; quem de rep. potius, quàm de Octauiani potentia, laborasse, demonstrant illa verba in Bruti ad Atticum epistola: Quid profunt Ciceroni, quæ de libertate patriæ, de dignitate, de morte, exilio, paupertate scripsit copiosissime? quanto magis illa calere videtur Philippus, qui priuigno minus tribuerit, quàm Cicero, qui alieno tribuit? et apud Suetonium legimus hæc de Octauio: Vrbe repetita, hæreditatem adiit, dubitante matre, vitrico veto Marcio Philippo consulari multum dissuadente. CONSILIORVM FONTES] cum dicerem, à quibusdam in eam spem Octavianū esse impulsū; qui armare illum contra Brutum & Cassium, hoc est, contra libertatem cuperent. EXTRAORDINARIO] ideo quia consulatum nemo inibat, nisi annum ætatis quadragesimum tertium absoluisset. extra ordinem quandoque iunioribus ea dignitas demandabatur. POTENTISSIMI] Hirtii enim & Pansæ victores exercitus solus occupauerat. AVCTOR] neque ad populum, neque in senatu. MILITVM deliciis,] cum milites, omiſſa veteris disciplinæ seueritate, per summam indulgentiam à duce corrupti, facilius li-

E 4 bidinem



## Commentarius in lib. I.

bidinem illius secuturi, quàm imperium reip. videantur. **DELICII** igitur, pernicioſa licentia, qua ſibi eorum animos imperator deuinxit. **IMPERATORIS INSOLENTIA.**] qui ex victoria ita inſolens eſt factus, ut conſulatum audeat poſtulare. **FUGIEBAM** ex Italia,] in Græciam proficiſcens. qua tota de re plenius in Philippica I. & epiſt. fam. 198: **VESTRORVM**] Bruti, & Caſſii: de quibus Phil. I. **CONSILIO**, & auctoritate] adoleſcetem enim, militibus inſtructum, conſilio, quo illa ætas indiget, iuui, & auctoritate publica contra Antoniũ armaui. Plutarchus in Cic. **MAGIS**, quam euentis rerum,] tyranno enim à te interfecto, libertas conſequi debuit: quod ſecus accidit: nondum enim reſp. ſui iuris eſt. **PRAESIDIIS**] Principiis, eſſe video in antiquis libris: quos ego libenter ſequi ſoleo. hic tamen teneo me pauliſper. nam etſi, principia, locum in caſtris fuiſſe, non ignoro: mihi tamen noue, nec ſatis ad exprimendam ſententiam accommodate dictum videtur. cur enim, In principiis veſtrorum caſtrorum, potius quàm, in veſtris caſtris? quibus in totis certe, hoc eſt, in vniuerſo Bruti exercitu, non in principiis, hoc eſt, in parte aliqua, ſpes erat poſita libertatis. præſidiis, vel vnus antiquus liber ſi haberet, probarem multo magis, quàm, principiis. eſſet aperta ſententia, eſſet vſitata locutio. **AB** occidente,] in Hiſpania. videtur Sextum, Pompeii Magni filium, & Aſinium Polionem ſignificare. **ADOLESCENTIS:**] Octauiani. Sequitur ita aperta tranſlatio, vt indicanda non ſit, firmum, labefactant, moueatur. **QUANTVLYM** reliqui eſt?] quali



quasi dicat : Mea ipsius causa non nimis dolebo : cui  
quantulum vitæ superest ? vos id potius inuenes co-  
gitare : quorum istuc refert maxime. 277.

## EPISTOLA XI.

282:

## Nullis consulibus.

**T** I N Cæsare, & Antonio ] fuit,  
cum Cæsaris nomine Octavianum  
acciperem : nunc aliter sentio . nam  
neque de Octaviano rep. defenden-  
te, neque de eodem oppugnante ac-  
cipi potest. defensio nondum eius vlla fuerat, ne-  
que fuit ante Mutinensem pugnam : oppugnatio  
item nulla, nisi post Antonium ad Mutinam fuga-  
tum. ergo de Octaviano, non est, ut possimus intel-  
ligere . de Cæsare dictatore dictum potius videtur .  
hic enim primus, post eum Antonius temp. oppu-  
gnauit . Quod autem infertur, Si occasione potuif-  
set occurrere ; id non eò refero, ut eius belli, quod  
C. Cæsar contra communem libertatem gessit, bre-  
uitate exclusum Antistium à nauanda reip. opera  
existimem ; (non enim aut laboris, aut temporis pa-  
rum in eo Cæsar consumpsit) verum, quia voluerit  
quidem, sed ideo non potuerit, quia voluntatem mi-  
nime subsecuta sit occasio. ideo enim occasione oc-  
currere non potuit, quod ea sese illi non obtulit .  
non igitur ei tempus, non voluntas, sed res ipsa de-  
fuit. **I** N A C H A T A ] cui, ut opinor, præerāt :

aut



## Commentarius in lib. I.

aut certe in qua exercitum habebat : quod infra patet. **CONGRESSVS**] cum Dolabellæ in Syriam proficiscenti occurrisset. **PARATISSIMI**] ut qui etiam C. Trebonium per insidias occiderit. **XX HS**] non viginti sestertiorum millia, quod Bruto exercitus habenti minimū subsidium fuisset; sed vices sestertiorum, id est, ad nostratis pecuniæ rationem, scutorum aureorum, quibus in singulis decem Iulii Romani numeratur, sexaginta millia. et sæpe occurrimus in has notas, quæ non ex aperta significatione, sed multiplici numero sunt exponendæ, ut **XX** vices potius, quàm viginti, **XXX** vices potius quàm triginta, & huiusmodi. **EVNDVM**] Romam. **LEGATIONE**] libera: quam senatus dabat. **CONSULES**] apparet, aut hanc epistolam ante mortem Hirtii & Pansæ scriptam esse, aut Brutum, cum scripsit, Mutinensis prælii nuncium nondum accepisse. **DIGNITATEM** perfunctorus] quanto maior tua dignitas futura est. sic Terentius, opinor in Adelphis: Functus est officium probi adolescentis. duriuscule tamen dictum, Perfunctorus dignitatem, pro consecuturus dignitatem. nec, perfungi, video quo modo hoc significare possit: nec usquam à veteribus ad hanc sententiam usurpatur. malim, non ita magna literarum mutatione, Dignitatem perfruiturus. quo participio & Cicero ipse usus est. et, fruor, Plautus cū quarto casu usus est. **TUIS LAVDIBVS**,] si tu eum de optimo in rep. studio laudaveris. **INDVLGENTIA**] tua in illum facilitate: si gratificaberis illi quacunque re poteris.

EPISTOLA

M  
re a Valer  
culit, Col  
dictus est,  
stancur; q  
& in exat  
catum est  
pulus, esse  
bium me re  
bus esse vid  
qui Augu  
vum, nomi  
erat Lepid  
cū Lepidus  
re. omnes  
FACTV  
ut meam  
HONOR  
statua in  
mnatus ed  
remp. arm  
re non pot



## EPISTOLA XI.

283.

## Nullis consulibus .

ESSALLAE ] Bruti amicissimo ,  
 qui deinde apud Augustum opibus  
 & gratia floruit . de hoc 284. & Dio  
 lib. XLIX. CORVINO ] Du-  
 bium non est, hunc originem ducere  
 à Valerio illo, cui à Coruo, qui ei pugnanti opem  
 tulit, Corui cognomen est inditum . qui si Coruus  
 dictus est, ut veteres tum lapides, tum nummi te-  
 stantur; quod à Carolo Sigonio, viro doctissimo,  
 & in examinanda antiquitate diligentissimo, no-  
 ratum est: videtur & hic Coruus potius, quàm Cor-  
 uinus, esse nominandus . quanquam non nihil in du-  
 bium me reuocat veterum librorum consensus; in qui-  
 bus esse video, Coruino: & quod Manilius poeta,  
 qui Augusti temporibus vixit, Coruinum, non Cor-  
 uum, nominat. MATRIS tuæ ] quæ socrus  
 erat Lepidi. 283: CEDERE, ] non enim licuit,  
 cū Lepidum hostē iudicarem, eius liberos excipe-  
 re . omnes enim eadem lege tenentur. SATIS-  
 FACTVRVM ] facile meam causam probaturum;  
 ut meam excusationem & satisfactionem acciperes.  
 HONORIBVS AMPLISSIMIS ] ut etiam illi  
 statua in Rostris erecta sit. 286: DE VI da-  
 mnatus esset; ] Perduelles, hoc est, ii, qui contra  
 remp. arma suscepissent, de duobus alterum effuge-  
 re non poterant, ut aut, si pergerent insanire, armis  
 petiti



## Commentarius in lib. I.

petiti debitas patriæ pœnas exoluerent; aut, si se intra diem præfinitam ad sanitatem recepissent, iudicio de ui omnino damnarentur. E A N D E M calamitatem subirent] quanto magis, cum eorum pater arma non posuerit, & in furore perseuerauerit, neque intra tempus à senatu constitutum ad sanitatem redierit. C O N S I L I O] in bello, exercitu eius resp. indigebat; victis hostibus, consilio, ut urbanæ res componerentur. simile illud est in epistola ad C. Cassium: Te in Italiam uenire cum exercitu, persuasum erat ciuitati: ut, si hæc ex sententia confecta essent, consilio, atque auctoritate tua; sin quid forte titubatum esset, ut sit in bello, exercitu tuo niteremur. et ad ipsum Brutum infra 284: & 287.

283: E T T E] hoc aut uidetur abundare, cum iam dixerit, Tecum; aut ita corrigendum, ut legas, esse; & illud, esse, quod postea sequitur, tollas.

## EPISTOLA XII.

### Nullis consulibus.

E M. L E P I D O uereri] de industria, uereri, dixit potius, quam timere: ut aliquid tamen se de Lepido sperare significet. S O L I C I T U D I N E] de pueris: quos Brutus & immerentes, & sororis suæ filios, affici pœna, inique ferebat. S T O M A C H O,] in patrem Lepidum. A C O N S V L A R I

A co  
iunctio  
re debeo.  
hoc potiss  
beat.

E

P

bellarios  
summa co  
in alterum  
produci  
ostendimus  
lus esse? si  
habuisset  
dixi. sed, si  
cum, qui p  
vrbe non el  
cero filius  
quam ex li  
cur petiti  
nū comite  
Lentuli, B  
in collegi  
bant, nequ  
re poterat



284.

A CONSULARI, tali viro ] vel, inquit, conjunctionis nostræ, uel reip. causa impetrare hoc à te debeo. vterque enim ita de illa meriti sumus, ut hoc potissimum nomine gratificari alter alteri debeat.

## EPISTOLA XIII.

ONDVS ] cum grauissimis de rebus scriptæ sint omnes. EXTRVS I ] non dicit, conuiijs male acceptos tabellarios, qui tuas literas attulerat, dimisi, sed, propere tabellarios cum literis ad Ciceronem misi. MEA

summa contentione] cur, Summa contentione? nō, in alterum annum, etiam nemine contendente, produci ea necesse erat; cum, ut supra satis copiose ostendimus, ea qui habere posset, magistratus nullus esset? forte (tale enim aliquid est cogitandum) habuisset ea prætor; forte; pontifex maximus, pene dixi. sed, hoc fieri non potuisse, in mentem venit: cum, qui pontifex maximus erat, M. Lepidus, is in vrbe non esset. IN ALTERVM annum] vt Cicerō filius adesse posset. QV ANQVAM] quamquam ex literis meis cognoscere potuit, non esse, cur petitionis suæ causa rediret, cum in alterum annū comitia sint reiecta. 279. DOMITII, Catonis, Lentuli, Bibulorum:] qui erant in castris Bruti, & in collegium pontificum minorum cooptari cupiebant, neque tamen ad petitionem mature satis venire poterāt: ideo, vt præsentēs petere possent, in alte

rum



## Commentarius in lib. I.

rum annū comitia protruserat. De Domitio & Catone ante diximus. Lentulū non opinor eius Lētuli filiū fuisse, qui Spinther dictus est, & consul Ciceronem ab exilio reuocauit. nam is hoc tempore Asiā prouinciam regebat, vt est ex ipsius epistola satis apertum. fam. 190. itaque priuatus esse in castris Brutī non poterat. De Bibulis quoque supra 280: **SUSCEPTVS,**] genitus. vnde suscipere liberos ex aliqua, pro gignere. **LEPIDI,**] quia se cum Antonio coniunxerat. **OPTIMVS,**] optime in rep. animatus. vt ad mentem potius, quā ad vires, referatur. **INFECTI PARTIBVS,**] quod alii cum aliis sentiant: quod eos virium, quasi labes aliqua, inficit, atque contaminat. **NON DVM ERAT.**] &c. non enim scripsisses Ciceronem meū à te discessurum.

284:

**CVM** Planco coniunctum] Plancus tamen paulo post, cum Antonio societate inita, reipublicæ causam deseruit. **IDIBVS MARTIIS:**] quodie Cæsarem in curia Pompeia occisum ita notum est, vt superuacanea significatio sit.

## EPISTOLA XIII.

**VBILIVS]** subtilitas in scriptis est, non tenuitas, & humilitas, sed accuratus quidam ordo, nihil vt præmittatur. **ELOQUENTIA:]** fuit orator Messalla suæ ætatis præstantissimus. Plinius, & alii. **OFFICIO:]** in rep. **SEQUEBATUR]** cum ad causam reip.

reip. defen  
laudem vid  
EPISTO  
sum læticia

VIRVN  
extraordina  
dig. liberos  
quam, quo  
niet etiam  
malos ciues  
dictum viri  
pientissimi  
fendere: qui  
xit: sed ego  
ctum Solon  
adiungam ce  
mo, & de p  
PRAET  
Antoninū  
ficiū non  
bonium, me  
nihil habere  
dus, qui me  
deretur. et  
fam. 172.  
pram a nobi  
tum libertat  
sum ex Itali  
armis oppre  
nobis studi



reip. defendendam proficisceretur, in quo summam laudem videbat esse constitutam. **QVANDAM EPISTOLAM:]** eam, cuius initium est, *Quanta* sim lætitia affectus, 277.

285.

**VTRVNQVE]** quòd & honores Octaviano extraordinarios decreuisset, & in Lepidum Lepidique liberos nimis grauem pœnam statuisset. quam, quod ad animaduersionem attinet, communiter etiam accipi potest de sententiis, quas contra malos ciues dixit.

**NEQVE** solum vt Solonis dictum vsurpem, ] possem me iudicio Solonis, sapientissimi viri, aduersus reprehensionem tuam defendere; qui præmio, & pœna contineri remp. dixit: sed ego non hoc solum faciam, vt meum factum Solonis auctoritate excusam: causam etiam adiungam consilii mei; vt ostendam, cum & de præmio, & de pœna sententias dixi, quid spectauerim.

**PRAETERMISSVM]** satellitem tyranni M. Antonium, sæpe queritur, simul cum tyranno interfectum non esse. Vellem, inquit in epistola ad Trebonium, me ad illas epulas inuitasses: reliquiarum nihil haberemus. **INCONSTANTIOR,]** Lepidus, qui modo libertatis, modo regni cupidus uideretur. etiam 281: leuitatem illi ascribit. et epist. fam. 172. **NIMIS ACRES.]** cum omnes acceptam à uobis libertatem retinere uellemus; uos autem libertatis auctores (tacite Cæsii & Bruti discesum ex Italia reprehendit) urbem uestram, Antonij armis oppressam, desereretis; qui etiam, Italix sua uobis studia profidenti, remisistis.

M I H I



## Commentarius in lib. I.

285:

MIHI QVO QVE IPSI] indicat se non fuisse discessurum, nisi Brutus & Calsius, quos maxime subsidium ferre oppressæ reip. oportuerat, ante discessissent et duplicem affert pro se ipso defensionem, tum quod ipsorum liberatorum exemplo discesserit, tum quod propere tamen redierit, qui discessum à reip. periculis ferre non posset.

ETESIA RVM diebus auster] quasi discessum meum dii non probarent, qui etesiarum diebus austrum spirare præter consuetudinem uoluerint. etesia autem in orientem nauigantibus secundi sunt, auster in occidentem: itaque Ciceroni Græciam petenti prosperi etesiae, contrarius auster.

TEVI-  
D I] Velia: 282. & Philippica I. 154: SAPIEN-  
T I S.] Stoici, quorum sectam Brutus, ab auunculo suo M. Catone institutus, sequebatur, fugere negabant esse sapientis: quem nulla re perturbari, nihil timere affirmabant: ita sequebatur, ut nec fugeret: timet enim, qui fugit.

A CERVICIBVS] cum Antonius, Macedonicis legionibus instructus, bonis iratus urbem peteret, Octavianus priuato consilio se opposuit. epist. fam. 171. & Philippica III. IIII. V. HONORIFICVM,] placeret, Nimis honorificum.

286.

PHILIPPVS] L. Marcius Philippus, qui consulatum gessit cum Marcellino, Octauiani uirricus. 291.

CELERITATEM] magistratus, ut celerius posset petere, quam leges permetterent. id autem Ser. Sulpicius decreuit. sed, cum ille decreuisset, ut Octavianus uerbi gratia decem annis

celerius

celerius  
Istaurici  
celerius.  
est, ut can  
quod Seru  
rimur]  
est in ante  
nes. L. A  
Turacem,  
our: ex q  
Varro, Ou  
TIFICI  
detur de f  
accipendus  
SEMPIT  
libro imp  
tane posse  
antiquoru  
natur. neq  
sed in aies,  
qui quocia  
nis prodeu  
cibus, Sem  
ctnes, ut  
de iusticia  
geretur, se  
bro dictio  
le; omnia  
tus; deinde  
sem, agnos  
prolus iud  
sum. et est



celerius , quàm per leges liceret , petere posset ;  
Isaurici filius Seruilius decreuit , vt etiam aliquanto  
celerius . quod autem Seruius decreuit , opinor hoc  
est , vt tanquam quæstorius petere posset Octavius :  
quod Seruilius , vt tanquam prætorius . 278: REPE-  
RIMVR ] non omnino displiceret , reperiuntur ; vt  
est in antiquis libris . potest enim subaudiri , homi-  
nes . L A R E N T I A E ] quæ populo Romano agros ,  
Turacem , Semurium , Lincerium , & Solinium reli-  
quit : ex quo est annuis parentationibus honorata .  
Varro , Ouidius , Macrobius lib. i. Sat. P O N-  
T I F I C E S ] minores . I N V E L A B R O ] hic vi-  
detur de secunda potius Larentia , quàm de priore ,  
accipiendum . vide Plutarchum in Romulo .

S E M P I T E R N A M memoriam ] vbi sunt , qui se  
libros impressos sine manuscriptorum ope facile pu-  
tant posse corrigere ? hæc , hæc nimirum temeritas  
antiquorum scripta maculis innumerabilibus in-  
nauit . neque vero dum repressum est hoc malum ,  
sed in dies , vt video , serpit magis . id adeo iis libris ,  
qui quotidie typographorum quorundam ex offici-  
nis prodeunt , legendis intelligo . Hic in duabus vo-  
cibus , Sempiternam memoriam , me quoque ha-  
ctenus , vt ingenue confitear , cum ceteris , νεφέ-  
λη καλυψε μίλαρα . nec dubitavi , quin ita recte le-  
geretur , sensu satis aperto . nunc , à Bessarionis li-  
bro dictionem , memoriam , cum viderem abes-  
se ; omissam primum incuria librarii sum opina-  
tus ; deinde , cum accuratius animum intendis-  
sem , agnoui veritatem , & , memoriam , abundare ,  
prorsus iudicavi . quod à nemine fuerat animaduer-  
sum . et est pulcherrima sententia . ideo , inquit , de-  
F creui ,



## Commentarius in lib. I.

creui, ut in fastis ad eum diem, quo victus esset ad Mutinam Antonius, Bruti nomen ascriberetur; quia notam esse in fastis volebam, quæ victoriam illam futuris etiam gentibus testaretur. notam enim hic pro signo, ac monumento quodam accipio. quod quibus occultum fuit, ii, memoriam, de suo intruserunt; ut esset, notam memoriam. confirmat igitur nostram correctionem primum libri manuscripti auctoritas, deinde sententia; quam ego in hac emendandi ratione maxime soleo spectare; postremo ipsemet Cicero, qui eadem de re, paulo post, iisdem fere verbis usus est. infert enim: Extrare volebam in crudelissimos hostes monumenta odii publici sempiterna.

A QUILAM etiam] unum ex percussoribus Cæsaris, qui perierat in prælio Mutinensi. epist. fam. 166. APERIENDUM non est,] quid significat? hoc opinor; ideo se id sensisse, non tam ut pro beneficio gratiam referret, quàm ut Octavianus, ouationis honore illuctus, in urbem rediret, statimq; , ut mos erat, imperium deponeret: itaq; eius exercitus ad alium transferrentur: quæ fuisset reip. summa cautio. timendum enim erat, id quod euenit, ne Octavianus, cum exercitus in sua potestate haberet, ad persequendam patris mortem animum conuerteret. hoc est, ut opinor, in quo se Cicero prouidum fuisse significat.

Hoc ipsum nimium] aperire nolebam, cur ita esset; aperuisse tamen nimis videor; cum dixi, ne magis videar prouidus fuisse, quàm gratus. quare hac de re verbum ne addamus. transeamus ad alia. HONORE] non est hæc dictio Bessarionis in libro: et potuit esse glossa.

THEMISTO-



286:

THEMISTOCLIS] qui prodicionis est damnatus, eiusq; bona publicata. Plutarchus, & Aemilius Probus. IUDICIO] de vi. 283. QVISQVAM] ex iis, quos ego hostes iudicandos censui. SIVICISSET] ad Mutinam. loquitur enim de M. Antonio secta.

287.

SORORIS tuæ filiis] Lepidi filiis: quos, cum pater Lepidus hostis esset iudicatus, bonisq; omnibus exutus, ad inopiam redactos necessariis rebus sustentabat.

## EPISTOLA XV.

## Nullis consulibus.

EREPI.] ab eo contra M. Antonium defensa. CONDITIO-

DNIS] pudet eò nos redactos conditionis, ac fortunæ, vt commendandos Octauio putes. Vel expone,

conditionis tuæ, ac fortunæ, qui homo consularis, tantis rebus gestis, nunc cum isto puero tam suppliciter, tam demisse agas. NON perniciosior?]. si precario habeatur. QUID pro quoque timendum] nam neque est, cur de nobis timidus aut sollicitus sis; cum ipsi nihil timeamus, & ita animati simus, vt honestam mortem turpi vitæ anteponamus: neque hoc ab Octauio petendum est, vt nos velit esse saluos: nimium enim illi tribuis.

287:

SI ME carum habes, vis Romæ videri;] ideo quia

F 2 me



## Commentarius in lib. I.

me carum habes, vis Romæ videri amicus Octa-  
uius? quoniam quidem, ut ibi esse possem, (hoc per-  
tinet ad illud, si me carum habes) commendandum  
illi puero me putasti. C V I Q V I D agis gratias,]  
si optime sentit de republica; quod tu existimare  
videris, cum illi gratias agis: cur eum rogas de sa-  
lute bonorum ciuium, hoc est nostra? aut igitur  
gratiæ non sunt agendæ, si rogandus est: aut, si a-  
guntur, rogandus certe non est. V I N D I C I  
quidem &c.] si Octavius vindex est, ut tu iudicas,  
& ultor dominationis Antonii, non, ut ego vereor,  
vicarius: absurde facis ò Cicero, qui ei remp. defen-  
denti supplices pro iis, qui optime de rep. meriti  
sunt. amicis enim, & earundem partium studiosis  
non supplicamus. non enim opus est. In hoc loco,  
video quibusdā in libris impressum esse, pro, ecquis  
supplicat, sed quis supplicat, ascripta asterisci nota,  
quæ mendum significet. nostri libri veram germa-  
namq; Ciceronis scripturam referunt, distinctione  
tantum à mendii suspitione vindicati. quod enim  
pro, & quis supplicat, fecimus, ecquis supplicat;  
in eo mutatio nulla est. fuit enim hic multis in lo-  
cis in impressis libris error, ut, et quis, pro, ecquis,  
legeretur. quod vitium ubique fere minimo nego-  
tio sanauimus. I M B E C I L L I T A S, & despe-  
ratio] puto illud maxime tempus designari, cum  
Pompeius eiectus est ex Italia. quo tempore boni  
ciues si vtrunque reliquissent, ac solam remp. respe-  
xissent: tum certe, vel pudore, vel vi, vterque tum  
dux, tum exercitus discessisset ab armis. sed conti-  
git, ut alii alterum metuentes ad alterum confuge-  
rent; alii ignavia, ac desperatione remp. relinque-  
rent.



rent . quo facto Cæsar in regni cupiditatem est impulsus . quod idem & Pompeius cogitabat ; vt sæpe queritur Cicero .

288.

TANTORVM scelerum] tyrannidis Antonianæ . QVID enim neget] cum sit de præteritis commemoratio ; negaret , probarem magis : idq; conueniret cum insequenti verbo , videret , & cum antecedentibus proximis , potuimus , vellemus .

HIC ipse puer ,] non modo Antonius , sed Octavius ipse , eius , quem occidimus , filius , summi beneficii loco ducet , si , nobis permittentibus , regiam potestatem obtineat . itaque nobis esset illo domino perhonorifica seruiendi conditio : verum non de seruiendi conditione agimus : ipsam seruitutem , quæcunque sit , odimus , ac detestamur . QVONIAM vivere] in Ciceronem , cum stomacho , qui pluris vitam , & pecunias , & honores faceret , quam libertatem . SIMORTVO ,] si , illo occiso , alteri seruituri eramus .

288:

HEREDI eius , quem occidi ,] Octavio , Cæsaris heredi , & adoptiuo filio . DIMITTIMVS] abiicimus . in ea vita , inquit , in qua neque dignitas , neque libertas est , salus esse nulla potest .

QVI tyranni nomen asciuit sibi ,] Octavius enim Cæsaris nomen assumpsit ; cum testamento & filius adoptatus esset , & institutus ex dodrante heres .

289.

NIMIVM magnam mercedem statuis] summam potestatem illi tribuis : quæ merces est earum rerum , quas contra Antonium gessit , certe nimis

F 3

magna.



## Commentariū in lib. I.

magna. ILLVD malum ] prioris Cæsaris tyrannidem. HOMINES metuant, ] timor facit, vt quibusdam plus potestatis, quàm respublica patitur, largiamur. sed iidem meminisse deberemus, hoc ipso timore nostro factum esse, vt Antonius ad tantam potentiam peruenerit. ista enim imbecillitas animi, & desperatio, Antonio persuasit, vt interfecti Cæsaris locum occupare conaretur. DE CAESARE vero ] quorsum de Cæsare, cum de Antonio loquatur? Cum, inquit, vidisset Antonius ex metu & languore nostro Cæsarem regnandi occasionem arripuisse, eius exemplum secutus est. verum, quod ad Cæsarem attinet, transactum est: occidimus illum: nunc, ne idem possit Octavius, cauendum est. NON modo non supplicem ] posterius, non, in Bellarionis libro non est: et potest subaudiri. quo loquendi genere vsus sæpe esse Ciceronem, ostendimus in scholiis, quæ in familiares epistolas adolescentuli edidimus. VIRTUS aliena ] nostra scilicet, qui tyrannum occidimus: quorum exemplo fortiores esse, & vitam minus aliquanto, quàm libertatem, diligere debebatis. PIETAS ] mea ] erga patriam: quæ me ad præclarum illud facinus excitauit: cui pietati debitum præmium esse persolutum existimabo, si modo, quod tum sensi, idem in reliqua vita sensero.

289:

NON succumbam succumbentibus, ] vos non imitabor, iugum seruitutis sponte recipientes. NEC vincar ab iis ] vincerer enim à vobis, si ve-

stra

stra im  
ri sent  
quia spo  
omnes ]  
Ciceroni  
cunda fo  
bere.  
Operation  
ranc: vt  
s v l ]  
C o n s  
do.  
tus ille tu  
vt talem  
x i r ] fi  
dis trans  
duobus v  
rit, Dixe  
autem co  
viris satis  
I v d i c  
laus recte  
tius, qua  
laudabile  
esse const  
in recte a  
mur.



stra imbecillitas me commoueret, & de mea veteri sententia deduceret. **VINCIT** volunt] quia sponte succumbunt. **GAVDEBIMVS**

omnes] etiam ii, qui succumbunt. hic ostendit Ciceronem optime sentire de republica, cuius secunda fortuna letaturus sit, sed dulcedini succumbere. **NEV DIFFIDAS**] etenim, ob deoperationem, etiam ante rempublicam perdiderrant: vt in hac ipsa epistola, 287: **CONS**

**SVL**] in opprimenda coniuratione Catilinæ. **CONSULARIS**] in Antonio persequendo.

**QVIA** ille consul] quia consularis ille tuus præclarissime administratus postulat, vt talem te consularem præstes. **DIRE**

**XIT**] si pueris hæc scriberem, essem in ostendis translationum luminibus diligentior, vt hic in duobus verbis, & translatis, & antithetis, Flexerit, Dixerit. sed hæc ipsa se ostendunt. nostrum autem consilium id fuit, quoniam pueris simul & viris satisfacere non possem, viris vt mallem.

**IVDICII** ratio] vbi enim iudicium apparet, ibi laus recte agentem sequitur. si quis autem casu potius, quam iudicio, recte agit, id amplum, vereq; laudabile nec habetur, nec est. porro, iudicium ibi esse constat, ubi factis facta congruunt, perpetuamq; in recte agendo æquabilitatem & constantiam tuemur.



Commentarius in lib. I.

EPISTOLA XVI.

290.

Nullis consulibus.

**D**E SVIS actis] pro republica contra Antonium : de quibus laudari voluisset : ut etiam de extincta coniuratione Catilinæ, scripsit ad Pompeium, se mirari, quod nihil significasset. epist. fam. 63. **Q**VI DICAM, imperite &c.] significat, & stultitiæ Ciceronem accusandum, & ambitionis : cum tamen in utroque videatur eum excusare. sed imperitum in eo significat, quod plus Octavio tribuerit, quam è rep. esset : ambitiosum, quod, modo habeat à quibus colatur, ac laudetur, servitutem non recusat : ita ob stultitiam & ambitionem Octavium Antonianæ dominationis vicarium constituit. **Q**VI VALENTISSIMUM &c.] in quo certe ambitio esse non potuit : sed fuit studium constantissimum, & singularis in patriam pietas, qua permotus valentissimum Antonium suscipere non dubitavit inimicum. **P**VERI] Octavii. **I**NDVLGENTIAE] usque eò indulget Cicero Octavio, ut maledicat Cæsari. **M**ALEDICTIS] in Cæsarem. mirari autem satis non possum, Ciceronem Cæsaris necem obiecisse Cæsari. et id tamen Bruti verba declarant. **P**LVRES occidit vno] crimini dat Cæsari, & sicarium appellat, quia Cæsarem occiderit. at, si hominem occidere,

occidere,  
qui consi-  
lum, Cee-  
OBI  
ceris con-  
uo, potius  
fari vult  
nius, Plu-  
stiam.] in  
factum, v-  
laru gelle  
quis in C-  
cero. Cae-  
è percussor  
ratione du-  
C. Trebon-  
Q. Ligari-  
P. Cornel-  
tres, Rubi-  
rius, men-  
mul esse po-  
tus Aquil-  
mina in tus  
runt, non  
mitium, n-  
quo die C-  
bris] que  
est sumpe-  
nus turpit-  
illum Cal-  
rorum su-  
Bestia, qu-



occidere, crimen est : quanto grauius ipse peccauit, qui consul non vnum, sed quinque occidit, Lentulum, Cethegum, Statilium, Gabinium, Ceparium. **O B I I C I A T** Cascæ] cur Cascæ potius, quàm ceteris coniuratis ? forte, quia gratificari veller Octauius, potissimum in Cascam incenso, qui primus Cæsari vulnus inflixit, à Cimbro impedito. Suetonius, Plutarchus. **I M I T A T V R** in Casca Bestiam. ] ita reprehendit Cascam ob pulcherrimum factum, vt Bestia Ciceronem ob ea, quæ in consularu gesserat, reprehendere solebat. et vt tunc iniquus in Ciceronem Bestia, sic nunc in Cascam Cicerone. Casca autem hic è gente Seruilia fuerat, vnus è percussoribus Cæsaris. fuerunt enim in illa coniuratione duo Seruillii Cascæ, duo Bruti, tres Cæsii, C. Trebonius, Cn. Domitius, L. Tullius Cimber, Q. Ligarius, Cornelius Cinna, Labeo, P. Turullius, P. Cornelius Lentulus, Cæcilius & Bucolianus fratres, Rubius rex, M. Spurius, ( quanquam, Spurius, mendosum est : non enim duo prænomena simul esse possunt ) Ser. Galba, Sextius Naso, Pontius Aquila, Minutius Basillus ; & alii, quorum nomina in iis libris, qui ad nostram ætatem peruenerunt, non extant : quorum nemo, præter Cn. Domitium, naturali morte periit. **I D V S** Martias] quo die Cæsarem occidimus. **N O N A S** Decembris ] quo die de coniuratis in carcere supplicium est sumptum. **E O M E L I O R E** conditione] minus turpiter nos vituperabit de Cæsaris nece, quàm illum Calpurnius Bestia & P. Clodius de coniuratorum supplicio reprehendere soliti sunt ? hic est. Bestia, qui tribunus pl. Ciceronem extremo consu-

latus



## Commentarius in lib. I.

latus die concionis habendæ potestate priuauit; si Plutarcho credas. sed ego maiorem ipsi Ciceroni fidem habeo: qui sibi concionaturo non L. Calpurnium Bestiam, sed Q. Metellum Nepotem ait obstitisse. vide epist. II. lib. V. fam. **SUCCESSIO** ] quæ laus Ciceronis est, sustinuisse Antonium; si patitur eius locum ab Octauio posci? **AUCTOR** extitit ] extraordinariis enim honoribus Octauio decernendis cupiditatem illius & licentiam irritauit. **NON** dominationem, non ] hoc loquendi genere veteres esse vsos, cum aliquid paulo studiosius affirmarent, ostendimus in commentariis ad Atticū lib. IX. 165. **RE** ipsam ] seruitutē. **TRIUMPHVS** ] ouatio, quam Octauio, quia Mutinensi prælio Antonium uicisset, Cicero decreuit.

290:

**FORTVNAM** ] & conditionem turpem: ut illud in superiore proxima eiusdem Bruti epistola: Pudet conditionis ac fortunæ. **CVIVS** nomen suscepit ] cuius nomen his factis sibi comparauit: potest enim & turpissimus, & omnium miserrimus iure dici. **CONSULARIS** hoc, ] eius, qui summos habuit magistratus. **CICERONIS** ] eius, qui maximas res pro patria gessit, artiumq; nobilissimarum cognitione excellit. et est vis in nomine, ut in epistola Sulpicii: Noli te obliuisci Ciceronem esse. hic multum discrepant ueteres libri à nostris. habent enim: Pudet concupiscere fortunam, cuius nomen suscepit consularis, ut Ciceronis est. quos si sequimur, ita exponemus. Pudor ab ea fortuna consularis hominis concupiscenda, cuius nomen suscepit, quemuis detertere debet:

ea,

ea, in qua  
omnino  
mollis est  
cum uide  
lam reip.  
quam m  
do: tua e  
a rep. ab  
res, liberi  
ceronem,  
fecit, ut  
itema fere  
RATA M  
Cicerone  
quia, cum  
cutus esse  
tione non  
Flavius, si  
principem  
toribus o  
ci nra.  
Octauio st  
Rati q  
inquit, C  
nunc ab A  
gis esset,  
tem facile  
Antonio,  
nocendum  
LVDI N  
exercitus  
grum, &c.



ea, inquam, fortuna, quæ Ciceronis est. uidebitur omnino paulo durius: sed nec ubique dictio Bruti mollis est. TIBI necesse est molesta esse ] cum uideas te quoque in Cicerone notari, qui nullam reip. partem suscipias, sed communi causæ tantquam indormias. quanquam ego te non reprehendo: tua enim alia causa est. nam cum antea semper à rep. abstinuisti, tum uero hoc tempore ætas, mores, liberi legnem efficiunt. reprehendo autem Ciceronem, quia, quod ab adolescentia præclarissime fecit, ut in patria iuuanda totus esset; id nunc, extrema fere ætate, turpiter omittit. DESPERATAM ] excusat Atticum, in eodem errore cum Cicerone uersantem. non parcat autem Ciceroni; quia, cum non idem, quod Atticus, uitæ genus secutus esset, facere idem, quod Atticus, cum excusatione non poterat. PERSPEXI ] ex iis, quæ mihi Flavius, sibi à se responsa, narrauit, cum negasti te principem esse uelle priuati ærarii Cæsaris interfectores constituendi. hac tota de re Nepos in Attici uita. SALVIDENVM, ] Q. Salvidenum Rufum, Octauii studiosissimum. Dio, Suetonius, Appianus. RELIQUIAS BELLI ciuilis. ] ob eam causam, inquires, Cicero ornat Octauium, quia timet etiam nunc ab Antonio. at illi timendum ab Octauio magis esset, qui & exercitibus ualeat, & propter ætatem facile potest ad temeritatem impelli, quàm ab Antonio, qui iam profligatus uoluntatem potius ad nocendum, quàm uires, habebit. AMPLI- TVDINEM ] summam potentiam, cum uictores exercitus in eius manu sint. ID ipsum ] regnum, & summam unius potestatem. ULTIMA ] extrema



Commentarius in lib. I.

extrema, & maxima. REFERAT omnia] quæ-  
cunque habet, Ciceroni omnia referat accepta.

291.

DE dignitate, ] hæc omnia scripsit, ut patriæ li-  
bertas omnibus rebus anteponeretur. scripsit autem  
maxime in quæstionibus Tusculanis. et, DE DI-  
GNITATE, in quo sita sit uera dignitas. DE mor-  
te ] contemnenda: cum tamen re ipsa aliter osten-  
dat, cui mors, exilium, & paupertas ultima in ma-  
lis uidentur esse. nam, nisi ita esset, non id ageret,  
ut propitium haberet Octauium. PRIVI-  
GNO ] Octauio. eius enim matrem Aciam, post  
obitum prioris uiri, uxorem duxerat Philippus.  
GLORANDO ] cum gloriaretur, plus beneficii  
à se in rep. esse collatum, quàm ab iis, qui Cæsa-  
rem occiderant: quoniam illi quasi radicem tyran-  
nidis Antonium reliquissent, ipse Antonii bellum  
togatus sustinuisset, atque oppressisset. 290. DO-  
LORES nostros] quos insectari & augere non de-  
beret: cum satis ex eo doloris sit, quòd, occiso ty-  
ranno, rep. tamen liberatam non uidemus.  
QVID enim nostra &c. ] uide supra in hac ipsa e-  
pistola eandem sententiam aliis uerbis expressam,  
290 DVBIA ] non ita uictum esse Antonium,  
ut ab eo nihil timere possit respublica. VTSERI-  
BIS, ] fuit inter Atticum & M. Antonium amici-  
tia, & quidem summa: Atticumq; uictis in Italia  
reip. partibus, de proscriptorum numero Anto-  
nius eximit NON stomacharis, ] ut ego. ideo  
autem non stomacharis, quia Ciceronis amantissi-  
mus es. quanquam ego quoque eiusdem amantissi-  
mus sum. persuade enim tibi, de ueteri meo erga  
illum

illum at  
itaque  
Nunc si  
enim hoc  
ob ea, q  
De ro  
a philoso  
in uolunt  
in nostra  
nam quide  
monem h  
fit, iudici  
possum, l  
amem; et  
cum id a  
perum es  
bium am  
itaque d  
tum acco  
tar. et Pla  
dente, lar  
ditto  
pertinebat  
prior, in  
cus scripl  
est, quod  
res ] in  
C. Cæsar  
ab Attico



illum amore nihil esse detractū, de iudicio multum. itaque & stomachor, nec tamen minus amo. Vel, Nunc stomacharis, ut est in antiquis libris. dicit enim hoc: Dolet mihi, quod tu nunc stomacharis ob ea, quæ de amicissimo tuo Cicerone scripsi.

DE VOLUNTATE] sumamus hic quiddam à philosophis, ut sententia pateat illustrius. Amor in uoluntate est, opiniones in mente. uelle, nolle, in nostra potestate est: opinari, non est. quale enim quidque uidetur, talem de illo necesse est opinionem habeamus. ergo, cum uoluntas mea propria sit, iudicium non sit: laudandus uideor, qui, quod possum, & quod in me est, facio, ut Ciceronem amem; excusandus, qui de eo non optime iudicem; cum id à me necessitas quædam, & quasi mentis imperium exprimat.

LARGITER] hoc aduerbium apud ueteres quandoque uini nominis habuit: itaque dixit Plancus, largiter acerbitatis, pro, multum acerbitatis, in concione, quam Pedianus recitat. et Plautus in Truculento, largiter uini: in Rudente, largiter argenti, largiter mercedis.

CONDITIONES] Atticæ conditiones uocat, quia pertinebant ad Atticam Attici filiam: de qua, ut opinor, in matrimonium collocanda quiddam Atticus scripserat.

DENIQUE] extremum hoc est, quod ad tuas literas respondeam.

SORES] ipsius Bruti; altera uxor M. Lepidi, altera C. Cæsii.

HOMINEM] nescio quem, literis ab Attico & à Bruti sororibus commendatum.

## EPISTOLA



Commentarius in lib. I.

EPISTOLA VLTIMA,

291:

E Q V E id arbitrarer dubitare ] i-  
demq; arbitrarer sentire tuos neces-  
sarios. MATRE TVA ] Cato  
NIS Vticensis sorore uterina. nam,  
si fuisset ex eodem patre, non Ser-  
uilia, sed Porcia fuisset, cum fœminæ eius gentis  
nomine appellarentur, qua ex gente earum patres  
essent. CASCA, & LABEO ] duo ex percussio-  
ribus Cæsaris. Plutarchus. SCAPTIVS ] duos  
Scaptios familiares Brutus habuit. 82 : 82. FV-  
GIENTEM hostem ] Antonium ad Mutinam pro-  
figatum. IMPERATOR ] M. Aemilius Le-  
pidus. VOBIS affinibus ] Bruto, & Cassio.  
nam ex duabus Bruti sororibus alteram Cassius, al-  
teram Lepidus in matrimonio habebat. Q V I D  
dicam, in tanto &c. ] Adderem hoc, In tanto sena-  
tus populiq; consensu, nisi uiderem addi non uere  
posse, cum tantum resideat intra muros mali, mul-  
tis Antonio fauentibus, multis etiam Octauium  
contra Cæsaris percussiores incitantibus.

292.

FALSI honoris ] consulatus. 281 : & Plancus  
in epistola. ME A promissione ] propter ea,  
quæ de illo reip. promiseram. operam enim dedi,  
ne promississe temere uiderer. EX centesima ]  
ut de centum nummis unus tribuatur singulis men-  
sibus. IMPVDENTI censu ] in hoc enim im-  
pudentes

pudentes  
uunt, qua  
pendijs, se  
que habu  
erogabatur  
ma. et sane  
sius, qui et  
rarchus in  
beres ] dum  
illis iam an  
ribi causam  
è numero h  
in Italia con  
retur; prod  
ducatur; in  
Italiam uen  
nere. quod  
teoni deneg  
causam pue  
lere. exutus  
feretur.  
que potui  
tore putare  
mus. prater  
A P R I N  
do, eiusq;  
a patris cau



pudentes sunt locupletes, quod multo minus sol-  
uunt, quam deberent. **P R A E M I I S** ] non sti-  
pendijs, sed præmiis ante uictoriam promissis: in  
quæ haud paulo plus pecuniæ, quam in stipendia,  
erogabatur. **O R N A T V S** ] instructus pecu-  
nia. et sane ad cogendas pecunias aptior erat Cas-  
sius, qui etiam auaritiæ nomine male audiit. Plu-  
tarchus in Bruto, & epist. fam. 120. **D V M** scri-  
beres ] dum eos mihi commendares. consulebam  
illis iam antea diligenter. 287: **I N T E G R A M**  
tibi causam reseruant. ] uideo fieri posse, ut tu eos  
è numero hostium eximas. nam si te absente bellum  
in Italia contra improbos ciues susceptum confice-  
retur; prodesse illis nihil posses. cum uero bellum  
ducatur; satis mature poteris cum exercitu tuo in  
Italiam uenire, & his malis unus ipse finem impo-  
nere. quo beneficio affecta respublica nihil tibi pe-  
tenti denegabit. itaque ipsa tempora integram tibi  
causam puerorum reseruant, ut possis illis consu-  
lere. exitus enim huius belli in aduentum tuum dif-  
feretur. **C V M** diuinare &c. ] feci eorum causa,  
quæ potui, magis quia te ipsum diligo, quam quia  
fore putarem, ut tuo exercitusq; tui auxilio egere-  
mus. præter amicitiam nostram nihil spectauimus.  
**A P R I N C I P I O** ita causam egi ] cum de Lepi-  
do, eiusq; filiis ageretur, distinguere filiorum causam  
à patris causa volebam.

PAVLI





PAVLI MANVTII  
commentarius in primum  
librum Ciceronis  
epistolarum ad Quintum fratrem.

EPISTOLA PRIMA.

L. Afranio,  
Q. Cæcilio Metello Celere, CO S.

ARGVMENTVM.

MORALIS admodum est hæc epistola: et, cum ad vnum Q. Ciceronem scripta sit, omnibus tamen prouinciarum, aut ciuitatum rectoribus norma quædam & bene agendi regula esse potest. Est autem totum eius argumentum, admonitio. nam hanc vnam ob causam scribit ad Quintum fratrem, vt ei proponat ea, quæ si faciat, honori suo præclare consulat. ea porro diuiditur in laudem, vituperationem, cohortationem: laudem, quia, vt ipse scripsit in epistola, opinor, ad Trebonium, multum refert, si laudes eum, quem cohortere: vituperationem, quia dissuadendi locus est optimus, cum turpitudinem ostendimus: cohortationem, vt eius, qui admonet, propensa quædam ad eius, qui admonetur, laudem voluntas ac  
G studium



## Commentarius in lib. I.

studium declaretur. Laudat Cicero Quintum à fortitudine, sapientia, humanitate, continentia, integritate, & usu rerum gerendarum: vituperat ab iracundia, obiecta illi ab omnibus fere, qui è Græcia Romam proficiscebantur. Hortatur primum, ut æquo animo ferat annuam imperii accelsionem: & in sustinendo negotio facilitatem ostendit, cum dicat, obuénisse illi imperium nullis fere fortunæ motibus expositum, sed quod virtute & animi moderatione facillime possit administrari: deinde, ut suis tantum committat, quantam in vnoquoque fidem esse cognouerit: postremo, ne aures præbeat falsa dicentibus; ne quid iniustum ad aliorum arbitrium annulo signet; accensum quem diligit, animaduertat; ne quid insolens licitor faciat; caueat ab assentatoribus; cum seueritate regat seruos; ne quid, quod ad imperium suum, vel ad remp. attineat, seruis etiam fidelibus committat: sit ipse integer & continens; det operam, ut in omnibus, quos secum habebit, sit pudor: familiaritate prouincialium, & Græcorum percaute & diligenter utatur; disciplinam adhibeat regendæ familiæ grauem, & constantem; facilis sit in audiendo, lenis in discernendo, diligens in satisfaciendo, ac disputando: omnibus, quibus præest, vtilitatem afferat: ius æquabiliter & diligenter dicat; curetq; ut idē faciant illi, quibus aliquam partem eius muneris concesserit: constantiam & grauitatem adhibeat, quæ non solum gratiæ, verum etiam suspicioni resistat; linguam in iracundia contineat; in tuendis honoribus, quos adeptus est, operam ponat; quandoquidem esset in iis ciuitatibus cum imperio & potestate, in quibus

quibus  
mero ce  
Quod  
Afr. qu  
& Phry  
pno pel  
tur. cum  
esset; pr  
naru non  
præuera  
la Quint  
in prouin  
cores app  
libus. ut  
quit, M.  
trem, p  
minitru  
merendis  
v. epist  
tur, epist  
lo inter  
esset: &  
ciam fort  
lum, qui  
men voc  
fuerant.  
in uide  
cio quæ  
non mole  
qui cons  
consule  
brix.



quibus virtutes suas consecratas, & in deorum numero collocatas videbat. Hæc ad argumentum. Quod ad prouinciã; præerat Quintus pro prætore Asiæ, quæ minor dicitur; quæ ab ortu solis Lycaonia & Phrygia, ab occasu Agæo mari, à meridie Aegypcio pelago, à Septentrione Paphlagonia terminatur. cumq; prouinciarum administratio annua fere esset; præfuit tamen per triennium, successorem senatu non mittente; sicuti & Siciliæ per triennium præfuerat Verres. prætor autem sæpe in hac epistola Quintus nominatur; quod ii, qui prætura functi in prouincias mitterentur, & pro prætoribus, & prætores appellabantur, quandoque etiam pro consulibus. itaque Suetonius in Augusto, Extant, inquit, M. Ciceronis epistolæ, quibus Quintum fratrem, parum secunda fama proconsulatum Asiæ administrantem, hortatur, & monet, imitetur in promerendis sociis vicinum suum Octauium. et libro v. epistolarum, quæ familiarium nomine significantur, epistolæ leguntur, Q. Metelli pro consule titulo inscriptæ; cum is ex prætura in prouinciã missus esset: & Suetonius Cæsarem, cum ex prætura Hispaniam sortitus esset, pro consule appellat. neque solum, qui consules non fuerant, pro consulibus tamen vocabantur; sed contra etiam, qui consules fuerant, prætores in prouincia dicebantur. itaque in iisdem epistolis libro 11. Quod ego, inquit, officio quæstorio te adductum reticere de prætore tuo non moleste ferebam. cum loquatur de M. Bibulo, qui consul fuerat cum C. Cæsare: quem rursus pro consule appellat epistola prima, etiam tertia libri xv.



## Commentarius in lib. I.

292:

ACCESSISSE desiderio nostro, ] quo te absentem desideramus. nostro, reditus in urbem tui. In hunc autem annum, qui fuit Quinto in administranda Asia tertius, incidit exilium M. Tullii: ut est 42: A P R A E T O R I B V S ] qui non tam Quinti, quam sua ipsorum causa, contendebant; ut, Quinto decedente, eorum aliquis ad regendam Asiam mitteretur. 292: N O N N V L L O R V M negociatorum ] quorum inhonestæ cupiditati obuiam eundum censerem. uide 296.

293:

N o s summa necessitudine attingunt, ] non solum, quia publicani equites erant, & ex equestri familia natus erat Cicero; sed etiam, quia ordinem equestrem semper defenderat, atque ornauerat. ad Atticum lib. I. pag. 15. & oratione IIII. in Catilinam, pag. 121: N O S T R I consulatus beneficio ] quia, nisi ego coniurationem Catilinæ consul oppressissem, impetus in omnium fortunas esset factus. G R A E C I quidem ] ipsi socii. provinciam enim diuisit in duo genera, socios, & ciues: rursus ciues in duas species, publicanos, & negociatores. 296. Græcos autem appellat Asianos, quia tum fere totus ille terrarum tractus Græco sermone utebatur: itaque M. Cælius in quadam ad Ciceronem epistola Græcas pantheras uocat, quæ in Cilicia capiebantur.

294.

N o n itineribus tuis perterreri homines ] cum alii pro cōsulibus, quacūque irent, socios expilarēt. quo nomine Appium accusauit lib. VI. ad Att. 84.

N O S T R A

N o s t  
ster et

Q r  
prouinc  
& in dū  
N E G L  
plum dū  
tuam dig  
M I T E S  
F I N I B  
dignitate  
uatum per  
prætoris  
te: quod  
accens, q  
consulare  
H o r a  
horum pe  
dedit: q  
quacūq  
nobis, ad  
ut opinor  
qui min  
ros pend  
assidue  
das, ne q  
probare  
ties uel  
libertum  
ET I A



NOSTER cum animo ] Bessarionis liber : noster et cum animo. forte, noster est.

294 :

QVEM SORS DEDIT. ] sorte quaestores  
prouinciarum rectoribus dabantur. epist. fam. 30.  
& in diuinatione 64. QVOAD PER SE  
NEGLIGERET ] in priuatis rebus, quæ ad i-  
psum duntaxat pertineant : in iis uero, quæ ad  
tuam dignitatem spectant, ferre te nollem. CO-  
MITES, & adiutores ] ut legatos, & quaestorem.  
FINIBVS iis ] duntaxat in iis rebus, quæ ad tuam  
dignitatem pertineant. nam in iis, quæ ad ipsos pri-  
uatim pertinent, feras. QVASI ex cohorte  
prætoris ] non dicit, ex cohorte, sed, quasi ex cohorte :  
quod in ea paulo nobiliores homines essent. nā  
accensi, ministri erant ; cohors prætoria, comites  
consulares, ut exponit Pedianus in II. Verrina.  
HORVM non modo facta sed etiam dicta ] tur  
horum potius, quàm eorum, quos resp. comites  
dedit ? quia, quos ipsi probauimus, & delegimus, ii  
quacunque in re peccauerint, non tam ipsis, quàm  
nobis, adscribitur. LIBERALITAS ] rectius,  
ut opinor, in Bessarionis libro, libertas. solēt enim,  
qui minime fraudulentum sunt, ex ingenio suo ceteros  
pendere. NON ut uas aliquod, ] quod  
assidue circumfertur. sed uide, quibus illum tra-  
das, ne quis, accepta pecunia, signet ea, quæ tu non  
probares. MINISTER ] ne quis eo, quo-  
ties uelit, uti possit. Et fortasse hic tacite Statium  
libertum designat. de quo uide 302. & 303 : EO  
ETIAM numero ] è numero bonorum uirorum :  
G 3 quales



## Commentarius in lib. I.

quales eos maiores nostri esse uoluerunt; qui liber-  
tis in hoc utebantur, ut iis imperare, & bene agen-  
di leges imponere facilius possent. Accensus autem  
nomen ordinis fuit, & promotionis in militia, ut  
Pediani uerbis utar.

295.

EX EO genere hominum, ] prouinciales homi-  
nes auaritiæ notat. QVI PECVNIAE, ] hoc  
non ab iis uerbis pendet, Ex eo genere hominum.  
nam si ita esset; ex iisdem uerbis illud quoque pen-  
deret, Te autem, alienum hominem, ament ex a-  
nimo. ita, quò spectarent ea uerba, qui potes repe-  
rire, prorsus non esset. quare ego sic totam senten-  
tiam dispono. Ex eo genere hominum, ex prouin-  
cialibus inquam, qui potes reperire, qui & pecuniæ  
cupiditate adducti careant iis, quæ à nobis colun-  
tur, uirtutibus, & te, hominem alienum, ament ex  
animo, ac non sui commodi causa simulent? mihi  
quidem difficile in primis uidetur. itaque cauendæ  
sunt eorum familiaritates. IIS REBUS ] iis  
uirtutibus, ut humanitate, & continentia.

295:

PRAETORES semper omnes ] quod est simu-  
lationis indicium. nam si essent natura boni, & ad  
humanitatem propensi, nam tam prætores, quàm  
priuatos homines, amarent. QVAM tempo-  
ris ] qui te ipsum potius, quàm temporis causa, dili-  
gant. E GRAECIS ipsis ] locutus enim ha-  
ctenus est de negociatoribus, qui quæstus causa in  
prouinciis uiuunt. SIC VERO ] sed, uti nunc  
sunt, fallaces plerique sunt. nam uetus Græcia bo-  
nos permultos habebat. ET INVIDENT ]

sic



fic in omnibus impressis libris, præter eos, qui postremi ex ædibus nostris, multis partibus meliores facti, prodierunt. occasionem nobis attulit coniecturæ Bessarionis liber: in quo scriptum cum videremus, Et non inuident, facile tum ex emendandi vetere consuetudine, tum ex latini sermonis observatione sumus adducti, vt, vbi, non, legebatur, reponendum putaremus, verò, mutatione nulla: vt facile, qui libros manuscriptos cum impressis conferre soliti sunt, iudicabunt. quo ex numero Faernus meus excellit; qui singularem optimarum disciplinarum scientiam eximia huius quoque generis laude cumulauit. NON enim audent] nam aperte nobis aduersari non audent, quamuis male animati sint, sed occulte obtrestant. TRALLEIS, an Formias] Tralles in Caria, quæ est in Asia minore, quâ Quintus regebat: Formiæ in Cāpania.

296.

SUSTINERE] defendere, & tueri. nam alioqui summa seueritas in eo prætoris posset reprehendi, cuius vitam labes aliqua turpitudinis & improbitatis inficeret. INHONESTISSIMAM cupiditatem] erant enim negotiatores, quorum cupiditas & impudentia esset pœna coercenda. itaque dixit supra, Dum sociorum saluti consulo, dum impudentiæ non nullorum negotiatorum resisto, 292: NE VARIETVR gratia] dum eadem sit seueritas in omnes: ne cui gratificans aliud alio tempore decernas.

296;

SUSTINERI] totum hoc, quidquid est oneris, iurisdictionis est. LENITAS in discernendo,]

G 4

dissentio



## Commentarius in lib. I.

disentio ab ijs, qui malunt legere, Decernendo. est enim hic, discernere, idem quod dijudicare: quod is, qui iudicio præest, in re dubia & controuersia facit. SATISFACIENDO, ac disputando] satisfacit iudex duobus modis, primum, cum litigantes facile ac libenter audit; deinde, cum eos, aduersus quos sententiam dederit, vultu & verbis ita mulcet, & quasi consolatur, vt irati prorsus maleq; animati nõ discedant. hoc alterum genus hic intelligit Cicero. nam, quod ad audiendi facilitatem attinet, id primo loco iam posuit. DISPUTANDO, autem quid est? an ad prætorem refertur? non videtur. non enim prætor disputat, sed disputantibus aures præbet. quod si ad litigantes pertinet; disceptando, malim legere: quod verbum de litigantibus proprie usurpatur. exempla non affero, quia nota sunt. paulo tamen durius hæc duo coniungentur, diligentia, & disputando, siue disceptando: siquidem, diligentia, referas, ad Quintum; ad litigantes autem, disceptando: cum presertim illa tria reliqua, audiendo, discernendo, satisfaciendo, manifeste ad Quintum omnia referantur. cur igitur, aliquis obiiciat, ad eundem non refers? dixi iam: quia prætor non disceptat, sed disceptantes audit. C. N. OCTAVIUS] hic est, opinor, de quo infra 303: qui fuit Augusti pater; & Macedoniam rexit, quæ Quinti prouinciam attingebat. videtur autem Caio potius, quàm Cneo, prænomen ei fuisse. vide, quæ notauimus in ad Atticum lib. II. 23: vt omittam, quod infra 303: Bessarionis liber habet G. Octavius, corrupta quidem litera, sed qua tamen librarius. Caium significare voluerit.

PRIMVS

Pr. I. M.  
fuit. ver  
& erit ap  
cum vno  
lictores  
bus impe  
rudinem  
confitear  
xxxv.  
ius alliqu  
amicis al  
proximis  
rat, locu  
politea ve  
medico A  
tiz studi  
ribus per  
que conhi  
itaq; sua  
coltus no  
lenitatem  
gebantur  
maz est, ]  
Vbi r  
tem in m  
est; & q  
gnoscent  
tus impu  
alorum  
rem pot  
eo mine  
contra a



PRIMVS lictor quieuit] antea, Primus lictor qui fuit . verum neque magna mutatio est inter F & E : & erit aperta sententia : vt sit, Quieuit , dicendi locum vnicuique concessit : cum aliorum prætorum lictores obstrepere solerent , & silentium dicentibus imperare . Sequor autem in hoc meam consuetudinem libenter , vt , quid à quoque acceperim , confitear . nam , cum Romæ essem , anno M . D . XXXV . Octavius Pantagathus , vir eiusmodi , cuius assequi virtutes nulla satis laudatione possum , amicis aliquot , quorum in numerum me quoque proximis superioribus diebus humanissime receperat , locum hunc ita esse emendandum indicauit . postea vero Ferrariæ , cum has epistolas cum Benedicto Aecolto , Cardinali Ciceronianæ eloquentiæ studiosissimo , subsiciuarum horarum temporibus percurreret ; renouatam memini , & ab utroque confirmatam eandem huius loci correctionem . itaq; sua manu in eo , quo tunc utebatur , libro Accoltus notauit . T V E R E T V R ] propter hanc lenitatem excusabatur illa seueritas , quod ab eo cogebantur Syllani homines &c . GRATA Romæ est , ] in iis , qui Romæ magistratum gerunt . VBI TANTA arrogantia] duabus de causis lenitatem in magistratibus vrbis valde laudari , mirum est ; & quod in summa hominum arrogantia uix agnoscitur lenitas ; & quod iniuriosus esse magistratus impune non potest ; quoniam acerbius tractati , aliorum magistratuum auxilium implorant , maiorem potestatem contra minorem appellantes : vt eo minoris æstimanda lenitas videatur , quoniam contra acerbicatem & iniurias tot magistratus , tot auxilia



## Commentarius in lib. I.

auxilia sunt. quòd si, vbi tanta arrogantia est, vbi tot auxilia, tamen & grata est, & plurimi æstimatur lenitas: quanto magis in prouincia? in qua &c. **N V L L A** conquestio, ] vbi de magistratu queri nemo potest. non est enim, vt Romæ, ad quem confugiat, quem appellet. Nec tamen displiceret, vel placeret potius, Nulla quæstio: vt de iudiciis accipiat, ad quæ contra magistratum iniurias in vrbe appellatio est. sic triplex auxilium erit, iudicia, senatus, populus.

297.

**C Y R V S** ille ] is, cuius morientis orationem ad filios de animorum immortalitate recitat Cicero in libro de senectute. **N O N A D** historię fidem scriptus ] hoc exemplum non ob eam causam Cicero attulit, vt ostenderet, Cyrum esse à Xenophonte scriptum; sed vt ex eius institutis argumentum caperet, prouinciarum rectoribus grauitatem esse cum humanitate iungendam. nam si ea sic ille coluit, qui priuatus futurus nunquam fuit; quonam modo, &c. Opinor igitur, non terminari sententiam in verbo, scriptus, nec subaudiri, est; quod non nulli putant: sed pendere, donec excipiatur ab illa parte, Eaqu; si sic coluit ille. vt sit, quod Græci ἀναλόγητον vocant. quale illud est in Tusculana secunda. Etenim si orationes, quas nos multitudinis iudicio probari volebamus, (popularis est enim illa facultas, & effectus eloquentiæ est audientium approbatio) sed si reperiiebantur non nulli, qui nihil laudarent, nisi quod imitari se posse confiderent, &c. similia notauimus & apud Græcos multa. **N O S T E R** ille ] à nobis celebratus in libris de rep. infra,

infra, lib. I.  
86.91: & v  
tendum] a  
mus, iudici  
uatis parand  
cet potius,  
quam conu  
eadem de re  
terur, ciuita  
fir, aliud vrb  
ad Dolabell  
tatem merui  
guat, cime  
quæ dirigit  
esse recreata  
mum Ioniz  
rodoti patri  
bus Romanis

CALVMN  
in prouincia  
res locuplet  
rent: quo  
quæstus faci  
rvm ciuita  
ab ipsis ciui  
qui sub ijs e  
uitates impo  
que agreste  
A d i l l i  
dos impera  
N o s t r a



infra, lib. III. 327: & ad Atticum lib. IIII. 63: & VI. 86.91: & VII. 101: 124: & X. 156: AD QVAS reuertendum] à quibus legibus imperium in alios accepi-  
mus, iisdem, cum in urbem reuerterimus, nobis pri-  
uatis parendum erit. LIBERATAS vrbes] pla-  
cet potius, verbum, liberatas, ad ciuitates referri,  
quàm coniungi cum sequentibus. non enim, cum  
eadem de re, de ære, inquam, alieno, Cicero loque-  
retur, ciuitates & vrbes dixisset; cum aliud ciuitas  
sit, aliud vrbs. quod facile declarat illud in epistola  
ad Dolabellam: Liberasti & urbem periculo, & ciui-  
tatem metu. item hic, vt à ciuibus ædificia distin-  
guat, ciuitates ait ære alieno liberatas; vrbes autem,  
quæ dirutæ fuerant, ac pene desertæ, per Quintum  
esse recreatas. SAMVM, & Halycarnassum,] Sa-  
mum Ionix, Halycarnassum Carix, quæ fuit He-  
rodoti patria, & Dionysij, eius, cuius extat de re-  
bus Romanis vberima, eademq; certissima historia.

297:

CALVMNIAM] fuerant enim quidam prætores  
in prouincia vsque eò avaritia perditi, vt accusato-  
res locupletum ipsi compararent, atque instrue-  
rent: quo maximos ex eorum condemnatione  
quæstus facerent. qualis Verres fuit. QVI EA-  
RVM ciuitatum fines incolant,] non satis fuisset  
ab ipsis ciuitatibus; sed dixit, ab omnibus plane,  
qui sub ijs ciuitatibus incolunt. nam plerunque ci-  
uitates imposita tributa in homines oppidanos at-  
que agrestes ita transferunt, vt tolerari vix possint.  
ÆDILICIORVM,] ædiles enim ad suos lu-  
dos imperare prouincijs pecunias solebant.

NOSTRVM] non cum Quinto commune, sed  
Marcii



## Commentarius in lib. I.

Marci proprium : quod infra patet. CIVITA-  
TES ] Asiæ. MAGNIS meis meritis, ] quibus  
Asiâ provinciâ affeceram. TVIS ] in isto imperio,  
quod tibi nunc est in tertium annum prorogatum.  
298.

LEX ] de repetundis; quæ sanciebat, ne cui aut  
capere pecunias liceret, aut conciliare. quod ex-  
pist. patet ad Att. lib. VI. 88 : & in Verrem IIII. 137:  
QVIBVS nec deberetur, ] perspicuum est ædiles si-  
gnificari. EIGENERI hominum ] Græcis.  
298:

CONSECRATAS ] hoc dicit, quia iustitiæ ce-  
terarumq; virtutum templa erant in Græcia. DE  
NOBIS optime meritum, ] erant enim publicani ex  
ordine equestri, & Catilinæ coniurationis temporibus  
equites consuli Ciceroni assidue cum gladiis as-  
stiterant. pro Sextio, & post reditum in senatu 206:  
211. & I. in Catilinam, 101: PER NOS ] vide ora-  
tionem IIII. in Catilinam, 121: EOS PERIRE ]  
Asiæ ciuitates: quas publicani vectigalibus acerbe  
nimium vexabant.

299.  
VLTIMIS terris ] non orbis vltimi, nec imperii Ro-  
mani, sed admodum remotis. PUBLICIS male re-  
demptis, ] ideo videris publicanis satisfacere vix posse,  
quoniâ publica nimium magno cõduxerunt: vt ob eâ  
causam acerbius à sociis exigere cogantur; neque tu  
tantum illis possis cõcedere, quo non plus postulent,  
atque efflagitet. SINE publicano ] ipse. n. per se  
ciuitates non facile ad colligendum vectigal adducuntur,  
nisi sit, qui præcipuam huius muneris curam gerat, & suo  
periculo à sociis exigat. quod faciebat publicanus.  
ÆQUALITER ]

ÆQUALITER  
exigi videtur  
id fuisse ca-  
ruentibus  
mittere,  
chus in Lu-  
Quanti: su-  
re. R  
forte, quia  
censuerunt

GENV  
vt publican  
tare cenle  
consuleret  
qua de cau-  
libus publi-  
quiore, om-  
provinciale  
blicanis, et  
a censore  
vt scilicet  
lestia libere  
nis quotidi-  
parum mu-  
soniam hui-  
lum lata,  
lores enim  
cur autem  
bus.  
rum locan-  
quid autem



**AEQVALITER** ] quo facilius sine publicano  
exigi videbatur posse. **SYLLA** descriperat. ]  
id fuisse talentorum xx millia, & cum duplum mu-  
tuantibus publicanis Afiani se esse reddituros pro-  
mitterent, facta esse c & xx millia, tradidit Plutar-  
chus in Lucullo. **CAVNI**, ] pars prouinciæ  
**Quinti**: sunt enim in Caria, & Caria in Asia mino-  
re. **RHODIIS** Attributæ ] quo beneficio?  
forte, quia Norbanum, Sylla repetente, reddendum  
censuerunt.

299:

**GENVS** ipsum, ] vectigal. **RELIQVA** ]  
vt publicanorum exactio. **NON LEGEM** spe-  
ctare censoriam, ] quæ in pactionibus faciendis  
consuleret prouincialibus potius, quàm publicanis.  
qua de causa, cum pactiones facere cum prouincia-  
libus publicani ex lege censoria, vtpote in ipsos ini-  
quiore, omnino recusarent; possunt, inquit Cicero,  
prouinciales quoquo modo pactiones facere cū pu-  
blicanis, etiā si non iis plane conditionibus, quæ sunt  
à censoribus in vectigalium locatione constitutæ;  
vt scilicet negotium aliquando conficiant, & ea mo-  
lestia liberentur, quam capiunt, cum se à publica-  
nis quotidie appellari atque vrgeri vident. Et est à  
parum multis fortasse animaduersum, legem cen-  
soriam hoc in loco, non re vera pro lege ad popu-  
lum lata, sed pro locatione ipsa, vsurpatam. cen-  
sores enim ferendarum legum ius non habebant.  
cur autem non haberent, diximus in libro de legi-  
bus. **CENSORIAM** ] de vectigalibus; quo-  
rum locandorum cura penes censores erat. quid-  
quid autem publicanis prouinciales debebant, id  
vectigalium



## Commentarius in lib. I.

uestigialium erat nomine contractum. COM-  
MODITATEM] quid enim commodius, quàm  
ære alieno liberari, nec, ut ante, usuris exauriri?  
SED ET ab iis] vna in re duo monet fratrem;  
primum, ut, qua valet gratia, atque auctoritate, ea  
cum Græcis publicanos coniungat; cum ita dicat,  
summam esse in publicanorum ordine dignitatem;  
ei se plurimum debere: deinde, non ut iam gratia,  
aut auctoritate cum provincialibus agat, sed ab iis  
pro eo, quantum ei debent, quod plurimum est, pe-  
tat, ut hoc ei de ipsis optime merito, quasi mercedis  
loco, retribuunt, ne quid asperere nimium, aut  
acerbe contra rem aut voluntatem publicanorum  
decernant. COMMODIOREM] suauiore, ac faciliorem.  
SOCIETATES] publicanorum: erant enim in plures societates dispersi.  
fam. 207: IDEM faciunt Græci.] quod argumento est,  
tua prudentia factum esse, ut inter eos conueniat.  
PROPE naturam] ut ignis & aqua, sic fere diuersi esse videntur publicani & socii;  
quod publicani suum commodum sine sociorum incommodo  
curare non possunt. quos tu tamen, inquit, amore & benevolentia coniunxisti.

300.

A DOCTISSIMIS hominibus] Aristotele in ethicis maxime, Platone in Philæbo, & in IIII. de rep.  
RES IPSA, ac fortuna] Res; quia patre nati equite Romano, Romæ viuentes, literis à pueritia exculti,  
quid aliud ageremus, non erat. contulimus igitur nos ad remp. non tam studio gloriæ,  
quàm quod genus illud vitæ nobis potissimum conueniret: ut ipsa res, status quidam, & conditio rerum

rerum  
nem vid  
nos ad  
attingit  
fortunam  
na, infir  
su in via  
verbis co  
vitæ, vim  
cet enim  
aut veter  
hoc facin  
non erat  
calio satis  
na cum ut

Ut te  
tam. quod  
uertimus  
ut ne irasc  
sed etiam  
re, quam  
laus, sed v  
THEATRO  
Bellarion  
trum tot  
varietate  
tutibus ei  
siz, tolle  
tum muto  
lante sen  
trum, al



rerum nostrarum deducere nos in hanc vitæ rationem videretur. FORTUNA] quia potuit ea nos ad aliud vitæ genus impellere. tres enim causas attingit Cicero, cupiditatem gloriæ, rem ipsam, fortunam: recte: nam priores duas, nisi accedat tertia, infirmas experimur. posset ita loqui, si quis casu in via inimico occurrens, petitus ab eo primum verbis contumeliose, deinde gladio cum periculo vitæ, vim vi repellere dum vult, eum interficiat. diceret enim ad eleuandam culpam: Me non tam odiū, aut veteres inimicitia, quàm res ipsa ac fortuna ad hoc facinus adduxit. nam, ut esset in me cupiditas, non erat occasio: neque vero cupiditas simul & occasio satis ad perficiendam rem valebant, nisi fortuna cum vtraque consensisset.

300:

UT TE ante] notandum, particulam, ut, esse repetitam. quod alibi quoque factum à Cicerone animaduertimus. LENTITVDINIS] non solum, inquit, ut ne irascamur, grauitas facit; quod laudabile est; sed etiam lentitudo, hoc est, segnities quædam naturæ, quam Græci dicunt ἀσύνεσιαν. in qua non modo laus, sed vitium quoddam videtur esse constitutum. THEATRUM est totius Asiæ] neque Est, neque Asiæ, Bessarionis habet liber. alter manuscriptus, Theatrum totius Asiæ virtutibus est datum. ego ex hac varietate legendum coniicio sic: Theatrum tuis virtutibus est datum. nam eo fidentius dictionem, Asiæ, tollo, quod abest à Bessarionis libro. in eo tantum muto, quod pro, totius, lego, tuis, ita postulante sententia. et opinor, cum ad dictionem, Theatrum, aliquis pro glossa adscripsisset, Asiæ, eamq;

mox



## Commentarius in lib. I.

mox in Ciceronis verba esset recepta, vt ita legere-  
tur, Theatrum tuis Asiæ virtutibus est datum, fa-  
ctum esse, Theatrum totius Asiæ, magnamq; inde  
perturbationem esse consecutam. ILLA OM-

NIA] non modo talem vt virum te præstiteris, qua-  
lem illa postulant, sed etiam præstantiorem.

M I H I casus vrbani] casu accidit, vt ego in vrbe,  
tu in prouincia remp. gereres. Proprie tamen in  
Quinto magis, quàm in Marco, casus nominatur.  
nam Quintus iuit in prouinciam, quòd, eundum vt  
esset, casus tulit: qui contra ferre potuisset, eundum  
ne esset. Marcus vero non casu non iuit in prouin-  
ciam, sed voluntate, & consilio. prouinciam enim  
deposuerat; vt ipse in epistolis ad Metellum, Cato-  
nem, Atticum scribit. ELABORABIS] Pla-  
ne, & aperte, quod ad sententiam attinet; sed, quia  
nimium amamus antiquitatem, visum est quod in  
Bessarionis libro vidimus, id notare. habet enim,  
Alaborabis. vt fortasse, allaborabis. vsitatum est  
Horatio verbum. AMPLISSIMIS monumen-  
tis] scriptis annalibus, de quibus ad Att. lib. II. 32.

301:

TERTIVS actus] Quintus, non tertius, extre-  
mus in comœdiis est actus: isq; perfectior, & orna-  
tior videtur. hic tertium annum imperii, quasi vlti-  
mum actum in fabula accipit, quando in administra-  
tione prouinciæ vltimus est. sit, inquit, ita vltimus  
annus in prouincia perfectus, vt est vltimus actus in  
fabula.

EPISTOLA

C.  
M.

S

la uidentur  
sibus, sequi  
tu ita iudi-  
sticam, Se-  
tus arbiter  
scripserat  
tio, maxum  
talis, in qua  
una mecum  
nisset. itaq;  
doles, res  
post eius re-  
tu maiore  
tius venisset  
hominum  
ri uersus e-  
nunciatus:  
se esse ex-  
se quide si



epist. ad Q. fratrem .

41

EPISTOLA II.

302.

C. Iulio Casare ,  
M. Calpurnio Bibulo , COS.

TATIVS] Quinti libertus, gratioſior  
apud eum, quàm deceret. QVÒD ita  
ſcripſiſti,] dubitationis quiddam ſubefle  
uiderur his uerbis. quaſi dicat: Niſi tu ita  
ſcripſiſſes, aliter exiſtimarem. Eodem il-  
la uidentur ſpectare, quæ, non multis interiectis uer-  
ſibus, ſequuntur: Quod prorsus credo; quoniam  
tu ita iudicas. DIREPTVM] quòd rem dome-  
ſticam, Stati] ſtudio ac fidelitate conſeruari Quin-  
tus arbitraretur. NEQVE antea uiſus eſſet,] ita  
ſcripſerat Quintus: Maxima fuiſſet Romæ expecta-  
tio, maximus hominum concurſus in reditu meo,  
talis, inquam, qualis nunquam uiſus eſt, ſi Statius  
una mecum de prouincia decendiſſet, Romamq; ue-  
niſſet. itaque doleo illum ſine me ueniſſe. Tu hoc  
doles, reſpondet Marcus: ego lætor: quæ enim  
poſt eius reditum in te abſentem coniecta ſunt, ea  
tu maiore cum dolore præſens audiſſes, ſi tecum Sta-  
tius ueniſſet. exhaustus igitur te abſente totus eſt  
hominum ſermo, & multæ eiufmodi uoces, ἀλλ'  
αἰετὶνὰ φῶτα μέγαν: quæ emiſſæ iam ſunt. Home-  
ri uerſus eſt in Od. 1, de Vlyſſe à Polyphemo pro-  
nunciatus: à quo tam puſillo tamq; imbecillo miratur  
ſe eſſe excæcatum: qui ex uaticinio Eurimedis ab Vlyſſe  
ſe quidē ſe id paſſurum, ſed Vlyſſe aliquo magno ac  
H formoſo



## Commentarius in lib. I.

formoso viro, suspicabatur. uersus hi sunt integri:

Ἀλλ' αἰεὶ τινὰ φῶτα μέγαν καὶ καλὸν εἰδυμένην

Εὐθαδ' ἐλίσσεισθαι, μεγάλην ἐπιμένον ἄλκην.

Νῦν δέ μ' ἐὼν ὀλίγος τε, καὶ ὅστις αὖτις, καὶ ἄκικυς

Ὀφθαλμοῖς ἀλάωσεν, ἐπεὶ μ' ἐδαμάσατο οἶνω.

Nunc, qua ratione horum uersuum sententia, de Vlyssē & Polyphemo ab Homero prolata, ad Quintum & ad Statium accommodari possit, ut certe egregie potest, consideremus. Per triennium iam Quintus Asiam rexerat. scripta enim est epistola in exitu fere anni tertii. rationem eius administrationis fama iam nuncijs; Romam pertulerant: satisq; notum erat, omnibus in rebus eum uti consilio Statij liberti; quod Cicero modo occulte, modo aperte conqueritur. expectabant igitur homines liberti Statij aduentum in Urbem cū Quinto, quasi τινὰ φῶτα μέγαν; a quo provinciā esse administratam, tanquā a pro consule, audissent; qui cum uenisset, quasi decepti, itidem ut Polyphemus, ijsdem, quibus ille, uersibus errorem suum poterant indicare. Quæ igitur uoces, si cum Quinto Statius urbem esset ingressus, coniectæ fuissent; eas in unum Statium, absente Quinto, emissas, Cicero gaudet; idq; modelle significat, cum ait, Id mihi non incommode uisum est accidisse: ne offenderet animum Quinti, ad iracundiam propensi, & de Statio optime existimantis.

302:

PROTVLISSE? ] cum diceret, se à te plurimū fieri. QVONIAM tu ita iudicas: ] de Statij fidelitate scripsit Quintus & in ea epistola, qua manumissum Tironem gratulatus est his verbis: Si enim mihi Statii fidelitas est tantæ voluptati: quanti esse in isto

in isto  
monib  
vrbe B  
ut est  
toto ]  
dauem  
quos qu  
dum & p  
ciss  
tione ne  
in hac  
suetudin  
nam Epl  
dicat,  
tum noi  
proprio  
cum me  
Smyrna  
Nv G A  
nis homi

Dvo  
neam. si  
gilius loc  
» Sid  
» Ter  
CAECI  
provinci  
non pote  
ulti. vide  
ter eos,  
quali sup



in isto hæc eadem bona debent, additis literis, sermonibus, humanitate? **BLAUDENIO,** ] ex vrbe Blaudo, quæ est in Phrygia; non Blandenio, ut est in quibusdam libris. **DE HOC** genere toto ] cum ego tibi tam multos Græcos commendauerim. **AD FALLENDVM** ] eos, apud quos queruntur. astuti enim & ingeniosi ad fingendum & persuadendum Græci sunt. **INIMICISSIMI** mei ] feci tamen, ut, inimicitarum ratione neglecta, eos in te lenirẽ. **HEPHAESTVM** ] in hac dictione ausus sum, contra meam consuetudinem, paulisper ab antiquis libris discedere. nam Ephæstum, pro Ephesium, reposui. cur enim dicat, Apamensem Ephesium, duarum ciuitatum nominibus coniunctis, cum vnum hominem proprio, simulq; eius patriam velit nominare, ut cum infert, Megaristum Antandrium, Niciam Smyrnæum, Nymphontem Colophonium? **NUGAS** maximas ] leuissimos infimæq; conditionis homines: qui nec nominandi sunt.

303.

**DVOMYSOS** ] ita scripsi, ut antiquitatem retineam. sic enim est in Bessarionis libro. sic & Virgilius locutus est:

„ Si duo præterea tales Idæa tulisset

„ Terra viros.

**CAECILIVM?** ] hi sunt homines Romani, qui in prouincia Quinti negociabantur. **SANARI** non potest ] quia tu in eum grauissime animaduertisti. vide 296. **ECCESUPRA** caput ] ecce præter eos, quos significauimus, occurrit animo meo, & quasi supra caput astat, à me nominandus Catienus.

H 2 EQUESTRI



## Commentarius in lib. I.

EQUESTRIS censu, ] ex equestri ordine. census equestris erat quadringenta millia nummum.

MILVINO ] videtur fuisse Licinii seruulus, aut certe comes in rapinis hoc nomine. addit, Pullo, per iocum, ad rapacitatem indicandam: quia milui rapaces. TRIBUTA ] quod pecuniam quasi dominus imperaret, & minaciter exprimeret. quod præpotentes non nulli solent.

303:

DICENDI ] sal facetiasq; ] quod acute dictis multorum animos offenderet.

T V V S vicini ] Macedoniæ, quæ Asiæ proxima adiacet, prætoris: de quo 296.

INTERIORIBVS vicinis ] qui in ipsa Asia sunt, & aliquam prouinciæ tuæ partem, à te demandatam, administrant.

VALDE magnum ] cum ironia.

Q V O S nominaui ] Virgilium, & Octauium intelligit. hos enim duos nominauit: Cilicensis vero, Syriaciq; nomina non posuit.

Q V I N E Q V E Cyrum ] cum tamen literis exculti non sint.

AGESILAVM ] Lacedæmoniorum regem, qui in ore erat rhetorum declamantium, ut ait Suidas.

INEXORABILEM ] mallem, Exorabilem: ut, quia multis petentibus satisfacere Quintus voluerit, ideo scripserit iniquas, inusitatas, contrarias.

TOLLE ] da operam, ut colligantur, & supprimantur. hoc paulo post dicit apertius.

SCRIPTAS ] ab iis, qui eas à Quinto petiuisent. quas fuisse iniquas, inusitatas, contrarias, cum iidem homines & peterent eas, & scriberent, mirum non est.

N V L L V M delectum ] cum omnes peræque literas, quæ ad te afferebantur, obsignari iuberet.

SELECTA-  
RVM

xviii  
sent. ob  
in quib  
intelligi

Vi d  
hominib  
ne qua  
trana, a  
aliquem  
de minist  
tiq; ann  
proband  
de epist  
L. Fl  
Flauum  
non est.  
Celere  
hic auct  
cum vno  
enim art  
quenqu  
curulem  
men int  
tercedet  
tribunat  
te, pr  
tionem  
hoc aut  
xxxv  
pro Mil  
quidqu



RV M] quæ ante ipsius aduentum annulo tuo fuissent obsignatæ. V A R I E] multis de rebus: in quibus, hoc quoque de genere quid sentirem, intelligere potuisti.

304.

V I D E per homines amantes tui,] da negotium hominibus amantibus tui, ut tecum simul videant, ne qua à te scribatur epistola aut iniqua, aut contraria, aut absurda, aut inusitata, aut denique in aliquem contumeliosa. S Y L L A nomenclator] de ministris Quinti: à quo scriptam epistolā, Quinti; annulo obsignatam, Cicero legerat, minime probandam. T E M P O R E ipso] opportune hæc de epistolis, à te paulo consideratius scribendis.

L. F L A V I V S] Dio lib. xxxvii. nominat L. Flauium, Pompeii studiosissimum: qui tamen hic non est. nam ille tribunatum pl. gessit Afranio & Celere cos. ut etiam patet ex libro i. ad Atticum: hic autem, Pisone & Gabinio, præturam, anno tantum vno post Afranii & Celeris consulatum. non enim arbitror, anno post tribunatum pl. proximo quenquam potuisse prætorem designari. quod si curulem ædilitatem omitti placuit: biennium tamen inter tribunatum & præturam oportuit intercedere. itaque Domitius, & Ancharius, cum tribunatum gessissent, post annum, omiſſa ædilitate, præturam petierunt, & adepti sunt. vide orationem pro Sextio, & nostrum commentarium. de hoc autem Flatio, prætore designato, Dio libro xxxviii. & Asconius in commentario orationis pro Milone. S I I N F I C I A T V R?] deberi quidquam Fundanio. P R A E T O R solet]

H 3 prætor



Commentarius in lib. I.

prætor non iudicabat, sed ius dicebat. iudicabant autem iudices à prætore dati, cum aliis de causis, tum etiam de iis, in quibus, petita pecunia deberetur, nec ne, diiudicari oportebat. monet igitur Quintum, contra consuetudinem eum fecisse, qui iudicauerit deberi.

304:

REMITTAS de diminuendo, ] permittas, ut de bonis Octavii diminuere possint. AMPLIVS ] hoc amplius te rogo, Flavii causa, & scilicet Pompeii, qui Flavio amicissimus est, facias omnia.

EX TVA iniuria in illum ] noli credere, me hac de re propterea tecum agere, quia liberalitatis laudem quæram, ex eo facto, quod iniuriosum est. ego tuam iniuriam tolli volo, existimationis tuæ causa: non id ago, ut videar in Flavium liberalis.

RELINQVAS ] tempus enim decessionis appropinquabat; cum annum prætoris imperium ultra Decembrem mensem non produceretur. IV-

RIS, dignitatisq; retinens, ] qui neque de re, neque de dignitate sua quidquam detrahi passurus est.

NEQVE iure ] cum iudicare prætor non debueris, deberi.

DE PACTIONE ] inter Græcos & publicanos à te facta. 299. fam. 227.

IN EADEM epistola ] quam dixit se scripsisse iracundius. GRAVIORES ] in te obiurgando. ὀρθὰ, τὸν νόμον ] fortasse dicit hoc: Rectum navis cursum teneamus: deinde, si res ita postulet, moriamur. quasi dicat: agamus, quod rectum est: reliqua omnia contemnamus. et est eius obiurgationis, qua paulo graviore usus erat, excusatio. verba græca unde sumpserit, mihi quidem ignotum est. potuit à poeta

mutuari;



mutuari; quod sæpe solet. MAIORA ista erunt. ] an hoc? ista, quæ te moneo, quæ ad te, simulq; ad me pertinent, maioris erunt momenti, quàm illa, quorum causa ille protulit hæc uerba: *οὐ βέλτερόν τι καὶ ἀπὸ τῶν ἡμετέρων*. sunt igitur eo nobis diligentius obseruanda. QVÆ SVNT non nulla, ] hoc non ad ipsa uerba, quæ antecedunt, sed ad eorum sententiam accommodat. quæ, inquit, in te reprehendi, sunt omnino aliqua, sed tamen mediocria, & parua potius.

305.

SARDIANVS ] Sardis urbs in Lydia fuit. DEDVCAS. ] Romam. QVI IAM nihil sit: ] Non uideo, quod referatur particula, Iam: ac malim, Qui tam nihil sit: cum & seruus, & nequam seruus. nihil omnino esse uideatur. homo nihil, ueteres dixisse, tradit Varro de analogia lib. II. CATO adolescens, ] C. Cato, is, qui post triennio tribunus pl. rogationem promulgauit de abrogando Lentulo imperio. fam. 4. CONCIONEM ] ab aliquo magistratu datâ. nam alioqui, priuatus cum esset, concionari non potuisset. ad Atticum lib. IIII. 54: PRIVATVS ] cum à consule dictator dici solet. OCCIDERETVR. ] hoc significât illa uerba Iulij Obsequens: Propter Pompeij dictaturam ingens seditio in urbe fuit. quod esse factum Cicerone & Antonio cos. imperite falsoq; Obsequens tradidit: qui, cum & is, qui scripsit epitomen Liuiam, & Dio, C. Antonium à Dardanis fugatum Cæsare & Bibulo cos. significant, Antonij calamitatem & Pompeij dictaturam simul statuerit, titulumq;

H 4



Commentarius in lib. I.

lumq; fecerit; ad annum indicandum, Cicerone & Antonio cos.

305:

NOSTRAE causæ ] si diem nobis Clodius dixerit, qui nunc est tribunus pl. designatus. ET

QVIDEM, ] liber Bessarionis manuscriptus admodum à nostro impressio discrepat: habet enim sic: Ut quidam cum spe summa maxima tum maiore etiam animo sperent superiores fore nos confidant animo &c. Ex hac scriptura uidetur non magna mutatione elici ueritas posse. optime enim cum sententia Ciceronis congruet; si legatur sic: Ut quidam, cum spe summa; tum maiore etiam animo, sperent, superiores fore nos; confidant adeo, ut in hac rep. &c. IN HAC rep. ] malim, In hac re. NE

CASVM quidem nullum ] ne fortuita quidem: quæ tamen ideo uidentur pertinescenda, quia non sunt in potestate nostra. DIXERIT ] ad populum, quod ciues Romanos indicta causa contra legem Semproniam condemnarim. DISCEDA-

MVS: ] ex iudicio. HORVM REGVM ]

Pompeij, Cæsaris consulis, Craffi, qui perniciosam reip. societatem iniuerant. sic ad Atticum lib.

11. 27: Mirandum in modum reges odisse superbos. & eodem lib. 29. Hoc uero regnum esse, ferri nullo pacto potest. & ibidem 30. Nec iam ipsi agri regnum uestrum ferre possunt. CAESAR ]

consul: qui Clodium iam ad plebem traduxerat.

DE MEA comparatione ] ita credo, ut nihilo me languidius comparem, ac muniam. tale illud lib. 11.

311: Pompeius se comparat, homines ex agris acceffit. Ciceronem autem non admodum affirmanti

Pompeio

Pompeij  
11. 30.  
credam  
peius co  
mibi per  
ro.  
est, noue  
profecio  
tu Cicer  
in oratio  
promulg  
ram, vnu  
Achotum  
eius che  
tentum  
satis aue  
lo & Gab  
rant, pra  
designato  
poborum  
rem cum  
nominat  
nus pro  
consensu  
Ciceroni  
oratione  
tem, ali  
atque op  
toribus  
nare no  
quam m  
Nigidiu



Pompeio credidisse, indicat illud ad Atticum libro 11. 35. Alterum facio, ut caueam: alterum, ut non credam, facere non possum. et ibidem 36: Pompeius confirmat, eum nihil esse facturum contra me, mihi periculosum est credere. ad resistendum me paro. **AMICI**] omnes præter Clodium, hoc est, nouem: ex quibus tamen, Cicerone in exilium profecto, defluxit unus; & octo duntaxat de reditu Ciceronis rogationem promulgarunt. hinc illa in oratione pro Sextio. De meo reditu octo tribuni promulgarunt. nam ex nouem, quos tunc habueram, vnus me absente defluxit; qui cognomē sibi ex Aeliorum imaginibus arripuit; quo magis nationis eius esse, quàm generis, uideretur. Cuius loci sententiam in nostro in illam orationem commentario satis aperuimus. **CONSULES**] designati, Piso & Gabinius: qui tamen se non, quales ostenderant, præstiterunt. **PRAETORES**] Hos quoque designatos. **DOMITIUM**] L. Domitium Ahenobarbum, Cæsaris inimicissimum; quem prætorum cum C. Memmio collega, quem hic Cicero nominat, de eius actis ad senatum retulisse, Suetonius prodidit. atque huius maxime prætoris metu consensisse Cæsarem cum P. Clodio tribuno pl. de Ciceronis exilio, facit illud, ut credam, quòd in oratione pro Sextio scriptum est his uerbis: Illi autem, aliquo tum timore perterriti, quòd acta illa, atque omnes res superioris anni labefactari à prætoribus putabant, tribunum popularem à se alienare nolebant; suaq; sibi propiora esse pericula, quàm mea, loquebantur. **NIGIDIUM**] P. Nigidium Figulum, Romanorum omnium, uno

excepto



78  
Commentarius in lib. I.

excepto M. Varrone, doctissimum, ad quem est  
epistola lib. IIII. fam. 56: MEMMIUM]  
C. Memmium, eum, qui sacris Iuuentutis, quibus  
ipse præerat, M. Luculli uxorem, ut Cicero in ad  
Atticum epistola iocatur, initiauit, quiq; Cn.  
Pompeij uxorem, per Curtium Niciam grammati-  
cum, codicillis de stupro sollicitauit: ut est in libro  
de claris grammaticis. LENTULUM] non po-  
test hic esse P. Lentulus Spinther, qui consul fuit  
anno proximo post Pisonem & Gabinium cos.  
distat autem biennio à consulatu prætura. Cn:  
Lentulum Marcellinum fuisse ne credam, eadem ra-  
tione adducor. gessit enim consulatum post Len-  
tulum Spintherem. itaque prætor, Pisonem & Gabi-  
nio cos. uno tantum inter præturam & consula-  
tum anno interiecto, esse non potuit. Quid, si  
de L. Lentulo, flaminis filio, intelligatur? ne hoc  
quidem licet. repugnat enim historia. nam qui po-  
test hoc anno, idest eo, quo Gabinius & Piso con-  
sules designati sunt; prætor ipse designatus esse,  
cum hoc anno consulatum cum Gabinio petierit? id  
quod in Vatiniana interrogatione Cicero significat  
his uerbis: L. Lentulum, hunc iudicem nostrum,  
flaminem Martialem; quod erat eo tempore Gabi-  
nij tui competitor. Fuisse igitur crediderim L. Len-  
tulum Crus: qui cum C. Claudio Marcello aliquot  
post annis consulatum gessit.

EPISTOLA

quod fat  
in eo pat  
Caronis  
vnum mo  
ndem, m  
mini, et  
fortunas  
fide car  
tus: sed  
solet eue  
sunt alie  
rum inre  
TEM]  
tus es  
humani  
amicos  
res, pre



## EPISTOLA III.

306.

A. Gabinio,  
L. Calpurnio Pisone, COS.

CONSVLATVS ] siquidem, quæ  
consul gessi pro salute patriæ, ea  
me affligerunt, rogatione à Clo-  
dio lata aduersus eos, qui ciues Ro-  
manos, indicta causa, necassent  
quod sane veteres quoque leges verabant. verum  
in eo paruit Cicero senatusconsulto; quod in M.  
Catonis sententiam factum est. PRAETER  
vnum me. ] vereor enim, ne, qui me perdiderunt,  
fidem, non plane mea perniciæ satiati, eadem, quæ  
mihi, eripere tibi conentur, dignitatem, patriam,  
fortunas. FLENS flentem, ] non aliqua tri-  
sti de causa: ibat enim ad Asiam regendam Quin-  
tus: sed hoc in digressu fratrum amantissimorum  
solet euenire, presertim vbi vident futurum, vt ab-  
sint alter ab altero & aliquandiu, & magno loco-  
rum interuallo seiuncti. PROSEQVEN-  
TEM ] cum in Asiam imperio proconsulari profe-  
ctus es. mos enim hic erat, nimirum laudandus ob  
humanitatem, vt non solum propinquos, verum &  
amicos, ad prouincias administrandas proficiscen-  
tes, prosequerentur extra urbem. hinc illud ad Ap-  
pium,



## Commentarius in lib. I.

pium, fam. lib. III. Cum te paludatum prosequer. DEFENDERET.] tueretur. sic enim factum esset, ne viuo me careres, viuo me aliis indigeres. nunc mea pietas, & amor in te venire in dubium potest: quandoquidem commisi, vt viuo me careres: & quæ sequuntur proxime. PROPE fratrem] tolle, Fratrem: syncerus erit, qui nunc mendosus locus est. itaq; Franciscus Petrarca, poeta sermonis Italici hodierni omnium elegantissimus, Latini veteris haud valde bonus, in quadam epistola legit. habuit enim librum manuscriptum iis, qui nunc reperiuntur, emendatiorem.

306:

IMAGINEM meam] Tuam, magis placeret: sed, Meam, ferri potest. sunt enim, qui patrum fratres ore magis referant, quam patres ipsos. PROTINVS pergas,] ne ad me venias, sed protinus Romam pergas. TE PRAESIDIO] te ipsum tibi praesidio praesentem esse. nam, si quid temporis in reditu poneret; fieri posset, vt aliquid interim absens calamitatis acciperes. Hoc & ad Atticum scribit lib. III. 42: AVCTORITAS] si modo quid apud te valet hoc, quod me sperare vides, erige te, & confirma. spero autem tibi tuam integritatem, & amorem in te ciuitatis, & aliquid etiam misericordiam nostri, praesidii laturam. ISTO] quod ad te attinet. Timebat videlicet, ne quis ei, in urbem reuerso, diem diceret ob prouinciam auare administratam. ad Atticum lib. III. 47:

307.

REPREHENSIONEM] nam, si restituor, magis eorum extabit iniquitas, qui cum inimico meo

meo ad  
struere  
NES  
inimicis  
IIVS  
mea sati  
tenti,  
mea can  
riculum  
quid tam  
sum con  
mediocr  
intelligi  
in tam  
ri.  
Genero  
suum  
menter  
bus.  
urbem  
peam,  
hoc ad  
CEPTA  
AE RAN  
bebatu  
etionib  
FRVST  
hs deipe  
randum  
quah in  
zitia f  
molesta



meo ad me perdendum consenserint. non enim restituerer, nisi mea pateret innocentia. HONESTIVS] cadere enim in patria, fortiter cum inimicis pugnantem, honestum fuit. VTRIVS] forte enim crudelitatem inimicorum mors mea satiaffet: qui nunc, mea calamitate non contenti, valde timeo ne tibi immerenti negotium mea causa facebant. TVVM tempus] tuum periculum. Non placet, inquit, vivere; nisi si aut aliquid tuis rationibus, dum in periculo versaris, possum consulere; aut spem, non dico aliquam, aut mediocrem, sed omnino firmam de meo reditu esse intelligis. non enim exigua in spe tantum pono, ut in tam misera turpiq; vita diutius velim commorari. GENERE ipso pecuniæ] placeret sic: Genero ipso, pecunia: ut C. Pisonem generum suum significet: cuius & mores, & ingenium uehementer Cicero probauit. uide de claris oratoribus. DE PERMUTATIONE] te, cum ad urbem perueneris, pecuniam, permutatione sumptam, si ego uellem, mihi curaturum. quorsum hoc ad me retulisti? quasi uero nunc &c. ACCEPTAM] cum iturus essem in exilium. EXAERARIO] quæ tibi Asiæ prætori de publico debebatur. certam enim pecuniam prouinciarum rectoribus resp. numerabat. epist. fam. lib. 11. 33. FRVSTRA] cognosce summam Ciceronis exulis desperationem: qui cum ea pecunia ad se sustentandum usus esset, FRVSTRA, tamen dicat, quasi in res nos necessarias erogata; quod in tam afflicta fortuna uitam sibi non necessariam, ac pene molestan duceret. ET M. ANTONIO]

duo



## Commentarius in lib. I.

duo Quinti creditores, Antonius, & Cæpio. nec tamen abundat particula *et*, ut primo aspectu uidetur. *Quod* cogito] ipse se exponit, cum infert, Huic enim.

307:

*MOLESTIAE*, ] ut aliquis, nostris malis non contentus, negotium tibi facescat. sic in proxima, quæ sequitur, dixit, Si te satis innocentia tua & misericordia hominum uindicat à molestia. *CONFERRAS* ] auxilij causa. nec dubium est, de M. Crasso dici, qui a Parthis cæsus est; & de M. Calidio, qui fuit orator dulcis potius, quàm uehemens; & prætor anno proximo de reditu Ciceronis legem promulgauit, ut est in oratione post reditum in senatu. *ARRIO*: ] *Q. Arrio*, de quo 27. & in Varronis libris de re rustica. *FOVENDVM* ] summa fuit inter Hortensium & Pomponium Atticum amicitia, ut ait Nepos in uita. uult igitur Hortensium Cicero suæ causæ per Pomponium conciliari. et Hortensium potius nominat, quàm quemuis alium, quod is præter ceteros nosse diceretur id, quod à Quinto contra leges commissum opinio erat. *NE* ille uersus, ] uerebatur, puto, ne Quintus frater de ambitu accusaretur; quod in petenda ædilitate pecuniam contra leges dedisset. quo tempore uersus quidam in eum de lege Aurelia, qui ambitum notaret, conferebatur. Licet autem existimare, lege Aurelia sancitum de ambitu aliquid fuisse. *FALSO* testimonio ] Hortensij in te. *CONFIRMETVR* ] ut id nunc uerum esse dicatur, falsisq; testibus comprobetur, quod tunc significauerat ille uersus, te scilicet in honore

honori  
LAM]  
consul  
eriam  
saltem  
sam sub  
cum hor  
buntur.  
mortuo  
mi, orb

nunc ad  
quos libe  
gere mil  
modi effi  
de fluxu  
quem su  
ten fi  
mle qu  
cum dis  
LEST  
dar.  
guatus.



honore petendo pecunia usum esse. **MESSAL-  
LAM**] eum, ut opinor, qui cum M. Pupio Pisone  
consul fuerat. **ETIAM SIMVLATOREM**] etiam Pompeius, si minus ex animo nobis fauebit,  
saltem fauere se simulabit. quod ad nostram cau-  
sam subleuandam aliquid, atque adeo multum erit,  
cum homines Pompeium nostri studiosum suspica-  
buntur. **AFFERET**] iam enim de se, ut de  
mortuo, loquitur: & ideo infert, Sed, te incolumi,  
mi, orbi non erunt.

## EPISTOLA IIII.

308.

## Iisdem consulibus.

**M** **ISERICORDIAEQVE**] Quid hic habet loci misericordia? an ipsius misericordia factum erat, ut eijceretur? Malo igitur, quod indicat mihi meus ille, quem ego nunc ad singula uerba inspicio, Bessarionis antiquus liber; malo, inquam, pro misericordiæq; legere miseræq;: cum ueterem scripturam huiusmodi esse uideam, mīæq; dictione contracta, unde fluxit error. **DECIPI**] ut à Pompeio, quem summis beneficijs ornaueram. **PRAETER** fidem amicorum] uerbum, obfuit, aut simile quid, præ dolore omisit. **CAVTVM**] cum discedere malui, quàm pugnare. **AMO-  
LESTIA**] ut tibi ipsi nemo periculum inten-  
dat. **SEXTIVS**] P. Sextius tribunus pl. defi-  
gnatus. **PISO,**] gener Ciceronis, qui obiit  
ante



## Commentarius in lib. I.

ante reditum illius. RETINVERUNT,] li-  
 teris. MOTVS] urbanos: quorum expectatio-  
 ne longius discedere nolui. EXITVM illorum]  
 exitum illorum motuum. INIMICO,] P. Clo-  
 dius tribuno pl. OBTRACTATORVM,]  
 Pompeij, Cæsaris, & Crassi; qui meæ dignitati  
 obtractantes, inimicum meum fouerunt. DE-  
 NOCIVS] sic antea. nos, de nouis, reposuimus.  
 ut nouos pro designatis ponat, sicuti libro ad Atti-  
 cum III. 50: Noui tribuni pl. si essent timidio-  
 res. et ibidem dixerat iam, Veterum tribunorum  
 pl. rogatio. Alij, Domitius autem tribunus pl.  
 quorum est manifestus error; quod, ut iam osten-  
 dimus, inter illius anni tribunos Domitius non  
 fuit. GRATIDIVS,] uideo sic esse & in libris  
 manuscriptis. magis tamen placeret, Fabricius.  
 nominantur enim octo tribuni pl. in oratione post  
 reditum in senatu, T. Annius Milo, P. Sextius, C.  
 Cestilius, M. Cispus, ( sic enim in postrema no-  
 strorum librorum editione reposuimus; cum lege-  
 retur, Mosopius ) T. Fadius, M. Curtius, C. Mes-  
 sinus, Q. Fabricius: qui octo tribuni pl. de reditu  
 Ciceronis promulgarunt. duo reliqui, quos in ea  
 oratione non nominat, propterea quod promulga-  
 re simul cum collegis noluerant, fuere, ut apud Af-  
 conium legimus, Sex. Atilius Seranus, Nume-  
 rius Quintius. quos à me ideo nominatos omnes  
 uolui, quo certius probarem, in hac epistola &  
 Fabricius, potius legendum esse, quàm, Gratidius;  
 cui sententiæ subscribere uidetur etiam oratio pro  
 Sextio; & iis assentiendum non esse, qui, Domi-  
 tius, malunt, quàm, De nouis, legere. INTER-  
 CESSOR]

CESSOR  
 TEM  
 eripere  
 Lentuli  
 proximi  
 timeo, no  
 rine, no  
 RVN  
 scio quor  
 inter ciu  
 nem iam  
 rum, qui  
 natio con  
 norum,  
 MEOR  
 num zta

PHAE  
 sam] me  
 qua non  
 ex parte  
 QVI  
 quod ind  
 de tribu  
 aut ipse  
 nino.] po  
 tuam &c.  
 sed stren  
 se ipsum  
 eandem  
 me, hoc



**C**ESSOR] ex ipsis tribunis pl. aliquis. **M**ENTEM exturbarent meam] omne mihi consilium eriperent. **C**ONSULUM] designatorum, Lentuli, & Metelli. totam enim posuerat spem in proximi anni magistratibus. **T**IMOR] quod timeo, ne prætore designati, ubi magistratum inierint, nobis non amici sint. **P**UBLICANORVM arma] forte id est, quod dixit, Propter nescio quos motus. ex armis autem grauior existit inter ciues dissensio: & ad restituendum Cicero- nem summa omnium consensio requirebatur. ue- rum, quid si aliter distinguatur, sic inquam? Alienatio consulum, etiam prætorum, timor publica- norum, arma. mihi quidem placeret magis. **M**EORVM] uxoris, filia, generi. nam filius an- num ætatis uix septimum agebat.

308:

**P**HAETONTI] liberto. **C**OMMUNEM ca- sum] meam calamitatem, quæ tibi communis est: quæ non ut omnis auferatur, postulo: sed, si aliqua ex parte releuabitur, magnum quiddam facies. **Q**UI ERIT consul] iam enim designatus erat: quod inde patet, quia in hac ipsa epistola mentio fit de tribunis pl. designatis. **Q**UID SIT] rei aut spei ad salutem nostram. **V**IDEBIS om- nino.] potest & sic interpungi: Videbis. omnino, si tuam &c. **N**E CESSARIS.] ne sis languidior; sed strenue resistas. **N**ON ENIM gladiis] se ipsum nominat, cum de fratre intelligat; quod eandem utriusque fortunam ducat. non, inquit; me, hoc est, te, gladiis, sed litibus petent.

I PAVLI



PAULI MANVTII

commentarius in librum

II. Ciceronis

epistolarum ad Quintum fratrem.

EPISTOLA PRIMA.

309.

CRIPSIIT hanc P. Cornelio Lentulo Spinthere, Q. Cæcilio Metello Nepote cos. mense Decembri, id est in extremo anno; cum mense Sextili, iisdem consulibus, restitutus esset. Quintus frater erat in Sardinia, legatus, ut opinor, à Pompeio missus, rei frumentariæ causa. nam quindecim sibi eius muneris gratia Pompeius legauit, epist. i. lib. iiii. ad Atticum, & apud historicos. SUBDIES festos. ] à xvii. cal. Ianuarii ad usque fere extremum mensem dies erant festi, Saturnalia, Opalia, Angeronalia, Laurentinalia, Iuuenalia. DVO CONSULES designati, ] Cn. Cornelius Lentulus Marcellinus, L. Martius Philippus: quos immiscet consularibus. P. SERVILIUS, ] Isauricus, pater eius, qui consul nouem post annis fuit cum C. Cæsare. M. LVCILLVS, ] frater, non germanus, sed consobrinus, vt ait Eutropius, L. Licinii Luculli, qui Mithridatem

Mithridatem  
nre ge  
cinus,  
ris, ut o  
tia in V  
Calsium  
finisse  
ex orati  
lad obit  
ma gene  
gnomen  
potius, m  
Lucullus  
ne impet  
quidem  
legem  
in aliam  
bus, ut  
se, ita,  
tur. hoc  
causa om  
consulto  
ceronem  
F. Metell  
Metelli  
nem Q.  
rar. inde  
tur, sed  
quia uere  
adducor  
quod lap  
reperi,



Mithridatem Tigranemq; deuicit. et quāquam Lici-  
niæ gentis cognomen sit Lucullus, hic tamen nō Li-  
cinius, sed Terentius est. cur ita censeam, argumen-  
tis, ut opinor, facile probabo. Primum actione ter-  
tia in Verrem consules simul M. Terentium & C.  
Cassium uideo nominari. collegam autem C. Cas-  
sij fuisse in consulatu M. Lucillum, plane constat  
ex oratione pro Cluentio. Neque uerò quisquam il-  
lud obiciat; alterutrum esse necesse, ut uel ex Lici-  
niæ gente sit, cum Lucillus, quod eius gentis co-  
gnomen fuit, dicatur; uel, si ex Terentia est, Varro  
potius, ut Terentiæ gentis cognomine utatur, quā  
Lucillus uocetur. hærebit omnino, hac dubitatio-  
ne impeditus, qui morem antiquum ignorat. mihi  
quidem facile uiam aperit antiquitatis observatio.  
legi enim sæpe, ac notaui, eos, qui iure adoptionis  
in aliam familiam transfissent, duobus cognomini-  
bus, uno prioris familiæ, altero posterioris usos es-  
se, ita, ut nouum cognomen ueteri antepone-  
retur. hoc ita esse, cum alia exempla, quæ breuitatis  
causa omitto, tum illud satis indicat in eo senatus  
consulto, quod insertum epistolæ M. Cælius ad Ci-  
ceronem misit. sic enim est in eo. Q. Cæcilius Q.  
F. Metellus Pius Scipio, cognomine Scipionis post  
Metelli ac Pii cognomen collocato: quia Scipio-  
nem Q. Metellus Pius, Numidici filius, adoptaue-  
rat. itidem hic noster & Varro, & Lucillus diceba-  
tur, sed frequentius tamen Lucillus ob eā causam,  
quia ueteri, quā nouo, cognomine notior erat.  
adducor autem in hanc opinionem eo libentius,  
quod lapides illi Capitolini, proximis annis Romæ  
reperi, Lucillum hunc consulem, dictionibus ue-



## Commentarius in lib. I.

tustate consumptis, ita ponunt: M. — V S. M. F.  
 — R. L V C V L L V S. neque enim dubito,  
 quin litera illa, R, quæ ab illis duabus M. F. longis-  
 sime distat, alterum cognomen sit, quod à Teren-  
 tio, patre adoptiuo, Lucullus accepit, hoc inquam,  
 V A R R. quod, Varro, significat, sicuti L V-  
 C V L L. pro Lucullus, ibi scriptum uidemus, & in  
 iisdem lapidibus; M A R C E L L. M E S S A L L. D O-  
 L A B E L L. N A S I C. pro, Marcellus, Messalla, Do-  
 labella, Nasica, ita diuisa syllaba postrema, ut in-  
 terdū duæ literæ, interdū una tantū omittatur: ut,  
 cū scribebant, M A I. pro M A I I. Quod autē, ubi  
 nomen esse oportuit, lapis habet V S: supplemen-  
 tum esse uerum dico, T E R E N T I. ut, quod im-  
 perfectum nunc est, integrum hoc sit: M. T E R E N-  
 T I V S M. F. V A R R. L V C V L L V S. nisi si quis præ  
 nomen etiam aui putet adiungendum: quod sane  
 desiderari suspicor in lapide uideo enim inter F. &  
 R. spatium esse paulo latius, quàm ut tribus tantum  
 illis literis, V A R. quas ego addo, totum implea-  
 tur. præterea, ubi lapis corruptus non est, auorum  
 prænomina consulibus adiuncta licet animaduerte-  
 re. prænomen autem illud, quod esset addendum,  
 assequi diuinatione non possumus: cum is Varro,  
 cuius filius Lucillum adoptauit, consulatum non  
 gesserit, ac non modo in lapidibus illis, sed nec in  
 historiarum monumentis, quod sciam, usquam no-  
 minetur. Est igitur hic, M. Terentius M. F. Licinia-  
 nus, Varro, Lucullus; a quo, & ab eius collega C.  
 Cassio, lex illa Cassia frumentaria lata est, de qua  
 Cicero bis meminit in Verrem. L E P I D V S,] non  
 M. Lepidus, qui postea triumuir perdendæ reipu-  
 blicæ



blicæ fuit  
 res; cum  
 sed, M. I  
 Volcatio  
 morat.  
 no ante L  
 post eos  
 le est. pra  
 r o r e s ]  
 apparet o  
 octo omni  
 ut ira esse  
 stratu, ex  
 non potes  
 tur esse rai  
 numerus  
 porro in  
 ceronem  
 quir, sena  
 octo reliq  
 re obtinen  
 Milone, F  
 im, septen  
 res mei. S  
 excepto:  
 nem. his  
 promulga  
 fuit postu  
 duos de l  
 tus centu  
 Q. Metel  
 Milo adu



blicæ fuit, qui nominari non potuit inter consula-  
res; cum non nisi multis post annis consul fuerit;  
sed, M' Lepidus, qui consulatum gesserat cum L.  
Volcatio Tullo. itaque eos Cicero deinceps me-  
morat. GLABRIO ] M' Acilius Glabrio; qui an-  
no ante Lepidum & Volcatium consul cum fuisset;  
post eos tamen hic nominatur. quod mirari, pueri-  
le est. prætor fuit in causa Verris. PRÆ-  
TORES ] cum ex prætoribus neminem nominet,  
apparet omnes affuisse. omnes autem hoc tempore  
octo omnino fuerunt. argumenta, quibus adducor;  
ut ita esse credam, hæc sunt. Prætores, gesto magi-  
stratu, exhibant in prouincias. hoc in dubium uocari  
non potest. plena exemplorum omnia. uidetur igitur  
esse rationi consentaneum, ut earum prouinciærum  
numerus cum prætorum numero congruerit. has  
porro in senatusconsulto, quod M. Cælius ad Ci-  
ceronem misit, octo uideo nominari. Itemq; , in-  
quit, senatui placere, in Ciliciam prouinciam, inq;  
octo reliquas prouincias, quas prætorii pro præto-  
re obtinerent: & quæ sequuntur. Et in oratione pro  
Milone, Erat, inquit, id temporis consul P. Lentu-  
lus, septem prætores, octo tribuni plebis, defenso-  
res mei. Septem nominat, uno Appio de omnibus  
excepto: quod aperte indicat in oratione in Piso-  
nem, his uerbis: De me cum omnes magistratus  
promulgassent, præter unum prætorem, à quo non  
fuit postulandum, fratrem inimici mei, præterq;  
duos de lapide emptos tribunos pl. legem comi-  
tiis centuriatis tulit P. Lentulus consul de collegæ  
Q. Metelli sententia. Et pro Sextio sic: Collegas  
Milo adiutores habebat. consulis alterius summum

I 3 studium,



## Commentarius in lib. II.

studium, alterius animus pene placatus. de prætō-  
ribus unus alienus. Quod si quis putet, unum qui-  
dem Appium ex uniuerso prætōrum collegio à col-  
legis in Cicerone reuocando dissensisse, collegas ta-  
men ipsos non plane septem fuisse, locumq; iam à  
nobis ex oratione pro Milone recitatum, fortasse  
mendo non uacare; quod in notis numerorum faci-  
le solet euenire: huic, opinor, hanc suspicionem  
eripiam, ipsius Ciceronis testimonio. nam in ora-  
tione post reditum in senatu, ubi commemorat eos  
magistratus, quorum ope redierat ab exilio, no-  
mina ponit octo tribunorum pl. & septem prætō-  
rum, eorum scilicet omnium, quos in ea pro Milo-  
ne significauerat. Scriptum est etiam apud Dio-  
nem lib. XLII, de prætōribus à C. Cæsare, post Cn.  
Pompeium in Pharsalia deuictum, decem creatis,  
ut gratiam bene de se meritis referret: *ὅτι γὰρ, in-*  
*quit, πλείους αὐτῶν ἀμείψεται, στρατηγὸς τε δίκαιος τὸ ἐπὶ τῷ*  
*ἔργῳ ἀπιδέξει, καὶ ἡρέας ὑπὲρ τὸ νομομισμένον.* quod si,  
plures ut remunerari posset, decem prætōres, & plu-  
res, quàm antea fuerant, sacerdotes creauit: nimi-  
rum constat, prætōres non antea decem fuisse.  
Nam quod in Pomponio de origine iuris legitur;  
Cornelius Sylla quæstiones publicas constituit, ue-  
luti de falso, de paricidio, de sicariis, de iniuriis;  
& prætōres quatuor adiecit: deinde C. Iulius Cæ-  
sar duos prætōres, & duos ædiles, qui frumento  
præessent, à Cerere Cereales constituit: id me mi-  
nime conturbat. non enim dixit, adiecit quatuor  
prætōres ad numerum ueterum prætōrum; sed, ad-  
iecit quatuor de iis, qui prætōres erant, ad publicas  
quæstiones; ut quatuor ab ipso quæstionibus in-  
stitutis

Atque  
duos an  
nor, in  
rium mu  
ribus co  
quid eni  
eare, qu  
consulto  
ceronis  
guit nesc  
modo. T  
publice  
repetunt  
ui, de fal  
complet  
nes, & q  
sent, re  
res octo,  
tetea, qu  
nos ius  
non esse  
ueterum  
quæstione  
ad numer  
nam si ne  
num acc  
octo, sed  
res necel  
ricidio,  
ui, de an  
laru, de  
illud, no



stitutis quatuor item prætores præessent quos autē duos ait prætores à C. Cæsare adiunctos, eos, opinor; intelligit, de quibus meminit Dio, qui denarium numerum absoluerunt. Patet igitur de prætoribus octo usque ad tertium C. Cæsaris consulatū. quid enim dubias coniecturas colligere opus est, in ea re, quæ satis manifeste probatur & ex eo senatusconsulto, cuius uerba recitauimus, & ex quatuor Ciceronis orationibus, & ex Dionis historia? sed arguit nescio quis; ut decem prætores ostendat, hoc modo. Prætores publicis quæstionibus præerant: publicæ quæstiones erant septem, inter sicarios, de repetundis, peculatus, de ambitu, de maiestate, de ui, de falso; quæ crimen ueneficii, & alia quædam complectebatur. ergo, cum septem essent quæstiones, & quæstioni inter sicarios duo prætores præessent, reliquis autem singuli prætores: fuisse prætores octo, qui quæstionibus præessent, & duos præterea, quorum alter inter ciues, alter inter peregrinos ius diceret, necessarium uidetur. Dixi iam, non esse agendum coniecturis, aut argumentis, ubi ueterum testimonia perspicua sunt. nec uero illa, quæ iam attuli, obscura uideri possunt. Quod uero ad numerum quæstionum attinet, diuersa ratio est: nam si numerum prætorum ad numerum quæstionum accommodabimus; non modo plures quàm octo, sed plures etiam quàm decem creati prætores necesse erit. est enim quæstio de falso, est de patricidio, inter sicarios, de iniuriis, de ueneficio, de ui, de ambitu, de maiestate, de repetundis, de peculatu, de incestu, aliæ. Ego autem ad argumentum illud, ne quis eo in aliquam dubitationem uocetur,



## Commentarius in lib. I.

ita respondeo : primum, præesse potuisse unum præ-  
torem quæstionibus pluribus, sicuti non unus præ-  
tor, sed duo quæstioni inter sicarios quandoque  
præfuerunt. quod indicat locus in oratione pro  
Cluentio. possunt, exempli gratia, sex prætores ita  
distineri crebritate iudiciorum, ut nouis exorien-  
tibus quæstionibus uacare non liceat. potest eo tem-  
pore septimus prætor ( reliquus erat unus urbanus,  
qui non quærebat, sed ius dicebat) in ea quæstione  
minime occupatus esse, quæ sorte illi contigerat.  
hic, non dubito, quin ad eas quæstiones exercendas  
decreto senatus traduceretur, quibus uacare sex re-  
liquos prætores non potuisse iam dixi. non enim  
committendum, ut impunita crimina differantur,  
nec sit locus quò nocentes rei adducantur. Age ue-  
ro, concedatur quæstiones ab uno prætore plures  
exerceri non licuisse: sequitur ne necessario, ut ideo  
plures, quàm octo, prætores, quia quæstiones plu-  
res, quàm octo, fuerint? non sane, mihi quidem  
ut uidetur: nisi si mihi illud ante rationibus probe-  
tur, quæstiones non potuisse ab alijs, quàm à præ-  
toribus, exerceri. quod si quis aggrediatur proba-  
re, fortasse hærebit. At nostra ratio quo modo pro-  
cedit? optime uidelicet: nititur enim testimonio ue-  
terum: à quo ego, quantum in me est, do operam  
ne discedam. quid igitur ueteres testantur? præfuis-  
se & publicis quæstionibus & capitalibus qui præ-  
tores non essent: qui iudices quæstionis diceban-  
tur. nam quæstionem de ueneficio, quam exercuit  
prætor Q. Voconius Naso, apud quem Cicero  
Cluentij causam egit, exercuerat ante C. Iunius,  
non ut prætor, sed ut iudex quæstionis, qui & quæ-  
sitor

stor u  
ter era  
quæsti  
Vocon  
prætor  
uerbis  
hac rat  
Cluent  
eero, &  
Flamin  
lum si  
ex uen  
iecit is  
uideam  
enim,  
ris, qu  
sent, li  
illis qui  
essent,  
rum et  
omnes  
tores,  
nus sui  
nam,  
omnes  
dixisse  
octo pr  
quem  
erunt,  
elegan  
libellu  
uisse.



stior uocabatur. patet ex oratione pro Cluentio : patet etiam ex Asconij commentarijs. iudicium autem quæstionis duo fuisse genera, alios prætores, ut Q. Voconium Nasonem in causa Cluentij, alios non prætores, ut C. Iunium in causa Oppianici, multis uerbis demonstratum est in libro de legibus. Atque hac ratione tuncor locum illum in oratione pro Cluentio, in quo sex prætores cum nominasset Cicero, Q. Voconium Nasonem, M. Pletorium, C. Flaminium, C. Orchinium, se ipsum, C. Aquilium, subiunxit, Quid reliquæ quæstiones? quibus ex uerbis reliquos prætores intelligi, falso coniecit is, quem supra significatione tantum, ne cui uideamur uoluisse detrahere, appellauimus. uel enim, ut dixi, de iisdem prætoribus ibi nominatis, qui reliquas illas quæstiones exercere possent, licet intelligere; uel, quod iam probaui, de illis quæstionum iudicibus, qui cum prætores non essent, quæstionibus tamen non modo publicis, uerum etiam capitalibus (noc enim publicæ capitales omnes erant) interdum præerant. Reliqui duo prætores, Ciceronis collegæ, P. Cassius, & C. Antonius fuere. Cassius de maiestate quæsiuit: Antonium, cum reliqui septem, quos nominauimus, omnes quæsierint, prætorem urbanum fuisse, iusq; dixisse, necesse prorsus est. Hic teneris, inquit. octo prætores nominasti, & peregrinum omisisti: quem adiungi necesse est: &, si adiungitur, plures erunt, quàm octo. Explico me Pediani ope: cuius elegantem, plenumq; antiquitatis, ac uere aureum libellum non me pœnitebit unquā legendo contriuisse. is igitur in commentario orationis aduersus Antonium,



## Commentarius in lib. II.

Antonium, & Catilinam, prætorem eum, qui de repetundis quæreret, eundem ius inter peregrinos dixisse demonstrat. quod nec à ratione uidetur discrepare. non enim ciuium, sed sociorum, hoc est peregrinorum, causa iudicia repetundarum sunt instituta. iure igitur idem prætor & ius dicebat inter peregrinos, & ijs petentibus, de repetundis quærebat. quod cum ita sit: ius inter peregrinos prætorem Ciceronem dixisse, qui de repetundis quæsiuit, pro certo putandū est. uerum Pediani uerba, ut eius testimonio res pateat, subscribamus. Antonius, inquit, multos in Achaia spoliauerat, nactus de exercitu Syllano equitum turmas. deinde Græci, quos spoliauerat, eduxerunt Antonium in ius ad M. Lucillum prætorem, qui ius inter peregrinos dicebat. egit pro Græcis etiam tum adolescentulus C. Cæsar, de quo paulo ante mentionem fecimus. et cum Lucillus id, quod Græci postulabant, decreuisset; appellauit tribunos Antonius, iurauitque se ideo appellare, quod æquo iure uti non posset. quem locum & Plutarchus attigit in uita Cæsar, sed ita mendose, ut mirer eum in rebus Romanis tam turpiter esse lapsū. primum P. Antonium nominat, qui C. fuit: deinde Macedoniæ prætorem appellat M. Lucillum, qui prætor Romæ fuit: tertio, de corruptis iudicijs accusatum ait Antonium, qui accusatus est de repetundis: postremo, tradit eum ideo tribunos pl. appellasse, quod sibi non licere cum Græcis diceret æquo iure in Græcia contendere: cum appellare in prouincia ad tribunos pl. qui Romæ erant, nemo soleret. questum potius ad senatum socij ueniebant, nec de corruptis

rapiti  
iniuri  
prætor  
accusa  
to pol  
ter con  
to esse  
paulo  
studior  
cem pr  
Ad  
dici uer  
recurr  
naru  
freque  
quente  
expect  
caulam  
re etiam  
patebit  
non mi  
expect  
hac epi  
lis, nec  
deo.  
dubio  
testare  
porro  
opus  
quæ  
fam.  
Pom



raptis iudicijs, sed de pecunijs ereptis, aut de nece iniusta, aut huiusmodi flagitijs: de quibus aut ad prætorem aut etiam ad populum quandoque agebat accusator. quare Plutarchum hoc in loco non puto posse ab inscientiæ culpa uindicari. Hæc præter consuetudinem meam, hoc est eam, quam puto esse tenendam in conficiendis commentarijs, paulo fufius tractavi, non ambitione adductus, sed studio ueritatis; ne confirmaretur opinio illa de decem prætoribus ante bellū ciuile Cæsaris & Pōpeij. AD DVCENTOS] hic tamen frequens senatus dici uere non potest. nam in epistola quadam ad Atticum CCCCXV, & in oratione post reditum in senatu CCCCX senatores nominantur. non igitur, frequentes, ex uniuersi senatus numero, sed, frequentes, ut mense Decembri. COMMORAT expectationem] quia senatum coegerat, ut ageret causam agri Campani. licebat enim senatum habere etiam tribunis pl. quod in libro de magistratibus patebit. hic autem senatum à Lupo esse habitum, non modo ex duabus illis dictionibus, Commorat expectationem, conicio, sed inde etiam, quod in hac epistola nullam prorsus neque Lentuli consulis, neque collegæ eius Metelli fieri mentionem uideo. LUPVS] P. Rutilius Lupus. hic sine dubio tribunus pl. erat; cum rogandi sententias potestatem haberet, ut paulo post liquet. sententiæ porro non nisi à magistratu rogabantur. sed quid opus est argumentari? in epistola ad Lentulum, quæ scripta est Marcellino & Philippo cos. epist. fam. 4. Lupus, inquit, tribunus pl. quod ipse de Pompeio retulisset. Quid autem, si quis ita obiciat?



## Commentarius in lib. I.

eiat ? fuisse Lupum tribunum pl. Marcellino &  
 Philippo cos. quo Ciliciam anno Lentulus Spin-  
 ther administrauit : quod utrunque cognoscitur ex  
 epist. fam. lib. 1. non posse igitur, quo anno scri-  
 pta est hæc epistola, hoc est, Lentulo Spinthe-  
 re, & Metello Nepote cos. tribunum pl. ef-  
 se. Inepta dubitatio non est, quæq; rerum Roma-  
 narum imperitos facile perturbet. ea tamen dilui-  
 tur, si sic obijcienti respondeas. Tribunus pl.  
 sane fuit Lupus Marcellino & Philippo cos.  
 idem tamen Lentulo quoque & Metello cos. u-  
 trumque enim licuit. nam, cum consules per to-  
 tum Decembrem mensem magistratum gererent;  
 tribuni autem plebis ad usque tantum 1111. id.  
 Dec. sequebatur, ut per eius mensis dies reli-  
 quos consulibus ijs, qui ab exitu magistratus mi-  
 nimum aberant, noui tribuni pl. essent, iidemq;  
 cum primo Ianuarij die noui cōsules magistratum  
 inissent, per totum insequentem annum, ad 1111.  
 id. Dec. quod à Dionisio Liuiōq; didicimus. erat  
 igitur tribunus pl. Lupus Lentulo & Nepote  
 cos. in extremo anno, hoc est, post 1111. id.  
 Decemb. annoq; insequenti, Marcellino & Philip-  
 po cos. ad eundem usque diem magistratum per-  
 egit. Collegas eius inuenio septem, L. Porcium Ca-  
 tonem, C. Caninium, L. Racilium, Cn. Plancium,  
 A. Plautium, Sex. Antistium Veterem, \* Cas-  
 sium. ipsi prænomen fuit Publio, nomen Rutilio.  
 epist. fam. lib. 1. pro Plancio, ad fratrem, Dio.  
 prætor fuit belli ciuilis anno 1. Lentulo & Mar-  
 cello cos. quod Cæsar in comm. de bel. ci. lib. 1.  
 docet, & Cicero ipse lib. vii 11. ad Atticum, 129:

& ix.

& ix.  
 panus  
 TER  
 Nos  
 quæ ad  
 nus P.  
 IN C  
 plebi di  
 nus, D  
 seigiu  
 factam  
 do simu  
 rem cal  
 LIV M  
 nelio I  
 res noi  
 con uli  
 far ade  
 lei, cur  
 POST  
 Campa  
 Pompe  
 Assen  
 ad Agri  
 TIAS  
 fuisse I  
 senten  
 Ne q  
 tias di  
 queret  
 Con  
 superi



& IX. 134: AGR[um] Campani] ut ager Campanus ueniret. publicus enim erat. 315. MAT[er]IAM REI] quæ ipsa sibi audientiam facit. NOSTRIS ACTIONIBVS] laudauit omnia, quæ acta sunt à me in consulatu, ne ager Campanus P. Seruiliij Rulli tribuni pl. lege ueniret. IN C. Cæsarem] qui consul de agro Campano plebi diuidendo legem tulerat. Suetonius, Appianus, Dio, ad Atticum non semel libro 11. Necesse igitur erat, ut Lupus eam diuisionem, lege Iulia factam, sua lege tolleretur, eodemq; de agro uendendo simul ageret. quod spectat illud infra 315. Acriorem causam inopia pecuniæ faciebat. GELLIVM] L. Gellium crederem, qui cum Cn. Cornelio Lentulo consul fuit: sed cum inter consulares nominasset. aut igitur alius Gellius est: aut, si consularis est, non affuit in senatu, sicuti nec Cæsar aderat, nec Pompeius; quorum in alterum aculei, cum altero expostulationes fuerunt. EXPOSTULATIONES] cum quereretur, agrum Campanum à Cæsare diuisum esse, consentiente Pompeio. ad Atticum lib. 11. 31. Plutarchus, alij. ABSENTE Pompeio] aberat rei frumentariæ causa. ad Atticum, lib. 1111. 53: ad hunc, 315. SENTENTIAS se rogaturum] & hic apparet, tribunum pl. fuisse Lupum. præter enim magistratus, rogandi sententias potestatem, ut iam dixi, nemo habebat. NE QVOD onus] nolle se à senatoribus sententias dici; ne, cum aduersus uoluntatem alicuius loquerentur, in similitudines, & inimicitias inciderent. CONVICTIS] meminerat enim, quæ in senatu superioribus temporibus, cum ageretur de agro Campano,



## Commentarius in lib. I I.

Campano, altercationes, & conuicia fuissent. inde, quid quisque sentiret, poterat intelligere. nam cum antea conuicia in eos, qui de agro Campano diuidendo agebant, essent à senatoribus plerisque coniecta; tunc autem, ipso uenditionem suadente, mirum silentium esset: ex eo silentio, probari, quod ipse uellèt, ita cognoscebat, ut antea, quod de agro Campano ferebatur, improbari, de conuicijs intellexerat. M I L O cœpit dimittere] senatum. sed in uoce, Milo, insignem esse mendam existimo. fuit omnino tribunus pl. T. Annius Milo ijs consulibus, quibus hæc epistola scripta est: sed exierat iam è magistratu; cuius, ut diximus, extremus erat dies v. id. Dec. suumq; magistratum noui tribuni plebis, quorum vnus erat Lupo, inierant. quare potestatem dimittendi senatus, cum tribunus pl. non esset, habere Milo non potuit. puto igitur, hæc tria uerba de Lupo esse dicta: ut, qui senatum uocauerat, idem cœperit dimittere, neque uero, quod ad correctionem attinet, quò me coniectura ducat, non habeo: sed ego non is sum, qui, cum aliquid sine antiquorum librorum ope, aut sine manifesto historix consensu corrigo, ipse mihi magnopere placeam. dicam tamen, quod sentio. pro, Milo cœpit dimittere, reponi posset; una tantum addita litera, In illo cœpit dimittere: hoc est, in postremis illis uerbis, Se intelligere, quid senatus sentiret. M A R C E L L I N V S ] consul designatus; qui paucis post diebus, hoc est, cal. Ianuarii, consulatum iniuit. propterea primus à Racilio tribuno pl. sententiam rogatus est: quod proxime sequitur. sententiam enim

enim  
de re  
peius  
suis m  
absent  
quum  
nere.]  
bis ure  
in dimi  
rener.  
tribun  
Lupo d  
nizia.

S r a  
tus in  
toribus  
cum in  
Dionis  
licuisse  
De r  
bus dict  
mo spec  
nis ince  
quod ad  
posita M  
ra dixer  
diorum  
omnia e  
dies con  
se rug  
Clodiu



enim primi rogabantur consules designati : qua  
de re plenius in libro de senatu . CVM Pompeius  
absit,] qui cum bello Mithridatico se diuisurū  
suis militibus agrum Campanum ostendisset; ipso  
absente, agri Campani causam agi, non satis æ-  
quum uidebatur . SE SENATVM negauit te-  
nere.] dixit, licere senatoribus abire; cum illis uer-  
bis uteretur, quæ magistratuum erant peculiaria  
in dimittendo senatu : Patres conscripti, nemo uos  
tenet. Liuius. RACILIUS] L. Racilius,  
tribunus pl. de quo epist. fam. lib. i. hic senatum,  
Lupo dimittente, retinuit, pro potestate tribu-  
nicia.

309:

SVRREXIT] ex hoc loco, stantes magistra-  
tus in senatu uerba fecisse, constat: quod de sena-  
toribus tradidit Pedianus. et, Surrexit, nimirum  
cum in senatu sederet. quo fœdior patet error  
Dionis, ac Valerii Maximi, quorum uterque non  
licuisse tradit ingredi senatum tribunis pl.

DE IUDICIIS] ut iudicia fierent in eos, qui-  
bus dicta dies erat. et unum maxime Clodium ani-  
mo spectabat. IS CVM grauer de Clodia-  
nis incendiis] paucis ante diebus idem senserat:  
quod ad Atticum Cicero scripsit his uerbis: Pro-  
posita Marcellini sententia, quam ille de scripto  
ita dixerat, ut totam nostram causam, aræ, incen-  
diorum, periculi mei, iudicio complecteretur, eaq;  
omnia comitiis anteferebat, proscripsit se per omnes  
dies comitiales de cœlo seruaturum. VT IP-  
SE iudices per prætorem urbanum sortiretur:]  
Clodius de ui, accusante Milone, reus erat; quod

in



## Commentarius in lib. I.

in epistola ad Lentulum, 13. illa uerba significant:  
Impunitatem est eorum sententiis assecutus, qui,  
cum tribunus pl. pœnas à seditioso ciue per bonos  
uiros iudicio persequi uellet, exemplum præclaris-  
simum in posterum uindicandæ seditionis de rep.  
sustulerunt. Et in oratione pro Sextio. In eum igi-  
tur Marcellinus ipse sortiri iudices, prætoris urba-  
ni opera, uolebat. quanquam rectius, meo quidem  
iudicio, legeretur: Ut ipse iudices prætor urbanus  
sortiretur. forte enim, cum in libro uetere aliquo  
scriptum esset, Præt. urb. hoc est, prætor urbanus;  
addita ab imperito homine, mendosum locum su-  
spicante, particula, per. quod si legatur, ut dixi;  
intelligendum erit, hoc anno non urbanum præ-  
torem, sed alium è collegio de ui quæsiuisse, iudi-  
cesq; sortitum esse: porro Marcellinum minus il-  
lud sortitionis ad prætorem urbanum uoluisset trās-  
ferri; fortasse quod eius prætoris, qui de ui quære-  
ret, diligentia, aut fidei non ita confideret. atque  
hæc, quæ tantum à coniectura manant, nec ullius  
loci testimonio confirmantur, examinari paulo ac-  
curatius uolumus ab eruditis. S O R T I R E-  
T U R: ] ex uniuerso numero; qui ex tribus ordini-  
bus, senatorio, equestri, plebeio, constabat. quod  
multis docemur exemplis. C O M I T I A ]  
ædilia, quibus petebat Clodius; & ob eam cau-  
sam ante iudicia haberi comitia uolebat, ut ædilis  
factus, Milonis accusationē facilius eluderet. quod  
ita contigit. hinc illud ad Atticum lib. III. 56:  
Ille postea, si sua comitia non fierent, urbi minari.  
H A B E R E N T U R: ] paucis ante diebus fieri iudi-  
cia Marcellinus ante comitia uoluerat: itaque dixit  
Cicero,

Cicero  
stola,  
reueren-  
tia habi-  
prius fa-  
cia stat-  
remp. fa-  
& , cui  
non pat-  
311: 32  
& hic in  
uerius  
ueller.  
pus, O-  
uiticus  
tulo Ma-  
gatus est  
erat, is  
in libro  
ergo pe-  
furore ]  
de area  
natu sco-  
disturba-  
maller;  
gladijs;  
re conat-  
erat; se-  
quodam  
aut in iq-  
assensu  
cum ut



Cicero, in ea, quam nominavi, ad Atticum epistola, Eaq; omnia comitiis anteferet. nunc sententiam ex parte mutat. concedit enim, ut comitia habeantur ante iudicia, sed sortitione iudicium prius facta; cum eo, ut, habitis comitiis, iudicia statim fiant: qui iudicia impedierit, is contra remp. fecisse iudicetur. ita nec impedit comitia; & causam iudiciorum eripi cupientibus bonis, non patitur. C. CATO ] tribunus pl. 311: 313: & epist. fam. lib. I. CASSIUS ] & hic tribunus pl. ACCLAMATIONE ] adversus Cassium; quia comitia fieri ante iudicia uellet. PHILIPPVS ] L. Marcius Philippus, Octavij, cui Augusto postea cognomen fuit, uiricus. hic cum designatus consul esset cum Lentulo Marcellino, sententiam post eum proximus rogatus est. nam qui priore loco designatus consul erat, is priore item loco sententiam rogabatur; ut in libro diximus de senatu. DE PRIVATIS ] ergo post omnes magistratus. DE TOTO furore ] non de eo solum, quod expulisset fabros de area nostra; quod Catuli porticum, quæ ex senatusconsulto, consulum locatione, reficiebatur, disturbasset; quod Quinti fratris domum inflammasset; quod insecutus esset me lapidibus, fustibus, gladijs; quod Milonis domum, meamq; incendere conatus esset; quorum criminum nomine reus erat; sed plane de omnibus delictis, quæ, immani quodam furore incitatus, aut in me, aut in alios, aut in ipsam remp. commiserat. SECUNDIS ] assensum indicantibus. ductum à uentis: quibus cum utimur secundis, fertur, quod uolumus, recto K cursu



## Commentarius in lib. II.

curfu nauis. SEVERVS Antistius] cum in epistola M. Bruti Veterem Antistium uocari uideam, suspicor hic de menda. et forte legendum sic: Sex. Vetus Antistius: aut, Vetus Autistius: quòd dictio, uetus, in uerus, duarum literarum, t & r, similitudine, conuersa facile sit; & uerus, deinde abierit in seuerus: ut sunt homines ad ea mutanda proclives, quæ statim ut intelligerent, uel rei difficultate, uel ingenii uitio non successit. nam quod, Vetus Antistius, si legatur, nomini cognomen anteponetur; eo minime perturbor, qui huius generis exempla sæpe notauerim, dixit enim infra 312: Macer Licinius: ad Atticum 133. Balbi Cornelii: epist. fam. 22. Gallus Caninius.

IVDICIO RVM causam suscepit,] cum hæc uerba, ut Antistium tribunum pl. existimem fuisse, me adducunt; tum illa, quæ sunt in clausula epistolæ: De tribunis pl. longe optimum Racilium habemus. uidetur etiam Antistius amicus nobis fore. nam Plancius totus noster est. IN EAM sententiam] quam? an Antistii, qui, se antiquissimam esse habiturum iudiciorum causam, proxime dixerat? non puto. nam, cum tribunus pl. esset, certe ante Ciceronem, inter ceteros magistratus, rogatus erat sententiam. laudauit enim potius Ciceronem Antistius, quòd, ut optimatem decet, ita locutus erat, quàm sententiam dixit. expono igitur, EAM, Marcellini, cui Philippus assenserat, & Cicero deinde multis uerbis. Quod autem inquit, IBATVR, non puto, pedibus, subaudiri. nondum enim sententiam rogati omnes erant: quod ubi factum non esset, eundi pedibus in sententiam initium non fiebat.

febat  
Dr  
& qui  
porell  
diem  
tatem  
xio  
acm  
facet  
uerat.  
ptum  
literis  
libri  
cum  
reret  
tus.  
tiam  
ad cer  
Sextil  
ens, q  
quos  
se effe  
eius  
mox  
tur.  
etionem  
lonis  
Vr  
reliqui  
n senat  
opinio  
quo di



fiat. Ibat, igitur, omnium pene consensu.

**D I E M** dicendo eximere ] licebat enim senatori, & qua de re uellet, & quam diu uellet, dicere. qua potestate abutebantur multi; cum oratione longa diem consumerent, ne quid in senatu contra uoluntatem eorum decerneretur. Gellius. **A' R A C T I O** ] qui cum de iudiciis retulit, libera cum primis, ac minime uerecunda oratione, asperso multarum facietiarum sale, (id enim est urbane) Clodium uexa uerat. liber Magnuli habet, Inurbane: & puto sumptum à libro manuscripto: quia, Inurbane, rubris literis factum est: qua ille, ut iam diximus, ueteris libri nota utebatur. nec male congruet, inurbane, cum dictione, contumaciter: ut Clodius ideo fureret, quòd esset contumaciter, & inurbane uexatus.

**A G R A E C O S T A S I** ] locus fuit ante curiam: de quo Varro. **G R A D I B V S** ] quibus ad curiam ascendebatur.

**O P I N O R**, in Q. Sextilium ] opinor, dicit, quia Clodii operæ in eos, qui senatus ad fores adstabant, incitatae sunt: quos autem de iis, plane scire non poterat, cum ipse esset in senatu. et Sextilium nominat; quòd is eius multitudinis, quæ Milonem extra senatum, mox exiturum, operiebatur, quasi dux esse uideretur. habebat enim, ut Clodius, sic & Milo suam factionem. Ideo autem, In Sextilium & amicos Milonis incitatae, quia Clodium Milo de ui accusabat.

**U T A R B I T R O R**, in mensem Ianuarium ] quia reliqui erant Decembris mensis dies, quibus haberi senatum liceret, paucissimi, nempe quatuor, ut opinio mea fert. nam, cum ab idibus Decembris, quo die senatum à Lupo esse habitum existimamus,

**K 2** (cur



## Commentarius in lib. II.

( cur ita existimemus , supra ostendimus ) ad cal.  
Ianuarii dies xvi i i . numerentur ; ex iis porro festi  
sint v . comitiales ix . fasti i i i i : sequitur , ut per  
quatuor tantum dies , hoc est fastos , haberi sena-  
tus posset . nam , festis diebus non potuisse , notius  
est , quàm ut probari debeat : comitialibus item , fa-  
cile intelliget , qui senatusconsultum , quod est in  
epistola Cælii ad Ciceronem , attente legerit . sic  
enim in eo scriptum est , D . E . R . I . C . uti  
C . Paullus , C . Marcellus cos . cum magistratum  
iniissent ad ex cal . Mart . quæ in suo magistratu fu-  
turæ essent , de consularibus provinciis ad senatum  
referrent , ne ue quid prius ex cal . Mart . ad senatum  
referrent , ne ue quid coniunctim de ea re referre-  
tur à cos . utiq ; eius rei causa per dies comitiales se-  
natum haberent , S . Q . C . facerent . Nominatim  
de comitialibus diebus non dixisset , ut per eos sena-  
tum haberent , si haberi alioqui licuisset . et ut iis ,  
qui acuti nimium uideri uolunt , dum ab aliis exco-  
gitata delicato quodam fastidio reiiciunt , omnis ca-  
lumniandi præcludatur occasio ; uerba Ciceronis ,  
quæ id , quod agimus , aperte probant , ex epistola  
sequenti recitabimus . Consecuti sunt , inquit , dies  
comitiales , per quos senatus haberi non poterat .  
P L A N C I V S ] mendose ( sic enim puto ) legeba-  
tur in omnibus libris , Plautius . nos , Plancius , re-  
posuimus : primum , quòd hunc esse Cn . Plancium  
credidimus ; quem tribunum pl . eodem anno cum  
L . Racilio fuisse , oratio pro ipso , quæ extat , à Ci-  
cerone habita demonstrat : deinde , quod apud me  
ponderis est maximi , quia Bessarionis in libro ,  
Plancius , non Plautius , plane uideo scriptum esse .  
place



placet tamen hoc anno & Plautium tribunum pl.  
fuisse: quod à Dione lib. xxxix. traditum est. sed  
hic de Cn. Plancio malim; quàm de A. Plautio,  
quem nominat Dio, intelligere. sequor enim an-  
tiquum librum: sequor historiam: sequor etiam il-  
lud, quòd, cum dicat Cicero, Noster totus est,  
magis id conuenit in Plancium, Ciceronis amicis-  
simum, quàm in Plautium, cui nullam cum Cice-  
rone intercessisse insignem necessitudinem legi-  
mus. et forte is est Hypsæus ille, de quo in episto-  
la 1. ad Lentulum his uerbis: Libonis & Hypsæi  
non obscura concursato, & contentio in eam opi-  
nionem rem adduxerunt, ut Pompeius cupere ui-  
deatur. Hypsæus enim Plautiæ gentis cognomen.  
DE MENSE Decembri, ] usitata ueteribus lo-  
cutio, pro, mense. qualia sunt, de nocte, de die,  
& similia. Cicero pro Murena: Vigilas tu de no-  
cte, ut tuis consultoribus respondeas. et in epi-  
stola ad Atticum, libro viii. Obsignata iam epi-  
stola, quam de nocte daturus eram. Horatius:  
Offensus damnis media de nocte caballum  
Arripit. Catullus:

Vos conuiuia sumptuosiora de die facitis.  
Scripserat Quintus, ut ex his Marci uerbis conui-  
cio, sibi constitutum esse, Romam hoc mense trans-  
mittere. quod tamen nec omnino quatuor post  
mensibus ab eo factum, sequentes epistolæ decla-  
rant.



Commentarius in lib. II.

EX EPISTOLA II.

310.

Cn. Lentulo Marcellino COS.  
L. Martio Philippo,

x c v s o ] de literarum infrequen-  
tia. T e p v t o s æpe habere ]  
E post hæc verba sequebatur, Etsi  
non semper. quod cum mihi nun-  
quam satis probatum fuisset, (ab-  
surdum enim, minimeq; necessarium uidebatur) tol-  
lere tamen, nisi meam opinionem manuscriptus li-  
ber confirmaret, nunquam ausus sum. nunc in  
meo illo, mihi magnopere probato, Bessarionis an-  
tiquo exemplari uideo, quod coniecturæ meæ re-  
spondeat, scriptum esse, sic inquam: Te puto sæpe  
habere, qui, num quid Romam uelis, quærant.  
L E N T U L I, & Sexti ] ut à Lentulo & Sexto de-  
bitam tibi pecuniam exigamus; exactam Pompo-  
nio Attico, cui debes, persoluamus. C I N-  
C I O ] L. Cincio, qui Attici negotia Romæ pro-  
curabat. ad Atticum libro 1.4: A D R E-  
C O R D A T I O N E M præteritæ memoriæ ] ad ex-  
citandam eius rei recordationem, quam ex animo  
nostro deleuit obliuio. G R A C C H V S ] Ti-  
Sempronius, Tiberii & Caii, clarissimorum orato-  
rum, pater: qui cum recordatus esset, in designatio-  
ne consulum non recte à se tabernaculum esse ca-  
ptum; deq; uitiosa designatione ad augurum colle-  
gium

gium  
natus  
abdic  
rum,  
Maxim  
sule.  
laris,  
bus pr  
cedom  
In c  
creaba  
cum et  
habuit  
eius co  
erat e  
rogan  
sul ex  
rum,  
comiti  
res, nith  
quia ta  
consul  
na, ]  
quam  
bat. q  
M I N  
bex Pa  
uelles  
Minu  
nis mo  
lius a  
T I O



gium misisset; augures ad senatum retulerunt; senatus, ut consules abdicarent, censuit: consules abdicarunt. Historia est libro II. de natura deorum, libro primo de diuinatione, apud Valerium Maximum libro primo.

**V E N I T ]** pro consule. etsi prætoriam potius prouincia, quam consularis, erat Sardinia. sed interdum et à pro consulibus prætorie administrabantur. quod exemplo Macedoniæ, in oratione in Pisonem, demonstratur.

**I N C A M P O M a r t i o ]** ubi magistratus omnes creabantur. **C O M I T I A** consulum habenti] cum esset iterum consul cum M. Iuuentio Thaluæ. habuit autem ea comitia Gracchus potius, quam eius collega Iuuentius; quia qui priore loco creatus erat consul, is comitia sequentis anni consulibus rogandis habebat. itaque & Cicero, qui prior consul erat, consulem à se esse Murenæ renunciatum, in oratione pro eo narrat. plura in libro de comitiis.

**C O N T R A** auspicia ] Veteres nihil non auspiciato gerebant. Gracchus autem, quia tabernaculum uitio cepisset, contra auspicia consules creauerat.

**D E F O R M A** Minuciana, ] ædificium forte Quintus ad eam formam, quam Minucius architectus fecerat, extrui uolebat. qua de re uidetur significari 312.

**N O M I N I B V S** Pomponianis ] pecunia, quam debes Pomponio Attico, & à Lentulo & Sexto solu uelles. **E M I N I H I L.** ] ubi ædificetur ad formam Minucianam.

**A V C T I O ]** de bonis Culleoni mortui; quæ fiebat inter coheredes, quo facilius ad suum quisque perueniret.

**C O N D I T I O ]** emendi Tusculani.

K 4

tectum



Commentarius in lib. I I.

testum. ad Atticum 24. epist. fam. 102. & pro Milone. AEDILITATIS] quam Clodius petebat. COMITIA] ædilia. nam consularia iam fuerant; cum de consulibus designatis mentio fiat in epistola proxima superiore. EDICTA sunt] edicto consulum Marcellini & Philippi.

cuius autem eò usque tracta erant comitia ædilia; quæ, si mos seruaretur, anno superiore fieri debuissent? quia, cum iudicium, quo Clodius de ui causam dicturus erat, ante comitia fieri, & Marcellinus, & alii uoluissent; contra Clodius intelligeret, se iudicium effugere, nisi ædilis designaretur, non facile posse; ideoq; contenderet, ut comitia iudiciis anteferrentur: utriusque partis cõtentione factum est, ut iudicia simul & comitia ultra spatium legitimi temporis producerentur. CAUTIONIS] ne quid Clodius, si euenerit ut ædilis creetur, nocere nobis possit. REGE Alexandrino,] Ptolemaeo Aulete: qui à suis ciuibus pulsus, ad senatum confugerat, petebatq; ut restitueretur. epist. fam. lib. 1. Dio, & alii. restitutus demum est ab A. Gabinio Syriæ pro consule; qui prouinciæ suæ terminis, pretio ductus, est egressus. quo nomine postea condemnatum, in Dione legimus. MULTITUDINE] cum qua regem reduci, uetabant libri sibyllini. hinc illa apud Lucanum carmina:

Haud equidem immerito Cumana carmine uatis  
Cautum, ne Nili Pelusia tangeret ora  
Hesperius miles, ripasq; æstate tumentes.  
Dio quoque sibyllæ uerba recitat lib. xxxix.

LENTULVS] P. Cornelius Lentulus Spinther, qui proximo anno consul fuerat, & in Ciliciam tunc



tunc pro consule ibat. OFFICIO] quia  
 consul Lentulus ad senatum de Cicerone restituens  
 do contra legem Clodiam retulerat; ut ei, cuius ma-  
 xime beneficio restitutus esset, nihil Cicero non  
 debere uideretur. VOLUNTATI Pompeii]  
 quia, etsi pro Lentulo studiose, ita tamen egimus,  
 ut animum Pompeii ne offenderemus.

310:

CALVMNIA] fictis ad impediendum causis. di-  
 cit idem eadem de re in epistola ad Lentulum, 4.  
 DIES comitiales] dixi iam de hoc genere dierum.

## EPISTOLA III.

310:

## Iisdem consulibus.

LEGATIONES] quibus audien-  
 dis, mense Februario senatus habebatur;  
 idq; lege Gabinia; quod infra patet, 317. & epist. fam. 4.

A' CAL. Febr.] legitimi habendo  
 senatui dies erant, calendæ, nonæ, idus. reliquis  
 diebus, modo comitiales non essent, haberi qui-  
 dem senatus poterat; sed certus neque lege, neque  
 more statutus erat dies. positum id erat in uolunta-  
 te magistratuum. legationes igitur à calendis in  
 idus reiciebantur; non quia senatum haberi an-  
 te idus non liceret; sed quia, si haberetur, alia de re  
 potius,



## Commentarius in lib. II.

potius, quàm de legationibus, agi placeret. habitus autem quinquies ante idus est, primo nonis, ut opinor, de prouinciis quæstorum, & de ornandis prætoribus; iterum, tertio, quarto, viii; vii; vi. idus, de Clodianarum operarum ui; quinto, iiii. idus de sodalitatibus, & decuriatis. **M I L O** affuit: ] operæpretium est nosse, à quo accusaretur Milo, quo de crimine, apud quos iudices. accusabatur à P. Clodio ædili, de ui, apud populum. accusatorem & crimen illa demonstrant, quæ sunt in oratione pro Sextio, manifeste de Clodio pronuntiata. Nam quid ego de ædile ipso loquar? qui etiam diem dixit, & accusauit de ui Milonem. et infra ibidem: Volitat ædilis; accusat eum, qui aliqua ex parte eius furorem exultantem repressit. et infert continenter, de Milone: Hic, qui se est tutatus sic, ut in priuata re deos penates suos, in rep. iura tribunatus, auspiciq; defenderet, accusare eum moderate, à quo ipso nefarie accusatur, per senatus auctoritatem non est situs. Idem & Dio lib. xxxix. demonstrat. Accusatum autem esse, non ad prætorem, sed ad populum, patet ex eo, quod ad Lentulum in epistola scriptum est, fam. 5. Pompeius apud populum ad viii. id. Febr. cum pro Milone diceret, clamore, conuicioq; iactatus est, in senatuq; à Catone asperere, & acerbe, omnium magno silentio, est accusatus. quod ipsum argumento est, reum de ui Milonem fuisse. nam etsi non de ui tantum, sed etiam de maiestate, ac de incestu, populi iudicium erat; ab horum tamen criminum suspitione Milonem abfuisse, eo quidem tempore, notum est. Et, Affuit, in foro; ubi cuiuslibet generis

neris  
non u  
suble  
ne Pe  
aduoc  
nenit.  
M. M  
stima  
lone u  
nem et  
cum si  
aut ali  
rep. p  
Milon  
quo re  
cerone  
præno  
& hone  
quous  
s r e di  
die iter  
nefte, f  
er qua  
tu, ref  
nandis  
nonis  
nonas  
tribus  
deatur  
quæst  
cias si  
tineba



neris exercebantur iudicia. **ADVOCATVS**] non ut pro Milone diceret, sed ut præsentia sua reū subleuaret. is enim aduocatus est, ut in Diuinatione Pedianus testatur. quarto igitur nonas Miloni aduocatus, octauo idus eidem patronus Pompeius uenit. **MARCELLVS**] non dubito, quin M. Marcellum significet, eum, quem, post denitum acie Pharsalica Pompeium, a P. Magio Chitone interfectum fuisse, Scr. Sulpicii ad Ciceronem epistola declarat. existimo autem potius Marcellum significari, quàm aut Caium, eius fratrem, aut alium quenquam; quia & erat hic bonarum in rep. partium tutor, & Ciceronis amicissimus, & Milonis ipsius proprie studiosus, qui etiam ipsum, quo tempore de Clodii cœde causam dixit, cum Cicerone defenderit. ut omittam, quòd, cum sine prænominis appelletur, de ipso potius, qui uirtute, & honore reliquis Marcellis antecellebat, quàm de quouis alio, accipiendum uidetur. **HONESTE** discessimus.] hoc dicit, quia viii. idus, quo die iterum Milo affuit, turpiter potius, quàm honeste, fugientes discesserunt. **INTERIM**,] inter quartum nonas, & octauum idus, habito senatu, referebatur de provinciis quæstorum, & de ordinandis prætoribus. fieri enim potest, ut non modo nonis, hoc est, die legitimo, uerum etiam tertio nonas, & pridie nonas habitus senatus sit; cum de tribus diebus potius, quàm de uno, significare uideatur dictio, Interim. **DE PROVINCIIS** quæstorum,] ut quæstores anni superioris provincias fortirentur. cuius rei ad consules relatio pertinebat. quæstores autem sorte in provincias iuisse, docet



Commentarius in lib. II.

docet oratio pro Murena. **ET DE** ornandis  
prætoribus] malim, prætoriis: ut de prouinciis intel-  
ligatur. quod probat latine loquendi consuetudo.  
nam in epist. ad Atticum lib. III. Antequam, inquit,  
ad me scripseritis, uestro cōsensu consulares prouin-  
cias ornatas esse. ad eundem lib. III. Qui se dice-  
rent in ornandis prouinciis consularibus scribendo  
affuisse. et in epistola ad Catonem, epist. fam. lib.  
xv. Prouinciam, inquit, ornatam, & spem non du-  
biam triumphi neglexi. poterat enim facile trium-  
phum sperare, cum ornatam prouinciam acciperet,  
hoc est, exercitu, pecuniaq; instructam. id est enim  
ornare prouinciam. quod etiam diximus aliquot ab-  
hinc annis in commentario ad Atticum. Suspicio  
autem apud Suetonium in Iulio mendose legi; Ac  
neque more, neque iure, antequam prouinciæ or-  
dinarentur, profectus est in ulteriorem Hispa-  
niam; &, pro ordinandis, reponendum ornandis.  
**QVÆRELIS** de rep.] cum essent in senatu, qui  
non de prouincijs agi, sed de rep. uellent. Quid igitur,  
exister aliquis qui obijciat, non ad rempubli-  
cam prouinciæ pertinent? sane: sed hic remp. acci-  
pio pro rebus urbanis: quæ maioris esse momenti,  
quàm prouinciæ, quibusdam senatoribus uideban-  
tur: ideoq; reipublicæ nomine recte possunt appel-  
lari. **CATO**] C. Cato tribunus pl. qui trien-  
nio ante, Cæsare & Bibulo cos. Pompeium priua-  
tus dictatorem appellauerat. lib. I. 305. **PROMULGAVIT.**] proposuit, ut deinde legem fer-  
rēt. hoc de more diximus in libro de legibus.  
**ABROGANDO**] non abrogauit tamen, Lentulo  
Marcellino consule. dies comitiales, quibus ferre  
legem



legem Cato potuisset, omnes eximente. infra, 314  
et ex epistolis, quæ familiares uulgo uocantur, fa-  
tis constat, P. Lentulum non ante annum spatium,  
quod erat administrandæ prouinciæ legitimum,  
decessisse. [IMPERIO] Ciliciæ administratio-  
ne. nam præfecti prouinciarum imperium habe-  
bant senatusconsulto & lege curiata. quanquam  
Appius P. Clodij frater, si curiata lex ferri non pos-  
set, ex senatusconsulto se esse in prouinciam itu-  
rum affirmauit. epist. fam. 17. ad Atticum 65:

[LENTULO] Spintheri, qui anno proximo con-  
sul ab exilio Ciceronem reuocauerat. uidetur au-  
tem hic Cato P. Clodij studiosus fuisse, qui contra  
Lentulum & Milonem, quorum in primis opera  
Cicero in patriam redierat, rogationes promulga-  
uerit. 311: [MUTAVIT.] sordidata ueste,  
ad commouendam misericordiam, sumpta: quod  
magnarum calamitatum in metu facere solebant:  
itaque, lege Clodia promulgata, uestitum & Ci-  
cero cum innumerabili amicorum clientiumq; mul-  
titudine mutauerat.

311.  
[PEREGERAT] Petrus Danesius, quem ha-  
bet Gallia clarissimum ingenij doctrinæq; lumen,  
cum Venetijs ad eum sæpe honoris causa in ædes  
Georgij Siluæ, Vaurenſis episcopi, adolescentulus  
uentitarem, in sermone dixit, rectius legi posse,  
Semper egerat. quod idem mihi quoque nunc ui-  
detur. et optime duæ dictiones, interdum, semper,  
altera cum altera congruet: ut Pompeius silentio  
non sane semper egerit, sed interdum; cum aucto-  
ritate uero, semper. hanc enim operarum Clodij  
clamor



## Commentarius in lib. II.

clamor eripere nunquam potuit. **S Y R R E -**  
**X I T** Clodius. ] ædilis, Milonis accusator.

**O R E** ] cum immutatus color mentis solitudinem indicaret; contra quàm Pompeio euenerat; qui, clamore operarum minime deterritus, cum auctoritate semper egerat. **H O R A V I.** ] tertia diei hora, iudiciorum erat prima. docet hoc Martialis ille uersus, Exercet raucos tertia caufidicos. idem fere est hodie quoque in consuetudine positum.

**C L O D I A M** ] P. Clodij sororem, eam de tribus, ut opinor, quæ Q. Metelli Celseris uxor erat. nam et si reliquæ item duæ, una, quæ Q. Marcio Regi, altera, quæ L. Lucullo collocata fuerat, male audiebant impudicitix nomine, ut etiam cum fratre Clodio rem habuisse dicerentur: hæc tamen Metelli uxor, quam Quadrantariam esse appellatam, Plutarchus tradit, infamia præstabat. et hanc significat Cicero libro ad Atticum II. cum appellat *Βωπίδα*: & in oratione de aruspicum responsis, cum ait: Ne id quidem sentis, coniucentes illos oculos abani tui magis optandos fuisse, quàm hos flagrantis sororis? in ea uero pro Cælio, non modo exagitat eam, quia uirorum concubitus, instigante libidine, nimium petulanter appeteret, uerum etiam satis aperta suspicione carpit, quasi uenenum Metello coniugi dedisset.

**P L E B E M** fame necaret. ] quasi Pompeius, qui rei frumentariæ præesset, frumentum comprimeret. **A L E X A N D R I A M** ] restituendi Ptolemæi causa. **D E R O S T R I S** ] non, quòd accusatores in foro de Rostris loquerentur; sed, quia Clodius, Milonis accusator, ædilis erat;

&



& iure magistratus ad populum de Rostris uerba facere poterat. SENATVS uocatus in curiam.] VIII. idus, hoc est, eo ipso, quo pro Milone Pompeius dixit, die. Licebat igitur fastis diebus haberi senatum, iudicijs uidelicet confectis; nisi si quid maioris rei præripi tempus cogeret. CV-

RIAM.] cum nihil additur, Hostiliam intelligi notum est. BIBULO] M. Calpurnio Bibulo;

qui cum C. Cæsaris esset inimicissimus, generum eius Pompeium, & in ferendis legibus, hoc est in euertenda rep. consentientem, amare non poterat.

CVRIONE] C. Scribonio Curione, uiro consulari, oratore non postremo; cum tamen neque memoria, neque ulla omnino doctrina ualeret. pater eius Curionis fuit, qui ciuilli bello Cæsaris partes secutus, in Africa est interfectus. FAVONIO]

M. Fauonio, Catonis æmulo in propugnatione reip. & loquendi libertate. occisus est inter captiuos à triumuiris, post Brutum & Cassium Philip-pensi pugna uictos. SERVILIO filio] qui

consul postea fuit cum C. Cæsare. et addidit, Filio, quia uiuebat adhuc pater eius, P. Seruilius Isauricus. BONORVM] apparet, ab eo bo-

nos uocari Bibulum, Curionem, Fauonium, Seruilium, quia libertatis causam contra extraordina-rias Cæsaris, Pompeijq; opes tuerentur.

QUIRINALIA] quæ erant XII. cal. Martij.

DIEM] accusationis. sed quæro, qui potuerit Quirinalibus, hoc est, die festo, iudicium exerce-ri. hoc sane mihi præter consuetudinem uidetur. nisi si potestas in eo singularis fuit ædilium curu-  
lium, atque omnino ceterorum magistratuum.

AD



## Commentarius in lib. II.

**Ad Apollinis** ] non modo qui Græce sciunt, sed qui Latinas literas uix primoribus, quod aiunt, labris attigerunt, in hoc loquendi genere subaudiri ædem intelligunt. et senatum modo in templa, modo in sacras ædes uocari solitum, ex Varrone constat; qui distinguit à templis ædes sacras. **Vt Pompeius adesset.** ] puto, quia prope templum Apollinis Pompeius habitaret: qui longius à suis ædibus discedere, metu Clodij, non audebat. ideo, paucis ante uersibus legitur, eum, senatu in Hostiliam curiam uocato, domesticis se parietibus tenuisse. **CATO** ] tribunus pl. quod iam diximus; qui antea Pompeium dictatorem appellauerat, nunc, mutata uoluntate, uehementer eundem accusat.

### 311:

**ME INVITO** ] nam cur laudari se ab eo uellet, quem contra suæ salutis auctores, Milonem, & Lentulum, rogationes uideret promulgasse? **PERFIDIAM** ] cum Pompeius contra fidem suam Ciceronem destituit, pelliq; in exilium à P. Clodio passus est. **MALE VOLORVM** ] eorum, quibus immoderata Pompeij potentia grauis erat. ex his quatuor iam nominauit. hac de re epist. fam. lib. i. §: **DESCRIPSIT** ] non nominatim appellauit, sed quasi quibusdam coloribus ita depinxit, ut, cum notari, homines intelligerent. **AFRICANVS** ] minor: cuius uita non extat; cum tamen eam Plutarchus literis mandauerit, ut ipse testatur in Græchis. **C. CARNO** ] de gente Papiria, tribunus pl. quo Africanus interfectus est anno. is, accusante L. Licinio



nio Crasso, singularis eloquentiæ viro, cantharidas sumplisse dicitur. epist. fam. lib. ix. 139. & in Bruto. Plutarchus tamen in Gracchis suspicionem ait fuisse de M. Fulvio, & C. Graccho, neque Carbonem nominat. in epitome Liuiana, libro lxx. eius facinoris culpa in Semproniam confertur, Africani uxorem, Gracchorum sororem, quibus cum similitates Africanus exercuerat. SVP-

PEDITARI] a Crasso, Romanorum omnium dirissimo, Pompeij potentiæ semper infenso.

CONCIONARIO illo populo] ea maxime populiparte, quæ ad conciones tribunorum pl. facile soleret accurrere. quam populi fecem appellat. infra. ALIENATO] nam ante popularis ma-

xime fuerat Pompeius, cum alijs de causis, tum ob eam, quod populo tribuniciam potestatem, ereptam à L. Sylla dictatore, consul restituerat. Alienato autem, quia Pompeius Milonem, inimicum P. Clodij, accusatum ab eo, defenderat. infra.

NOBILITATE] de principibus loquitur ciuitatis, Crasso, Bibulo, Curione, & alijs. 305. diximus enim iam, nobiles esse dictos non patricios tantum, sed quicumque honoribus ac dignitate pollerent.

NON æquo lenata] non optime in ipsam animato. argumentum eius rei minime dubium habebat, quod C. Catonis orationem magno silentio audiri, hoc est comprobati, uiderat. IUVEN-

TUTE] quæ nec antea Pompeium amauerat. ad Atticum lib. ii. 27. 27: QVIRINALIA] quodie Milonem Clodius erat accusaturus. MA-

GNA manus] clientum, Pompeij, Ciceronis, Lentuli, Milonis. VT ETIAM] ut non mo-

L do



## Commentarius in lib. II.

do Clodius aliquid in nos per uim agere non possit, sed nec Cato rogationes eas perferre, quas de Milone & Lentulo promulgauit.

DE MILONE ] quid Cato de Milone promulgasset, compertum non habeo: nisi si hoc, ut, quando gladiatoribus, & bestiarijs contra leges esset usus, pœnas daret. hoc mihi uideor posse conicere ex illis uerbis, quæ sunt infra 314. Ille uindex gladiatorum, & bestiariorum. LENTULO ] ut ei abrogaretur imperium.

RESISTAMVS. ] si per uim eas perferre conetur, auspicijs, aut intercessionibus, aut denique legibus neglectis.

SEXTIVS ] Publius, qui anno proximo tribunus pl. cum septem collegis de Cicerone restituendo rogationem pertulerat.

INDICE ] non in hac causa indice, cum esset accusator, sed Indice; quod ante quasi cognomen illud, ex aliquo fortasse indicio, accepisset.

PUPINIA ] ex tribu Pupinia. sic enim loquebantur; quod Pedianus notauit. de tribubus autem & diximus alio loco satis multa, & plura tamen exponemus in libro de comitijs.

DE ambitu ] quod tribunatum plebis, corruptis pecunia tribubus, cepisset. aut intelligendum de quæstura, quam gessit Cicerone & Antonio cos. quod ex oratione pro ipso cognoscitur.

POSTULATVS ] apud prætorem. iudicium enim de ambitu prætor exercebat: itaque subiūgit proxime. Dixi pro Bestia de ambitu apud prætorem Cn. Domitium. Postulare autem simpliciter accipit Vlpianus pro, in iure agere contra aliquem. ego duobus modis expono; ut postulet is, qui nomen alicuius defert apud magistratum, & postulet



postulet idem, cum, post nominis delationem, in iure agit, hoc est contra reum uerba facit. Vtrunque probabimus, recitatis è Cicerone exemplis. Ac primum quidem uel hic ipse locus, de Sextio postulato, indicat, accusationi postulationem antecedere. nam infra sequitur: De iis, quæ in Sextium apparabantur crimina. nondum igitur acta causa erat, cum dicat, apparabantur. Accedit illud, quod est in epistola prima libri 11 f. ad hunc ipsum, 323. Gabinium tres adhuc factiones postulant; Lentulus, qui iam de maiestate postulauit; Ti. Nero, C. Memmius. ad urbem accessit ad x11. cal. Oct. nihil turpius, nec desertius. sed de iudicijs nihil audeo confidere. et in eodem libro, 325: admodum aperte: De ambitu postulati sunt omnes, qui consularum petunt, à Memmio Domitius, à Q. Curtio Memmius, à Q. Pompeio Messalla, à Triario Scaurus. magna res in motu est: propterea quod aut hominum, aut legum interitus ostenditur. opera datur, ut iudicia fiant. et in Vatinius: Postea quàm es postulatus, ex legatione redijsti, ne quis te iudicia defugere arbitraretur. et in epistola Cælij: Pilius de reperundis eum postulauit: magna illico fama surrexit; & de damnatione feruenter loqui est cœptum. Postulatio igitur, quod ex his locis facile liceat intelligere, accusatoris actionem anteit. quod si ita est: aut postulatio, nominis est delatio; aut, quid præterea esse possit, ego quidem non uideo. Rursus, postulare, non esse idem, quod nomen deferre; locum habeo, qui clarissime demonstret. scribit enim hæc Cælius in epistola ad Ciceronem: Non dubito, quin perla-

L 2 tura



Commentarius in lib. II.

tum ad te sit, Appium à Dolabella reum factum. et paulo post: Illud mihi occurrit, quòd inter postulationem & nominis delationem uxor à Dolabella discessit. Quid igitur? an sibi ueteres non constabant, & modo hoc, modo illud? ego hanc inconstantiam non appello, sed libertatem, qua in usu uerborum utebantur; ut ea modo latius, modo angustius usurparent; latius, ut cum, postulare, dicebant pro, accusare, sicuti nunc de Sextio postulato dixit Cicero; angustius, ut cum propriam uerbi-significationem intelligi uolebant; quale illud, ex epistola Cælii quod recitauimus, Inter postulationem, & nominis delationem. Sic, accusare, modo ualet nomen deferre, modo causam ipsam in iudicio contra reum agere. exemplis abundamus.

A QVODAM M. Tullio] cui cognomen fuit Albionouano; quod interrogatio in Vatinius docet.

DE VI] apud M. Aemilium Scaurum prætorem, ut ipsa Ciceronis oratio declarat. uim autē re uera non attulerat, sed passus erat Sextius. quod in oratione pro eo multis uerbis probauit Cicero: iudicesq; ita esse crediderunt. absolutus enim est Sextius omnibus sententiis; ut infra in epistola proxima.

VT DE BVIMVS] ob eius in nos merita: quia tribunus pl. nostram causam studiosissime iuuerat.

IVRE succensere ob eius peruersam, morosamq; naturam. sic enim de eo scribit in epistola sequenti.

ITAQVE faciemus] nostram operam, ut polliciti sumus, ita præstabimus. EDIDIT ad allegatos]

dubia sententia fluctuamus. uidemus enim aut hoc significari posse: Nerius iis, quos ad eum misimus, ut ab accusatione desisteret, dixit, etiam si ipse desisteret,

fieri  
accu  
lius  
uelle  
Cor  
quon  
geren  
tius,  
ergo  
die.  
fiebant  
intelli  
De c  
cuna  
pro a  
decut  
sic Ph  
tabat  
tetur h  
Verre  
de cam  
qui eo  
pulus  
peruati  
condet  
amitte  
Be s  
fia us  
ceroni  
quide  
iuriam  
A. Gal



steret, Sextio nihil profici: quando, præter ipsum, accusatores duo futuri essent, Lentulus, & Cornelius. aut hoc igitur intelligi potest, aut illud: Dixit, uelle se, præter Sextium, postulare Lentulum, & Cornelium: ut omnino non tam Sextii, quàm reliquorum duorum causa, peragere accusationem cogeretur; cum rei simul eiusdem criminis essent Sextius, Lentulus, Cornelius.

E O D E M die] ergo, ut iam diximus, & iudicia, & senatus eodem die.

S O D A L I T A T E S ] sodalitates in urbe fiebant multarum rerum causa. hic de sodalitatibus intellige ambitus causa factis, quæ coitio dicebatur.

D E C U R I A T I Q V E ] & uerbum, decuriare, & decuria sæpe non pro decem tantum hominibus, sed pro aliquo numero in unum coacto, & tanquam in decuriam descripto, eiusdem rei tractandæ causa. sic Philip. v. Non improbos decuriabat? non sollicitabat agrarios? Et in oratione pro Plancio sæpe utitur hoc uerbo, cum loquatur de ambitu: item in Verrem, & aliis in locis.

D I S C E D E R E N T ] de campo Martio; cum ad creandos magistratus, qui eo anno creati ob factiones nondum erant, populus conuenisset.

D E V I ] publica: nam priuatam leuior pœna sequebatur. de publica uero condemnati, presertim homine necato, ciuitatem amittebant. diximus copiose in libro de legibus.

B E S T I A ] cognomen Calpurniæ gentis. de L. Bestia uix intelligi crediderim, eo, qui consulatum Ciceronis reprehendere solitus est. tamen si ne hoc quidem esse non potuit: quia Cicero, à quibus iniuriam tulerat, eos sæpe defendit, ut P. Vatinius, A. Gabinium: eiusq; rei causam exponit his uerbis

L 3 in



## Commentarius in lib. II.

in epistola ad Marium: Cogor non nunquam homines non optime de me meritos, rogatum eorum, qui bene meriti sunt, defendere. **DE AM-  
BITV**] puto Bestiam de ambitu ob emptam præturam esse accusatum, & condemnatum. nam, nisi iudicio notatus esset, nunquam de familiaritate Bestiæ, de opera ei nauata in petitione præturæ, accusator obiecisset M. Cœlio. qua de re Cicero sic in oratione: Ac prima pars fuit illa: fuisse Bestiæ Cœlium familiarem, cœnasse apud eum, uentitalse domum, studuisse præturæ.

312.  
**CN. DOMITIUM**] Caluinum, qui post biennium consul fuit cum M. Valerio Messalla: tribunatum pl. gesserat, consulibus Cæsare & Bibulo; ut in oratione pro Sextio: præturam gerit hoc anno, idest consulibus Lentulo & Philippo; quod item eadem pro Sextio, & interrogatio in Vatinius demonstrant. **IN FORO** medio,] non enim semper in foro, sed pro arbitratu, modo in hac, modo in illa urbis parte prætores tribunal habebant: omnes tamen & eodem simul in loco, & ubi magistratus initio, ibi per totum annum. In libro de iudiciis. **ACCEPTIS**,] à Clodianis, cum esset tribunus pl. Legatur oratio pro ipso. **προφρονισμῶν**] tanquam bonus causæ Sextianæ gubernator præmuniri quiddam opportune, cum pro Bestia dicerem, quod in Sextii iudicio prodesse posset. **EVM**] Sextium potius, quam Bestiam. **VERIS**] uere enim & in quæstura & in tribunatu plebis rationibus reipublicæ fuerat utilissimus. **EVS** nuptiis] cum Piliā duxit uxorem



rem : ex qua suscepit Atticam, quæ deinde Agrippæ nupsit. hinc error patet eorum, qui legendum putant in Attici uita, Statuas aliquot ipsi & Piliæ posuerunt : cum (omitto alia ornamenta) statuas illas adolescenti Attico posuerint Athenienses, Piliam autem uxorem duxerit iam quinquagenarius. LVCVM Pisonis] qua in regione urbis, antiqua monumenta non indicant. CALENDAS

Quint.] is dies terminus erat locatarum ædium.

CARINIS] in quibus erat auita Ciceronis domus. eam fortasse Quintus in diuisione bonorum à fratre acceperat. P. Victor in regione quarta.

MUNDI] amatores elegantix. CAMIÆ] cuius gentis hoc fuerit cognomen, nondum reperiendum est, an Lamix, legi possit; qui ex gente Aelia fuerunt. OLBIENSEM] Olbia data-

tam. 313. HYEMS] qua parte anni non ita morbis tentamur. SARDINIAM] prouinciam graui cælo; eoq; te diligentius cura.

## EPISTOLA IIII.

312.

### Isdem consulibus.

BSOLVTVS] iudicio de ui, accusante M. Tullio Albinouano. extat Ciceronis oratio. nam iudicium de ambitu factum esse non existimo, forte quia Nerius accusandi consilium abiecerit. OPPUGNABATUR,] dixit enim testimonium Vatinius in Sextium.

L 4 ARBI-



Commentarius in lib. II.

312:

ARBITRATV nostro ] cum id mihi per omnes, quatenus ego uellem, liceret. itaque infert, Diis, hominibusq; plaudentibus. pessime enim Vatinius omnes pene homines oderant. ex quo Catullus, Odistem te odio Vatiniano. Macrobius libro 11. Satur. Lapidatus à populo Vatinus, cum gladiatorium munus ederet, obtinuerat, ut ædiles edicerent, ne quis in arenam nisi pomum misisse uellet. forte iis diebus Casellius iurisconsultus cōsultus à quodam, num nux pinea pomum esset, si in Vatinium missurus es, inquit, pomum est. PRO- DVCTVS ] cogebantur legibus, atque etiam nunc coguntur homines, uel in amicissimos, postulante a cufatore, testimonium dicere. produci autem testes dicebantur, siue uoluntarii, de quo uellent homine, siue coacti legibus, in quem nollent, testimonium dicerent. de uoluntariis exemplum illud habemus ( ut omittam alia ) in Vatinium : Cum in eundem nuper ab eadem illa furia productus ad populū cupidissime falsum testimonium dixeris ? de coactis legibus, hoc, de Paulo in Sextium producto. NOMEN Vatinii delaturum. ] non enim accusandi Vatinii materia deerat. ita multa præter leges commiserat. quod in ipsum Ciceronis interrogatio significat. MACER Licinius ] unus de Sextii patronis, & forte Licinius ille Caluus, eloquentiæ laude insignis, filius C. Macri, qui reus Cicerone pretore de repetundis factus, cum se damnatum iri uideret, uoluntaria morte iacturam rei familiaris ef fugit. qui enim in reatu, ut iurisconsulti uerbum usurpemus,



usurpemus, obierat, eius bona subiici hastæ leges uetabant. Plutarchus, Valerius.

C V N - C T A R E T V R ] nisi statim Licinius Vatinium accusaret.

S V B S E L L I I S ] erant subsellia iudicum, reorum, accusatorum.

I L L I ] Vatinio potius, quàm Paulo: hoc est, se esse Vatinio diem dicturum affirmavit.

D E B I L I T A - T V S q; ] animo fracto, ac demisso. refertur enim ad, Audax; Perturbatus uero ad, Petulans.

T Y R A N N I O ] satis usitatum grammaticis nomen. nam & is, qui Aristotelis Theophrasti; volumina, dictatore Sylla Athenis reperta, digessit, Tyrannio dictus est.

A P V D M E ] domi meæ, non, ut ante, domi tuæ.

V T R I V S - Q V E nostrum ] de una domo sermo uidetur esse; cum sequatur, Spero nos ante hyemem contubernales fore. et rursus duas domos illud ostendit, Redemptori tuo dimidium pecuniæ curavi: & illud, quod utriusque domos Clodius euerterat, atque inflammarat, ut est ad Atticum 55: item illud, quod hic infra subiicitur: In aream tuam ueni: &, Domus erit egregia: &, Itemq; nostra celeriter ædificabatur. quare statuamus fuisse domos omnino duas, quæ inuicem contingerent: ut, cum in suis uterque ædibus habitaret, contubernales tamen essent, quia domus utriusque nullo interiecto spatio disiungerentur.

R E D E M P T O R I tuo ] Longilio.

C R A S S I P E D E: ] Furio. nupsit Tullia tribus, contra Pediani Plutarchi; sententiam, primum L. Calpurnio Pisoni Frugi, deinde Furio Crassipedi, postremo P. Cornelio Dolabellæ. Piso Cicerone periit exulante;

Crassipes



## Commentarius in lib. II.

pes Tulliae nuncium remiserit, an è uita excesserit, incertum est: Dolabella diuortium fecit. hæc, ipso suis in libris narrante Cicerone, cognoscuntur. **LATINAS**] si Varronem & Macrobiū sequamur, antiquitatis utrunque peritissimum, conceptiuae feriæ erant Latinæ, non statiuæ; concipiebanturq; in dies uel certos, uel incertos. Liuius tamen statiuas indicat fuisse, cum ait libro xxv. Romæ consules, prætoresq; usque ante diem v. cal. Mai. Latinæ tenuerunt. eo die perpetrato sacro in monte, in suas quisque prouincias profisciscuntur. non enim simile ueri est, consules, cum uictor Annibal uastaret Italiam, consulto in v. cal. Mai. quid dies à primo initi magistratus die, hoc est ab idibus Martii, xliii. dierum spatio distat, Latinas distulisse; ut ipsi sibi diutina in urbe mansionis necessitatem imponerent: cum ire in prouincias neque consulibus, neque prætoribus liceret, nisi Latinarum sacro perpetrato. aut igitur eas è statiuis in ordinem conceptiuarum postea transisse credendum est: aut latentem causam alii perscrutentur. placet enim indicare, in quo, cum ipse mihi non satisfaciam, eorum, qui magis ingenio doctrinaq; præstant, elaborare possit industria. **RELIGIOSI**] quibus aut priuatim, aut publice quidquam fieri, maioris momenti quod esset, religio uetabat. **CONFECTVM**] eò perducta res erat, nihil ut iam esset reliquum, nisi ut mulier uiro desponderetur. quod postea factum est nonis Apr. ut ex epistola, quæ sequitur, proxima, intelligitur. **LATIA R**] mendosa uox: & in menda consentiunt ueteres libri. multa mihi, de correctione



rectione cogitanti, ueniunt in mentem, nec tamen  
 quidquam, quod magnopere probem. Luceius  
 erat exiturus, legi possit, si sententia tantum spe-  
 ctetur: sed affinitas abest illa literarum, quam ego  
 in locis emendandis maxime quaero. Luceium qui-  
 dem Roma exiturum fuisse, in hac ipsa epistola his  
 uerbis infra scriptum est: Luceium conuenire non  
 potueram, quod abfuerat: uidere autem uolebam,  
 quod eram postridie Roma exiturus, & quod ille  
 in Sardiniam iter habebat. Posset etiam reponi, La-  
 tiare, & coniungi cum antecedentibus uerbis: ut  
 sit: Ceteroqui confectum erat Latiare. deinde:  
 Eram exiturus. ut hoc dicat: De Tullia & Crassi-  
 pede alioqui confectum erat, confectum autem ip-  
 so Latinarum die. nam Latiare, latinarum solenne  
 significat: quod ex Macrobio constat. hanc ego  
 amarem correctionem: uidetur enim, ut ita dicam,  
 uerecunda; quia sit unius tantum literæ adiectio-  
 ne, & eius literæ, quæ prima sequentis dictionis  
 est. ex quo minor quodam modo licentia uidetur:  
 cum, literam aut elidere, aut addere in ultima di-  
 ctione, quæ sit eadē cum prima dictionis insequen-  
 tis, unum sit de privilegiis illis, quæ ueterum scri-  
 pta corrigentibus iure conceduntur. ergo, ut illa  
 prior emendatio placet in sententia, displicet in li-  
 teris: ita hæc contra, cum in literis maxime, in sen-  
 tentia tamen haud ualde probatur. nam illud, Ce-  
 teroqui, uniuersum quiddam. quod non uno tem-  
 pore de nuptiis actum sit, significat. Latiare, autem  
 si addatur, quo dies unus intelligitur; nimis in an-  
 gustum uniuersum illud contrahetur. uerum ego  
 fortasse calumnior, præ nimio studio ueritatis; &  
 imitor



## Commentarius in lib. II.

imitor Caluum illum, qui cum optimam in dicendo rationem quæreret, nimium inquirens in sese, metuensq; , ne uitiosum sanguinem colligeret, uerum etiam deperdebat. quare satis habeamus, quæ nostra sententia sit, ostendisse. uera sit, an secus, uolo diuidicandi potestatem ad alios pertinere.

ERAT exiturus.] Crassipes, rediturus post duos religiosos dies. aut, si cui, Erat, referri ad Crassipedem non placet; eidem fortasse, Eram exiturus, placebit; si modo, uere hoc à Cicerone de se ipso scribi posse, intellexerit. intelliget autem ex illis uerbis, quæ sunt infra: Lucceium uidere uolebam, quòd eram postridie Roma exiturus.

## EPISTOLA V.

312:

### Iisdem consulibus.

D EDERAM ad te literas ] hoc, usque ad illa uerba, Ad pedes uniuscuiusque iacentem, librarii, genus hominum indiligens, atque imperitum, longe à sua sede transtulerant, & ad alterius epistolæ partem, ipsam quoque quasi membrum à suo corpore auulsam, agglutinauerant. mihi hanc perturbationem ostendit ratio temporis, & earum rerum ordo, de quibus ad fratrem in his epistolis Cicero scribit. Bessarionis liber dissentit ille quidem ab impressis, mendo tamen minime uacat. nam hoc totum, à uerbo, Dederam,



deram, ad, Iacentem, principium est in eo epistolæ, sequunturq; continenter illa uerba, In eo multo sumus superiores ipsius copiis; quæ sunt in epistola, cuius initium est, Scripsi ad te antea superiora. quæ quàm sint præpostere coniuncta, cuius, paulo attentius ea consideranti, dilucide patebit. cum igitur neque uulgatum in libris impressis ordinem ullo modo probarem; neque mihi, uerus alioqui ac certus ubique fere, Bestiarionis liber hac quidem in parte satisfaceret: dedi me ad considerandum subtiliter argumentum, ut eo quasi filo ad ueritatem peruenirem. Primum agit Cicero de Tullia pridie non. Apr. Crasipedi desponsa. deinde subiungit, uelle se, quæ post eum diem acta sint, perscribere. quis igitur pridie non. Aprilis consequitur dies? nonæ. ab his igitur quasi narrandi capit initium, cum ait: Nonis Apr. senatusconsulto Pompeio pecunia decreta in rem frumentariam. Nonis autem quis proximus adiunctus est dies? v. i. i. idus. erant igitur mihi huius libri epistolæ peruoluendæ, donec acta v. i. i. iduum Apr. inuenirem, inueni. est enim illud: Ad v. i. i. id. Apr. sponsalia Crasipedi præbui. et quæ deinde connexa his pone sequuntur. quod autem infra impressum est in nostro libro, Ad v. i. Id. Apr. non, ut in aliis libris, atque adeo in manuscriptis, Ad i. i. id. Apr. id feci coniectura ductus, contra ueterum librorum consensum. tres porro, cur in hanc opinionem uenerim, habeo causas, unam, quòd Cicero id agit, ut continuatos aliquot mensis Aprilis dies persequatur: itaque à die pridie non. Apr. ad nonas transit, à nonis ad v. i. i. id. ab v. i. i. id. autem

ad



## Commentarius in lib. II.

ad III. id. omisso quatuor dierum spatio, nunquam opinor traiecisset. quid enim? nihil ne daret illi ad scribendum de quatuor diebus ullus? totum ne quadriduum Cicero dormiuit, ut nihil omnino ipse ageret, nihil, actum ab aliis, posset cognoscere? prorsus credibile non est. Altera, cur VI. pro I. II. reposituerim, causa illa fuit, quod Ciceronem, qui summum quendam in Quintum fratrem his omnibus epistolis amorem declarat, Quintum filium, & unicum filium, ita neglexisse uix crediderim, ut, eius inualetudine audita, non eum, nisi quatuor dierum interposita mora, uisitauerit. Postremo, qui fieri poterat, ut mendosa dies non esset, cum infra dicat Cicero de Luceio: Erat autem iturus ad III. id. Apr. ex quo patet, ante III. id. Apr. epistolam certe scriptam esse. quocirca, quin VI. id. aut VII. id. (ut statim post sponsaliorum diem, nulla facta mora, ierit ad Quintum) rectius multo sit, quam III. id. mihi quidem non uidetur esse dubitandum. erunt igitur hae quatuor dierum acta: Pri die nonas desponsa Tullia; nonis decreta à senatu Pompeio pecunia; & actum de agro Campano, Flaccus de collegio eiection; VI. id. aut VII. id. iuit ad Quintum filium, in aream uenit, ad Pompeium delatus, Luceium conuenit. **DESPONSAM**] hae literae, de Tullia Crassipedi desponsa, non extant. non enim de proxima superiore epistola licet intelligere: in qua scripsit, Spero nos cum Crassipede confecisse. quibus uerbis non, desponsam esse Tulliam, significat, sed sperare se futurum ut, despōdeatur. Addo illud. literae de Tullia desponsa datae sunt pridie non. Apr. hoc est in ipso, quo desponsa

desp  
non  
rior  
Sext  
ulq  
lisset  
se in  
rior  
enim  
frum  
anno  
lib. I  
mille  
met.  
lies  
cent  
strat  
nup  
ponat  
tate  
fuisse  
his re  
tur;  
strat  
rum  
subue  
melle  
ret;  
mult  
emer  
cun  
rit,



desponsa est, die. nam in hac epist. quæ post pridie non. acta sint, persequitur. at proximas superiores quis credat pridie non. Apr. datas, cum de Sextio III. id. Martii absoluto significet? eò ne usque tantam rem, tam expectatam Quinto, distulisset? postremo, cum hic dicat Cicero, se scripsisse in iis literis de re publica, & priuata; hoc in superiores literas nos conuenire, satis patet. uerbum enim de republica nullum prorsus habent. R E M frumentariam] cui senatus populusq; Pompeium, annonæ subleuandæ causa, præfecerat. ad Atticum lib. IIII. 53: Hs M C C C C. ] his notis non, mille quadringenta, quòd fortasse aliquis existimet, sed, millies quadringenties, intelligitur. milles autem quadringenties ualet, quadragies biscentena millia aureorum scutatorum pecuniæ nostratis: ut ueterem nummariam rationem ex Plinii potius, & Celsi, quàm ex Budæi, sententia exponamus. neque mirum est, in tanta annonæ caritate tantam uim pecuniæ in emptionem frumenti fuisse necessariam. nam, cum populus Romanus his temporibus hominum C C C L millia censeretur; quod à Liuiο traditum esse, epitome demonstrat; præterea, cum peregrinorum, cum seruorum infinitus prope numerus esset; annonæ uero subueniri, non per unum mensem, sed usque ad messem, hoc est, per tres menses, necessitas cogeret: immensus erat frumenti numerus, qui tantæ multitudini satisfaceret, uidendus: quæq; item ad emendum frumentum sufficeret, ingens erat pecunia comparanda. quod ita esse, si quis cogitauerit, multis partibus plures fuisse seruos, quàm ciues;



## Commentarius in lib. II.

ues; ( ut peregrinos omittam ) is, opinor, habita  
gravis admodum annonæ ratione, mecum existi-  
mabit. E O D E M die ] quid mirum? cum ager  
Campanus & frumenti multum solitus esset affer-  
re, & durissimis, ac difficillimis temporibus præ-  
sentissimum reip. ad inueniendam repente pecu-  
niam subsidium esse posset. hoc, inquam, ex eo a-  
gro erat commodi, cum is esset publicus; qui nunc  
priuatus erat, lege, quam tulerat C. Cæsar in  
consulatu. nunc igitur cum & annonæ summa cari-  
tas maturum remedium postularet, nec satis ad id  
pecunia suppeteret: hæc utraque res dolorem in  
animis hominum excitabat ob agri Campani aliena-  
tionem: proptereaq; magnis clamoribus, cuiusmo-  
di lenissima plebs edere in concione solebat, actum  
est in senatu, ut ager Campanus in publicum resti-  
tueretur. I N O P I A pecuniæ ] Eius, qua se-  
natus uti posset. nam pecunia populi R. quæ ad bel-  
lici temporis necessitatem reseruaretur, in æra-  
rio custodiebatur. eam fuisse maximam, tum ex  
publicis uestigalibus conicio; tum etiam, quia  
Paullum Aemilium, historiæ narrant, Macedonia  
debellata, bis millies centies H-S in ærarium con-  
tulisse. quam pecuniam adhuc attigerat nemo. ea  
deinde ciuili bello contra Pompeium Cæsar usus  
est. hoc à me dictum oportuit, ne quis populum  
R. non habuisse putet M C C C C, qui ex annuis  
redditibus caperet supra ter millies centies.  
N E I L L V D quidem ] quod eodem die, hoc est  
non. Apr. factum est. singulorum enim dierum acta  
Cicero persequitur; & post hanc de Flacco men-  
tionem, pergit ad V I I. id. Apr. hoc est, ad eum  
diem,



diem, qui post nonas primus est. E Q V I T E M  
 Romanum ] uide, non eam modo plebem, quæ in-  
 fra equestrem ordinem censeretur, sed ipsos quo-  
 que equites in collegia distributos fuisse. de sena-  
 toribus tamen, uix est, ut idem putem. nam si in  
 huiusmodi collegiis etiam senatores fuissent, non,  
 opinor, ea senatus sustulisset. quod esse factum,  
 docet Pedianus in commentario Cornelianæ,  
 idemq; confirmat in Pisonianam. collegia uero  
 hæc, L. Cæcilio, Q. Marcio cos. sublata, restituit  
 nouem post annis lege lata P. Clodius tribunus pl.  
 qui etiam noua quædam addidit, ex omni fece urbis  
 ac seruitiorum, ut in Pisonem Cicero dixit, consti-  
 tuta. crediderim autem, falli eos, qui existimant,  
 sodalitates & collegia idem fuisse. nam, collegia  
 nunquam senatui placuisse, facile possumus conii-  
 cere: quia cætus hominum fieri multos in libera ci-  
 uitate, tutum non est, nisi si publica in eo interce-  
 dat auctoritas. nostramq; coniecturam Pediani te-  
 stimonium confirmat: cuius hæc sunt uerba: Fre-  
 quenter tum etiam cætus factiosorum hominum  
 sine publica auctoritate malo publico fiebant: pro-  
 pter quod postea collegia senatusconsulto, & plu-  
 ribus legibus sunt sublata, præter pauca, atque cer-  
 ta, quæ utilitas ciuitatis desiderasset, ut fabrorum,  
 fictorumq; non igitur, in ea collegia esse adscri-  
 ptum, honori fuit, quæ senatus atque etiam popu-  
 lus sæpe damnauerit, & in quibus sordidi ac seden-  
 tarii opifices, ut fabri, fictoresq;, uersari solebant.  
 at uero sodalitates ne ingenuo dignas homine non  
 existimem fuisse, Catonis auctoritas facit, grauissi-  
 mi uiri; quem de sodalitatibus, quasi honesta de

M re,



## Commentarius in lib. II.

re, loquentem induxit Cicero in libro de senectute. Sodalitates, inquit, me quæstore sunt constitutæ Collegium uero, quo Flaccus est eiectus, de sacris rebus, ad Mercurii Iouisq; Capitolini templa pertinentibus, non artis sedentariæ causa, fuisse constitutum, facile licet existimare; cum equester ordo, quo ex ordine Flaccus erat, mechanicas artes non exerceret.

CAPITOLINI & Mercuriales] duo genera hominum, ex quibus collegium illud, unde Flaccus est eiectus, constabat. forte ita dicti, quia prope templum Mercurii, propeq; Capitolium, aut etiam in ipso Capitolio habitarent. SPONSALIA Crassipedi præbui.] aliud igitur est despondere, aliud sponsalia præbere: cum desponsa Tullia sit pridie non. Apr. sponsaliorum uero dies fuerit viii. id. Apr. quid autem sit, sponsalia, ipse indicat, cum ait, Huic conuiuium.

COMMOTVS] morbo potius, quàm iracundia. nam sequitur: Ad Quintum ueni, eumq; uidi plane integrum. quod est bene ualentis. unde integrum corpus, integra ualetudo. præterea, puto, indecorum, minimeq; sua persona dignum Cicero existimasset, uenire ad Quintum puerum, ut eum iracundia commotum leniret.

VENI] ergo non erat Quintus apud ipsum. quod supra inde patet: Tyrannio docet apud me. nisi si, Docet apud me, non quòd apud eum Quintus habitaret, intelligamus; sed quòd, quas diei horas cognoscendis literis daret, per eas horas eum apud se Cicero uellet à Tyrannione erudiri; ut, quo ingenio ac uoluntate Quintus puer, qua etiam fortasse diligentia, qua ue doctrina esset Tyrannio, posset animaduertere.



tere. MULIERVM NOSTRARVM ] Terentiae, & Pomponiae. raro enim fit, ut inter duas duorum fratrum uxores conueniat. ac saepe carissimorum fratrum suauissimae coniunctiones earum dissensione dirimuntur. quod ipsemet, magno rei familiaris detrimento, maiore animi dolore, sum expertus.

FESTIUIVS ] amabile quiddam est in pueris; quod si uerbis pluribus uelim describere, dicam esse id, quod aduersatur seueritati. itaque & in epistola ad Torquatum, Res, inquit, molesta est, ab ijs pueris abesse, quibus nihil potest esse festiuus.

ETIAM de te ] ne Quintus commoueat, quia dixerat, De discordijs mulierum nostrarum, placato iam animo esse Pomponiam significat, quae apud ipsum de longiore, quam uellet, coniugis absentia familiariter ac libere quæsta sit.

MVLTRIS structoribus ] in ædificando utimur opera architecti, qui formam facit ædificij; redemptoris, qui totum opus impensa studioq; suo faciendum conducit; ( ut interdum tamen architectus redemptoris item partes agat ) structorium, qui calcem & lateres tractant; fabrorum, qui lapides aut ligna cædunt.

FORMA ] quam Minucius fecerat. 310.

REDDERET ] non ut te secum Romam reduceret, sed ut te statim huc remitteret.

LABRONE ] non dubito, quin de Ligurni, ut nunc appellant, portu intelligat. uocem corrumpit, ut alias innumerabiles, uetustas.

Αμφιλαφία ] cum epistola Quinti, cui respondet Cicero, non extet: diuinare, quid sit ἀμφιλαφία hoc loco, nostrum non est. non enim placet eos imita-

M 2 ri, qui,



## Commentarius in lib. II.

ri, qui, ne quid nescire uideantur diuersas in opinionones leui coniectura feruntur. BONO modo ] non, omnino, sed, quadam ex parte: μετριως quod Græci dicunt: ut, Bono, temperamentum quoddam, non, ut alibi, magnitudinem significet. sic ad Atticum lib. XIII. 213: De die tantum uidebis, & id ipsum bono modo. LIBERALIS ] quod minus restricte sumptus faceret, quod uiuendi rationem non ea, qua solitus erat, frugalitatis regula metiretur. OPVS erat ] opus erat ad relaxationem animi mei, ut paulisper ab his tumultibus secederem, ac fabris locum darem. defessus enim iam sum ex molestia, quam illis urgendis capio. id igitur facerem, si te haberem. tu enim, absente me, meam uicem eos exerceres. nunc eo non licet, quia, si pedem hinc mouero, nemo futurus est, qui præsentia sua illos in opera contineat. SED ET hæc ] dixerat iam, Sed hæc coram agemus, cum de discordiis mulierum meminisset. recte igitur usus est particula, &: ut significet uelle se non illa tantum superiora, sed & hæc præsentī sermoni referuare. atque hæc de causis una fuit, quæ me, ut hanc epistolæ partem, quæ incipit à dictione ἀμφιλαφίαι, usque ad extremum, cum ea parte, in qua mentio fit de discordiis mulierum, connecterem. RES Romanæ ] à priuatis rebus ad publicas sermonem traducit. et cum dixit res Romanæ, potius quàm publicæ, festiuum simul & amplum quiddam uidetur adamasse: quod, cum hæc uox, res Romanæ, magnum aliquid præ se ferat, ipse tamen ea significet, quæ infra Romani nominis dignitatem sint. unde & illud ad Atticum



cum 62 . Nunc Romanas accipe res. et ad eundem, quo in loco certum non habeo, sed ad eundem certe : Iam exclames necesse est, res Romanæ diutius stare non posse . et hic , infra : Res Romanæ sic se habebant .

L E N T V L V S ] Marcellinus ; quem hoc anno consulem fuisse cum Marcio Philippo , iam dixi .

C O L L E G A ] cum sua sponte bono , tum , ut opinor , consilio maxime , atque exemplo M. Catonis , generi sui . Plutarchus . E X E M I T ] sustulit : effecit , ne per eos lege agi posset : ne scilicet C. Cato tribunus pl. quas de P. Lentulo Spinthere & Annio Milone rogationes promulgauerat , eas perferre posset . tollebantur autem comitiales dies cum aliis rationibus , quas in libro de comitiis attigimus , tum feriis indicendis : cum & comitialis & festus dies idem esse non posset .

E T I A M Latinæ instaurantur ] cum dicat , etiam , liquet , non instaurandis modo Latinis exemptos esse à Lentulo comitiales dies , sed alio etiam genere impedimenti , cuiusmodi erat , seruare de cælo . nam etsi augur non erat Marcellinus ; nihil tamen obstabat , quin , pro potestate consularis , seruare de cælo posset . quod aperte demonstrant illa uerba in oratione secunda in Antonium : Hic bonus augur eo se sacerdotio præditum esse dixit , ut comitia auspiciis uel impedire , uel uitare posset . in quo primum incredibilem stupiditatem hominis cognoscite . quid enim ? istuc , quod te sacerdotii iure facere posse dixisti ; si augur non esses , & consul esses , minus facere potuisses ? uide , ne etiam facilius . nos enim nunciationem solum habemus , consules & reliqui magistratus etiam spe-

M 3 ctionem



## Commentarius in lib. II.

tionem. et interrogatione in Vatinius: Tribu-  
nus pl. fuisti; collegas habuisti uiros fortes nouem.  
ex his tres erant, quos tu quotidie sciebas de cœlo  
seruare, quos irridebas, quos priuatos esse dice-  
bas. quibus ex locis licuisse constat etiam iis, qui  
augures non essent, seruare de cœlo. nam certe ne-  
que Marcellinus, neque tres illi tribuni pl. Vatinij  
collegæ, augures erant; quorū numerus supra quin-  
decim esse non poterat; & inter eos nemo erat ex  
iis, quos nominavi. omnes enim habeo diligenter  
notatos in meis lucubrationibus. **L A T I N A E** ]  
feriæ conceptiæ, à consulibus, aut ab eo, qui sum-  
mum in urbe magistratum gereret, in Albano môte  
factæ. primus eas in unum diem Tarquinius Super-  
bus instituit: secundus additus pulsus regibus: ter-  
tius post secessionem in Anentinum: quartus, ple-  
be & patribus à dictatore Camillo in concordiam  
reductis. **I N S T A U R A N T V R** : ] quasi, fa-  
ciendis iis, aut prætermisum aliquid esset, aut,  
quod non oporteret, commissum. quibus de cau-  
sis, sæpe legimus apud Liuium, instauratos esse lu-  
dos. instauratas autem decreto pontificum Lati-  
nas, ex Liuii lib. xxxii. planum est.  
**S V P P L I C A T I O N E S**. ] quæ imperatoribus pro-  
re bene gesta decernebantur: exq; dum fierent, le-  
ge agere non licebat. **I L L E** uindex ] qui  
se uindicem quodam modo, atque assertorem gla-  
diatorum & bestiariorum professus erat, lege in  
Milonem promulgata, quod gladiatoribus & be-  
stiariis contra remp. usus esset. eam legem supra  
Cicero significat in eo loco: Magna manus ex Pi-  
ceno, & Gallia expectatur; ut etiam Catonis ro-  
gationibus



gationibus de Milone & Lentulo resistamus.

V N V S est] non quia re uera unus, sed quòd unus inter omnes eo magistratu dignus esset. similiter locutus est in epistola ad M. Catonem: Et, si in ciuitate multi Catones essent; in qua unum fuisse mirabile est. in magno enim Catonum numero, singularem uirtute fecit M. Catonem. T A B V L A M proscriptit, ] in publico posuit; cum in ea scripisset, seruos sese uendituros C. Catonis: quod illi esse dedecori intelligebat.

H V N C igitur Catonem ] de quo hæc, quæ risum excitarent, sunt à me dicta. itidem cum infra locutum puto 315: M O N S T R A ] quas, opinor, leges perniciosissimas paulo ante appellauit.

I N T E R C E D E R E T nemo.] quibus enim legibus ab aliquo tribuno pl. intercellum iam erat, de iis impediendis, non erat, cur Marcellinus cogitaret: quibus autem intercederet nemo, iis, qua ratione poterat, obsistebat. has autem leges si uel pro Cæsare, uel contra Cæsarem scriptas fuisse dicam, uaticiner. fortasse, & aberrem à uero: quod tamen consequi coniectura liceat, crediderim, pro Cæsare fuisse. alioqui non iis impedimento fuisset Marcellinus: qui, cum Pompeio esset infensus, quod paulo infra Cicero declarat, Cæsarem (est enim ita consentaneum) non amabat: cuius & affinitatem cum Pompeio, & perniciosam reip. cum eodem, & cum M. Crasso initam societatem boni & sapientes ciues oderant maiorem in modum, ac timebant.

C A N I N I V S ] tribunus pl. qui rogationem promulgauerat, ut Pompeius regem Itolemæum cum duobus legatis restitueret. hoc

M 4 Cicero



## Commentarius in lib. II.

Cicero significat, obscure ille quidem, sed Plutar-  
chus apertissime.

REFRIXIT] quo di-  
ligentius hoc uerbum considero, eo minus existi-  
mo, Refrixit; ideo dictum esse, quia rogationi à  
Caninio promulgatæ aliquis tribunus pl. interces-  
sisset. libentius in eam sententiam delabor, ut in  
ipso Caninio remissionem quādam animi in re cœ-  
pta significari existimem. quò spectare uidetur il-  
lud: Neque enim res probatur. Refrixit igitur,  
ipso remittente Caninio: qui de rogatione perfe-  
renda non laborauit, cum rem probari non uide-  
ret. sic locutus est, simili sententia, ad Atticum  
18. Hæc tota res, interpellata bello, refrixerat.

VITUPERATUR] qui, cum à Lentulo fuisset  
ornatus, restituendi Ptolemæi regis honorem  
ei uellet eripere. ornamentum autem in Pompe-  
ium à Lentulo profectum, id fuit, quòd, ut rei  
frumentariæ præficeretur, consul anno proximo  
retulerat: idq; significant illa, quæ sunt in epistola  
ad Lentulum: Pompeio qui nolunt, iidem tibi,  
quòd eum ornasti, non sunt amici.

FAEC-  
EM populi] P. Clodii studiosam. PRO-  
PTER Milonem] defensum contra Clodii ac-  
cusationem VIII id. Feb. qua de re supra.

SUBOFFENDIT] non omnino, sed leuiter  
propter Milonem offendit. quòd alioqui popula-  
ris maxime Pompeius esset. itaque & supra, cum  
hac ipsa de re loqueretur, ita locutus est: Con-  
cionario illo populo à se prope alienato.

MULTA ab eo desiderant] quæ non præstat, cum  
deberet.

MULTA reprehendunt] quæ  
committit, cum non deberet.

Hoc uno]  
quia



quia dixerat iam, Consul est egregius Lentulus; unum excipit, asperitatem in Pompeium: ne, quæ in hominem amicum, de seq; optime meritum fiant, ea probare uideatur.

SENATV non inuito ] iure. quid enim ei faueret, cuius nefaria contra libertatem consilia, coitione cum Cæsare, & Crasso facta, cognouisset? supra: Cato est uehementer in Pompeium inuectus: auditus est magno silentio maleuolorum. et in epistola ad Lentulum: Pompeius in senatu à Catone aspere & acerbè, nimium magno silentio, est accusatus.

ACVRIA ] ne in dicenda sententia uel bonos offendam, si pro Pompeio sentiam; uel ingrâte faciam in ipsum, si sequar eos, qui ab illo dissentiunt.

CELEBRATVR ] clientium frequentia. idem ad Atticum 37. Remp. nulla ex parte attingimus. in causis, atque in illa opera nostra forensi, summa industria uersamur. domus celebratur.

IMPRVDENTIA Milonis ] non, quòd ipse accusauerit imbecille, sed quòd tum alieno tempore, tum ab accusatoribus minime firmis accusandum curauit Sex. Cælius.

SEX. CÆLIO ] censeo legendum, Sex. Clodio. is enim & Milonis ac Ciceronis fuit inimicissimus; & Marcellino & Philippo cos. accusatus, atque absolutus est. de quo sic in oratione pro M. Cælio in extremo fere: Oro obtestorq; uos iudices, ut, qua in ciuitate paucis his diebus Sex. Clodius absolutus sit; quem uos per brennium aut ministrum seditionis, aut duces uidistis; in ea ciuitate ne patiamini etc. congruunt igitur tempora: nec res ipsa discrepat. de temporibus dubitari non potest: cum oratio pro

M. Cælio



## Commentarius in lib. I I.

M. Cælio iisdem, quibus hæc epistola scripta est, consulibus habita sit, Marcellino, inquam, & Philippo. nam in oratione cum ait: Intelligis pro tua præstanti prudentia Cn. Domiti, cum hac sola rem esse nobis: facile aperit, quo anno illa dixerit. uideo enim, Domitium Caluinum, qui prætor quæstionem illam exercuit, præturam gessisse consulibus Marcellino & Philippo. id quod, opinor, iam cognitum est. dixit enim supra: Ad I I I id. Feb. dixi pro Bestia de ambitu apud prætorem Cn. Domitium. quam epistolam in consulatu Marcellini & Philippi scriptam ostendimus. Quod ad rem attinet; homo est, quem Milo pariter & Cicero perditum uoluerint. quod utrumque non ex oratione minus, quam ex hac epistola, colligitur. **N E Q V E** hoc tempore ] quod ei Clodius, qui tunc ædilitatem curulem gereret, prodesse suo studio plurimum posset. etiam illud: quod eo tempore sit accusatus, cum Pompeius neque carus plebisque de populo esset, propter Milonis patrocini-um; & senatoribus offensus. ex quo paulo post: Ea ipsa in re Pompeii offensio nobis obstitit: senatorum enim urna copiose absoluit.

314.

**A C C V S A R I** ] de ui, ut opinor: cum, omnium seditiosissimū fuisse, Ciceronis scripta demonstrēt. **T E T E R R I M A E** defuerunt ] quæ nisi defuissent, condemnatus esset. et, Teterri-æ, cum odio. nam si absolutus est Sex. Clodius immerito, non tres plane sententiæ, sed omnes omnino teterri-æ. notat igitur nominatim eas tres, quæ condemnationis numero defuerunt. uerum quæro, cum ex tribus

bas  
tert  
uide  
num  
lex  
stola  
fam.  
R e  
F v  
homi  
decur  
quar  
damp  
nequ  
ordin  
ge,  
dicar  
conu  
homi  
equet  
pecun  
nos eg  
postet  
re tot  
ser nu  
tres o  
sente  
S e  
uius  
pote  
A l  
cond



bus ordinibus unus absoluerit, alter damnauerit, tertius neque absoluerit, neque damnauerit, qui uideri potest Clodius absolutus? quia, non ordinum iudicia, sed sententiarum numerum spectari, lex iubebat. quod cum aliis exemplis, tum ex epistola Caelii ad Ciceronem cognoscitur, lib. viii. fam. 117. **I N** concilio ] iudicium, ut infra. **R E V O C A T** ] rursus accusandum esse dicit. **F V E R Y N T** ] malim, ferunt. nam, Non fuerunt homines, ineptum quiddam, atque eneruatum uidetur. **A P V D** suos ] quod ei iudices potius, quam accusatoribus, fauerent. **V I D E N T** damnatum ] non dubitant futurum, quin condemnetur. **V R N A** ] tres erant urnæ, cum tres ordines, senatores, equites, tribuni ærarii ex ea lege, quam tulerat in prætura L. Aurelius Cotta, iudicarent. in eas separatim cuiusque ordinis tabellæ coniciebantur. **T R I B V N I** ærarii ] genus hominum fuisse constat dignitate inferius ordine equestri: de quibus Varro: Quibus attributa erat pecunia, ut militi redderent, tribuni ærarii dicti. hos ego existimo, perfunctos eo munere, nomen postea retinuisse. quo modo enim tot uno tempore tot in iudiciis tribuni ærarii? quid, si bellum esset nullum; nulli ne ideo tribuni ærarii? qui ergo tres ordines iudicarent? nomen igitur non à præsentente magis, quam absoluto iam munere ceperunt. **S E R V I V S** ] antiquus Bessarionis liber, Seuius: alter, quo Magnulus usus est, Seius. quod potest esse uerum. Seius enim Romanum nomen. **A L L I S V S** est. ] adductus quidem in aliquod condemnationis, ut naufragii, periculum, sed ex quo



Commentarius in lib. II.

quo tamen emerfit, me non inuito, qui non eo illum, quo ceteros Clodianos, odio persequor.

CONCIDUNTUR] iudicio perduntur, damnantur. eadem narratione usus est supra: Vatinius arbitrato nostro concidimus. NON siturum]

nec fuit, tribunicio intercedendi iure. nulla enim hoc anno habita comitia, ac ne duobus quidē proxime sequentibus, sed ex interregno consules per triennium creatos, Cicero ipse aliquot locis, & Dio lib. xxxix. præterea Plutarchus, Appianusq; declarant. hoc autem anno, sublati comitiis à C. Catone tribuno pl. uestem senatus mutauit. epitome, Dio lib. xxxix. EXEMPTI] eximebat Marcellinus consul, ut eius perniciosissimis legibus obfisteret.

APPIVS] P. Clodii frater. A' CAESARE]

quò iuerat, forte ob eam causam, ut ei suam consulatus petitionem commendaret. ualebat enim in comitiis Cæsar uel plurimum, ut qui popularis semper in primis fuisset. et in Gallia togata, Cæsaris prouincia, municipia erant multa, quæ suffragium, in sua quodque tribu, aut centuria, Romæ ferrent. itaque & M. Antonium iis ad petitionem auguratus Cæsar commendauit. quod ab Hirtio scriptum legimus. aut igitur ob eam causam Appius ad Cæsarem iuerat: aut, ut ab eo tribunatum mil. aliquem auferret. quod ei à Domitio collega obiectum, infra scriptum est his uerbis: Etiam in senatu lusi, Appium collegam propterea isse ad Cæsarem, ut aliquem tribunatum auferret.

REDIERANT] Romam. falsus igitur Plutarchus; qui, Appium Marcellino & Philippo cos. quo anno scripta est hæc epistola, Sardiniam prætoris



toris officio administrasse, in Cæsaris uita significat. nam, si pro prætore Sardiniae Appius est; qui uagatur, ab urbe in Galliam, ex Gallia ad urbem? uerum, ut Sardiniam sortitus esset, fecit tamen, aliqua causa retardatus, ut non ineunte anno, hoc est cum primum prætura in urbe perfunctus est, sed aliquot post menses in prouinciam proficisceretur. hoc ego ita suspicor: quia etsi Plutarchus in rerum Romanarum notitia sæpe labitur, non errasse tamen, cum de Appii prouinciali huius anni prætura tradidit, eo mihi similis ueri fit, quod annus, quo Marcellinus & Philippus consulatum gesserunt, proximus eum annum sequitur, quo præturam in urbe Appius administravit: ut necesse sit, aut non iuisse Appium in prouinciam ex prætura, aut hoc anno iuisse. nam anno post Marcellinum & Philippum cos. certe ab urbe non discessisset, cum is ei ad petendum consulatum legitimus annus esset. distat enim biennio consulatus à prætura: & bien-  
nio Appius ipse post præturam consul fuit.

CLAVSVM] ob hyemem, quod eo uti per anni tempus non liceret. ita ueteres loquebantur. atque hac de re Vegetius de re militari libro IIII. cap. XXXIX. Ex die, inquit, III. iduum Nou. usque in diem VI. iduum Martii maria clauduntur. nam lux minima, noxq; proluxa, nubium densitas, aeris obscuritas, uentorum, imbrium, uel niuium geminata sæuitia non solum classes à pelago, sed etiam commeantes à terrestri itinere deturbat.

OLBIA] Sardiniae urbe, de qua supra bis.

IN prouincia] fecit aliquando hæc uox, ut Quintum existimarem in Sardinia fuisse pro prætore, extra ordinem,



## Commentarius in lib. II.

extra ordinem, dum aliquis annuo legitimo imperio succederet: quia non ultra mensem Maium in Sardinia Quintum fuisse constat. nunc illum à Cicero omnibus literis Romam uocari cum uideam; opinionem muto. qui enim accerferet eum Cicero, quem sciret non ante successoris aduentum posse decedere? fuit igitur potius in Sardinia Quintus alia de causa. quod illa indicant uerba 307: Tu, si ita expedit, uelim quamprimum bona & certa tempestate conscendas, ad meq; uenias. Certe enim, si Quintus pro prætore Sardiniam regeret, non hoc Cicero diceret; Si ita expedit, statim conscendas. nec rediit Quintus Romam, nisi quatuor fere post menses, mense Maio. quod si hæc uerba, In prouincia plurimi fieri, uix in priuatum uidentur posse conuenire: credamus, iuisse quidem in Sardiniam eo nomine, ut suam rem ageret, cum libera tamen legatione, ut esset honoratior; aut potius, quod iam diximus, rei frumentariæ causa, Pompeii legatum. certe hoc anno, ut proxime ostendimus, pro prætore Sardiniam rexit Appius.

## EX EPISTOLA VI.

314.

### Iisdem consulibus.

ATERIO] fundo Quinti, in Arpinati.  
L 321. et ad Atticum 59. 154: POMPE-  
IANVM, Cumanum] non Quinti, sed  
ipsum Marci fundos. DIES] iudicii. 310:  
PRODUCTA] Bestiarionis liber, Proditæ: recte,  
ut



ut opinor. quod enim usitatus uidebatur, Producta, quàm prodita; forte minus notum uerbum in familiare conuertit aliquis latinæ linguæ non omnino peritus. Prodita uero idem ualet, quod producta. sic Terentius: Saltem aliquot nuptiis prodat dies.

AD EAM diem uiderem.] non uidit, nisi post idus: ut in epistola, quæ sequitur proxima.

ARCANI] uilla Quinti fuit.

SYSTENTARI] differri. pudet in iis uerbis immorari, quorum usum congesta in libros exempla declarant. tametsi in his ipsis, qui omnes diuitias nomine pollicentur, est sane cur aliquid, atque adeo multa, nec ea leuia, desiderentur.

## EX EPISTOLA VII.

314:

## Iisdem consulibus.

VM. DESIDERIO] antea, cum tuas literas expectabam, tui absentis desiderio tenebar; quia, non ita propinquum esse tuum reditum, intelligerem: postea uero quàm, te esse iam

iamq; ad nos nauigaturum, significasti; ita expecto tuas literas, ut interea me timor sollicitet, eorum periculorum causa, quæ nauigantibus impendent. ita primo quidem erat, cur te absentem desiderarem; cur timerem, non erat: nunc reditum maturum cum sperem, sublato desiderio timor est exortus.

IDIBVS Mai.] hoc anno consules erant



## Commentarius in lib. II.

erant Marcellinus & Philippus. proximo superiore, Lentulo & Metello cos. Gabinius ineunte anno in provinciam ierat. ergo ultra annum provinciam administravit. annum dico? immo, ultra triennium. rediit enim L. Domitio Ahenobarbo Ap. Claudio Pulchro cos. quod infra patet, 323. & ad Atticum 65: GABINIO] qui tunc Syriam pro consule regebat. PORCILIUS] antiqui libri, Procilius. cuius gentem nominis nondum inveni. Porcilius, placet: ut à Porcio deductum sit, quemadmodum à Sextio Sextilius, Quintio Quintilius, Curtio Curtilius. NEMI-  
NI accidisse] ut imperatoris literis, bene gestam remp. nunciantibus, senatus non crederet. quod Gabinio contigit. diuinus igitur senatus, quod postulanti supplicationem Gabinio frequens denegavit. hac de re his uerbis in oratione de provinciis consularibus: Quæ, inquit, homini, in quo aliquis si non famæ pudor, at supplicii timor est, grauior pœna accidere potuit, quàm non credi literis iis, quæ rem bene gestam in bello nunciarent? hoc statuit senatus, cum frequens supplicationem Gabinio denegavit; primum, homini omnibus sceleribus, flagitiisq; contaminatissimo nihil esse credendum; deinde, à proditore, atque eo, quem præsentem hostem reipublicæ cognosset, bene rem geri non potuisse; postremo, ne deos quidem immortales uelle aperiri sua templa, & sibi supplicari, hominis impurissimi & sceleratissimi nomine. et in ea in Pisonem: Ab altero allatæ literæ, recitatæ; relatum ad senatum. dii immortales, id ne ego optarem, ut inimicus meus ea, qua nemo unquam, ignominia



ignominia notaretur? ut senatus is, qui in eam iam benignitatis consuetudinem uenit, ut eos, qui bene rempublicam gesserint, nouis honoribus afficiat, & numero dierum, & genere uerborum; huius unius literis nunciantibus non crederet, postulantibus denegaret?

FORIS ualde plauditur ] Foris, est in uulgus, ut in epistola ad Lentulum: Cum ea contentio mihi magnum etiam foris fructum tulisset. Plauditur autem, senatui, quia fecerit, quod antea nunquam, ut allatis è prouincia literis non crederet, iis, quibus rem à se feliciter gestam Gabinius significauerat.

ΕΛΙΚΡΙΝΕΣ ΙΥ-  
D I C I V M ] sincerum illud est ac simplex iudicium senatus: nihil in eo gratiæ meæ tribuit.

POSTRIDIE ] non uideo, si uerus est Macrobius, qui potuerit postridie idus agi de agro Campano, in senatu, cum omnes dies postridie calendas, nonas, idus, decreto pontificum atrī fuerint.

DE AGRO Campano actum iri ] ex eo senatusconsulto, quod non. Apr. ex Ciceronis sententia factum erat. de quo sunt hæc in epistola ad Lentulum. Quin etiam, Marcellino & Philippo cos. non. Aprilis mihi est senatus assensus, ut de agro Campano, frequenti senatu, idibus Maii referretur.

A Q V A hæret. ] quam in partem me dem, quid sententiæ dicam, incertus sum. ductum à clepsydri; in quibus non semper fluebat aqua, sed interdum hærebat immobilis. sic hærebat Cicero, dubius animi, quid ageret, utrum agri Campani uenditionem probaret, quod uidebatur è rep.; an Pompeio, de se optime merito, gratificaretur, qui diuidi potius agrum illum suis ueteranis militibus

N uoluisset.



## Commentarius in lib. II.

uo' uisset; qui etiam Vibullium ad Ciceronem miserit cum mandatis, ut integrum sibi de causa Campana ad suum reditum reseruaret. quod ita à Cicerone esse factum, aperte constat: quia scribit ad fratrem, non esse actum idibus de agro Campano.

ILLUD scilicet ] expono, scilicet, scire licet: ut ab eo, Illud, regatur. Sic Terentius, Scilicet facturum, pro, scire licet. CENABIS ] forte scripserat Quintus, qui erat in locis urbi admodum propinquis, se esse post cenam Romam iturum. Cicero, qui præ fratris uidendi desiderio moram illam non ferret, Aduola, inquit: nimirum cenabis, cum ueneris.

## EPISTOLA VIII.

314:

Cn. Pompeio Magno, CO.S.  
M. Licinio Crasso,

IBRVM MEVM ] hic liber, quo erat in extremo Iouis oratio, qui fuerit, ignoratur. de his certe, qui extant, nullus est, in quo Iupiter loquatur. crediderim, fuisse poema.

L  
nam. inducere Iouem loquentem, poeticum quidam est, non oratorium. ac forte intelligendum est de uersibus illis, quibus acta consulatus sui persecutus est. mihi enim uenit in mentem cogitanti, Iouis in personam optime conuenire tres illos uersus,



sus, qui sunt in ad Atticum epistola IIII libri II.

„ Interea cursus, quos prima à parte iuventæ,

„ Quosq; adeo consul uirtute animoq; petisti,

„ Hos retine, atque auge famam, laudesq; bonorū.

idq; uidetur illa oratio confirmare, quæ Salustii no-

mine in Ciceronem inscribitur. Quid ego, inquit,

plura de tua insolentia commemorem? quem Mi-

neruā omnes artes docuit, Iupiter optimus maxi-

mus in concilio deorum admisit. ut Ciceronem

Iupiter, admissum in concilium deorum, illa for-

tasle oratione, qua de nunc ad fratrem scribit, sit

allocutus. DE NON curantia] rara uox, &

fortasse singularis, Curantia. itaque uidetur mihi,

ceteris, opinor, item, duriusculè posita: tametsi,

quæ pariter desinant, aliarum uocum exempla non

desunt, ut uigilantia, iactantia, arrogantia, atque

etiam negantia. sed si, quia similia in usu multa

sint, eam tueri uolumus: cuius tamen teretes au-

res, rotundæq; sint, is, non uideo, qui ferre pos-

sit negantem illam particulam, quæ antecedit. di-

xit quidem alibi Cicero, non corpus, cum expri-

mere uellet σώματος: ut eadem forte licentia non

curantiam pro ἀμελείᾳ dixerit. MIHI ma-

gis] ut meæ uitæ rationem ad eius orationis, quam

Iupiter habet, quasi normam instituerem.

SED tamen] ita loquimur interdum, cum, o-

misso, qui erat institutus, sermone, nouam aggre-

dimur narrationem. non enim est hic, Sed tamen,

ea sententia usurpatum, ut indicet contrarium ali-

quid iis, quæ iam dixit. POSTRIDIE

quàm tu es profectus] redierat Quintus è Sardi-

nia superiore anno paulo post idus Maias, ut est su-

N 2 pra



## Commentarius in lib. II.

pra in epistola, O literas: hoc est, anno iam peractō. nam hæc epistola scripta est post III. id. Maias: cum in extrema de senatusconsulto III. id. Mai. factō mentionem fieri uideamus. rursus igitur Quintus Roma discesserat. VIBULLIO ] Ru-

fo, Pompeii studiosissimo, eiusdemq; præfecto fabrum. epistola longa ad Lentulum, ad Atticum sæpe, & Cæsar libro I. de bello ciuili.

OPERIBVS ] uidetur eiusmodi res fuisse, quæ fieri sine publica consensione non posset. itaque dabat operam Cicero, ne Clodius aduersaretur, & ut Pompeio, Crassoq; adiutoribus uteretur. opera uero ipsa, atque inscriptiones, de quibus laborabat Quintus, crediderim significari in epistola I. libri III. 323: ubi mentio de Telluris æde fit. nam ad eam ædem fieri quiddam, atque inscribi, suo uidelicet nomine, Quintus uolebat. id curauit Cicero, ut scribit ipse in eo loco, diligenter: statuam etiam fratris locauit. PER Pompeium ] cum

quo in gratiam anno proximo redierat, concionemq; acerbissimam in Marcellinum consulem, Pompeii Crassiq; conatibus obfistentem, habuerat. Dio lib. XXXIX. P. CRASSVS ] Marci consulis filius, eloquentiæ cum primis deditus; qui, lege Clodia promulgata, cum Romanæ iuuentutis uiginti fere millibus uestitum Ciceronis causa mutauerat. Plutarchus. LEGATIO libera ] hac

utebantur, qui sui negotii causa, ut exigendæ pecuniæ, uisitandi templa deorum, abesse diutius uolebant. alioqui senatoribus per leges non licebat. erat autem ex hoc genere uotiua legatio. nam ad Atticum 33: Libera, inquit, legatio uoti causa datur.

tur.  
lege  
stol  
lega  
adu  
pus  
decla  
legat  
nus p  
pus,  
prud  
liber  
ne ter  
gitat  
uider  
re,  
in ea  
episto  
tra ur  
ponet  
gatio  
per sen  
graba  
ut Cæ  
anima  
rum ]  
lio sua  
eum ]  
pecun  
res ni  
oratio  
tris N



tur. harum legationum definitum fuisse tempus, lege à C. Cæsare lata, ostenditur his uerbis in epistola ad Atticum 245 : Et habent, opinor, liberæ legationes definitum tempus lege Iulia; nec facile addi potest. ante legem Iuliam annum fuisse tempus lege ea, quam hic noster tulit in consulatu, ipse declarat libro 111. de legibus. Hoc, inquit, genus legationis ego consul, nisi mihi leuissimus tribunus pl. intercessisset, sustulissem : tamen minui tempus, &, quod erat infinitum, annum feci. ita turpitudine manet, diuturnitate sublata. quo in loco liberæ legationes, quasi turpes, nec satis aut ordine senatorio, aut repulica dignas, multis uerbis exagitat. Nomen autem liberæ legationis inde ortum uidetur, quòd, introire in urbem, & rursus exire, liberam legationem habentibus liceret. quod in ea ipsa, quam proxime nominaui, ad Atticum epistola declaratur. ceteri porro honores, qui extra urbem gererentur, ingredientibus in urbem deponebantur. **P E R** populum ] dandarum legationum ius ad senatum pertinebat. Clodius, si per senatum non posset, confugere ad populum cogitabat. id homines populares facere solitos esse, ut Cæsarem de provincia, Vatinius de legatione, animaduerti. **B Y Z A N T I V M**, aut Brogitarum ] ut à Byzantiis, quòd eos tribunus pl. ab exilio sua lege restituerat; à Brogitaro autem, quòd eum Matris Magnæ templo præfecerat, promissam pecuniam exigeret. ideo subiungit Cicero, Plena res nummorum. hac utraque de re satis aperte in oratione pro Sextio. Lege, inquit, tribunicia Matris Magnæ Pessinuntius ille sacerdos expulsus, &

N 3 spoliatus



## Commentarius in lib. II.

spoliatus sacerdotio est; fanumq; sanctissimarum  
atque antiquissimarum religionum uenditum pe-  
cunia grandi Brogitaro, impuro homini, atque in-  
digno illa religione, presertim cum eam sibi ille  
non colendi, sed uiolandi causa appetisset: reducti  
exules Byzantium, condemnati tum, cum inde-  
mnati ciues è ciuitate eiiciebantur. et pro domo  
sua: Idem tu una lege tulisti, ut Cyprius rex cum  
bonis omnibus sub præcone subiiceretur, & exu-  
les Byzantium reducerentur. in ea uero de aru-  
spicum responsis, Quid ego, inquit, id admiror,  
qui, accepta pecunia, Pessinuntem ipsum, sedem  
domiciliumq; matris deorum, uastaris, & Brogi-  
taro Gallogræco, impuro homini, ac nefario, to-  
tum illum locum, fanumq; uendideris? Et, quod  
ad Byzantios exules attinet, negotium illud, tra-  
dit Plutarchus, M. Catoni à Clodio esse commis-  
sum, ut eo diutius, dum eos lege Clodia, hoc est  
iussu populi restitueret, ab urbe abesset: quo scili-  
cet ipse magis ad libidinem suam, Cicerone expul-  
so, Catone amandato, tempus uexare posset. exeun-  
di igitur Clodio causa erat, ut syngraphas perse-  
queretur suas. unde in ea de aruspicum responsis,  
Deiotarus, inquit, est rex iudicio senatus, per nos:  
Brogitarum putabo regem, si habuerit, unde tibi  
soluat, quod ei per syngrapham credidisti. Quod  
autem legitur, Aut Brogitarum, uix puto Latine  
dictum, cum hominis nomen sit, non loci: ideoq;  
particula, ad, uidetur addenda. A v r  
utrunque] uel, Vtroque, ut ad legationem refe-  
ratur, malim legere: uel, si, Vtrunque, retine-  
mus, ad uerbum, cupit, accommodetur.

Q u o d



QUOD uolo ] de operibus , & inscriptionib us.  
 AD NOSTRUM Iouem ] ut ea , quæ Iupiter in  
 extremo illo libro præcipit , obseruemus .  
 AD III . id. Maii ] quàm multa peccauit incu-  
 ria librariorum . hoc & quæ usque ad extremam epi-  
 stolam sequuntur , recte nunc atque ordine sunt  
 impressa in nostris libris , iis , quos proxime edidi-  
 mus . ceteris in omnibus , quotquot ad eam diem  
 exierant , cum aliæ partes erant præpostere collo-  
 catae , tum hæc ipsa , quæ nunc tractamus , quæ Pom-  
 peio & Crassio cos. scripta esse facile cognoscitur ,  
 coniuncta legebantur cum ea epistola , cuius ini-  
 tium est , Dederam ad te : quam eo scriptam anno ,  
 quo Marcellinus & Philippus consulatum gesse-  
 runt , satis iam , cum eam exponeremus , probauim-  
 us : ut una epistola duobus annis perscripta uide-  
 retur . hoc uitium cum hactenus nemo animaduert-  
 isset , deprehendi statim , nec ita magno negotio ,  
 cum ad hunc locum interpretando peruenissem .  
 uetus enim hoc nostrum est in exponendo , ut , cum  
 aliquid , quod ad historiam pertineat , occurrit , il-  
 lico reuocemus id ad temporum rationem ; ne quid  
 de nostro tantum sensu literis temere mandemus .  
 temporum autem ratio certissima est , annorum per  
 consules consideratio . quæ mihi sæpe res , incredi-  
 bile est , quantas ad uidendam ueritatem fenestras  
 aperuerit , quantosq ; eadem patefecerit aliorum er-  
 rores . qui , genus hoc diligentia aut , tanquam ni-  
 mis laboriosum , refugientes , aut , quasi leue , con-  
 temnentes , ea suos in libros retulerunt , quæ satis  
 magnam reprehendendi studiosis hominibus ma-  
 teriam præbeant .

DE AMBITU ] eorum  
 N 4 magistratuum



## Commentarius in lib. II.

magistratuum causa, quos proxime creati oportebat. ii praetores erant. nam consules ex interregno creati iam erant Pompeius, & Crassus. qui eum id spectarent, quod etiam consecuti sunt, ut, petentibus praeturam M. Catone, & P. Vatinius, Catoni Vatinius, integerrimo civi omnium nequissimus, anteferreretur; neque id se posse obtinere sine ambitu sperarent; cauere sibi à legibus uoluerunt, senatusconsulto facto, ne, qui praeturam per ambitum cepisset, ei propterea fraudi esset. nimis hoc improbum atque iniquum uidetur, sed patet ex Plutarcho in Catone Uticensi his uerbis:

οἱ δὲ καὶ τῆ το δέουσιτες, ὡς τῆς στρατηγίας ἀξιε μάχου διὰ κα-  
τωνα πρὸς τὴν ὑπάτειαν γενησομένης, πρῶτον μὲν ἐξαίφνης,  
καὶ τῶν πολλῶν ἀγνοούντων, βελήν συναγαγόντες, ἐψηφίσαντο,  
τῆς αἰρεθίστας στρατηγικῆς ἐκβῆς ἄρχειν, καὶ μὴ διαλιπόντας  
τὸν νόμιμον χρόνον: ἔπειτα διὰ τῆ ψηφίσματος τὸ δίδοναι δίκας  
ἀνεπίουδμων κατασκευάσαιτες, ὑπερίτας αὐτῶν, καὶ φίλους  
ἐπὶ τὴν στρατηγίαν προσήγον, αὐτοὶ μὲν δέντες ἀργυρίων, αὐτοὶ δὲ  
ταῖς ψήφοις φερομέναις ἐφετῶτες. & in Pompeio: τὸν  
κάτωρα τῆ δῆμου στρατηγὸν αἰρεσμένον, καὶ τὴν ψῆφον ἐπιφέρ-  
οντες, κομπήϊος ἔλυσεν τὴν ἐκκλησίαν οἰωνὸς αἰτιόμενος, αἰτίαν  
δὲ, καὶ βατίνιον αἰγέρευσαν, ἀργυρίων τὰς φυλάς διαφθείραντες.  
est igitur hoc senatusconsultum non, ut alia, con-  
tra ambitum, sed pro ambitu. quod etiam inde fit  
apertius, quia factum est in Afranii sententiam. is  
enim nihil ad uoluntatem Pompeii non administra-  
bat, utpote qui consulatum & eius opera adeptus  
esset, & eiusdem arbitrato gessisset, ut est in episto-  
lis ad Atticum, 13. & 20: addo illud, quod cum  
epistolam ita Cicero concluderit, Quid multa? te-  
nent omnia; indicat, nihil, contra quam uellent,  
esse



esse factum. QVAM ego dixeram] non, quam ego dixeram in senatu. non enim eò turpitudinis Cicero uenisset, ut, cum antea consul legem contra ambitum tulisset, idem sententiam in senatu diceret de impunitate iis danda, qui per ambitum deliquissent. expono igitur, Quam dixeram, de qua tecum locutus eram. CONSULES]

Pompeius, & Crassus. NON sunt persecuti]

noluerunt, inquit, discessionem fieri à senatu, quo posset intelligi, probarentur nec ne eorum sententia, qui Afranio &c. id est enim, persequi sententias, non, singulas omnium sententias rogare.

AFRANIO cum essent assensu] hos necesse est non optime animatos in remp. fuisse, qui Afranii sententiam pro ambitu dictam secuti sint. id tamen argumentum uidetur mentis non omnino pessimæ, quòd addiderunt, ut prætores ita crearentur, ut dies LX priuati essent; eo nimirum consilio, ut accusare uolentibus eos, qui per ambitum prætores creati essent, spatium daretur. nam, si præturam protinus iniissent, accusandi locus non fuisset. non enim eos, qui essent in magistratu, licebat postulare. sed consules hoc non latuit: itaque persequi sententias eorum noluerunt. scriptumq; est illud in senatusconsulto, quod supra posuimus, τὸς ἀπεβί-  
ρας ἑπαρχίας ἐὺθὺς ἀρχῶν. neque uero quisquam mireretur, mense Feb. de creandis prætoribus agi, qui mense Quintili, post ue designari soliti essent. nam ita producta comitia erant, ut, anni parte iam exacta, quo anno geri præturam oportuisset, prætores tamen creati nondum essent: itaque dicit, Crearentur; cum designandi tempus abiisset.

DIES



## Commentarius in lib. II.

DIES LX.] si recte atque ordine ageretur, non LX. tantum dies, sed menses quinque, eoq; amplius, priuatos esse oportebat. Quintili enim fere mense designabantur magistratus. REPVDIARVNT]

Consules Pompeius & Crassus. nullam enim eius uidentur habuisse rationem, cum senatusconsultum pro ambitu fecerunt. uel potius, quia nomen eius, præturam petentis, recipere nolissent: primum, quod uir optimus Cato, hoc est Pompeii Crassiq; improbis conatibus aduersarius: deinde, quod L. Domitio Ahenobarbo affinitate arctissime coniunctus. eius enim sororem, quod ex Plutarcho liquet, Domitius habebat in matrimonio. Domitium porro consulatu deiecerant, cū legitimus eius esset annus, Pompeius & Crassus.

## EX EPISTOLA IX.

315.

### Iisdem consulibus.

IN ISTO] scripserat Quintus ad Marcum, ideo se non exisse cum ipso, ne quando eum interpellaret. Marcus ita: Si in isto essem, quod tu scribis, ut tu me posses interpellare, ut mihi occupato tuus interuentus ullo modo molestus esset: sane, ut hac afficerer molestia, nunquam accideret. tu enim, qui, quid sit interpellare, optime nosti; nihil aliud, inquam esse, quàm intempestiue aliorum occupationibus interuenire; nunquam ad



ad me, nisi tempestius, accederes: ne, quod esse uitium scis in hoc genere, in illud incurreres. deinde uolo tibi hoc licere apud me, ut, nulla temporis, aut occupationis meæ ratione habita, cum libet, & quoties libet, appelles me, interpelles, obloquare, colloquare. ANTE ATEIUS] ita mihi nunquam esse molestus potes, quemadmodum nec tibi Ateius. Ante Ateius, inquit, interpellat? aut interpellare potest? minime. itidem nec tu me: quandoquidem, ut ille, ita tu scis, quid sit interpellare; & importuni nunquam esis.

ISTRIVS generis] genus enim quoddam est humanitatis, cum ad eos, quos amamus, arbitratu nostro, qua uolumus hora, libere accedimus. quod, inquit, tu cum faceres, humanitatem docere quodam modo uidebaris. nunc autem, quando tibi uenit in mentem timere, ne me interpelles, hac humanitate te magistro non utor, sed quod ea mihi, uel sine tuo exemplo, nota est, & placet ipsa per sese. TVVERO] dixerat, primum: subiungendum erat, deinde. id, ut interdum solet, omittit; sed iis uerbis utitur, quæ, si sententiam spectes, idem præstant. Primum, inquit, si huius uerbi, interpellare, uim attendimus, tu me nunquam potes interpellare. quod enim uitium interpellatio significat, id tu, cui notum est, uitares, cum ad me nunquam ires, nisi opportune. deinde, etiam si tu, quid esset interpellare, non teneres, me tamen uellem, qui meus est in te amor, & appellares, & interpellares, magis, cum tua uoluntas ita ferret, quam cum mea postularet occupatio. μὴ σοπατακτός] subito musarum furore percitus: cuiusmodi homines



## Commentarius in lib. II.

nes fundunt illi quidem, pede in uno stantes, multas uersuum centurias, eas tamen, quas, animo sedatiore qui sunt, ne semel quidem possint perlegere, ipsi tamen sua poemata, presertim illico postquam ediderunt, immoderate ac stulte nimis amant.

IN VISA ] quam ego nunc odi, cum eius causa factum intelligam, ut te, ab urbe discedens, non asportauerim, eadem scilicet, qua uectus ego sum, lectica; tibiq; , qui antea huius generis humanitatem colebas, occasionem dederim de interpellatione metuendi. Mouet me, quod ueteres libri pro, inuisa, habent, infusa. qua ego in dictione ut me diu torserim, & ut ille inquit, labrum saepe momorderim, assequi tamen ingenio nihil potui, quod probarem. non enim, quæ huic uocabulo, infusa, subiecta res est, ea certe ( aut ego prorsus fallor ) in hac sententia locum habet. inuisa uero neque longe distat ab, infusa, & cum sententia uidetur optime congruere.

ἀντίστοιχον ] placet, quod uideo scriptum esse in Bessarionis libro, ἀντίστοιχον, hoc est, adductam contra uoluntatem meam. ita, cum habemus ex antiquo libro, quod sententiam satis aptam continet, coniecturis meliora quærere non debemus.

CICERONIS nostri ] filij tui.

ITERUM ceteri omnes ] Iterum cum excusares te, quia mecum non ires, hoc attulisti, quod domesticorum omnium causa tibi manendum esset.

SUSPICATIVUS ero ] non modo si tu dixeris, te uereri, ne mihi molestus sis; sed etiam, si, hoc te animo esse, suspicione assequi potuero: nihil equidem propterea dicam; te tamen pari ulciscar uia. ue rebor enim, &c.

SIC FIT ] sic ulciscor eos, à quibus



à quibus laceffor immerito. 83' ἐν αἴῃ ἐξήσας ]  
 exemplo græcæ sententiæ cum utitur Cicero, fere  
 aut prima tantum attingit uerba, reliqua, tanquam  
 nota, prætermittit; aut ita totum recitat, ut aliqua  
 tamen mutatione ad id, quod sibi propositum est,  
 accommodet. utriusque generis plenæ sunt episto-  
 læ. hic singula uerba quid ualeant, nemo est, qui  
 non uideat. quid omnia simul spectent, mihi qui-  
 dem obscurum est. quòd si, quonam ex poeta (cer-  
 te enim hæc à poeta aliquo uidetur Cicero mu-  
 tuatus) sumpta essent, tenerem; facile, opinor, ef-  
 fet, sibi quid uellent, assequi. nunc, quia locum igno-  
 ramus, uel quòd non extet, uel quòd, aliquando  
 cognitus, memoriam nostram effugerit; affirmare  
 de sententia certe nihil licet. nec placet inani con-  
 iectura nubes & inania captare.

MARIUM  
 autem nostrum ] eum, ad quem scribit libro VI I  
 epistolarum, ut uulgo appellant, familiarium, ho-  
 minem incommoda ualetudine, literarum studio  
 deditum. Scripserat Quintus, libenter Marium  
 quoque fuisse exiturum cum Marco, si esset inuita-  
 tus. causam, cur eum proficiscens non sustulerit,  
 confert Cicero tum in ipsius infirmâ ualetudinem,  
 tum etiam in uillam apertam, ac ne rudem quidem.  
CONIECISSEM ] uerbi tralatio quiddam habet  
 ad suam fruendi Marii cupiditatem indicandam.

REGIS Ptolemæi ] quam Ptolemæus, Aegypti  
 rex, qui à suis ciuibus eiectus, Romæ aliquandiu  
 fuit, Anicio dono dederat, uni fortasse de suis cre-  
 ditoribus.

OCTOPHORO ] quem octo  
 serui gestarent. quod ipsum riegiam potius, quàm  
 priuati hominis lecticam arguit fuisse.

ANTI-  
CIANO ]



## Commentarius in lib. II.

C I A N O ] de quo mihi Anicius commodauerat. et est is, de quo paulo post. MACHAEROPHORI S] machæra uidetur fuisse, quam nunc spatham appellant. certe uagina condi solitam, iocus apud Plautum paulo obscurior demonstrat. C E N T V M ] non puto, Ciceronem huiusmodi comitatu esse usum. uix hoc Milonis, aut Clodii insaniæ tulissent. ac, si Ciceronem secuti essent, non extimuisset Marius, quasi ad aspectum nouæ rei. crediderim igitur, casu contigisse, ut eadem uia post octophorum Anicianum sequerentur illi machærophori, quibus uisis, Marium, qui non animo minus, quam ualetudine, esset infirmus, hominum & machærarum subita specie perterritum, pene corruisse. T V N C ] forte uerius, hunc: de quo scilicet locuti sumus. facit enim hoc Cicero, cum de aliquo aggressus dicere, de eodem aliquid à re tamen proposita seiunctum, interponit: ut supra, cum de C. Catone tribuno pl. orsus esset dicere, deinde interposuisset quiddam de familia uendita, rursus ad id, quod cœperat, reuersus, hoc utitur loquendi modo: Hunc igitur Catonem Lentulus à legibus remouit. S V B T I L I T A T E M ] acumen. V E T E R I S urbanitatis ] ueterum sales magna ex parte amissos esse, alibi quoque Ciro conqueritur. H o c uero mihi peculiare &c.] Peculiariora nostra sunt, quæ à nobis proprie possidentur, sic, ut ad neminem præterea neque possessio, neque fructus pertineat. H o c uero ] quòd si, inquit, Marius tecum uenturus est, ut significas; mea erit hæc propria suauitas, mihi nullo cum homine communis, ut homine ingeniosissimo, atque humanissimo



humanissimo Mario ubique fruar, non modo in illis prædiis, quorum ille, mihi uicinus, quasi lumen est, uerum etiam hic, ubi nunc ædifico. **ISTO]**

qui tecum uenturus uidetur, Mario. **ILLORVM]** quæ tibi nota sunt, in agro Pompeiano: ubi uillam Marij fuisse, patet ex epistola ad ipsum, fam. 98.

**LVMEN]** luminis loco; æque gratum, ac lumen ipsum. nam, quæ lumine carent, loca, iucunditatis habent minus, quàm quæ sol illustrat. **PARA-**

**TVM sit]** Marii causa; ut sit, ubi homo infirmus commodè excipiatur. nam ego ita sum philologus, hoc est, ita literarum studiosus, ut mollis tamen minime sim: quales fere sunt, quos librorum consuetudo tenet. possum, inquit, uel cum fabris habitare. non enim mea philosophia luxum, & uoluptatem, & mollitiam sequitur. ea me, non oblectauit in Hymetto, monte Atticæ amœnissimo, sed in area cum seruis Syris, qui ædificant, duriter exercuit. Iocatur, cum se philosophari in area, hoc est, suum studiū in fabris exercendis ponere significat.

**AREA SYRA]** in qua serui Syri opus faciunt.

**DE interpellatione]** ad epistolæ partem respondet, in qua scripserat Quintus, futurum, ut ipse & Marius eum, quàm minime possent, interpellarent. **DE REP.]** hoc uidetur dicere. Philo-

ctetes, ille Herculis comes, accepta à suis ciuibus, hoc est, à Græcis, iniuria, cum in Lemno insula destitutus est, execrabatur eos, à quibus eam iniuriam immerito tulisset. tu contra; cum eos ciues, qui nos indignissimis & iniquissimis modis uexarunt, doles tamen non optimo in statu esse, mutuis discordiis agitari. hoc animo te esse, mihi, inquit, molestum



## Commentarius in lib. II.

molestum est. uellem, Philoctetem imitaberis. De Philoctete, in Lemno à Græcis Troiam proficiscen-  
tibus derelicto extat, Sophoclis tragœdia.

I L L A spectacula] calamitates, & miseras suorum  
ciuium grauissimas. CONSOLABOR] qua-  
si præsens remedium manu teneat, ita pollicetur:  
credo, quia significet, facile esse, rationibus Quin-  
to ostendere, quàm sine causa doleat. H O R-  
R V S domi est] Ruri uicinitas horti requiritur ma-  
xime: ut sit, non modo quo opsonia condiamus  
ad suauitatem, uerum etiam quo languentem sto-  
machum quarundam herbarum acrimonia excite-  
mus. Hortensia, inquit, non longe petemus.

## EPISTOLA X.

316.

N o'n puto hanc epistolam scriptum es-  
se Appio & Ahenobarbo cos. quia,  
proxima quæ sequitur, Ianuario men-  
se scriptam esse constat. aut, suo loco  
minime collocata. quòd si, Pompe-  
io & Crasso, scripta est: ne sic quidem suum locum  
obtinebit. nam eam, quæ ante proximam legitur,  
post IIII id. Mai. scriptam uidemus: hæc porro  
ante pridie id. Apr. Quare siue Pompeio & Cra-  
so, siue Appio & Ahenobarbo cos. est data; non est  
ad ordinis rationem constituta. crediderim tamen  
scriptam esse potius anno Pompeii & Crassi: quia,  
si anno Appii & Ahenobarbi scripta esset, absque  
dubio de itione Quinti ad Cæsarem mentionem  
aliquam



aliquam fecisset; cum ad paucos dies ad eum Quintus profecturus esset? nam Arimini Quintum fuisse mense Maio, hoc est, in Caesaris provincia, legimus infra. **CONVICIO**] acriter: quasi conuiciantum morem referrent, cum literarum officium, diutius iam desideratum, Ciceroni exprobrarent. sic in epistola, quæ sequitur proxima, conuicio, dixit, pro querela satis libera, minime tamen pro conuicio. **CODICILLI**] scriptorum genus in ceratis tabulis, quo veteres utebantur, ubi properanter aliquid, ac breuiter, quod instar epistolæ non esset, exarare cogitarent: ut apud amicum in cena, foris, in itinere, uel naui, si charta præsto non esset. dabant deinde amanuensi, ut descriptæ inde literæ mitterentur. interdum etiam ipsos mittebant codicillos. quod hæc ipsa ad Quintum epistola perspicue probat. non missos uerba illa ad Papirium demonstrant: Accubueram hora nona, cum ad te harum exemplum in codicillis exaravi. **NAM** res quidem ipsæ] ideo commisi, ut tu me de scribendo urgeres, quia neque res ipsa, de qua scire aliquid uelles, neque omnino ulla de re dies is, quo tu es profectus, argumenti quidquam dabit. **DEESSE** non solet] cum res tamen certa, de qua sermo sit, nobis deest. **ALUCINARI**] certa re non proposita loqui, huc illuc errantium more ferri. est enim alucinari, aberrare, non consistere, ut ait Nonius: & ab ἀλύν deductum, scripsit Cloatius Verres. propterea sine aspiratione, unico l, scribi debet: & in hoc antiquus item Bessarionis liber consentit. **TENEO RV M**] petitum est à legatis

O

ex



## Commentarius in lib. II.

ex insula Tenedo missis, ut Tenedii suis legibus uiuerent. negatum. potius enim censuit senatus, ut eadem conditione, qua ceteri in provincia populi Romani, tenerentur, hoc est, ut legibus à populo Romano aut à prouinciali magistratu datis uterentur.

SECVRI Tenedia ] ictu uehementi; cum uniuersus fere senatus contra Tenediorum libertatem consentiret. et, securi Tenedia, cum dixit, quasi quodam ioco alludit ad ueterem illam siue fabulam, siue historiam de Tenne rege, à quo insula nomen accepit; qui lege sanxit, si quis adulterum deprehendisset, ut eum securi interficeret: idque seruauit ita diligenter, ut etiam de filio suo deprehenso interrogatus, quid fieri oporteret, respondisse dicatur; id fieret, quod lex iuberet. inde datus locus pro uerbio de Tenedia securi, in iis rebus, quæ præciduntur. Heraclides ἐν τῷ περὶ πολιτικῶν.

BIBVLVM ] Marcum, C. Cæsaris in consulatu collegam. CALIDIVM ] Marcum, oratorem dulcem potius, quàm uehementem; qui prætor in Cicerone restituendo diligenter operam nauauit. in Bruto, & oratione post reditum in senatu.

FAVONIVM ] Marcum, Catonis amicum, & æmulum in tuenda libertate, atque insectanda paucorum potentia. interfectum post obitum Cæsaris triumuirorum iussu, Suetonius tradit. Et ordine Bibulus, Calidius, Fauonius, habita dignitatis gestorumque magistratuum ratione, nominantur. nam Bibulus consularis, Calidius prætorius, Fauonius necdum ædilicius. quod in Catone scriptum est apud Plutarchum. DE TE ] quia Tenedum

& Sipylum Quintus, cum esset in Asia pro prætore,



re, triennio ante rexerat. Sipyli autem legati potius, quàm Tenedi, Quintum in senatu laudabant.

VNUM ] in eo consilio, ubi de Sextii postulatione deliberatum est.

PANSÆ ] postulantis aliquid, opinor, pro publicanis contra Asiaticos, quod ei concedi, ius non esset. nam inter provinciales & publicanos uectigalium causa nunquam defuit contentio.

NEQVE tibi, neque Pomponio deero ] forte, ut communem utriusque rem in aliqua causa defenderet.

POEMATA ] si de iis, qui nunc extant, Lucretii uersibus intelligit; non uidetur, poemata, satis proprie dixisse. poeticam enim, definit Aristoteles, imitationem esse. at in opere suo (de eo, quod in manibus est, loquor) non imitatur Lucretius, sed ipsam rem, ut est, ita docet. eadem ratione Empedoclem, qui uersibus de rerum natura scripsit, Aristoteles idem esse poetam negat. uerum alia præterea, quæ fortasse poemata recte possent appellari, scripsit Lucretius: quod ex Varrone, Charisio, aliis colligitur. aut puta Ciceronem, etiam si definitionem Aristotelis teneret, uoluissè tamen cum populo, quod è uersibus constaret, id poema nominare; item ut tribunatum pl. & ipse & Liuius magistratum appellant; quem tamen non esse magistratum, Plutarchus ἐν τῷ τῶν προβλημάτων multis probat argumentis. etiam in Oratore, non se rationem, sed consuetudinem in loquendo sequi, tradidit his uerbis: Vsum dicendi populo concessi, scientiam mihi reseruaui.

VR scribis, ita sunt, ] eiusmodi sunt, qualia tu scribis esse, multis illa quidem ingenii luminibus, multis tamen etiam artis. quibus

O 2 uerbis



## Commentarius in lib. II.

uerbis plus in Lucretio declarat ingenii, quàm artis, esse. quod sane hi quoque ipsi, qui ad nostram ætatem peruenerunt, sex illius libri satis indicant. HOMINEM non putabo ] forte scripserat Quintus, rediturum se esse in urbem, cum legisset ea, quæ Salustius Empedocleo more uersibus tractauerat. eam morandi causam M. Cicero reprehendit. Virum, inquit, te putabo, cum ueneris: si Salustii Empedoclea legeris, hominem non putabo. Laudis enim est, uirum uocari; hominem, non item. quia, etiã in quibus nihil laudes, homines tamen sunt; qui uero de hominibus ipsis excellunt, uiros cum laude nominamus. itaque in Bruto, Vidi, inquit, Mitylenis uirum, & uidi plane uirum. et ad Att. 62: O uirum, o ciuem Memmium. et apud Terentiũ in Hæcyræ: Tu uirum me, aut hominẽ deputas adeo esse?

## EX EPISTOLA XI.

316.

Ap. Claudio Pulchro, COS.  
L. Domitio Ahenobarbo,

R I D I E idus ] Ianuarii, an Februarii?  
P Februarii. nam pridie idus Ianuarii senatus haberi non poterat. erat enim dies comitalis, ut uetus Romanum calendarium significat. pridie autem idus Ianuarii nefastus erat: quod dierum genere senatus habebatur. scripserunt autem hanc epistolam idibus, mane: posteaquæ, quod idibus est actum, scripsit postridie idus: &, quod postridie idus, Lupercalibus. patet ex epistola sequenti.



quenti. **P O P U L I** ] stantis ante fores curiæ in Græcostasi, & gradibus . itaque in epistola 1. huius libri, Eius, inquit, operæ repente à Græcostasi, & gradibus clamorem satis magnum sustulerunt .

**C O N V I C I O** ] an Appio consuli populus conui-  
cium diceret ? nihil ne metueret illos fascēs, quos  
in manibus lictorum, ante curiæ fores consuli præ-  
stolantium, uideret ? quid igitur est, Conuicio ? cla-  
more, & querela paulo liberiore . sic in proxima,  
quæ antecedit, epistola : Epistolam hanc conuicio  
efflagitarunt codicilli tui . **C O M M A G E N O** ]

Commagenes rege . cuius regui caput Samosata  
fuit, in Asia, citra montem Taurum . **R E M** ]

petierat, opinor, ut ei regni possessio senatuscon-  
sulto confirmaretur . idq; uidentur indicare quæ  
proxime sequuntur uerba, de oppidulo extorto .

**D I S C U S S E R A M** ] abieceram : ita contra eum  
locutus eram in senatu, ut tota res ad nihilum reci-  
deret . discusserat autem, non pridie idus, sed ante-  
nam pridie idus nihil actum in senatu uidetur . coa-  
ctus enim consul populi conuicio senatum statim  
dimittere . **B L A N D I T V R** ] metu : ne itidem

exteris legatis, aut regibus, aliquid à senatu pe-  
tentibus, obsistam . quod ideo Appius nolle uide-  
batur, quia, cum aliquid eorum causa senatus de-  
creuisset, munera mercedis loco, aut etiam pactam  
mercedem consuli, qui ad senatum retulisset, dare  
consueissent . id significant illa uerba, quæ sequun-  
tur : Videt, hoc genere dicendi si utar in ceteris, Fe-  
bruarium sterilem futurum . **H o c** genere di-

cendi ] quo facile consequi possum, ut ea, quæ pe-  
tuntur, senatus minime concedat . **F E B R U A -**

**O 3 R I V M** ]



Commentarius in lib. II.

**R I V M**] reliquos Februarii dies . nam epistola scripta est post idus Februarii. **E T** Zeugmate]

affirmo , Et Zeugmate, Ciceronis non esse : & , ut olim in iure solebant , sic ego sponsionem facerem, ni glossema sit . oppidum enim in Commagene, positum in Euphrate, nullum fuit, præter Zeugma : de quo Plinius libro naturalis historię v. sic : Latitudo à Seleucia Pieria, ad oppidum in Euphrate Zeugma, **C L X X V. M. P.** & ibidem infra : Oppida alluuntur Epiphania & Antiochia, quæ ad Euphratem uocantur : item Zeugma, **L X X I I. M. P.** à Samosatis, transitu Euphratis nobile . in libro Bessarionis est , in Euphrate & Zeugmate.

**CAESARE** consule. ] aut, quia consulatum Cæsar solus gessit, Bibulo collega domi incluso : aut, quia Cæsar ad senatum retulit de honore togæ prætextæ Commageno regi impertiendo. **Q V O D**

uult ] hoc totum quid sibi uelit, non assequor : nec pudebit unquā fateri nescire, quod nesciam : etiam, si cuius me ex his tenebris eduxerit industria, æque lætabor, ac si, quod nunc quæro, meo ipsius ingenio nactus essem.

**DECERNENDVM** nihil censeo] ex sententia petentis Commageni. erat autem hæc in sententiis senatoriis, ubi nihil nouari placeret, usitata conclusio : Decernendum nihil censeo . Sic & Liuius lib. **X L I.** Ego, inquit, nihil noui censeo decernendum. **B V S R H E N V M**]

regis barbari nomen; qui tamen paulo, quàm Commagenus, erat nobilior . ei quoque perimiserat fenatus, ut prætexta, itidem ut magistratus Romani, posset uti ; cum nobiles inique ferrent, eo barbaros honore impertiri, qui magistratuum Romanorum



norum proprius esse deberet. GENVS, & locum] falsum genus: locum, materiam eiusmodi, in qua dicta dicere facillimum sit. RELIQUA discutere] ita contra reliquas legationes dicere, nihil ut omnino à senatu obtineant. quod si fiat, eripietur Appio pecunia, quam cupiditate iam ac spe deuorauit. IOVIS hospitalis] cum, hospitibus meis, Græcis hominibus, intercedentibus, in gratiam cum eo redierim. FUGERAT] haec tenus in mentem non uenerat, superiora scribenti. OPTANDVM, quàm sperandum] uidetur Balbus ad Cæsarem scripsisse, itemq;, ut opinor, Cæsar ipse; si uellet, Quintum ad eum iturum, ut operam in bello nauaret. suam eius rei cupiditatem Cæsar indicat, cum respondit, optandum magis, quàm sperandum. NE sis aspernatus] ita iocus est, ut serio tamen dictum uideri possit. Scripserat Cæsar tale quid: argentum sibi non esse, unde Quintum ditare posset: studium & beneuolentiam, quæq; in sua potestate essent, ei non defutura. ARCAE nostræ] iocus ioco relatus. si tu, inquit, eges; nos non abundamus. itaque arcæ nostræ noli confidere. nam si decoxeris, ego te meis nummis tuo ære alieno non expediam. Et est hic, conturbare, pro, decoquere. quo sensu dixit Martialis:

Conturbabit Atlas; & non erit uncia tota,

Decidat tecum qua pater ipse deum.

SINGVLORVM dierum] ita uidetur fecisse. nam hanc epistolam scripsit, ut dixi, idibus, sequentem postridie idus, aliam, quæ non extat, Lupercalibus. alibi aliud significat, ut ostendimus in com-

O 4

mentariis



## Commentarius in lib. II.

mentariis ad Atticum, Vere autem iocus ille Cæsaris fuit de sua egestate. uictis enim sæpe Gallis, ex eorum spoliis, & urbium direptione uim pecuniæ maximam coegerat; ut qui, belli ciuilis initio, uni Paulo consuli talentorum M D dono dederit. FERE CVM tuo reditu iungentur ] id est, eo fere tempore perferentur ad te, quo tu reditum ad nos adornabis. SVAE ædes urentur ] quòd in domo consulis, quò salutandi ac deducendi causa quamplurimi conuenirent, caminum esse oporteret, sæuiente frigore, luculentissimum.

## EX EPISTOLA XII.

317:

### Iisdem consulibus.

ISI niuem atram ] de qua scripsisti. Anaxagoræ fuit opinio, niuem atram esse, quòd ex aqua fieret, quæ nigra esset: inepto ac falso argumento. sed hoc nihil ad hunc locum. scripserat forte Quintus iocose, niuem se atram inuenisse, illam inquam, Anaxagoræ; quasi tristem minimeq; iucundam; quia scilicet ei per niues incommodissimo itinere eundum, ac forte etiam in ipsis niuib; cum hoste, non sine summo uitæ discrimine, pugnandum foret. DE Pompeio ] non debere nos unius Pompeii amicitia niti: Cæsarem simul esse complectendum, ut amicum Pompeio firmiorem.



rem. CANTO ] in ore frequenter habeo prædico. Terentius : - Qui harum mores cantabat mihi.

IN sinu est, neque discingor ] faueo, neque fauere unquam desinam. ductum à rebus carissimis, quas in sinu gestamus; quæ ne excidant, non discingimur.

IDVS ] Februarii. scripsit autem hanc epistolam postridie idus mane. quod extrema epistolæ uerba declarant.

DECIMVS erat Cælio dies ] is dies, quo reus M. Cælius causam de ui dicere prætoris edicto debebat. sic enim erat in consuetudine positum. nam & Pedianus in commentario Cornelianæ, Reum, inquit, Cornelium duo fratres Cominii lege Cornelia de maiestate fecerunt. et cum L. Cassius prætor decimo die, ut mos est, adesse iussisset; eoq; die ipse non affuisset: circumuenti sunt ante tribunal eius accusatores à notis operarum ducibus. Eos iurisconsulti iustos dies uocant.

COELIO ] M. Cælio Rufo, qui tribunatum pl. gessit, Cn. Pompeio Magno ] I. I. consule; ædilitatem curulem, L. Aemilio Paulo, C. Claudio Marcello; præturam, C. Cæfare, P. Seruilio cos. anno uno post ædilitatem, quod equidem miror: cum prætura biennio ab ædilitate distet.

DOMITIVS ] Cn. Domitius prætor. Nolo quenquam in prænominibus errare. duo eodem tempore Cn. Domitii fuerunt: uterque præturam gessit: ad utrumque Cicero dixit. horum alter est Cn. Domitius Calvinus, qui tribunus pl. fuerat Cæfare & Bibulo cos. ut indicant oratio pro Sextio, interrogatio in Vatinius: & post biennium (ædilitatem enim omisit, ut multi) præturam gessit,

Marcellino



## Commentarius in lib. II.

Marcellino & Philippo cos. ut eadem duæ oratio & interrogatio docent. in prætura de ambitu quæfuit, & apud eum Cicero Bestiam defendit, ut in hoc ipso libro supra cognoscitur. anno, qui post annum, quo scripta est hæc epistola, sequitur proximus, consulatum gessit cum M. Messalla. itaque satis patet, non esse hunc, qui de Cælio quæstionem exercuit: cum & inter præturam consulatumq; biennium intercedat; & præturam ab illo, non hoc anno, hoc est Appio Ahenobarbo cos. gestam, sed Marcellino & Philippo cos. iam ostenderim. Alter est Cn. Domitius hic, qui de ui cognovit in causa Cælii, quem in ipsa oratione Cicero appellat. consulatum nunquam gessit. A D N VMERVM iudices non habuit] cum eo die, quo causam dici ex edicto oporteret, iudices eo, quo opus erat, numero non affuissent; irrita fiebat accusatio; ut integrum tamen esset, si quis eam præterea uellet instituere: quod in hac Cælii causa timet Cicero, cum ait: Vereor, ne homo teter & ferus Pola Seruius ad accusationem ueniat. atque etiam renouatam esse accusationem M. Cælii, ipsa declarat Ciceronis oratio, initio mensis Aprilis habita, ludis festisq; publicis, satis longo post idus Februarias, qui decimus erat Cælio dies, interuallo. Posuimus causam unam accusationis, quæ instituta esset, omittendæ. altera fuit, cum accusatores, quo die reus adesset, ad agendum non uenissent. hoc ex Pediani uerbis animaduerto. inquit enim sic, in eo, quo de proxime memini, commentario. Postero die, cum P. Cassius prætor assedisset, & citati accusatores non adessent; exemptum est nomen



men de reis Cornelii. Ergo, cum in causis quatuor interueniant, prætor, iudices, accusator, reus; ex numero iudicum, & ex accusatoris absentia fieri poterat, ut reus, quod quidem ad ceptam accusationem pertineret, dimitteretur. de reo autem dubium non est, quin, si ad diem dictam non adesset, condemnaretur. prætoris diuersa ratio fuit. nam etsi, quo die reum adesse iussisset, ipse non affuisset, deinde tamen peragere quæstionem poterat. idq; L. Cassii prætoris exemplo cognoscitur, de quo idem Pedianus in eodem loco. Quod ad iudicum numerum attinet, non eundem uideo fuisse in omnibus causis. in causa Milonis, quæ & ipsa de ui fuit, unum & quinquaginta reperio. is fuerit ne legitimus & ordinarius numerus in omnibus causis de ui, an tum primum noua Pompeii lege de ui institutus, satis est à nobis accurate consideratum in libro de iudiciis. **P O L A** Seruius] nouum est, ut pronomen post cognomen ponatur. Liuius tamen semel, quod meminerim, ita locutus; cum Manlium Cneum appellat. Polam hunc aut de gente Clodia, plebeia tamen, aut certe gentis Clodix studiosissimum opinor fuisse. nam in epistola M. Cælii ad Ciceronem, eius opera, uideo, Ap. Pulchrum, P. Clodii fratrem, in accusando Cælio uti cogitasse. et puto Seruium istum accusationes factitasse, primum, quia ferum hominem hic appellat Cicero; deinde, quod in ea Cælii epistola ita scriptum est: Non destitit accersere Polam Seruium accusatorem, inire cum Domitio consilia. **V E N I A T**] non uenit tamen. nam accusauit Cælium Atratinus Sempronius adolescens, ut in oratione



## Commentarius in lib. II.

tionem patet. **NOSTER**] primum, quia equitis R. filius, itidem ut Cicero: deinde, quia Ciceronis amantissimus: quod utriusque indicant epistolæ: cui etiam curam collocandæ filiæ Cicero dedit, cum iret in prouinciam. **AGENTE** Clodia] quia Clodia P. Clodii soror, quæ Q. Metelli Celeris uxor fuerat, suas omnes ad oppugnandum Cœlium opes contulerat; ut oratio demonstrat. **EODEM** igitur die] & hinc, & ex aliis locis apparet, fastis diebus senatum haberi liquisse. nihil enim obstabat, quo minus iidem posset & in iudiciis adesse, & in senatum tempori conuenire; cum iudiciorum tractatio non ultra nonam horam duceretur. **TYRIIS**] legationibus Tyro missis, ut de publicanis quererentur. nam inter prouinciales & publicanos, ob nimis acerbam uestigalium exactionem, aut nimis lentam solutionem, nunquam fere negotium non fuit. **SYRIACI**] quia Tyrus in Phœnicia: quæ Syriæ pars fuit. **VEXATVS**] à publicanis, in quos iniquissimus fuerat: quod indicant illa uerba in oratione de prouinciis: Iam uero publicanos miseros tradidit in seruitutem Iudæis, & Syris, nationibus natis seruituti. & quæ sequuntur. et Dio libro xxxix. et hic in epist. ii. lib. iii. **GABINIUS**] qui Syriæ imperio proconsulari præfuerat, & hoc anno Romam decessit; ut infra 324: **DOMITIO**] Ahenobarbo, cos. **PROSECVTI**] cur enim ei nunc in senatu male dicerent, quem iam essent cum equis persecuti? persecuti autem quò? an, cum è prouincia decederet? non puto. nimium enim multo post Gabinius ad urbem



bem peruenit : ut simile ueri uix esse uideatur , tot  
ab eo menses in itinere esse consumptos. malo, cum  
iret in prouinciam. Noster Lamia ] Ve-  
teres libri, C. noster Lamia. mallet, L. noster La-  
mia : ut intelligatur Lucius ille Aelius Lamia, prin-  
ceps equestris ordinis , Ciceronis studiosissimus :  
de quo sic in epistola ad Brutum : Clodianis tem-  
poribus, cum equestris ordinis princeps esset, proq;  
mea salute acerrime propugnaret, à Gabinio con-  
sule relegatus est. et in oratione pro Sextio, & ubi  
non? Addo illud, Noster, dici, ob eandem, qua M.  
Cœlius, causam, quòd, sicuti Cicero, equestri  
loco natus. EQVITES Romani] horum in  
numero Lamiam, qui respondit Domitio, fuisse  
constat. quòd si eques Lamia; quo iure in senatum  
uenit? nam qui senatorium ordinem est adeptus;  
retinet ille quidem equestria ornamenta, annulum,  
equum publicum; eques tamen, & equestris ordi-  
nis neque est, neque dicitur, sed senator, & ordi-  
nis senatorii. itaque legitur apud ueteres, Pompe-  
ium, cum eques Romanus adhuc esset, triumphas-  
se: quia scilicet nondum lectus esset in senatum.  
quo facto, desiit esse eques Romanus. ergo, si eques  
Lamia; quod satis apparet; non ideo in senatu,  
quia senator esset; sed quia cum publicanis, qui e-  
rant omnes equites, quasi dux eorum ac princeps  
introierat. nam & in epistola, cuius proxime uer-  
ba recitavi, princeps equestris ordinis dicitur fuis-  
se Pisone & Gabinio cos. hic postea gessit ædilita-  
tem curulem, ut in eadem est epistola: deindeq; in  
senatum aditum habuit, non modo iure gesti ma-  
gistratus, ( hoc enim soli curules magistratus iuris  
habebant,



## Commentarius in lib. II.

habebant, ut in libro de senatu docuimus) uerum etiam quia proximis à censoribus, Appio & Pisonē, lectum esse in senatu, uerisimile est.

**DISSOLVTE** enim iudicatis] qui si uere iudicaretis, condemnarentur ij, quibus, improbe agendo, simillimum se Vatinius præbet. sperat enim, impune sibi fore, quia dissolute iudicatis. Diximus iam, hoc tempore lege Aurelia tres ordines iudicasse, senatores, equites, tribunos ærarios.

**LAUDATIS**] reos: quos si absoluimus, quid reprehenditis, cum eosdem uos laudetis? Mos erat, ut auctoritate præditi uiri reos in iudicio, antequam sententiæ ferrentur, laudarent. pleni exemplorum libri.

**NOX** diremit] senatus haberi de nocte non poterat. ideoq; reprehendit Cicero in Philippicis quædam senatusconsulta uespertina, quæ fecerat Antonius. testatur idem & Gellius.

**COMITIALIBVS**] qui nulli dum fuerant. nam toto mense Feb. comitiales qui fuerunt, omnes post Quirinalia, nec plures quam sex fuisse constat. comitiales autem erant de numero fastorum. sed eodem tempore & lege, & cum populo non agebatur: si lege, non cum populo: si cum populo, non lege. itaque licebat utrumque: sed eodem tempore utrumque non fiebat. senatus autem per eos dies non habebatur. contraq; qui dies fasti non erant comitiales, iis & lege agi, & haberi senatum, idq; eo die, confectis iudiciis, licebat: factumq; animaduertimus.

**INTERPRETARVR**] Hinc, opinor, suam Appius hauriebat interpretationem. Vetabat Pupia lex, haberi senatum à xvi r. cal. Febr. usque ad cal. Febr. tamen si dies



dies essent duo, fastus unus, alter nefastus, ille  
 IIII, hic III. cal. Febr. quibus, nisi Pupia lege  
 contra sancitum esset, senatus haberi potuisset.  
 Cautum erat præterea eadem lege, ne, nisi perfec-  
 tis, aut reiectis legationibus, aliis de rebus sena-  
 tus haberetur. sic igitur suam opinionem, aut uo-  
 luntatem potius tueri Appius poterat. Quid uetat  
 Pupia lex? id scilicet, haberi senatum mense Febr.  
 nisi perfectis aut reiectis legationibus. ego legi pa-  
 reo: senatum alia de re, præterquam perficienda-  
 rum legationum causa, non habeo. ea quidem me  
 non impedit, quo minus audiendis legationibus se-  
 natum dem. nihil enim in ea tale scriptum est, sed  
 hoc tantum, ne senatus habeatur, nisi perfectis aut  
 reiectis legationibus. Cogi autem se Gabinia le-  
 ge, contendebat Appius: quia, cum in lege scri-  
 ptum esset, ut quotidie senatus legationibus dare-  
 tur mense Februario; uerbum, quotidie, uolebat  
 omnes Februarii dies comprehendere, siue comi-  
 tiales, quibus haberi senatus non poterat, siue non  
 comitiales. Gabinius autem, quotidie, dixerat,  
 non de omnibus plane diebus, sed de omnibus iis,  
 qui quidem comitiales non essent; quia scilicet ha-  
 beri senatum eo mense nulla omnino de re, nisi le-  
 gationum causa, uolebat. nec dubito, quin leges  
 hæ tribunicie fuerint: siquidem senatum quibus-  
 dam quasi conditionibus coercent. de Pupie senten-  
 tia locus extat in epistola ad P. Lentulum.

Ita putantur ] non dixit: detruduntur comitia;  
 sed putantur detrudi: quia certum non erat, an Ap-  
 pius, id quod affirmabat, habiturus esset senatum  
 per omnes reliquos Februarii dies, etiam comitia-  
 les.



## Commentarius in lib. II.

les . nam si , ut solebat , non habuisset senatum Appius comitialibus Febr. diebus ; habere comitia potuisset . COMITIA ] quid hoc ? an comitorum tempus adest ante Quinctilem mensem ? nunquam sane , si ordine res agatur : sed extra ordinem interdum . nam , cum Appius ipse & Ahenobarbus consules essent creati ex interregno , creandorum prætorum cura ad eos pertinebat , qui proximo superiore anno designati non fuerant : eaq; comitia consules in hoc usque tēpus duxerant : sicuti Pompeius & Crassus anno proximo , cum ipsi creati essent consules ex interregno , comitia tamen rogandis prætoribus non ante mensē Maium habuerunt : quod supra ostendimus . his porro comitiis prætorem creatum M. Catonem , historiæ demonstrant ; qui superiore anno iniquissimam , prælato homine improbo P. Vatinio , repulsam tulerat . Plutarchus , & alij . HIS comitialibus ] sex Februarii mensis diebus comitialibus , quibus habere senatum Appius constituerat . TRIBUNI pl. ] maxime C. Memmius , qui eum de repetundis postulauit . 323 . DE GABINIO ] ut ei , Syriam prouinciam contra leges & iura sociorum administranti , imperium abrogetur . ACTVROS ] rogationem , ut puto , promulgaturos ; sicuti biennio ante C. Cato tribunus pl. rogationem de abrogando Lentulo Spintheri imperio promulgauerat . 310 : CALLISTHENEM , & Philistum ] quorum uterque scripserat historiam , Callisthenes Olinthius de rebus gestis Alexandri , Sículus Philistus cum aliis de rebus , tum de Dionysio Siciliæ tyranno . REDEO ] uidetur accipiendum ,



piendum, pro, uenio. nam neque in hac epistola, neque in superiore, pridie scripta, uerbum ullum de Callisthene & Philisto. aut, Redeo, quia cum cœpisssem tuis literis respondere; iamq; de niue atra, & de Pompeio scripisssem; interposui non nulla de rebus urbanis. redeo igitur ad tuas literas, quibus cœperam respondere.

**VOLVATVM**] assidue uersatum. nota tralatio.

**VVLGARE** & notum negocium] locutus est in historia sua Callisthenes, non exquisitè, quod ad sententias attinet, sed quo modo homines uulgo loquuntur, itidem ut aliquot Cræci suis in libris. **CAPITALIS**] grauis, capita rerum attingens. **DE DIONYSIO**] ubi de seniore Dionysio scribit, à quo in exilium missus est. nam de iuniore uix potuit, magnis districtus negociis: de seniore spatium ei non defuit ad scribendum, cum circa Adriam ociosus exularet.

**PUSILLVS** Thucydides] est enim densus, & brevis, & semper instans sibi Thucydides: quibus eum uerbis designauit Quintilianus. pusillus autem, quia non ita multa scripserat, ut Thucydides.

**IPSE** etenim ueterator] delectat me Philistus non tam, quia capitalis, creber, acutus, quàm quòd ipse Dionysius, de quo scribit, astutus in primis ac uaser est: quæ tum, narrante Philisto, tum ipsa per sese delectant.

**PERFAMILIARIS**] loquitur enim Philistus de familiarissimo suo, & ea tractat, quæ ipse nouit optime omnium.

**AD HISTORIAM**] scribendam; cum ueteres iam legisset historicos.

**LVPERCALIBVS**] cras. nam hæc epistola scripta est postridie idus,

P mane.



## Commentarius in lib. II.

mane. et Lupercalibus item mane scribere cogitabat ea, quæ postridie idus essent acta. **QVAM** **BELLISIME**] quam potes iucundissime. bellum enim non ad pulchritudinem, sed ad iucunditatem & commoditatem quandam refertur: ut bella puella, non quæ forma, sed quæ elegancia, & quadam quasi gratia intuentium oculos tenet. sic epistolam bellam uocat ad Atticum lib. III. 58: quam scripserat ad Lucceium; quod esset historiarum pigmentis haud paulo, quam ceteræ epistolæ, nitidior, atque ornatior.

## EPISTOLA XIII.

317:

### Isdem consulibus.

**I S C E S S V** nostro] statim postquam à te discessi. **A R I M I N O**] primo prouinciæ Cæsaris oppido: cum ad Cæsarem Quintus proficisceretur. **C E T E R V M**] alioqui, ceteroqui. **D I X E R A M**] non quæ dixeram me scribere, sed quæ me esse scripturum ostenderam. libros enim de republica, quos intelligit, aggressus est scribere in Cumano, 327: quos libros, magno literarum detrimento, temporum extinxit iniuria, uno Scipionis excepto somnio; quod, quasi scalmum ex naufragio, fortuna seruauit. **S P I S S V M**] difficile. nota significatio. **A D I V N G E N D I S**] ad amicitiam: ut in posterum non modo reip. uerum etiam ipse mihi consulam,



lam, salutis pariter & dignitatis habita ratione .  
 quod antea minus à me factum, nunc, meo malo  
 doctus, te mandante corrigam. **DISCAT** ]  
 Tyrannione docente. 312: **O C I O** ] quo in  
 urbe egebat, iudiciis rei; publicæ procuratione dis-  
 trictus. **M I N O R E** ] scio, recte dictum Mi-  
 nore; ut à maiore, Quinti filio, distinguatur;  
 quo modo & Africanus maior, Africanus minor;  
 Cato maior, Cato minor: moueor tamen suspi-  
 cione non nulla, ne glossema fuerit, additum ad il-  
 lud, Nostro. cur enim, cum ad fratrem scribat,  
 adiungat, minore? non ne satis filium suum ab il-  
 lius filio distinxit, cum de suo dixit, Nostro; de  
 illo, Tuum? **D I G E R A S**, persequare, con-  
 ficias. ] digere, prudentiæ est; persequi, dili-  
 gentiæ; conficere, constantiæ: quibus tribus uir-  
 tutibus officium eius, cui aliquid mandatum est, o-  
 mne continetur. **S P L E N D I D V M** ] refer-  
 tur ad diuitias. nec desunt exempla. **L I B E -**  
**R A L I T A T E** ] officiis, humanitate. **T R I -**  
**B V N V S** mil. ] tribunorum mil. duo genera Pe-  
 dianus facit, Rufulos, in exercitu creatos; & comi-  
 tiatos, Romæ.

## E P I S T O L A X I I I I .

318.

## Iisdem consulibus .

**L A N D E N O N A E** ] mendosum locum  
**B** existimo, &, cur, existimem, causas tres  
 habeo, sententiam, geographiam, uete-  
 res libros: sententiam, quia, cum dicat Cicero,  
 P 2 Deinde



## Commentarius in lib. II.

Deinde alteras, dictio, Deinde, satis indicat non eum eodem die accepisse literas & Placentiæ datas & Blandenonæ. itaque in, Blandenonæ, dies, quo accepit eas literas, uidetur inesse, sed mendo perturbata latet. geographia me monet; quia loci huius mentionem, ut geographos omnes euoluerim, nullam tamen inueni. suspicionem augent libri ueteres, quia dissentiunt ab impressis. nam in eo, qui Bessarionis fuit, uideo scriptum, Blandenonæ. quibus iisdem adducor causis, ut hominis egregie docti, & quod hodie perquam rarum est, in iudicio literarum elegantissimi, Caroli Sigonii coniecturam sequar, mirificeq; laudem. is, cum inter nos, ut fere pro nostra coniunctione & familiaritate quotidie solemus, hoc de loco satis multis uerbis collocuti essemus; rediit ad me postridie, quasi thesauro inuento, lætissimus, dixitq; se non magna mutatione excogitasse quiddam, quod à me probatum iri existimaret. quid, inquam? tum ille, hoc: pro, Blandenonæ, reponendum puto, Laude, nonis. ut duas se dicat Cicero epistolas accepisse, unam IIII. non. Iun. Placentiæ datam; alteram nonis, cum Cæsaris literis, Laude. quod oppidum adhuc esse, Placentiæ proximū, quā transeundum erat Quanto in Galliam proficiscenti, nemo nescit. gratulatus homini amicissimo, properaui ad scribendum; cum eius sententiā, ut ceteri quoque iudicare possint, qui tamen haud sane dubito quin mecum sentientes eam probent, notam ac testatam esse uellem. I s t a] honores, quos, ut scribis, à me expectare Cæsar uult. V i m M A G N A M] magnopere ualent ad gloriam: eiusmodi



modi sunt , ut ornare me summa gloria , summaq;  
dignitate possint .

Q V E M nosti ] quem scis  
mentiri non solere .

V E T E R I S amoris ]  
Clodianis temporibus interrupti : cum Cæsar , ni-  
mia Ciceronis libertate commotus , quia in defen-  
sione C. Antonii quædam aduersus potentes inie-  
cerat , P. Clodium statim ad plebem traduxit .

N O S T R V M poema ] de quo infra epist. i . libri  
III .

Q V A D R I G I S poeticis ] dicturus ui-  
debatur , tum equis , tum uelis : sed per iocum , pro  
uelis , intulit , quadrigis : quæ & ipsæ ad celerita-  
tem faciunt . addidit autem , poeticis ; ut cum aliis  
rebus , tum uero scriptis uersibus , gratiam se à Cæ-  
sare initurum ostenderet . ita nec ab instituta tra-  
latione discessit : nam tum equis , tum quadrigis cur-  
ritur : & , quid in Cæsare colendo sui consilii esset ,  
aperuit .

A R D E N T I quidem studio ] faci-  
am quod me mones : mea studia in Cæsarem omnia  
conferam . sic ad Trebatium in Topicis : Verecun-  
de tu quidem , sed ut te ardere studio cernerem . &  
in epistola ad Lucceium : Ardeo cupiditate . Volun-  
tatis enim augetur significatio , cum & , studium , di-  
cimus ; & ad , studium , epithetum adiungimus ; &  
epitheto ipso utimur tralato , & ab eiusmodi re tra-  
lato , quæ maxime omnium rerum nota sit , maxi-  
mamq; omnium uim habeat : cuiusmodi est ignis .

B R I T A N I A M ] res , quas in Britannia geretis .

iam enim , ut opinor , erant in itinere , Britanniam  
cogitantes . nam in epistola ad Atticum , mense  
Quintili data , suspicari se dicit , Quintum esse in  
Britannia .

C O L O R I B V S tuis ] ornamentis .  
ut Britannia sit poematis materia , ornamenta Quin-

P 3 ti ,



## Commentarius in lib. II.

ti, ars Marci. satis enim bonus poeta Quintus:  
aut, si minus, hoc tamen illi à fratre tribuitur.

PENICILLO meo ] ut, ornamentis, quibus  
quasi coloribus rem illustrare possem, à te sumptis,  
eum deinde ordinem, quem probauero, ipse adhi-  
beam.

ISTE ] Cæsar: ut eius absentis digni-  
tatem, cum res postulet, Romæ tuear, atque auge-  
am.

TUVS amor ] tua causa, qui legati lo-  
cum apud Cæsarem obtines, fortasse uel in summis  
occupationibus poëma, de rebus à Cæsare gestis in  
Britannia, conficiam.

MISERIM ] com-  
mendatum iis literis, quæ epist. fam. lib. VII. legun-  
tur.

VADIMONIUM concipere ] certa erat  
uerborum formula, qua sese inuicem uadarentur;  
quibus uerbis cum essent usi, conceptum uadimo-  
nium dicebatur. Iocus Cæsaris in eo fuit: Opportu-  
ne Cicero nem fecisse, qui Trebatium iurisconsul-  
tum ad se misisset: nam antea in uniuersa prætoria  
cohorte, totoq; comitatu suo neminem fuisse, qui,  
cum litigare uellet, quibus uerbis uadaretur tene-  
ret: itaque esse, cur ea de re Ciceroni plurimum  
deberet. erat enim Cæsaris prouincia, ut aliæ quo-  
que, nō imperii solum, uerum etiam iurisdictionis.  
et quoniam in munere iurisconsulti hoc erat mini-  
mum, & leuissimum, docere quibus inter se liti-  
gantes uadari uerbis, alter alterum, deberent, ne in  
concipiendo uadimonio peccantes irritam uadatio-  
nem facerent: scripserat Cæsar, se Ciceroni gra-  
tias agere: cum tamen, qua de re gratias agat, esse  
minimam significet.

CVRTIO ] quem ro-  
gatione ac testimonio Quinti diligebat. 322:

DOMITIUS ] Ahenobarbus, cos.

ROGA-  
TUS ]

r v s  
Curt  
talle  
tu h  
ral  
sen  
conf  
conf  
iulen  
purt  
& C  
b v  
bun  
c e  
le n  
mil  
ae  
nom  
no n  
enit  
fuer  
pop  
impe  
Pedi  
enit  
conf  
cum  
natu  
de it  
cos.  
neq  
sequ



r v s] ut ad Cæsarem scriberet de tribunatu mil.  
 Curtio mandando. quod si fecissem, derideri se pu-  
 tasset; qui peterem ab eo, ut inimicissimo suo Cur-  
 tii honorem commendaret. Dissidebat autem capi-  
 tali odio cum Cæsare Domitius. nam & prætor in  
 senatu retulerat, ut, quæ Cæsar anno proximo  
 consul egisset, cognoscerentur; & biennio post,  
 consulatus candidatus cum palam minaretur, con-  
 sulem se effecturum, quod prætor nequisset, adem-  
 pturumq; ei exercitus, coitione Cæsaris, Pompeii,  
 & Crassi deiectus erat consulatu. N E T R I -  
 B V N V M mil. quidem] nedum legatos; qui tri-  
 bunis mil. in castris honore præstabant. F A -  
 C E R E] non, Romæ, comitiis; quibus, credibi-  
 le non est, non potuisse studio consulis tribunatum  
 mil. fieri; sed in exercitu Cæsaris, commendatio-  
 ne sua; quia scilicet neminem omnino ei, ullius ho-  
 noris causa, commendaret. Aut, FACERE, omni-  
 no non facere: cum tamen consul esset. consulam  
 enim & dictatorum primis reip. temporibus hæc  
 fuerant beneficia. postea tribunatus mil. dari per  
 populum cœptus est: postremo alios in exercitu  
 imperator, alios Romæ populus creauit. Liuius,  
 Pedianus. I s s E] non, in consulatu. nimis  
 enim præter dignitatem, atque omnino absurdum,  
 consulem, maximarum rerum procuratione distri-  
 ctum, discedere paulo longius ab urbe, ut tribu-  
 natum mil. peteret à pro consule. intelligo igitur  
 de itione illa, de qua 314. Lentulo & Philippo-  
 cos. ante annum. A V R I C V L A infima]

neque acrem in tuenda rep. neque acerbum in per-  
 sequendis inimicis, sed in utroque ita remissum, ac

P 4 lenem,



## Commentarius in lib. II.

lenem, ut, quod dici solet, mollior auricula infima uideri possint. Monuerat Quintus, ut ex illo doctus rationem haberet aliquando etiam salutis. hinc illud 317: Tua mandata persequar &c.

**C O M I T I O R V M**] quæ tamen hoc anno habita non sunt. nam Caluinus & Messalla, qui sequenti anno consulatum gesserunt, ex interregno creati.

**S V S P I C I O**] postea non suspicio, uerum etiam sermo fuit multus. nam ad Atticum 65: Res, inquit, fuit ad interregnum; & est non nullus odor dictaturæ, sermo quidem multus, qui etiam Gabiniū apud timidos iudices adiuuit. Quibus uerbis, de Pompeii dictatura hoc tempore homines loqui, significat. quod in commentario diximus.

**O C I V M** forense] infrequens à iudiciis forum: iudicia frigent.

**S E N E S C E N T I S**] non quia desit, quod homines in foro agant: sed omnium rerum tardio ciuitas languet. Videtur hoc dicere: Cum publicis in rebus male agatur, serpit idem morbus etiam ad priuatas, & omnino nihil curatur.

**Q V A M** nosmet ipsi] quia, ne offendam eos, qui principes in republica sunt, quorum à uoluntate neque tu dissentire me uis, neque meorum temporum acerba recordatio patitur; cogor de recto illo meæ mentis cursu paululum deflectere. atque hoc ipsum tamen ita facio, ut me boni uiri, tanquam patriæ parum amantem ciuem, reprehendere non possint. iis igitur satisfacio: mihi non item: quia summum illud ius, simplex, inquam, illa, mihi antea proposita, tuendæ reip. ratio, temporis causa non plane in meis sententiis defenditur.



„ *Τοιαῦθ' ἔ τλήμων πόλεμος ἐξέρχεται* ]  
 „ Miseranda belli talia conditio efficit .  
 senarius Euripidis , in tragœdia , *οὐκ ἐτῆδες* . Hæc , in-  
 quit , facimus ærumnarum metu . nimis enim ma-  
 gna mercede didicimus , quàm , potentibus aduer-  
 sari , non sit tutum . CALAMO ] quatuor sit ar-  
 gumentis , ut hoc putem esse principium epistolæ :  
 primum , quod fortasse paulo infirmius uidebitur ;  
 ut homines diuersa sentiunt ; quòd hæc uerba ini-  
 tium potius epistolæ , quàm epistolæ partis , redo-  
 lent : deinde , quòd apparet , respondisse iam Cice-  
 ronem duabus Quincti epistolis , Placentiæ & Blan-  
 denone datis : nunc autem uni responder breui epi-  
 stolæ , quam post illas accepit . præterea , si una esset  
 epistola , bis ageret de rebus Romanis . nam & di-  
 xit iam : Res Romanæ sic se habebant . Erat non  
 nulla spes comitiorum , &c . infra uero rursus :  
 Ambitus redit immanis . itaque , eadem esse repeti-  
 ta , credibile non est . postremo , quòd hanc scrip-  
 tam esse constat post idus Quinctiles ; cum infe-  
 rat : Idibus Quinctilibus fœnus fuit Z Z ex Z . at  
 superiora paulo post I I I . nonas Iunias : ut ipse in  
 prima epistolæ parte significat . TEMPERA-  
 TO ] ita concinnato , ut ad pingendas literas aptis-  
 simum sit . DENTATA ] apri , aut etiam equi-  
 dente læuata . quod item nunc , ubi quid scribimus  
 accuratius , facere solemus , ad inæqualitatem char-  
 tæ complanandam ; quo calamus quasi currat expe-  
 ditius . Nec uero mirari satis possum , quid Erasmo  
 uenerit in mentem hoc in loco interpretari , charta  
 dentata , pro acerba , & iracunde scripta : cum de li-  
 teris agi , quæ bono calamo , temperato atramen-



## Commentarius in lib. II.

to, leui ac polita charta commodius formantur, illa uerba demonstrent: Scribis, te meas literas superiores uix legere potuisse: & illa: Hoc facio semper, ut, quicumque calamus in manus uenerit, eo sic utar, tanquam bono. Verum hoc, itemq; alia, tum in adagiis, tum alibi non satis recte aut explanata, aut de græcis conuersa, homini erudito, ac de literis, quantum præstare potuit, bene merito, largiamur. **N I H I L** eorum ] non ob eas, quas tu suspicaris, causas, parum perspicue scripsi.

**πραγματικῶς** ] more hominis in usu rerum uersati: qui te non segniter, sed sine ulla mora, si res exigit, ad me uolaturum confirmes. **G E N U I N E** ] Vere, sine arte, eo quo natura genuit modo. inde enim uidetur, genuine, ductum.

**I D E S T**, utrum uoles ] mendi labes satis manifesta: nec eluere conabor; cum ab impressis libris minimum dissentiant manuscripti. tantum enim pro, commorere, Bessarionis liber habet, commoneres. quod si pro, dixerimus, legeretur, dixerim, an: nihil, opinor, superesset uitii, hoc ordine: Id est, utrum uoles, (ut dixerim) an, ad expediendum te, si causa sit, commorere. nec esset obscura sententia: nam, uoles, **μεταφορικῶς** usurpatum, pro, celeriter uenias, &, commorere, opponuntur. sed minus audeo, propter incertas maximeq; fallaces coniecturae uias.

**D O M V S** ] à multis celebrata. 314: et ad Atticum 37.

**F O R V M** ] in quo, causis agendis, amicitias, & clientelas mihi comparo.

**T H E A T R I** ] malis ciuibus, theatrum ingredientibus, plausum aut nullum, aut clamore & sibilis dissonum populus



lus dabit; bonis, & in republica præstantibus, magnum, & æquabilem. ergo, quàm quisque aut inuisus, aut carus esset populo, theatrum significabat. ad Atticum 34. 62: NEQVE LABORANT]

hic alii fortasse uiderint acutius: ego plane τυφλόττω. obscuratur enim mendo sententia: neque est, ut aut ex antiquo libro, aut ex ingenio meo locum illustrare possim. tantum, pro, Neque, Nec habet liber Bessarionis.

A M E N T I S ] P. Clodii. I L L V D malo] quod scribis: ut istic, si causa sit, commorere.

Q U O D putas] putas enim è re tua esse, te istic commorari. M A G I S etiam illa] uolo equidem te istic manere tua causa, sed mea etiam magis; qui, quod ad me pertinet, magni faciam. malo enim ἀμφιλαφίαν illam tuam, & expectationem debitorum tuorum, quàm aduentum tuum. Nec uero dubitandum est, quin hæc duæ dictiones, ἀμφιλαφία, & expectationem, Ciceronis rem utraque significet; cum dixeris proxime: Etenim magni æstimo me. ἀμφιλαφίαν expono, cautionem utroque spectantem, ad dignitatem, & salutem: cuius magnam partem in eo positam intelligo, si diutius apud Cæsarem sis, eumq; tibi tuis officiis ac studiis quammaxime deuincias. I L L A M

T V A M ] quo tu uocabulo cautionem significare, duabus rebus utilem, consuesti. erat enim hæc Quinto familiaris dictio. itaque supra, 313.

ἀμφιλαφίαν, inquit, illam tuam, quam tu soles dicere, bono modo desidero. E X P E C T A T I O - N E M ] expectabo, ut, quæ mihi debes, ea persoluas, ut, quæ te facturum pollicitus es, re præstes.

quæ



## Commentarius in lib. II.

quæ uero hæc? ut Quintus Cæsarem ipsum, primum scilicet, deinde ut alios quoque & de cohorte & de exercitu Cæsaris, qui Romæ aliquid possent, Marco fratri beneuolentia coniungeret: quo præfidiis firmioribus cōtra Clodii furorem in urbe muniretur. id autem Quintus fratri mandanti ac roganti promiserat. huc enim spectare illud puto, quod supra dixit, 318. Mea mandata digeras, persequare, conficias. Nec, in castris quid aliud nauare Quintus pro fratre posset, intelligo.

**EXPEDITIS]** à molestia: nisi quid eueniat, quod impedimento sit: si per inimicos atque inuidos licebit. itaque, præsidii causa, de retinenda, atque adeo augenda Cæsaris gratia plurimum laborare debemus. quod cum ita sit; potius tibi de mansione, quàm de discessu, uides esse cogitandum.

**QV O'**, nostris quidem moribus] & parua sunt, nec tamen nobis admodum curanda. quò enim? cum moribus nostris, temperatis scilicet, & ad frugalitatem compositis, satis ea sint, quæ iam habemus. ualeamus modo, & liceat nobis esse expeditis.

**AMBIVS** redit] redibat enim singulis annis ambitus comitiorū tempore, sed immanis, ut hoc anno, nunquam. Ardet ambitus, hac de re dixit in epist. ad Att. 62: **FOENVS** fuit **ZZ** ex **Z**] duplicatum fœnoris quæstum significat; idq; ipsum scribit ad Atticum 62: his uerbis: Fœnus ex triente idibus Quintilibus factum erat besibus; hoc est, ut, centenis acceptis, octoni pro menstruo fœnore penderentur: quæ sit in anno uniuersa fœnoris summa, nonageni seni. atque his notis, **ZZ**, duos trientes, qui bes est, significari oportet: ut hic  
locus

locus est  
& hoc d  
duobus  
nam ben  
Fuit de  
esse mod  
aut hoc  
batur, qu  
reponas  
trabit; si  
bare; Ge  
qua num  
in hac e  
approb  
icripit  
libenti  
Fuit S  
tuerit Z  
maiuscu  
Coit  
comper  
consulab  
tres aug  
lex cur  
consular  
consular  
natus qu  
Domitu  
xv s] d  
tus fuit  
mutuae  
malim



locus cum illo ad Atticum, iam recitato, congruat; & hoc dicatur, ex uno triente fœnus esse factum duobus, hoc est, ex triente bessibus. quod idem est. nam bes duo trientes fuit. Bessarionis liber habet, Fuit & ex, pro, Fuit Z Z ex Z. utrumque suspicor esse mēdosum. et forte sincerū hoc: Fuit -S-S- ex S. aut hoc: Fuit 33 ex 3. nam hac nota, 3, triēs indicatur, qui bessis dimidiū est: item hac S. ut, siue S-S reponas, quibus notis bessim significari Demetrius tradit; siue 33, quas Demetrius idem uidetur probare; siquidem unam 3 pro triente ponit; ab antiqua numerorum ratione nihil recedas. quia tamen in hac emendandi ratione eas maxime coniecturas approbo, quæ quamminimū à deprauatis ueræ scripturæ uestigiis recedere uidentur; sit ut in hanc libentius inclinem, Fuit 3 ex 3, quā in illam, Fuit S ex -S-S-. quā enim facile ex 33 fieri potuerit Z Z, id est è duabus minusculis literis eadem maiusculæ, omnes, ut opinor, intelligunt.

COITIONE MEMMI] hac, ut ipse & suus competitor Domitius Calvinus H-S. quadringena consulibus darent, si essent ipsi consules facti; nisi tres augures dedissent, qui se affuisse dicerent, cum lex curiata ferretur, quæ lata non esset; & duos consulares, qui se dicerent in ornandis prouinciis consularibus scribendo affuisse, cum omnino ne senatus quidem fuisset. ad Att. 67.

QVO cum Domitio] forte, cum Cn. Domitio.

SCAV-  
RVS] M. Aemilius, eius filius, qui princeps senatus fuit, Syllæ dictatoris uitricus: pro quo extat mutilata Ciceronis oratio.

VNUM uincere] malim, Enunciare; ut subaudiatur, coitionem: & sit,



## Commentarius in lib. II.

fit, Enunciare, pro enunciabat. **MESSALLA**] consularis candidatus. quatuor nominantur in epistola ad Atticum, Memmius, Domitius, Scaurus, Messalla. **FLACCET**] languet, ob consulum coitionem, & Pompeii studium in Scaurum. ad Att. 62: *ὑπερβολῆς*] quæ supra ueritatem sint. **H-S CENTIES**] aureorum scutatorum nostratis pecuniæ ducenta quinquaginta millia: ut scutatus ex decem argenteis marcellis conficiatur; marcellus idem sit, quod denarius, quatuor scilicet sestertii nummi. **IN PRÆROGATIUA**] ea centuria, quæ prima de consulatu mandando suffragium ferret; inde dicta, quod prima rogaretur quos uellet consules fieri. eodemq; nomine prima quoque tribus appellabatur. ac possit hic, prærogatiua, non tam ad centuriam, quam ad tribum, referri: siquidem binis comitiis, centuriatis, & tributis, consules creabantur. qua tota de re in libro de comitiis. **PRONUNCIARE**] polliceri se duros, si eam tulerint, eiusq; suffragiis consules fuerint designati. uerbum in hoc genere proprium. itaque ad Att. 13. Qui nummos in tribu pronunciauerit. quo loco, cum de comitiis consularibus agatur, tribu tamen dixit, non centuria. ut hic fortasse, prærogatiua, de tribu dictum sit, non de centuria. **RES** ardet inuidia] hac ipsa de re, Consules flagrant inuidia, dixit in epist. ad Atticum 57. **H-S QVINGENIS**] quingenis millibus, quæ efficiunt monetæ nostratis aureorum scutatorum quatuordecim millia, septingentos & sex, sedecim marculis minus, Plutarchus in Catone. **CATONEM**] qui prætor



tor tunc erat. EIVS arbitrato] quo modo it  
le uoluisset, sine fuce uidelicet, ac fallaciis, more  
maiorum. fuit enim Cato, quod omnes historie  
clamant, bonarum legum, omnisq; iuris acerrimus  
obseruator. CONTRA fecisset] tribunatum  
pl. contra prescriptum illius petisset. CON-  
DEMNARETVR] amitteret quod apud illum pe-  
cunie deposuisset: idq; aliis, qui sine arte mala pe-  
tissent, tribueretur. et condemnatum ex iis nescio  
quem ab ipso Catone, legimus apud Plutarchum  
in eius uita. GRATVITA] non corrupta  
nummis, recte atque ordine habita. ad Atticum lib.  
IIII. 63. LEGES] quia Cato unus eos ad uete-  
rem petendi consuetudinem, & tanquam intra gi-  
rum rationis reuocauerit. quod neque legum, ne-  
que iudicum metus solet efficere.

EPISTOLA XV.

319:

Iisdem consulibus.

EPAVLVM ocii] uidetur quibus-  
dam tanquam integumentis uelata sen-  
tentia; sed ostendetur hoc modo:  
N Cum a me librarii manu literas acce-  
peris, ne quidquam ocii me habuis-  
se iudicato; cum autem mea, ne nullum. cum u-  
tor, inquit, librarii manu, prorsus ocii nihil habeo;  
cum autem mea, non nihil. hoc significari, demon-  
stratur infra, initio II. epistolæ libri III. sic enim ibi  
est: Occupationum mearum signum tibi sit librarii  
manus



Commentarius in lib. II.

manus. causamq; subscibit occupationis hanc :  
Diem scito esse nullum, quo die non dicam pro  
reo. Hanc igitur epistolam librarii manu scripsit  
Cicero : nam infert hic quoque : Sic habeto, nun-  
quam me à causis & iudiciis districtiorem fuisse. In  
epistola etiam ad Atticum 63. signum ait esse occu-  
pationum librarii manum. N V L I V M ] sub-  
audi, ne : quod proxime antecedit : ut sit : Ne nul-  
lum ocium. GRAVISSIMO ] cum à mor-  
bis timendum est maxime. PRAESCRIBIS ] ut amicorum, clientumq; copia muniamur.  
similia sunt 317 : 319. SPEI, aut cogitatio-  
ni ] putatis enim uos ea, quæ speratis, aut cogita-  
tis, facilius posse consequi, si ego in forensi labo-  
re pergam. nihil enim ad cõparandas amicitias, ho-  
minumq; studia colligenda magis accommodatum.  
VESTRÆ ] tui, & Cæsaris, qui me hunc labo-  
rem etiam sua causa sustinere uult. Supra dixit, se  
rogatum à Cæsare, ut Romæ maneret. quod facit  
ad hanc sententiam. 318 : PRESERTIM ]  
eo libentius operam dabo, ut aut spei, aut cogita-  
tioni uestræ defuisse ne uidear ; quod simul ipse mi-  
hi, hoc labore perferendo, optime consulam. mul-  
tum enim gratiæ, multum inde colligam dignita-  
tis. DIFFICILIVS ] hæc terre. fuerit,  
inquit, id cum aliqua difficultate : præmii tamen  
hoc erit, magna gratia, magna dignitas. Videbi-  
tur, quod subiungam, fortasse humiliter : sed, hæc  
humilia non contemnendo, ueteres illi Romani  
summam eloquentiæ laudem sunt adepti. Nomina  
quædam sunt, quæ secundæ comparationis appel-  
lant grammatici : quæ cum ideo fuerint inuenta, ut  
augerent ;



augerent; minus tamen significant, quàm ea, quæ  
iisdem positiua dicunt. itaque illud Virgilianum,  
„ Tristior, & lacrymis oculos suffusa rubenteis,  
exponit Seruius hoc modo: Tristior, minus est,  
quàm tristis. exempla sunt cum apud hunc nostrum,  
tum apud alios eiusdem scriptores ætatis innumera-  
bilia. non igitur adductus feci nulla causa, quòd,  
Difficilius, exposui, cum aliqua difficultate.

AB IIS ipsis ] L. Domitio Ahenobarbo, huius  
anni consule; M. Porcio Catone, prætor; M.  
Calpurnio Bibulo consulari. hos enim maxime de-  
signat, acerrimos Cæsaris inimicos.

AB æ-  
quis ] quorum æquus in utranque partem animus  
est, neque studio in Cæsarem affectus, neque odio.  
itaque nos cum Cæsare coniunctos neque dolent,  
neque lætantur.

PROPENSIS in hanc  
partem ] Cæsaris causa cupientibus. tria nomina-  
uit hominum genera; qui Cæsarem oderant; qui  
nec oderant, nec amabant; qui amabant.

EXCOLAMVR ] nusquam hac sententia usurpa-  
tum, quod meminerim, hoc uerbum inueni. ue-  
nit in mentem, cum sequatur, ET amemur, scri-  
ptum forte à Cicerone, ET colamur, & amemur.

NON fui ] cum quidem hæc scripsit. postea uero  
fuit: quod ipse ad Atticum scribit, 64: PRAE-  
SIDIO ] nisi plures uideam esse, qui mecum sen-  
tiant, quàm qui contra: ut, si quem offenderit  
mea sententia, socios atque adiutores, ubi tempus  
ferat, multos habeam.

DRVSVS ] Liuiæ  
gentis, plebeie; accusatus à Lucretio. ad Att. lib.  
IIII. 64. PRAEVARIICATIONE ] præuarica-  
tur, qui susceptam causam bona fide non agit.

Q

TRIBVNIS



## Commentarius in lib. II.

TRIBVNIS ærariis ] dixi iam, de tribus ordinibus iudicantibus unum fuisse tribunos ærarios.

IN summa ] ergo, quod ante posui, omnium ordinum sententiæ numerabantur, & ex maiore parte uel absoluebatur, uel condemnabatur reus. ordinum ipsorum ratio non habebatur. poterat enim usu uenire, ut à duobus ordinibus condemnatus, ex uniuerso tamen sententiarum numero absolueretur.

E G O eodem die ] miram diligentiam, mirum amorem erga fratrem. absoluto Druso, quem ipse defenderat, reuersus domum hæc scripsit, rediturus post meridiem in forum ad agendam Vatini causam. dictio tamen, Ego, non à Cicerone defensum Drusum, sed ab alio patrono, uidetur indicare. ac fieri potest, ut bis accusatus fuerit Drusus, & eum Cicero de uno crimine, de altero, de præuaricatione scilicet, alter defenderit. locus certe ad Atticum ille, 63. Deinde me expedio ad Drusum, inde ad Scaurum; actas à Cicerone tum Drusi, tum Scauri causas demonstrat.

POST MERIDIEM ] bis igitur in die iudicia, ante meridiem, & post. de ijs, qui ante meridiem, non puto opus esse, ut probetur exemplis. patet ipsa per se res. post meridiem, uocari possit in dubium: sed illud in Verrem dubitandi causam aufert. Nonæ sunt hodie Sextiles: hora nona conuenire cœpistis. et illud in epist. Cœlii. Causas agit, sed raro post meridiem.

VATINIUM ] defendit eum, cum accusasset antea, Cicero Cæsaris causa: cuius amicitiam quanti æstimet, hæc ad fratrem epistolæ declarant. nam Vatinius Cæsare consule tribunatum pl. gesserat, legesq; pro Cæsaris poten-

tia



tia multas, inuito senatu, collegis etiam suis de cœlo seruantibus, pertulerat. itaque magnis sibi Cæsarem beneficiis obstrinxerat. nec Cæsari ei, nec Cæsari Cicero, cuius in exercitu legatus erat Quintus, poterat opem suam denegare. Est etiam illud in epistola ad Marium, ad hanc quasi leuitatem in hominibus iisdem & accusandis & defendendis excusandam: Cogor non nunquam homines non optime de me meritos, rogatu eorum, qui bene meriti sunt, defendere. Huius defensionis meminit Pedianus in commentarii proœmio pro Scauro, & ipse Vatinius in epistola.

FACILIS] non deest quod pro illo dicam. Fore significat ut defensionem facile sequatur absolutio.

REIECTA] non tamen futura. usque enim eò producta res est, ut consules, non habitis comitiis, magistratu abierint. SCAURI] de repetundis accusati. Asconius. STATIM] falso putat. non enim statim, sed aliquot post diebus acta Scauri causa est, III. nonas Sept. ut Pedianus docet. hanc autē epistolam ante Septembrem esse datam, inde coniicio, quòd proxime dixit: Comititia in mensem Septembrem reiecta sunt.

EXERCEBITVR] apud M. Catonem prætorem. is enim de repetundis quæsiuit. Asconius, & hic 329:

NON deerimus] ita non defuit, ut Scaurus, eo defendente, sit absolutus.

συνδάνης σοφικλής] uidetur Quintus in parte epistolæ narrasse, quid sibi contigerit in quodam conuiuium, perquam simili cœnæ in Sophoclis fabula descriptæ. nam si, conuersam in latinum à Quinto Sophoclis fabulam, quæ σύνδανος inscriberetur, significaret; nunquam, opinor, fratris ingenium

Q 2 tam



## Commentarius in lib. II.

tam rustice notasset, ut diceret, quod subiungit,  
Nullo modo probaui. A C T V M ] in eo conui-  
uio tu quidem egisti, quod eam fabellam repræsen-  
taret: ego tamen nullo modo probaui. D E

Britannia ] de aduentu uestro in Britanniam.

R E L I Q V A ] de bello, quod in ea geretis.

E X P E C T A T I O N E ] de successu belli nihil ti-  
meo: futurum auguror, quod opto; eaq; me soli-  
citat expectatio. A D I V V A B O ] in Britannica

historia componenda. Q V O S rogas, ] roga-

bat Quinctus fratrem, ut uersus, quibus ipse ad o-  
pus Britannicum pro suis uteretur, scriberet. id in-  
fra satis patet 322: ex illis uerbis: Tibi, quod ro-  
gas, quoniam ipsi fontes iam sitiunt, si quid habeo  
spatii, scribam. et 327. ex illis: De uersibus, quos ti-  
bi à me scribi uis. γλαῦκ' εἰς Αθλῶας ] cum ipse uer-

sus optime facias. Infra dixit, eadē sententia: Quo-  
niam ipsi fontes iam sitiunt. prouerbium ijs de re-  
bus usurpatū, quas ad eos, qui abundant, mittimus.

noctua enim suos nummos Athenienses signabant.

P R I M V M librum ] forte intelligit tres libros;

quos à se de suis temporibus conscriptos, in episto-

la memorat ad P. Lentulum: aut tres de consulatu;

de quibus ad Atticum 24: aut poema illud, de quo

ad eundem 56: ῥαθυμώτερα ] minus accurata,

scripta indiligentius, uideri sibi aiebat. A V T

res, aut χορηγία ] aut argumentum, aut meum scri-

bendi genus. quod uno uerbo se non posse satis ex-

primere significat, quia, χαρακτήρ, dicit.

Q V O D uerere: ] si uerum dixeris. ego enim ni-

hilo me, quàm antea, minoris æstimabo.

φιλαλήθης ] cum studio ueritatis, uere, & ex animo.

P A V L I



PAVLI MANVTII  
commentarius in librum

III. Ciceronis  
epistolarum ad Quinctum fratrem.

EPISTOLA I.

120:

L. Domitio Ahenobarbo, cos.  
Ap. Claudio Pulchro,

**A** MOENITATE fluminis] de Fibreno flumine intelligit: quo nihil amœnius, nihil frigidius: ut in libro II. de legibus 170. REFECI] recreavi, collegi, caloribus debilitatum, atque afflictum. LVDORVM] Romanorum: qui pridie nonas Sept. commissi, per nouem continuos dies in Palatio, ante matris magnæ templum ab ædilibus cur. fiebant: rursusq; biduo intermissi, per quinque dies in circo. hoc & calendarium uetus Romanum, & alia ueterum monimenta declarant. TRIBVLIVS commendatis] ut eis meo nomine ad spectandos ludos locum daret. moris enim erat, ut amicis & tribulibus & in circo & in foro locus ad spectandum daretur. ad Atticum 22. et pro Murena. Tribules autem intellige non

Q 3 eos



### Commentarius in lib. I I I .

eos tantum, qui Romæ domicilium haberent, ue-  
rum & mūcipes, & si qui præterea ciues in Italia  
habitarent: quos interdum ad urbem uenisse ludo-  
rum spectandorum causa, simile ueri est. A R-

C A N O ] Quinti prædio: de quo 326. & 331.

M E S S I D I V M cum Philoxeno ] redemptores  
erant aquæ deducendæ. quod in hac ipsa epistola,  
infra, uidetur posse coniici. H E R V M ] uilli-

cum in Arcano, ut Nicephorum in Laterio, quem  
infra nominat. M A N L I A N O ] fundo, in quo

uillam Diphilus architectus ædificabat Quinto.  
Nec dubito, quin & Manlianum, & Fusdianum,  
& Bouilianum prædia fuerint in Arcano, non ab  
Arcano seiuncta. nam in epistola huius libri I I I .  
cum argumentum huius epistolæ breuiter attingit,  
Arcanum, & Laterium duntaxat nominat, omissis  
Manliano, Fusdiano, Bouiliano, quasi Arcano  
comprehensis. D I P H I L O ] se ipso: erat

enim natura tardus. Diphilus, inquit, se ipsum tar-  
ditate superauit. A V I A R I V M ] locum in uil-

la, ubi aues alerentur, aliæ oblectationis, aliæ cibi  
causa.

P A V I M E N T A porticus ] pul-  
cherrimo strata pauimento. erant autem apud ue-  
teres & ex marmore magnifica in primis pauimen-  
ta, & ex emblemate uermiculato, hoc est ex opere  
ressellato: cuiusmodi non nulla hodieq; uisuntur in  
templis, aspectu perquam iucunda.

T O T A  
patet ] quod antea, dum ædificaretur, instrumen-  
tis fabrilibus impedita, tota non pateret.

C O L V M N A E ] circa porticum: quæ rudes & im-  
politæ dum erant, speciem aut dignitatem habere  
nullam poterant.

T O T V M in eo est ] tanti  
est,



est , ut in eo sint omnia . sic locutus est ad Att. lib.  
v. 80. CONTINUUM ] ne incrustatio rimas  
agat , ne uitium faciat . EIVS MODI mem-

bra ] quæ atriolum nisi habeat quasi membra cor-  
pori adiuncta , non belle positum uidebitur .

VEL honestate testudinis ] ego mehercule huic  
loco , tanquam ulceri corrupto , manus admo-  
uere uix audeo : indicabo tamen , quæ potuerit sententia  
Ciceronis esse : quo diligentius attendatur , si quid ,  
quod ad eam uideatur accedere , in antiquis libris  
aliquando reperietur . una enim me literula , in ma-  
gna perturbatione errantem , sæpe ad correctionem ,  
quasi uia demonstrata , perduxit . hoc igitur fortas-  
se Cicero sensit . Nunc hoc uel , in æstate , testudi-  
nis , uel , hyeme , æstiuum locum obtinebit . ut  
hoc dicat . Verum ( nam sæpe , Nunc , pro uerum ,  
Cicero usurpat : quod item Græci faciunt ) hoc ,  
id est , quo modo porticus nunc est , in æstate loco  
testudinis erit ; hyeme uero , quod habent æstiu-  
a loca , id obtinebit . optamus autem in æstate algo-  
rem , hyeme teporem . et algorem quærentes , for-  
nicatis cameris , quæ uocantur testudines , libenter  
utimur : quod æstate fit . teporem uero quia non  
habent nisi , quæ sol aduersus diu spectat , loca , ea  
nos per hyemē tenent . porticus igitur , ut est nunc ,  
id habebit commodi , quod in æstate testudines ,  
hyeme æstiu-  
a loca .

ASSA ] uidentur hic assa  
pro hypocausto , qui locus in balneariis ad sudan-  
dum fuit , usurpari .

APODYTERII ] ubi ue-  
stes inituri balnea deponebant . ἄπο τῆς ἀπολύειν .

SUB TECTVM cubiculi ] Antiqui libri , quos ui-  
derim , Subiectum cubiculi . placeret , Subiectum

Q 4

cubiculis .



### Commentarius in lib. III.

cubiculis. inferior enim eorum cubiculorum, quæ erant in uilla Quincti, contignatio uapores petebatur: quod incendii causam præbere potuit.

HIBERNVM] ædificatur in amplis ædibus quædam ad æstiuæ anni tempora, quædam ad hiberna.

PROBAVI] sicuti tu fieri mandaras. PER-

PENDICULO, & linea] perpendiculari, ut rectas, lineas, ut è regione collocet. è regione autem columnæ sunt, cum altera alteri ex aduerso respondet. CAESIVS] uillicus Quincti, aut certe procurator. PROXIMIS nunciis] quem tibi à me emptum, proximis nunciis significaueram.

H-S cccccc ∞] tria millia (ut ad nostratis pecuniæ rationem numeremus) aureorum scutorum: ut in singulis scutatis asses sint cxxxii, & unus triens, uel (si Romanam monetam spectemus) decem Iulii denarii, Iulio II. pontifice percussi. QVOD melius intelligo] nam de irrigatione, qui huius generis non intelligens magnopere sim, haud ita affirmari.

SALIENTIBVS] aquis, quæ sua sponte saliant: quam permultis locis aquam profluentem, & eam uberem, proxime appellauit; in ultima uero huius libri epistola Nilum, ut puto, à similitudine fluminis hinc inde in mare profluentis, nominauit. distinguuntur autem salientes ab iis, quæ oriendo cadunt, non saliant: ut planis in locis saliant, de precipitibus cadant.

ADDITIS] ad suauitatem uillæ accedet ea, quam piscina, salientes, palæstra, silua conferent. VIRIDICATA]

nouum, & forte, in iis quidem, qui extant, ueterum libris, singulare uerbum. quasi, uirente. quæ ratione

ratione &  
VILLIA  
quem pro  
maz Bouli  
dum. Sum  
lis, ubi C  
graphia ra  
mam, fund  
dempea] e  
fundo, aqu  
finitimos fu  
[VRE com  
tur, hoc est  
tem fundo n  
fure, ut m  
fundus poss  
tuos fundos  
xime dicit  
mare: sed, q  
no mare ret  
& aqua, ut  
pergat; ius  
us aquæ per  
fundo illi ut  
ta cogatur  
em. ita si fu  
est, is tibi al  
let. M  
aquæ: qui  
mis transe  
sententiam  
lecturos d



ratione & albico, nigrico usurpantur. **B O-  
V I L I A N V M**] non est à familia, ut Fufidianus,  
quem proxime nominavit, fundus, (nulla enim Ro-  
mæ Bouilia familia) sed ab ignobili loco nomen du-  
ctum. Sunt quibus placeat, Bouilianum, à Bouil-  
lis, ubi Clodius est interfectus: quos refellit geo-  
graphiæ ratio. Bouillæ enim inter Ariciam & Ro-  
mam, fundus autem hic in Arpinati fuit. **A Q V A  
dempta**] excepta in uenditione fundi: ut, alienato  
fundo, aqua tamen iuris tui sit: quam ad irrigandos  
finitimos fundos illorum dominis locare posses.

**I V R E** constituto] dicit hoc; si ius aquæ constitua-  
tur, hoc est, si ius aquæ Quinto seruetur, seruita-  
tem fundo impositum iri illius aquæ, neque tamen  
fore, ut minoris, quàm quanti cum aqua, uendi  
fundus possit. quam igitur aquam Messidius per  
tuos fundos deducendam redemit; (hoc enim pro-  
xime dicet) eam nolo te cum fundo Bouiliano alie-  
nare: sed, ius ei aquæ suadeo constituas, hoc est in  
tuo iure retineas: ut ex duobus mancipiis, fundo,  
& aqua, unum emptoris fiat, alterum esse tuum  
pergat; ius, inquam, fundi migret ad emptorem,  
ius aquæ penes te remaneat.

**S E R V I T V T E**  
fundo illi imposita] quia fundus aquæ seruiet, cum  
ea cogetur uti. unde enim irrigetur, aliunde non  
erit. ita, si fundum uendes, qui eius futurus dominus  
est, is tibi aliquid pendet, si fundo suo consultum uo-  
let. **M E S S I D I V M**] redemptorem deducendæ  
aquæ: qui singulos in pedes alvei faciendi ternis num-  
mis transfegerat. supra de Messidio dixit, quod hanc  
sententiam confirmet: Vberiore aquam sese col-  
lecturos dicebant.

**T E R N I S** nummis] se-  
steriliis.



### Commentarius in lib. III.

stertiis . duodecim igitur assibus , hoc est marculis  
in pedem . nam sestertius est duodecim trientes ,  
hoc est asses quatuor : & quatuor sestertii denarius ,  
hoc est asses xvi : & denarii septem in argenti un-  
cia , dragmæ autem octo : si Celso & Plinio credi-  
mus . tanti enim Romæ fuisse denarios à secundo  
Punico bello ad Plinii tempora , ipsius Plinii testi-  
monio cognoscitur . c c c c ∞ ] absurda men-  
sura . sunt enim passuum quadringenta millia . ita  
plus , quàm dimidium Italiæ longitudinis , occu-  
passet hæc aqua . malim igitur , ordine præpostero ,  
∞ c c c c : ut sint mille quadringenti passus ,  
hoc est pedum septem millia . quæ summa ad d c  
xxx scutatos aureos nostratis pecuniæ perueniet .  
N v s Q v a m melius ] quàm in aqua deducenda .  
D i s c i p u l o s ] quos fabricandi & architectan-  
di artem Chilo docebat . L a t e r i o ] Quin-  
cti fundo in Arpinati . ad Att. 59. 154 : A d F u-  
r i n æ ] templum . antiqua locutio , è græcis fontibus  
deriuata . Furinalia dies festus eius deæ , v i i i .  
cal. Sext. Varro , Festus , uetus calendarium .  
S a t r i c u m : oppidum in Latio . M v t a -  
b i t v r ] iniicietur glarea , sublato puluere .  
A c c l i v i s ] quam ego malim planam fuisse .  
D v c i ] uiam . sic aquam ducere , supra . L o c v -  
s t a e ] fundum . græca locutio . V e l v i n v s ]  
Varro . nam de iisdem loquitur proxime nominatis .  
M v n i e r a t ] uiam . et hoc significat . cum tu  
id ius haberes , ut uiam ducere per Locustæ , perq̃  
Varronis fundum posses ; neque tamen , quæ tua  
fuit modestia , feceris : illi , ut quasi tibi gratiam re-  
ferrent , eam uix partem , quæ ante fundos eorum  
est ,

est, muni  
effect: L  
vi] satis  
CONDV  
in Laterio  
dere quanc  
cus condu  
scutatis c  
nerat, adu  
tem nihil;  
Qvæ mu  
uide infra  
TOPIAR  
inferiorem  
ad iustitiam  
hucum in  
morea hum  
umque aut  
qui inpiari  
spectem aut  
ne rei contro  
na constitut  
intercolumn  
A l s i v s ]  
algeo.  
habeat, sed  
cis, oblect  
pene pro  
demptores  
rdium ut  
quidem est  
fra epistol



est, munire debuerunt: quod Varro propemodum effecit: Locusta nondum attigit.

PROBA-  
VI] satis officio suo facere mihi uisus est.

CONDUCTOREM] uillam habebat Quintus in Laterio, frugaliter extructam. ad eam cum addere quandam ædificatiunculam decreuisset, uillicus conduxit opus illud H-S X M, hoc est aureis scutatis CCC. sed cum multo plura, quàm conue-  
nerat, adiungere Quintus uellet, ad pretium autem nihil; uillicus eam ædificatiunculam omisit.

QVÆ nunc est] admodum frugalis, & parca, ualde infra earum, quæ nunc fiunt, infaniam.

TOPIARIUM] opus ex hederæ. BASIM] inferiorem uillæ partem. basis enim quasi pes est ad sustentandum.

INTERCOLUMNIA] spatium inter columnas. PALLIATI] mar-  
morea hominum simulacra, secundum columnas utrinque astantia.

TOPIARIAM facere] qui topiariam faciunt, herbam, aut fruticem ad speciem aulæ, aut columnæ, aut fontis, alterius ue rei conformant. palliati igitur hi, inter columnas constituti, topiariam facere, aut hederam, qua intercolumnium uestitur, uendere uidentur.

ALSIVS] alsum & alsiosum est subfrigidum, ab algeo.

MUSCOSIUS] non quia muscum habeat, sed quòd æque, ac muscus in humidis locis, oblectet.

EXPOLITIONEM] Iam pene prorsus ædificauerant utriusque domum redemptores. expolitio restabat, perfectio scilicet ædium urbanarum. expolitur enim quod factum quidem est, nondum tamen plane perfectum. In-  
fra epistola 111. Expolitiones utriusque nostrum  
sunt



### Commentarius in lib. III.

sunt in manibus. **PHILOTIMVS**, & Cincius ] ille Marci, hic **Quincti** nomine. Philotimus enim Terentiæ libertus, Cincius Attici procurator; cuius Pomponia soror, **Quincti** uxor erat.

**FACILE** factu ] quia domus utriusque cohærebant, simulq; ædificabantur. patet supra, & infra.

**CICERONE**] **Quincti** filio. **IGNOSCO** ]

quia non facis quod te decet, cum fratrem tui amantissimum tam sæpe rogas: quasi mea tibi uoluntas, aut amor in dubium ueniat. **IGNOSCAS** ]

si dixero, non plus illum à te amari, quàm à me.

**CLAMORES** ] mirabilia. dictio de magnis rebus atque admirabilibus usurpata: ubi clamores excitantur. ad Atticum 9. **Ociosum** ]

refertur ad utriusque ocium. ociosum igitur, ut posset me per ocium audire: quod in urbe non potest, propter meam occupationem. **TANTA**

mercede ] qua? quam diuinare, cum epistola **Quincti** non extet, nemo potest. mercedem tamen non pecuniæ, non fundi, sed amoris puto fuisse: forte enim ita scripserat **Quinctus**: Si **Ciceronem** meum erudieris; ego te plus amabo. uide 326:

**IN TVIS** ] ad te scriptis à me. **IN CÆ-**

**SARIS** ] ad Cæsarem scriptis ab Oppio.

**OPPIVS** ] Cæsaris in urbe procurator, is, qui scripsit librum **VIII.** de bello Gallico.

**FOVEBIS** ] custodies, conseruabis. **QVOD**

mones ] forte, ut eum coleret, atque obseruaret. erat enim hoc tempore summa inter Cæsarem & Pompeium, socerum uidelicet ac generum, necessitudo. postea, **Iulia** mortua, societas, quæ non admodum, ex inuidia Pompeii, hærebat, prorsus dissoluta

dissoluta  
GAUDE  
HIPPO  
tem intel  
contempr  
EXPEC  
isto admisi  
ram se dari  
nam Treba  
inquit Cio  
ad te, sed a  
quoniam q  
ctus, accep  
tus, ] qui  
nier præbe  
adhibuerit  
quod amici  
labat, ad fec  
darem: reli  
amico ]  
te ista cura  
Cæsari liter  
extat epist  
L. Corneli  
ditanum, u  
oratio.  
nora locut  
gens erat  
proximo t  
lari Gallia  
nium prop  
P. Seruili



dissoluta. DOLORE ] quod à me absis.  
 GAVDEO ] quod istic uideo te libenter esse.  
 HIPPODAMIS ] qui equos domant. de uno au-  
 tem intelligit hippodamo : etsi de pluribus cum  
 contemptu & stomacho loquitur. uide 324.  
 EXPECTET ] si ad te uenerint. QVOD  
 isto admisceas ] scripserat, puto, Quinctus, ope-  
 ram se daturum, ut illi, quos arcessierat, atque e-  
 tiam Trebati, liberaliter ab ipso tractarentur. hoc,  
 inquit Cicero, nihil opus est. ego enim illum non  
 ad te, sed ad Cæsarem misi: qui mihi iam satisfacit;  
 quoniam quidem eum, mea commendatione addu-  
 ctus, accepit humanissime. SI IPSI mi-  
 nus, ] quod ei fortasse non admodum se familia-  
 riter præbeat, aut quod eum ad negocia nondum  
 adhibuerit. PRAESTARE nihil debeo ]  
 quod amicitia, quæ mihi cum Trebatio est, postu-  
 labat, id feci, ut eum Cæsari studiosissime commen-  
 darem: reliqua præstare non debeo. AB EO  
 uindico ] nolo te Trebatii causa laborare. libero  
 te ista cura. satis amicitiae factum est, cum illum  
 Cæsari literis accurate scriptis commendaui. quæ  
 extat epist. fam. lib. VII. BALBUM ]  
 L. Cornelium Balbum, Cæsaris amicissimum, Ga-  
 ditanum, urbe donatum: pro quo extat Ciceronis  
 oratio. IN OCULIS fero. ] unice diligo.  
 nota locutio. TREBONIUM ] Caium. le-  
 gatus erat hoc tempore in exercitu Cæsaris: anno  
 proximo tribunus pl. rogationem tulerat, ut Cæ-  
 sari Galliarum administratio in alterum quinquen-  
 nium prorogaretur: præturam gessit C. Cæsare II.  
 P. Seruilio Vatia cos. consulatum cum Q. Fabio  
 Maximo



## Commentarius in lib. III.

Maximo: postremo, cum Cæsarem, quem civili bello secutus erat, cum aliis coniuratis occidisset, Smyrnæ à Dolabella primus eorum, qui Cæsari mortem attulerant, est interfectus. C V R T I O ] de quo 3.18: S A L V T E M nostram ] quo tempore nostra salus agebatur; cum eiectus sum, cum restitutus. Q V O N I A M illi ] Quoniam illis negare non possum; neget ipse mihi, quod eorum causa peto. ipsi, negari sibi à me, non facile patiuntur: ego, mihi à Cæsare, facile patiar. M O L E S T I sunt ] in petendo. M E T V A M V S ] belli causa. G A V D E A M V S ] ob prædā tenuem. alibi: Argenti audio in illa insula scrupulum non esse. V E N I A M non dedit ] cum tu peteres per amicitiam, ut ad P. Clodium rescriberet; (quia nolles Cæsarem nostra causa facere, ut respondendi officium omitteret) satisfacere tibi noluit. id enim significat, Tibi ueniam non dedit. itaq; locutus est in epistola ad Atticum 83. Dedi ueniam homini impudenter petenti: id est, concessi, satisfeci in eo, quod impudenter petebat. C A L V E N T I Marii ] L. Pisonem, cuius maternus auus, ut apud Pedianum legimus, Caluentius est appellatus, uidetur intelligere. Caluentum cur potius, quàm Caluentium, cur item Marium nominet, haud facile dixerim. nisi si inter Quinctum & Marcum iam conuenerat, ut eum fictis nominibus, Cæsaris maxime causa, qui Pisonis erat gener, appellarent. O R A T I O N E ] quam in urbem reuersus in Ciceronem habuit; cuius è sententia senatus illum de prouincia reuocauerat. M E A M ] de prouinciis consularibus,

laribus, h  
L I B R O S  
libri 11.  
bus me à se  
ipsum esset  
set, ac spat  
S C A V R O,  
hæc de amb  
clata.  
tur. Hoc po  
in epistola  
epistola ult  
cunt ] miru  
let. eadem m  
er, à me con  
cunt: & a  
11. et epist  
Bene com  
cum uis era  
ut nullum d  
pena causa  
de tunc.  
le scriptis.  
uniam in  
epistola. Eri  
corus pa  
miseratione  
petit fabul  
oni dato.  
tes, quia e  
comitis ce  
re admodu



laribus, hoc est de Pisone Gabinioq; reuocandis.

LIBROS meos ] de republica. epistola xiiii. libri ii. HIS diebus ] uel, His diebus, quibus me à scribendo auocant iudicia : uel, quia opus ipsum esset eiusmodi, ut iis diebus confici non posset, ac spatii plus omnino postularet. PRO

SCAURO, & pro Plancio ] illa de repetundis, hæc de ambitu. utraque extat, sed pro Scauro mutilata. INCIDI ] quia mihi non probaretur. Hoc poema non esse idem, atque illud, de quo in epistola xiiii. libri ii. ostendimus infra in epistola ultima huius libri. FONTES iam si-

tiunt ] mirum est sitire fontes, unde aqua peti solet. itidem miror, uelle te, uersus tibi, optimo poetæ, à me componi. Supra idem alio modo significauit : *λαῶνα*, inquit, *ἀνδράσιν*. epistola ultima libri. et epist. iiii. et vi. huiusce libri.

BENE comitatum ] cum multis pecuniis. ioco enim usus erat Quinctus. AMBITIONEM ] ut nullum studium prætermittam, dignitatis augendæ causa. VIVEMVS? ] uita fruemur?

hic alibi. ERIGONAM ] tragoediam : quam se scripsisse, & ad Oppium misisse, significauerat. amissam in itinere, ultima demonstrat huius libri epistola. Erigone soror Penelopes occisum à rusticis ebriis patrem ita doluit, ut ipsa se suspenderit. miseratione deorum in cœleste signum conuersam, poetæ fabulantur. PLAVS V ] à populo Mi-

loni dato. NOBIS ] cum illi ideo detur plausus, quia consulem Lentulum Spintherem, legem comitiis centuriatis de meo reditu ferentem, enixe admodum iuuuit. DE AEDE Telluris ] de

operibus,



### Commentarius in lib. III.

operibus, puto, loquitur, & inscriptionibus illis,  
de quibus epist. VIIII. lib. II. DE POR-  
TICV Catuli] non dubito, quin, quæ ad ædem  
Telluris, eadem, aut similia fieri ad porticum Ca-  
tuli Quintus uellet. quod ex iis conicio uerbis,  
ad Telluris quidem. quasi, Hoc amplius ad ædem  
Telluris, quam ad Catuli porticum, quod ibi etiam  
tuam statuum locavi. ADMONES] ut eman.  
DOMVS] pecunia publica ædificata: quod ipse  
in Pisonē, aliq; docent. pecuniæ uero summa H-S  
uicies fuit, hoc est scutatorum LII. M. DCCCCXLI,  
paulo plus. ita porro magnifice, atque eleganter fa-  
cta uidetur fuisse, ut neque uillas, neque hortos Ci-  
cero desideraret. nam & in epistola ad Leptam,  
Domus, inquit, est, quæ nulli uillarum mearum  
cedat. MULTORVM fastigiorum] tectum  
conclauia tegebat. id nolebat Quintus descende-  
re pluribus angulis, & lateribus, (sic enim multa  
fastigia habuisset) sed uno tantum fastigio uergere  
in tectum inferioris porticus. quod factum Cice-  
ro significat. HONESTE] decenter, spe-  
ciosole, minime turpiter. VERGIT] quia est  
unius fastigii, ideo uergit molli cliuo. non uerge-  
ret autem, inæquale si esset, lateribus lenem accli-  
uitatem interrumpentibus. INTECTVM]  
duo igitur tecta, quod supra conclauia, & quod su-  
pra porticum. CETERA eius] eruditionem  
significat. SVSCIPIO] ita promitto, ut  
uelim me, nisi is erit, quem tu esse uis, quasi præ-  
dem appelles. GABINIVM] è Syria reuer-  
sum. TRES] una de maiestate, L. Lentulus;  
duæ de repetundis, Ti. Nero, & C. Memmius.  
accessit

accessit p  
C. & L.  
etiam qui  
Atticum d  
iestate, da  
cum 6e. 8  
quasi aliz  
xi, extiter  
LANT] r  
uidebantur  
quod proxi  
orem, uide  
dare. ad  
re distingu  
cum 38:  
istate prius  
sum dixit. n  
ESTATE  
provinciæ f  
mum in A  
hic. opinare  
uorem cup  
um polles  
genit. Ve  
for C. Mem  
Gabinio co  
quentis an  
CAPITO  
gentis Ar  
no Claudis  
fuere, pleb  
re & Corr



accessit postea, item de repetundis, quarta factio, C. & L. Antonii; ut in epistola, quæ sequitur: etiam quinta, de ambitu, P. Sylla; ut infra, & ad Atticum 65: est autem absolutus Gabinus de maiestate, damnatus de repetundis. infra, & ad Atticum 65. & Dio lib. xxxix. ADHVC]

quasi aliæ præterea possint existere, sicuti, ut dixi, extiterunt quarta, & quinta. POSTV-

LANT] nondum postulauerant, sed postulaturi uidebantur. unus enim L. Lentulus postulauerat: quod proxima uerba declarant. LENTVLVS]

quem, absoluto Gabinio, præuaricatum multi credidere. ad Atticum 65. FLAMINIS filius]

ut distinguatur à L. Lentulo Crure. sic ad Atticum 38: IAM postulauit] propterea de mai-

estate prius, quàm de repetundis, Gabinus causam dixit. infra, & ad Atticum 65. DE MA-

IESTATE] apud C. Alfiu prætorem; quòd prouinciæ finibus excessisset, dum regem Ptolemæum in Aegyptum reducit. TI. NERO]

hic, opinor, is est, qui Tulliam Ciceronis filiam uxorem cupiuit, ut legimus ad Atticum 95: et Liuiam postea duxit, ex qua Tiberium imperatorem genuit. Velleius. C. MEMMIVS] alius

fuit C. Memmius, qui præturam gessit Pilone & Gabinio cos. & hoc anno cum consulibus de sequentis anni consulatu coit. ad Atticum 67.

CAPITONE] subscriptore. fuit autem Capito gentis Atreæ, plebeius; Memmius, plebeius; Nero Claudie, patricius; (nam & Claudii Marcelli fuere, plebei) Lentulus Corneliæ, patricius. fuere & Cornelii plebei, non tamen Lentuli.

R CATO]



### Commentarius in lib. III.

CATO ] M. Cato prætor; qui de repetundis hoc anno quæsiuit. eo ægrotante, postulari Gabinius de repetundis non poterat. Sed cur tot annis prætor Cato post tribunatum pl. quem gessit Silano & Murena cos. ? quia, qui fuit ei legitimus annus petendæ præturæ, Pisone & Gabinio cos. eo anno in Cyprum Clodia rogatione ante comitiorum tempus emissus est: nec rediit, nisi biennio post, Marcellino & Philippo cos. quo anno habita comitia non sunt: & ex interregno consules facti Pompeius & Crassus: quibus comitia prætorum habentibus, cum prætorem Catonem populus faceret, Pompeius, in Vatinius propensior, auspicia mentitus, comitia dissoluit. ita in annum sequentem reiecta Catonis petitio est: quo anno, Domitio & Appio cos. ex interregno creatis, præturam obtinuit, & gessit. POMPEIUS ] quo contendente, Gabinius de maiestate est absolutus. ad Atticum 65. NEC proficiet ] immo profecit: ut etiam Gabinium, quem paulo ante accusauerat, mox rogatu Pompeii, non sine aliqua leuitatis nota, Cicero defenderit. Dio, & epist. fam. 95: COITIONE ] de qua iam diximus. ad Att. 67. MESSALLA ] quem maxime Cicero diligebat. itaque, Noster, de eo dicit & infra: Enitemur, inquit, ut Messalla noster saluus sit. et in epistola ultima: Messallam nostrum, reliquosq; molestia liberatos, uehementer gaudeo. & ad Atticum 64. Messalla noster liberalis in populo ualde fuit. EXCLUDERETUR ] coire enim turpi pactio- ne noluit. ergo uir bonus. iam enim dixit Cicero: Eiusmodi pactioes in ea coitione factæ, ut nemo  
bonus

bonus in  
efficio, n  
deret: qu  
rus.  
ro compe  
oberat. M  
ius. ita nifi  
creari poss  
sulari cam  
cum Messa  
tribus, sed  
hi est amia  
ultimum n  
quatuor en  
is, Domit  
dis accusat  
Valde o  
cum 64: et  
æquiconsu  
ta non esse  
illam & C  
SEPT. ] u  
rem. qui e  
cal. Sept. c  
xii. cal.  
gl. Oct. 3  
manente,  
mili Cæsa  
rio. Iuliz  
legione cu  
de filia, q  
teris nota



bonus interesse debuerit.

**SATISFACIO**] efficio, ne quas in me amoris aut officii partes desideret: quod attinet ad illius petitionem consulatus.

**MEMMIUS**] qui poterat duobus Cicero competitoribus satisfacere? quia neuter neutri oberat. Messalla enim patricius, Memmius plebeius. ita nihil obstabat, quin uterque simul consul creari posset.

**DOMITIO**] Caluino, consulari candidato; qui consul fuit anno proximo cum Messalla.

**IPSI**] non modo reliquis tribus, sed ipsi Domitio, qui non ea, qua illi, mihi est amicitia coniunctus.

**SCAURVM**] ultimum nominavit de consularibus candidatis. quatuor enim omnes fuerunt, Messalla, Memmius, Domitius, Scaurus. defendit eum de repetundis accusatum, apud M. Catonem prætorem.

**VALDE** obligavi] est enim absolutus. ad Atticum 64: et Pedianus.

**QUANDO** comitia, & qui consules] dixi iam, comitia hoc anno habitata non esse; consules uero, anno sequenti, Messallam & Caluinum ex interregno fuisse.

**SEPT.**] aut hoc tollerem, aut, **OCT.** repone-rem. qui enim potest epistolam complicare XI. cal. Sept. cum meminerit iam in ipsa epistola de XII. cal. Oct. seq; dixerit Romam uenisse XIII. Id. Oct.?

**SVAVISSIMIS**] refertis humanitate, atque amore.

**ILLE** casus] quem mihi Cæsar literis significat. at qui casus? de interitu Iulæ filiae, dicer aliquis: alius, de legatis, & legione cum cohortibus cæsa. ego neutrum. nam de filia, quæ Romæ obiit, satis ipse sine Cæsar's literis norat. nec diceret, Ille, ut de re longinqua:

R 2 neque,



### Commentarius in lib. III.

neque, Casus; sed, Luctus: de legatis autem, & legione ratio temporum non patitur intelligi. cladem enim illam nondum Cæsar acceperat. hyeme sequenti id euenit. quod libro v. commentariorum ipsius exponitur. itaque & Cicero ipse in epistola huius libri ultima, quam scripsit in extremo anno, calamitatem eam significat, cum Cæsaris in summo dolore uirtutem & grauitatem commemorat. de filix uero obitu in epistolæ clausula significat, ubi Cæsaris luctum nominat: quæ in mortem proprie dictio conuenit. Casum igitur puto dici, naufragium multarum nauium in Oceano: de quo libro IIII. commentariorum de bello Gallico mentio fit. tres enim aduersi, maximeq; tristes Cæsaris euentus tribus in locis attinguntur, naufragium, interitus filix, cædes legatorum. CVM Publilio] locutum. qua de re, incertum est.

INTERIORE epistola] loca sunt in antiquorum scriptis, quæ cum legimus, quasi plana præterimus: deinde, quid ea sibi uelint, ubi quis interroget, hæremus, incerti quid respondeamus; actum denique nostram siue incitiam, siue negligentiam, non sine aliquo pudore, agnoscimus. hoc, Interiore epistola, ecquis est, qui satis accurate perpendat? natura enim, ac ratione quoque ipsa comparatum est, ut ea, quæ narranda proponuntur, paulo minus diligenter, quàm eadem, cum narrantur, attendamus. quoniam igitur hic proponitur, non narratur res; (narratur autem in eo, Me Pompeio legatum iri) ideo fit, ut neque oculus in legendo, neque animus in considerando, pro eo, quantum opus sit, insistat. oculus præteruoluet; quasi

quasi res,  
animum a  
peditas du  
riore epist  
tamen a m  
consideran  
interiorem  
partem, qua  
uallo, sed  
quam a pri  
arud antiq  
ostendimus  
mus, modo  
uebantur ep  
pagina pars  
ultima. ita  
erat, & diceb  
probat; qu  
lumen a re  
runt. et int  
eundem oide  
cunt: quos  
turi appella  
scripserunt  
bulam qua  
modulorum  
cunctio et  
eadem erat  
ne a tabella  
que signo  
men sumpt  
gz falsis et



quasi res, quæ studiose spectetur, parum digna sit :  
animum ad ea, quæ proponuntur, cognoscenda cu-  
piditas ducit. ita, quæ duo uerba, ( hæc dico, Inte-  
riore epistola ) uel diligenter considerata, minime  
tamen à multis, ut opinor, intelliguntur, ea ne  
considerantur quidem. de quibus ego sic existimo :  
interiorem epistolam uocari, non eam epistolæ  
partem, quæ à principio & à fine pari distet inter-  
uallo, sed eam, quæ ab extremo propius absit,  
quàm à principio. id adeo cognoscetur, si, quod  
apud antiquos epistolæ claudendæ genus esset,  
ostendamus. non enim tunc, eo, quo nunc sole-  
mus, modo, complicabantur, sed in orbem inuol-  
uebantur epistolæ, ita, ut, quæ ultima scripta in  
pagina pars erat, inuolueretur prima; quæ prima,  
ultima. itaque proprie uolumen una epistola &  
erat, & dicebatur. idq; Ciceronis testimonio com-  
probatur; qui ad Appium scripsit his uerbis : Vo-  
lumen à te plenum querelæ iniquissimæ reddide-  
runt. et infert : Eadem epistola petebas. morem  
eundem uideo teneri ab iis, qui scriptum pretio fa-  
ciunt : quos uulgo notarios nominant, scribas an-  
tiqui appellabant : quod enim hædinis uitulinis ue-  
scripserunt in pellibus, id ita contrahunt, & qui-  
busdam quasi spiris ipsum in sese conuertunt, ut  
inuolucrum efficiant; ne ue sua sponte laxetur, cir-  
cunducto eiusdem pellis quasi uinculo astringunt.  
eadem erat olim forma literarum. hoc amplius :  
ne à tabellariis aperiri possent impressio suo quis-  
que signo cauebat. inde literarum fasciculus no-  
men sumpsit : quodd, ut coniunctæ constrictæq; uir-  
gæ fascis est, item literæ à tabellariis in unū, quasi

R 3 uirgæ



### Commentarius in lib. III.

uirgæ in fascem, coniectæ, colligatæq; , quodam modo fascis exigui formam præferrent. proprie igitur uolumen de re in orbem collecta, ut de epistola, de fascia: improprie de re non orbiculata, ut de libro. tametsi olim, apud priscos illos, de libris quoque proprie. scribebantur enim in libris, unde nomen sumpserunt, hoc est in codicibus arborum: iiq; , quo essent ferentibus commodiores, conuoluebantur. Quod autem Cicero dixit, Altera iam pagella procedit, in epistola ad D. Brutum, fam. 179. non de ipsa epistola, quam postea misit, sed de exemplo, quod in codicillis tunc exarabat, intellexit: in quibus unam iam pagellam totam, alteram non totam, sed magnam partem scribendo impleuerat. non enim, cum ita dixit, scripsisse eum in charta uerisimile est: cum illius epistolæ breuitas ea sit, quæ nec unius, quantumuis angustæ, paginæ locum, si de charta cogitemus, nedum unius & alterius, tenere potuerit. at in codicillorum pagellas, quæ contractæ admodum erant, optime conueniet. Quod si cui fieri posse uideatur, ut ipsos ad Brutum codicillos Cicero miserit: negabo. nam codicilli ad eos tantum, qui iisdem, aut certe minime longinquis in locis essent, mittebantur: quod exempla declarant, ut in proximo libro, & ep. fam. 56. ad Brutum uero, tam longe remotum, Celticam Galliam pro consule administrantem, codicillos dare, cuius ineptiæ fuisset? nam ne ad Papirium quidem, qui neque provinciæ præerat, ut Brutus, & multo, quàm ille, propius aberat, hominem sibi familiarissimum, codicillos tamen Cicero mittendos putauit, sed epistolam è codicillis descriptam.

fam.

fam. 142: quas inuolnari: quod num uideretur, quæ tantum pagdem modo citaretur, in n: uisarius quæ plures lum usurpa POMPEI enim putabgatos, Afratitauit. de collegæ Syrtarchus, alcom pie ad legatione itola lib. v i loquitur agaudite. tal quod ad Arprum est. me esse legfore ex idam, Viboplacat inlaris, legi ad quem qui hæc l de ] qu



fam. 142: Neque uero mirandum est, in literis, quas inuolui solitas dixi, paginas interdum nominari: quod ab orbiculata inuolucris forma satis alienum uideri potest. nihilo enim minus inuoluebantur, quæ pluribus paginis literæ, quam quæ una tantum pagina scriptæ fuerant. cumq; omnes eodem modo inuoluerentur; ideoq; si forma spectaretur, itidem omnes uolumina possent appellari: usitatus tamen erat, ut longioribus de literis, quæ plures haberent paginas, uoluminis uocabulum usurparetur. idq; satis patet ab exemplis.

POMPEIO] in Hispanias proconsule ituro. sic enim putabatur. uerum non iuit; easq; per tres legatos, Afranium, Petreium, Varronem, administravit. decreta est ei lege Trebonia, Crasso uero collegæ Syria, utrique in secundo consulatu. Plutarchus, alii. NON audiui] quo modo hoc? cum ipse ad Cæsarem aliquot mensibus ante de hac legatione scripserit. extat, quæ hoc significat, epistola lib. v i i. fam. in qua Trebatium commendat. loquitur igitur de recenti rumore: de quo se negat audisse. falsum tamen non fuisse, ex eo discitur, quod ad Atticum in extrema epistola lib. i i i. scriptum est. Sed heus tu, inquit, scripseram ne tibi, me esse legatum Pompeio, & extra urbem quidem fore ex idibus Ian.? SCRIPSI QVE ad Cæsarem, Vibullium Cæsaris mandata] erit, cui non placeat iteratum Cæsaris nomen. sed si, cum, Cæsaris, legimus, animo spectabimus, non Cæsarem, ad quem Cicero se scripsisse narrat, sed Quintum, qui hæc leget; feremus. DE MEA mansione] quam Cæsar cupiebat; ut eius ope, atque au-



Commentarius in lib. III.

fortitate, quibus in rebus opus esset, uti posset. Supra, quod hoc declaret, illud est: Quod mihi ocium, Romæ prefertim, ut iste me rogat, manenti? 318:

NEC AD Oppium.] qui cum Cæsaris in urbe omnia negocia procuraret, ad eum quoque Cæsaris mandata perferre Vibullius debuit, ut is ageret cum Pompeio, ne me, si Cæsaris causa uellet, ab urbe remoueret. QVO consilio? ] fecit hoc Vibullius? non enim hoc ad Cæsarem placet referri: ne uideatur in eo consilium requirere.

QV AN QV AM Oppium ego tenui ] quanquam non hoc ideo dico, quia uoluerim Oppium Vibullii uerbis, cognita Cæsaris uoluntate, adduci, ut ageret cum Pompeio de mea mansione. quin ego illum, sua sponte satis incitatum, tenui. rectius enim duxi, Vibullium primo, cui Cæsar præsens præsentis mandauerat, deinde Oppium, cui scripserat, agere cum Pompeio.

BIBULI ] quid Bibulo cum Cæsare? parum ne notæ sunt quæ inter eos omnium acerbissimæ fuerunt inimiciæ? ego, & minima mutatione, & sententia postulante, libenter, pro Bibuli, reposuerim, Vibullii. nam & ad Att. 119. pro Vibullii, & Vibullius, libri sunt ueteres, qui, male omnino, tamen habeant, Bibuli, & Bibulus. tota res perpendatur: male omnino sensisse non uidebimur.

PRIORES partes ] ut is prior ageret cum Pompeio.

NVLAS *δευτέρας προτιδας* ] Cum sæpe literis Marcus Quinto significasset, uelle se, quantum in ipso esset, Cæsaris amicitiam tueri, eiusq; absentis dignitati quammaxime studere, neque in unius Pompeii beneuolentia omnia ponere;

(id

(id indicat  
Pompeio,  
nam, ut se  
mihi crede  
in epistola,  
Quoniam i  
du, curi co  
uideret, fra  
est consilium  
Pompeio leg  
bus, quas R  
borare uider  
sua causa Ro  
epistola pro  
Romæ prefe  
cum ostendit  
fessione com  
tate tibi dicit  
horatili consil  
in Hispaniam  
inque magis pro  
on responder  
pores cogit  
illa nihil mut  
us & cogitati  
tu enim, &  
tus senarium  
Al dicitur  
qui Euripi  
ut. quod ip  
119. testatur  
credas, nesci



(id indicant illa uerba lib. 11. in epistola, Risi: De Pompeio, assentior Cæsari, uel tu potius mihi. nam, ut scis, iampridem istum canto Cæsarem: mihi crede, in sinu est, neque discingor: et illa, in epistola, Ad 1111. non. eodem in libro infra: Quoniã in hoc homine colendo tam indormiui diu, cursu corrigam tarditatem) Quinctus, qui iam audisset, fratrem Pompeio legatum iri, suspicatus est consilium ab eo mutatum, quippe qui, si cum Pompeio legatus iret in Hispaniam, de Cæsaris rebus, quas Romæ curari oporteret, minimum laborare uideretur. cupiebat enim Cæsar Marcum sua causa Romæ manere. quod ex eo satis patet, in epistola proxime nominata: Quod mihi tempus, Romæ presertim, ut iste me rogat, manenti, uacuum ostenditur? ideo Quinctus, ea, qua dixi, suspicione commotus, his fere uerbis scripserat: Fortasse tibi δευτέρα φροντίς σεφώτεραι uidentur: hoc est, fortasse consilium de Cæsare mutasti, qui cogites in Hispaniam: fortasse posterius aliquid cogitasti; idq; magis probas, quàm quod antea constitueras. cui respondens Marcus, Ego uero, inquit, meas priores cogitationes, mea de Cæsare colendo consilia nihil muto; posteriores in Cæsaris rebus curas & cogitationes habere nullas possum. attigerat enim, & fortasse integrum recitauerat Quinctus senarium illum Euripidis in Hippolyto:

„ Αἱ δευτέρα πως φροντίς σεφώτεραι:

ut qui Euripidis lectione mirum in modum teneretur. quod ipsius epistola ad Tironem fam. lib. xvi. 259. testatur: in qua sunt hæc: Euripidi quantum credas, nescio: ego certe singulos eius uersus singula



### Commentarius in lib. III.

gula testimonia puto. Quod autem, Ego uero, dicit; uis quædam animi significatur, moleste ferentis quod à Quinto scriptum erat de secundis curis. quo loco quasi punctus exiliit, &, ut de re molesta, Ego uero, inquit, &c. atque hic, ut alibi sæpe in exponendo Cicerone, Erasmi, eruditi hominis, ingenium requiro: qui, cum in suis adagiis hunc locum interpretatur, prorsus aberrat à sententia. hoc ego ita iudico: si quis tamen contra, cedam meliora ostendenti. PENE PAR] secundum te, & liberos nostros, nihil mihi est Cæsare carius. pene etiam æque, ac tu, liberiq; nostri, mihi carus est. I A M] quia sibi nos sua iam liberalitate obstrinxit. D E B E O] alios enim amamus, nec debemus, uoluntate quadam, & animi tanquam impetu compulsi: alios, quia nos id, quod facimus, recte & cum ratione facere iudicamus. Cæsarem, inquit, eodem pene, quo te, & liberos nostros, loco habeo, quia debeo, summis illius in nos officiis, summa humanitate adductus: ueruntamen, ut hæc non essent, quæ sunt maxima, amore coactus idem facerem. ita prudenter admodum hanc partem attingit Cicero. nam in amando Cæsare neque iudicium à uoluntate seiungit; ne uideatur id facere, quia debeat, potius, quàm quia uelit: neque uoluntatem à iudicio; ne significet id se uelle, quod fortasse non debeat. ergo & facit iure, & libenter facit. quæ duo simul in amore optanda sunt maxime. sed ò, si quis omnes Ciceronis sententias, quæ curiosis oculis non patent, aut hac, aut etiam multo maiore diligentia (quantulum enim id est, quod ego quidem præstare

præstare pot  
ad inuentior  
bus aut quat  
intellexi, cu  
modum in nu  
dici sententi  
propositi tra  
am interpret  
nullo modo li  
eodem maxit  
gano, etiq; m  
genatio xtate  
negaram, de  
quo me muner  
n, uolentior  
u aperientes  
re aptus. que  
eius ratio præ  
loco loco n  
mim aut liber  
Cicerone quid  
lexis, Demo  
nes eiusmodi  
aut non oculis  
à cogitatione  
nem, ut elega  
m egregiam  
luntam oratio  
nar exercitari  
loctore, qui  
ut præcipui  
thoriarum



præstare possum?) aperiret : quàm multa manarent  
ad inuentionem præclara . ex una mehercule re, tri  
bus aut quatuor uerbis à Cicerone explicata, sæpe  
intellexi, cum ad cogitandum me dedi, res prope-  
modum innumerabiles eiusdem generis, eiusdem  
elici sententiæ posse . Verum hæc non ita nostri  
propositi tractatio est . terminis enim quasi quibus-  
dam interpretis officium definitur : quibus egredi  
nullo modo licet . quòd si contigisset, id quod e-  
quidem maxime uellem, ut obsequi patriæ meæ ro-  
ganti, eiq; meam industriam, sæpe iam, primum  
Egnatio ætate confecto, deinde Bonamico mortuo,  
denegatam, de loco superiore probare possem : à  
quo me munere, magno sane cum animi mei dolo-  
re, ualitudinis infirmitas exclusit : locus ille fuisset  
ad aperiendos ueteris eloquentiæ fontes uehemen-  
ter aptus . quæ est una nobilibus in gymnasijs do-  
cendi ratio præstantissima : ad quam se suaq; studia  
honesto loco nati non adolescentes modo, uerum  
etiam uiri libenter adiungunt . enimvero latent in  
Cicerone quidem nostro pene innumerabiles, in  
Græcis, Demosthene, & Isocrate, bene multæ uir-  
tutes eiusmodi ; quæ si ad artem ita redigantur, ut  
eas non oculis intueri modo, uerum etiam mente  
& cogitatione liceat complecti ; facile uideo futu-  
rum, ut eleganter & cum laude scribere cupienti-  
bus egregiam facultatem, ualdeq; splendidam ac  
lautam orationis Latinæ supellectilem biennii pa-  
riat exercitatio . hoc nimirum est, quod ego ab eo  
doctore, qui artem profiteatur, aut unum tradi,  
aut præcipuum certe uelim . nam, inani uel earum  
historiarum, quæ à libris peti facile possunt, reci-  
tatione,



### Commentarius in lib. III.

tatione, uel figurarum, quas Demosthenes, aut Cicerone somnando quidem unquam uidit, comemoratione, tempus contere; hominis est aut eius; qui suæ potius ambitioni, quàm aliorum utilitati, consultum uelit; aut eius, qui eam uiam, quæ ad ueram solidamq; gloriam ducit, penitus ignoret.

Ab Aristophaneo modo ] sincerum illud puto, Ab Aristophane: corruptum, O modo. emendatio quidem à me nulla. quòd si particula, Ab, tollatur; de qua tollenda quid statuam, non habeo, cum ea non nullis à ueteribus libris absit, Bessarionis tamen in libro sit: minima distinctione sententia patefiet; nec iam suspicio mendii residebit ulla. distinguetur autem sic: Quam paulo ante acceperat, Aristophaneo modo: ut, Aristophaneo modo epistola dicatur, quæ Aristophanis ad similitudinem accedat: puta, quia comicum quiddam in sententiis, ex Aristophanis genere, præferat.

Et suauem, & grauem ] quales patris ad filium puerum esse literas decet: suaues, ob ætatem filii; cuius habenda ratio est: graues, ut pater patrio quodam tum naturali tum legitimo iure seueritatem retineat.

Affixum, tanquam magistro. ] hærebant enim magistris pueri, donec prætexta utebantur. prætexta deposita, & uirili toga sumpta, adibant fere ad iurisconsultos, ut ius civile, causis agendis maxime necessarium, cognoscerent.

Annali ] Villiæ gentis, plebeïæ. natum cognomen ab eo, qui legem de petendis magistratibus annalem in tribunatu pl. tulit. Liuius libro, opinor, x l.

Et tamen ] cum, de illo diligenter curare, satis esset; ea tamen cura non contentus,



contentus, etiam consilium addidisti. **SERVILIVS**] Isauricum dici, manifestum est. **SIGNIFICABAT**] ergo non erat Romæ. nam, si significare, absens est. **NON** possum scribere] quia mirandum non est, sordidi hominem artificii humanitatem ignorare. de hoc supra, 322. **SALVIO**] is ad Quintum profectus est **VI. id. Oct. 325.** **LABEONI**] Segulix gentis, plebeix. **RESERVABAM.**] ut iis darem eas literas, quas in alienas manus incidere minime uelim. **NE NUM** quidem, quid uellem,] cum iret ad te, qui mihi frater es, debuit (alia mitto) hoc saltem, num quid uellem, rogare. **T. PINARIVS**] Lucii fortasse frater, quem C. Cæsar, nepotem sororis suæ, heredem cum Q. Pedio, & C. Octauio reliquit. de quo Suetonius his uerbis: Nouissimo testamento tres instituit heredes, sororum nepotes, C. Octauium ex dodrante, & L. Pinarium, & Q. Pedium ex quadrante, reliquos in ima cera. **FRATER** eius] Lucius fortasse; quem dixi unum fuisse de Cæsaris coheredibus. **ADOLESCENTEM.**] adolescentes interdum appellabantur annos etiam plures, quàm triginta, nati. itaque in epistola ad M. Cœlium, Hominem, inquit, adolescentem non tam allicere uolui, quàm alienare nolui. cum loquatur de C. Cœlio: qui iam quæstor fuerat; & quæstura non ante annum xxxi. lege annali gerebatur. etiam in oratore modo adolescentem, modo uirum appellat Isocratem. etsi, uirum, dignitatis causa dictum in eo loco, item ut alibi, possit aliquis existimare. nunc adolescentis nomen de ætate solum usurpatur ea, quæ anno incipit **xxii.** definit **xx.** **ALIAM** in sententiam]



### Commentarius in lib. III.

tiam ] cum significes, minime te de suburbano emendo cogitare. DE SE ] si loqueretur ex

Anitii persona, hoc modo; Miratur Anitius, nihil te recordari de se: usitatum esset. nunc, ex persona sua cum dicat; Soleo admirari, nihil te recordari de se: quàm proprie, se; pro eo, positum sit, grammatici uiderint. eiusmodi notauimus exemplum in oratione pro comædo: Societatis, inquit, non suas, lites redemit, cum fundum à Flauio Roscius accepit. quid ita satis non dedit, amplius à se neminem petiturum? non enim dixit, A se, pro, à se ipso, sed pro, ab ipso Flauio; à quo fundum acceperat. EPICHARMI ] Siculi, poetæ comici: quem Plautus imitandum sibi proposuisse putabatur: unde Horatii uersus:

Plautus ad exemplum Siculi properare Epicharmi. ] cognosce, quo modo alio usus est. Prius, quàm credas, aiebat Epicharmus, cognosce quemadmodum is, cui crediturus es, alio sit usus: ut, si se erga alium recte & optima fide gesserit, ei te tuto committas; sin minus, exemplo doctus caueas. apparet Anitium non bona fide fuisse: itaque non facere Quintum satis prudenter, qui eius opera in emendo suburbano cogitaret uti. SERMO-

NEM eius. ] subaudi, narraſti, cum essemus una in Tusculano eius. QUEMADMODUM conicio, ] Imperfecta sententia: sed, opinor, hoc significat: Quemadmodum conicio, quasi minime illum noris, ita res illi tuas committis. incipit autem, fraterno amore adductus, hoc dicere: mox, ne fratrem uideatur nimis multis uerbis ut imprudentem monere, extremam sententiæ partem

omittit  
nendo, ut  
ueris signifi  
quid misceat  
et in eo neg  
non quea  
enim. ] gen  
familiaris mi  
cum res cum  
quam suppedi  
tione delectet  
poreat scrib  
Quid, est illu  
poreat positu  
interrogatione  
ut, quid pre  
quid scribam  
leo, quod pre  
are, subuungi  
remora aliq  
quidnam si  
quid: etiam.  
ne. Ad  
stem per se  
Qd. quod su  
no  
torem, sena  
et cum tres fa  
perandis post  
qui noctu int  
terdium omnes  
a octaua,



rem omittit. Quid uelis ] cogites ne de emendo, ut Anitius dicit, an secus, ut in tuis ad me literis significas. Ne quid ille turbet, ] ne

quid misceat; ne sincera fide non agat; ne te implicet in eo negocio, sic, ut expedire te nisi cum damno non queas. Quid ] præterea? Quid?

etiam. ] genus in epistolis, præsertim iis, quæ ad familiares mittuntur, in extremo usitatum. uarias enim res cum scripsimus, nec iam memoria quidquam suppeditat; quasi nos hæc per literas collocutio delectet, ipsi nos interrogamus, num quid præterea scribendum superfit? deinde, alterum, Quid, est illud quidem ipsum quoque cum interrogatione positum: sed responsio tamen ad priorem interrogationem quædam uidetur. nam cum rogauit, quid præterea est quod scribam? respondet, quid scribam? quasi dicat: nunc quidem nihil uideo, quod præterea possim scribere. mox, inuenta re, subiungit: Etiam. etiam, inquit, præter superiora aliquid est. Tale illud ad Atticum 8. Noui tibi quidnam scribam? quid? etiam. et 26: Aliud quid? etiam. et 34: Quid aliud? quid? hoc, opinor. Ad IIII. cal. Oct. ] fuerat igitur ad urbem per septem dies. accessit enim XI. cal. Oct. quod supra scriptum est in hac ipsa epistola 323. Noctiv ] quia conspici pueret. redibat enim, senatusconsulto de provincia reuocatus: & eum tres factiones, una de maiestate, duæ de repetundis postulabant. turpissimus igitur Gabinius, qui noctu introiret; cum ceteri imperatores & interdiu omnes, & plerique triumphantes. Ho

ra octaua, ] quæ, quo modo nunc horis diem distinguimus,



### Commentarius in lib. III.

stinguimus, uigesima fere nobis esset. diem enim semper ueteres in horas duodecim tribuebāt: quæ, pro dierum inæqualitate, modo breuiiores erant, modo longiores.

**E D I C T O** ] edictorum duo genera, unum, quod, inito magistratu, publice proponebat prætor urbanus, ex quo toto anno ius diceret; alterum, quod ad singulas causas pro re nata accommodaretur: quale est Alfi prætoris, quo Gabinium maiestatis reum adesse ad decimum diem iubet. hoc posterius commune est prætori urbano cum reliquis prætoribus, qui de criminibus quærebant: illud prætoris urbani proprium.

sed hæc libro de iudiciis reseruemus: qui doctrinam, ut speramus, non omnino iurisperitis inutilem complectetur.

**A L F I I** ] prætoris, de maiestate querentis. in epistola, quæ sequitur proxima, Quæstor, inquit, grauis, & firmus Alfius.

**A D E S S E** ] in iudicio, decimo, ut opinor, post nominis delationem die. nam Pedianus in commentario Cornelianæ, cum de Cornelio, qui & ipse de maiestate accusatus erat, loquitur, his utitur uerbis: Cum L. Cassius prætor decimo die, ut mos est, adesse iussisset. et apud hunc, supra, lib. II. epistola, Rifi: Decimus erat Cælio dies. atque hic decimus Gabinio dies, non dubito, quin fuerit, III. cal. Oct. post eum, quo in urbem introiuit, proximus: quo ipso die Cicero hanc epistolæ partem scripsit. cadit igitur, diebus decem numeratis, nominis delatio in XI. cal. Oct. hoc est in eum ipsum diem, quo ad urbem accessit: ut ei, post aduentum, nihil omnino spatii dederit Lentulus accusator.

**A F F L I C T V S** est. ] cum iret



iret ad iudicium. PROXIMVS] turpitudine: cum utrunque senatus de provincia reuocasset, utri que ciuitas, memoria maxime Ciceronis eiectioni, esset infensa. *εὐβολίαν*] partem quandam ab argumento proposito seiunctam, interpositionem.

MEORVM librorum] an de republica, quos in manibus habebat, quosq; & supra suos, in hac ipsa epistola, nominauit & uix opinor: non enim illos in libros, quorum esset *καθηκόν* omnium grauissima, inducerentur huiusmodi fabulae. de poemate malim intelligere, non eo, quod ab ipso quaesierat Quintus, ( quibus enim libris Quintus pro suis usus esset, de iis non, opinor, dixisset Marcus, Meorum librorum ) sed eo, cuius primum iam librum à Caesare lectum, & magnopere probatum, dixit in epistola libri II. ultima, in extremo.

REDITVS] ex provincia. redierat autem Piso anno proximo, Pompeio & Crasso cos.

ALTER exercitum perdidisset, alter uendidisset] perdidit Piso, uendidit Gabinius: ille, cum commisit, ut caderetur: hic, cum Ptolemæum pretio conductus restituit. in oratione de provinciis consularibus, in Pisonem, in historia. SATIS commodas] satis prospera significantes de Britannico bello, satis ex nostra uoluntate. AD mare] te relicto in interiore Britannia. GRATVLANDI] quod rem satis feliciter in Britannia gessisset. LVCTVM] ob interitum filiae: qui proprie luctus est.

S EPISTOLA



Commentarius in lib. III.

EPISTOLA II.

325.

Iisdem consulibus.

**A** D POPULUM] quæro, nec tamen inuenio, quo de crimine Gabinii populus iudicauerit. nam de maiestate, deq; repetundis non populus, sed prætores cum consilio quærebant. nec ullum præterea Gabinio facinus obiectum reperio. fieri tamen potest, ut Memmius, cum tribunus pl. esset, pro potestate populum coegerit, ut de Gabinio suffragium ferret, uel de maiestate, uel de repetundis: sed, de repetundis, potius crediderim: quo crimine item ad prætorem constitui accusator, Ti. Nerone pari studio contendente, cupiebat. quod & supra in proxima epistola, & hic proxime planum sit. quem porro in iudicio populi Gabinii exitum habuerit, quo facilius intelligatur, ipsa Valerii Maximi, quæ sunt in octauo libro, uerba subscribemus. A. Gabinii, in maximo infamiae suæ ardore, suffragiis populi, Memmio accusatore, subiectus, abruptæ esse spei uidebatur: quoniam & accusatio partes suas plene exhibebat; & defensionis præsidia inualida fide nitebantur; & qui iudicabant, ira percipi pœnam hominis cupide expetebant. igitur lictor & carcer ante oculos obuersionem: cum interim omnia ista, propitiæ fortunæ interuentu, depulsa sunt. filius namque Gabinii Sisen-na, consternationis impulsu, ad pedes se Memmi-supplex

supplex pr  
cellæ peten  
perat. que  
sum, excu  
du passus e  
bonus pl. ap  
niberet.  
frigide accu  
mris calefce  
corporis, ut  
sic M. Cæli  
cine.  
populi.  
le oratorem  
in libro de cli  
ronem] p  
tem. ergo, ci  
de acculatore  
DIVINAT  
re. causam no  
de facto quæ  
to, uter de  
os] tres igit  
postulabant,  
epistola pro  
tuerant: ita  
dux. Tres fi  
adhuc factio  
qui postular  
in epistola a  
toni, post  
na Cottæ



supplex prostravit , inde aliquod fomentum procellæ petens , unde totus impetus tempestatis eruperat . quem truci vultu à se victor insolens repulsum , excusso è manu annulo , humi iacere aliquandiu passus est . quod spectaculum fecit , ut Lælius tribunus pl. approbantibus cunctis Gabinium dimitti iuberet .

LVCULENTE calefecerat ] non frigide accusauerat , sed ita uehementer , ut Gabinus calefceret . tralatio . agitati enim non modo corporis , uerum etiam animi motu , calescimus . sic M. Cælius in epistola : Si Parthi uos nihil calfaciunt . NON licuerit ] clamore , conuicioq; populi . CALIDIO ] M. Calidio ; quem fuisse oratorem dulcem potius , quàm uehementem , in libro de claris oratoribus ostenditur . CARONEM ] prætorem , de repetundis cognoscentem . ergo , cuius futura de reo quæstio erat , is & de accusatore deligendo ante cognoscebat .

DIVINATIO ] contentio , quis deberet accusare . causam nominis Pedianus exponit , quia non de facto quæreretur , sed de futuro , quæ est diuinitio , uter deberet accusare . C. ET L. Antonios ] tres igitur factiones Gabinium de repetundis postulabant , Memmius , Nero , Antonii : quos in epistola proxima non nominauit : nondum enim extiterant : itaque ibi , quasi futurum diuinaret , non dixit , Tres factiones Gabinium postulant , sed , Tres adhuc factiones . nam postea quarta factio , Antonii postularunt , deinde & quinta P. Sylla , ut est in epistola ad Atticum 65 : Fratres fuerunt M. Antonii , postea triumuiui ; filii Marci , eius , qui , gratia Cottæ consulis , & Cethegi factione in sena-

S 2 tu ,



### Commentarius in lib. I I I.

tu, curationem infinitam nactus totius oræ mariti-  
mæ, Siciliam & prouincias omnes depopulatus est;  
ad postremum, inferens Cretenfibus bellum, mor-  
bo interiit. huius igitur filii Caius, & Lucius, ne-  
potes uero Marci, clarissimi oratoris. M. F.]  
sic antiqui scribebant: nonnulli postea sic, M. F. os  
inde natus error apud antiquitatis imperitos, ut,  
Meos, non M. F. os legendum putarent, ob simi-  
litudinem F. & E. quod ideo dictum à me uolui,  
quia uideo in aliquos etiam impressos libros hanc  
mendam irrepsisse. idq; ut monerem, operæpre-  
tium existimaui.

NEGO-CIUM inuertit]  
res Gabinii perditas restituit. hoc non sine causa  
Cicero timebat. opes enim Pompeii maximæ; qui  
etiam suo studio, ut Gabinus de maiestate absolue-  
retur, obtinuerit. infra, & ad Atticum 65.

DELECTARE] odio senatus in Gabinium, amo-  
re in me. S V B I T O Q V E] cum hoc uerbum Ci-  
cero posuit, proxima spectauit, quod supra, quod  
infra; supra, quod dixerat, Triumphum se postu-  
lare dixisset; infra, quod infert, Bonus imperator  
noctu in urbem hostium inuasisset. altero enim Ga-  
binii leuitas, & inconstantia coarguitur; qui, cum  
de triumpho ubique iactitasset, subito, abiecta  
triumphi postulatione, in urbem introisset: alte-  
ro, eiusdem turpitudine, & improbitatis conscien-  
tia notatur; qui non interdum sit ausus introire;  
cum intelligeret ita se de ciuitate ac de republica ef-  
se meritum, ut, si luce ingrederetur, ab occurren-  
te populo non salutationes honorificas, non ul-  
las laudes, sed omnia probra, omnes contumelias  
merito posset expectare. S V B I T O autem non

ita

na restricti  
ni ad urbe  
bem per no  
introisset  
pectatione  
tim dissipat  
se uideretur  
quo iudic.  
cu irumpu  
imperator,  
ut eum host  
uicia uentus  
retur. I  
eplane sunt  
ru, Introiti  
perfilteret.  
conem, bon  
tes hostium  
in a Cicero  
Gabinii, con  
imperator, h  
mirebat] ut  
hie. timebat  
re odio erat  
conuione co  
bonitatem  
aliquid in re  
ro. I  
mum die de  
ru, in iena  
ta in urben  
tal. O



ita restricte dictum, ut subito post aduentum Gabi-  
nii ad urbem intelligi debeat: mansit enim ad ur-  
bem per nouem dies, cum accessisset x i i cal. Oct.  
introisset i i i i cal. sed, s v b i t o, præter ex-  
pectationem: cum ex eo rumore, quem ipse pas-  
sim dissipauerat, triumphans potius ingressurus es-  
se uideretur. B o n v s imperator ] ex ambi-  
guo ludit. nam periti imperatores plerunque no-  
ctu irrumpunt in urbes hostium. iste uero, nequam  
imperator, cum se odio esse ciuitati sentiret, sic,  
ut eum hostis loco haberet, noctu introiuit, con-  
uicia ueritus, & contumelias, si interdiu ingrede-  
retur. H o s t i v m plane ] ciues enim hostes  
ei plane sunt. I n v a s i s s e t ] dicendum e-  
rat, Introisset: maluit, Inuasisset; ut in tralatione  
perlisteret. noctu enim Gabinus, præter expecta-  
tionem, bonorum imperatorum exemplo, cum ur-  
bes hostium inuadunt, introierat. ita tribus uer-  
bis à Cicerone, eleganter sane, & apte de introitu  
Gabinii, comprehensa tralatio est, his inquam,  
imperator, hostium, inuasisset. N o n com-  
mittebat ] ut odiosa de re dixit proprie, committe-  
bat. timebat enim senatum: oderat eum, eiq; pari-  
ter odio erat, iam inde à consulatu. dixerat enim in  
concione consul, hoc est is, qui tueri senatus au-  
toritatem deberet; Errare homines, si senatum  
aliquid in republica posse arbitrarentur. pro Sex-  
tio. I p s o ] distulit, quoad potuit: ipso de-  
mum die decimo, ultra quem differre non pote-  
rat, in senatum uenit. D e c i m o ] ab introi-  
tu in urbem. ergo nonis Oct. nam introiuit i i i i  
cal. O p o r t e b a t ] iubente lege; aut, mo-  
re



## Commentarius in lib. III.

re maiorum. **H O S T I V M** ] lege cautum erat, quod Valerius libro **III**. narrat, et Dio libro **XXXVI**. significat, ne quis triumpharet, nisi qui quinque millia hostium una acie cecidisset. hic, non dubito, quin aliud agatur. non enim triumphauerat Gabinius, aut, cum in urbem iam esset ingressus, de triumpho poterat cogitare. quare crediderim, non iis modo, qui triumphassent, aut triumphaturi essent, sed omnibus plane imperatoribus, è provincia reuersis, usitatum hoc fuisse, ut cæſorum non tam hostium, quàm militum numerum in senatu exponerent. Bessarionis liber habet, Hostiarum. et in epistola M. Cælii, ubi legitur in impressis, Cum de hostibus ageretur, in manuscriptis aliquot uidimus, Hostiis. quo tamen in loco sequi maluimus eos, qui habent, hostibus, adducti Valerii Maximi auctoritate, qui legem illam de cæſorum hostium & militum numero commemorat. **I N R E** hæsit ] magis placet, quod aliis item uideo, Inrepsit: cum eo tamen placet, si ueteres libri consentiunt. nam Bessarionis liber, Inre hæsit, habet: quod est, in recitando, implicitus ignoratione rei. Inrepsit, uero ualet hoc, uenisse Gabinium in senatum & inuitum, & latenter, more animalium repentium. cursu enim uoluntas maior declaratur. **I N F R E Q U E N T I A** ] cum è provincia reuersos, quo primum die ad senatum adeunt, propinqui, familiares, clientes comitatu maximo soleant honestare. **E X I R E** ] hostium & militum numero recitato: quasi, præterea quod ageret in senatu, nihil ei restaret. **A C O N S V L I B V S** ] Appio, & Domitio: quorum Domitius

us Pompe  
derat; App  
m Dione le  
lum eo die  
scriptum est  
m Gabinio  
narum uene  
provincie si  
ad restituend  
tusest; p  
Syriz loca  
quæ de publi  
Dio lib. x x  
ne abundan  
et, cum uult  
cum abundan  
om uideret,  
manuscriptis  
copiam nec  
retineatur, ut  
um, & a me  
I N R E T V R  
terz enim un  
valeraretur  
uit ] sustin  
uit. Cum t  
parius forti  
uerborum fa  
uer exarlit  
omoti.  
dio consuli  
is urbe car



tius Pompeii causa, inimicissimi sui, Gabinium oderat; Appius, quia missum in Syriam legatum, ut in Dione legimus, recipere noluerat: qui etiam illum eo die accusauit maiestatis: quod in hac ipsa scriptum est epistola. P V B L I C A N I ] Syriani, Gabinio infensi. questum enim sua damna ad se natum uenerant: quod, cum Gabinius, finibus prouinciæ suæ contra leges egressus, Alexandriam ad restituendum Ptolemæum cum exercitu profectus esset; prædones per eius absentiam maritima Syriæ loca uastarunt. quo facto, publicanis ea, quæ de publico redemerant, exigere non licuit.

Dio lib. xxxix. E T C V M à me ] potest non abundare, etsi uidetur, particula, E T. nam est, cum uulneraretur, & à me maxime. potest etiam abundare: quod eam addiderit imperitus; qui cum uideret, A' tuis, (sic enim est in libris aliquot manuscriptis, non, ut postremo impressis, Actus) copulam necessariam duxerit: ut ad uerbum, Vulneraretur, utrunque referretur, hoc modo: Cum à tuis, & à me maxime uulneraretur. V V L N E R A R E T V R ] accusaretur. à uenatione tralatio. feræ enim undique actæ uulnerantur. ideo intulit, Vulneraretur; cum, Actus, iam dixisset. N O N tulit ] sustinere tacitus non potuit. sic in xix. de orat. Cum homini & uehementi, & disertio, & in primis forti ad resistendum Philippo quasi quasdam uerborum faces admouisset, non tulit ille, & grauius exarsit. T R E M E N T I S ] ut hominis ira commoti. E X V L E M ] quia lege Clodia, ipso consule Gabinio, pulsus, per sexdecim menses urbe caruerat. huiusce nominis contumeliam,



### Commentarius in lib. III.

etiam à P. Clodio sibi obiectam, diluit ac purgat in paradoxo multis uerbis. **IMPETV**] impetum significauit senatus, cum dixit, Vt ad corpus eius accederet. **PUBLICANI.**] Gabinio, propter damna & iniurias ab illo acceptas, infensi; Ciceroni, consulatus beneficio, coniuncti. ut omit- tam, quoddam Cicero patre natus erat equite Roma- no, & publicani omnes equestris ordinis. quo ui- debatur quiddam inter eos necessitudinis interce- dere. **FORIS**] passim, non solum in senatu, sed apud ceteros etiam. sic locutus est in epistola longa ad Lentulum: Cum ea contentio mihi ma- gnum etiam foris fructum tulisset. et ad Quin- tum fratrem: Foris ualde plauditur. In uulgus, alibi dixit, eadem sententia. **CLARIVS**] hac, quam senatus dedit, significatione uoluntatis erga me. **TENEO**] antique, pro teneo me. Te- nuit se Cicero ab accusando Gabinio, quod infra quoque confirmat, in causa maiestatis: de repetun- dis uero non modo non accusauit, uerum etiam ro- gatu Pompeii defendit: quod & Dio lib. xxxix. narrat, & ipse in epistola ad Marium, fam. 95: si- gnificat. Illud mirari non satis possum, quod ab eo- dem Dione traditum uideo; Gabinium à Cicerone de maiestate grauissime accusatum. quod aperte falsum ostendit ipse Cicero & hic, & apertius et- iam infra in epistola, Gabinius. nisi si, ut à teste Cicerone, non ut ab accusatore, Gabinium accu- satum intelligas. acerbe enim testimonium in il- lum dixit: quod infra in ultima scribit epistola: Te- stis, inquit, uehemens fui, præterea quieui. **CVM Pompeio**] qui Gabinii patrocinium ideo suscipiet,

suscipiet  
regni red  
xxxix.  
pen animi  
go Miloni  
epistola.  
ad Atticun  
bini conse  
sordes. ite  
sis libris, V  
saronis lib  
cor, uel qu  
imperitæ a  
tam, loque  
pro uideo qu  
Ciceronem  
imprauera  
uices faci  
lata excla  
uerant. sic  
cuna contra  
ueterem epi  
tine, qua  
quidam:  
cum morali  
delinuerat  
ras; aut,  
haurimod  
fas nihil  
nes, ut in  
hunc locu  
ab accusa



fusciat, quod ipse Gabinium, ut Ptolemæum in regnū reduceret, scriptis literis impulerat. Dio lib. xxxix. Quid instat] in quo uereor ne Pompeii animum offendam. ille enim fauebit Guttæ, ego Miloni, de me optime merito. infra, in ultima epistola. Vel quod iudices nullos] etiam in ad Atticum epistola lib. i i i. causam absoluti Gabinii confert in Pompeii contentionem, iudicium sordes. item hic, infra. Quod autem est in impressis libris, Vel quod; mendosum existimo. nam Besfariionis liber habet, id quod. unde factum suspicor, uel quod, eorum temeritate, quorum aures imperitæ antiquam, non tamen satis usu peruulgatam, loquendi rationem ferrent. est enim, id quod, pro ideo quod. sic locutus est is, qui mihi est post Ciceronem familiarissimus, Terentius in Heautontimorumenos: Id quod est consimilis moribus, conuincis facile ex te natum. Et in Hecyra: Illico lætæ exclamant, Venit, id quod me repente asperxerant. sic & Liuius libro xli. Id quod erat uetusta coniunctio cum Macedonibus. Animaduerti autem eos, qui thesaurum latinæ linguæ congesse-  
runt, quasi de industria, prætermisisse præclara quædam: quæ ego nisi separatim ad usum meum iam notassem, hærerem sæpe, ueterum testimonio destitutus. nam si, aut, Id quod, in eo libro quæras; aut, Foris; quod proxime exposuimus; aut huiusmodi; quæ non ita statim intelliguntur: prorsus nihil inuenies. nimirum pro thesauro carbonem, ut in adagio. sed ad propositum. Ego totum hunc locum ita legerem, ac distinguerem: Teneo ab accusando, uix mehercule, sed tamen teneo, id quod



### Commentarius in lib. III.

quòd nolo cum Pompeio pugnare: (satis est, quod instat de Milone) id quòd iudices nullos habemus: ἀπίτευμα formido. quemadmodum enim, ubi est in impressis, Vel quòd iudices, mendosum esse Besarionis liber ostendit: sic illud, Vel quòd nolo, non sincerum esse, facile possum suspicari: cum eadem utrunque potuerit causa deprauare.

ἀπότευμα ] absolutionem Gabinii, propter iudicum sordes, formido. timeo, inquit, ne non assequar, quod uelim. nam ἀποτυχάνω, spe frustror, non obtineo. MALEVOLENTIAM ] in

ipsum, an in Gabinium? in ipsum: nam causas colligit, cur ab accusando se teneat. hæ sunt, Pompeius, iudices, hominum maleuolentia. suos enim ipse quoque maleuolos habebat. ALIQUID

accidat. ] contra quàm accideret me non accusante. timeo, ne absoluator. nam, qui me oderunt, fortasse illum, me accusante, subleuarent. NEC DESPERO ] nam, ne sperem omnino, Pompeius, & iudicum infirmitas facit. NON NIHIL

per me ] qui ut non accusem, aliis tamen accusantibus opem aliquam sumministrabo. et, Non nihil, ne, si uehementer, Pompeium à se abalienet: cum quo pugnare nolebat. CONFICI ] ut

iudicio condemnetur. A MEMMIO Domitius ] candidatus à candidato. absolutum constat, quia consul fuit anno proximo cum Messalla: nec Domitium modo, sed omnes plane candidatos. nam in ultima epistola, Messallam, inquit, iam nostrum, reliquosq; molestia leuatos, uehementer gaudeo. aut igitur is, qui exulauit Athenis, ad

quem scribuntur à Cicerone epistolæ lib. fam. XIII. alius

alius Men  
que de du  
men fueri  
eo condei  
ignoro pre  
emplum e  
tamen cur  
ro] Ruffo  
fili nepoti  
tribunus pl  
lonem, ac  
est. Pediat  
la i. libri  
ne, qui eum  
parum rui  
tibus tradi  
sem Cicero  
dunt.  
adorum,  
vener. leg  
re absoluit  
et supra, q  
vulniles,  
Tres candid  
ques, pro  
III V S ]  
cum Semp  
fra, Peritu  
cum damni  
ne fiant. ]  
dicto con  
de ui Clo



alius Memmius est; (meminimus autem supra quoque de duobus Memmiis, quorum utrique prænomen fuerit Caio) aut, si hic est, postea in alio iudicio condemnatus. A Q. CVRTIO] hunc ignoro prorsus. Magnuli liber, ad manuscripti exemplum emendatus, Acutio, mendose, fortasse tamen cum uestigio ueritatis. Q. POMPEIO] Rufo, ut ad Atticum 64: Syllæ dictatoris ex filia nepote, ut apud Pedianum. hic biennio post tribunus pl. occiso Clodio, sæpe atque acriter in Milonem, ac Ciceronem etiam ipsum concionatus est. Pedianus. exulem significat Cælius in epistola 1. libri VIII. fam. TRIARIO] adolescente, qui eum paulo ante de repetundis accusauerat. paratum fuisse ad dicendum, & notæ industriæ, Pedianus tradit. filius fortasse fuit eius, cuius orationem Cicero plenam literatæ senectutis appellat in Bruto. A V T hominum, aut legum] aut candidatorum, si condemnantur; aut legum, si absoluntur. leges enim uidentur interire, cum nocentes absoluntur rei. culpam significat candidatorum, ut supra, cum dixit: Ita erant progressi candidati consulares, ut non esset ferendum. et ad Att. 64: Tres candidati fore rei putabantur. quid poteris, inquires, pro iis dicere? ne uiuam, si scio. I N T R A I T V S] calamitas, exilium. mortis enim supplicium Sempronia lex à ciuibus R. amouebat. sic infra, Periturus reliquis iudiciis, de Gabinio dixit, cum damnationem intelligeret. V T I V D I C I A ne fiant.] aliquo tribuno pl. intercedente. etiam edicto consulis iudicia sublata animaduerti, ut cum de ui Clodium accusauit Milo, Lentulo & Nepote



### Commentarius in lib. III.

re cos. pro Sextio, Consul, inquit, prætor, tribunus pl. noua noui generis edicta proponunt: ne reus adsit, ne citetur: ne quærat: ne mentionem omnino cuiquam iudicum, aut iudiciorum facere liceat. idemq; in epist. fam. 13. his uerbis: Cum tribunus pl. pœnas à seditioso ciue per bonos uiros iudicio persequi uellet, exemplum præclarissimum in posterum uindicandæ seditionis de rep. sustulerunt. confirmat Dio libro, opinor, xxxix. INTERREGNUM.] quò deducta est. quod autem hic, Res uidetur spectare ad interregnum, ad Atticum 65: dixit, Res fuit ad interregnum.

REINOLUNT] itaque obnunciationibus dies comitorum sustulerunt. quod in epistola proxima ostendetur. et ad Atticum 64: Nolebant autem ideo haberi comitia candidati consulares, quo plus haberent spatii ad hominum studia colligenda.

MAXIME Memmius] cuius etiam causa fore putaretur aliquis tribunus pl. qui comitia in aduentum Cæsaris detruderet. ad Atticum 66. CAESARIS aduentu] in urbem? minime: quia cum imperio Cæsar erat: nemo autem cum imperio urbem introibat, exceptis qui triumphabant: quorum ipso triumpho die fiebat imperium. Ad urbem? ne id quidem: præfectis enim prouinciarum egredi prouinciæ terminis non licebat: & prouinciæ Galliæ, quam Cæsar administrabat, Rubicon flumen erat finis. Quò igitur? in Galliam Togatam, Cæsaris prouinciæ partem, quæ ad suffragia ueniebat. his igitur ad comitia uenientibus fore sperabat Memmius ut à Cæsare commendaretur: simul illud, ut, cum peragendorum conuentuum causa.

Cæsar

Cæsar in I  
ueneret,  
admoneret  
eum, Cæ  
epistola u  
consul p  
pra de Me  
sa: Langu  
VIDEBA  
populum e  
um 64. M  
ne Domiti  
gratus. ce  
147] dese  
bola, Scut  
te de quo e  
uenerit Poi  
Purpureus S  
uener, dabo  
un. amillo  
uenerat: &  
disque, o  
ma lex, et  
C. Memmi  
patione co  
et c. cor  
u, nisi tres  
nat, cura  
quo patet  
imperium  
ge Cornel  
Coraelia,



Cæsar in Italiam uenisset, de suis militibus Romani mitteret, qui Memmii in petitione consulatus adiuuarent. itaque ad Atticum 66. Memmius, inquit, Cæsaris commendetur militibus. et hic, in epistola ultima. IACE[T] minime futurus consul putatur. infra de eodem, Friget, dixit: supra de Messalla, Flaccet: & ad Atticum de eodem 62: Languet. hæc ad copiam latinæ linguæ.

VIDEBATVR] & fuit, plebeius cum patricio. populum enim liberalitate deleniuerunt. ad Atticum 64. Messalla noster, inquit, & eius competitor Domitius liberalis in populo ualde fuit. nihil gratius. certi erant consules. REFRI[R]AT] desertus à Pompeio. nam in postrema epistola, Scaurum, inquit, iampridem Pompeius abiecit. de quo etiam suspicio quædam fuerat. nota enim erat Pompeii simulatio. itaque ad Atticum 62: Pompeius Scauro studet, sed, utrum fronte, an mente, dubitatur. Refruxerat: desierat consul putari. amisso enim Pompeii studio, simul opinionem consulatus amiserat. SINE lege curiata]

Aliquem, opinor, tribunum pl. cum ferretur curiata lex, timebat intercessorem. ideo etiam cum C. Memmio & Cn. Domitio Caluino turpissima pactio coit, de qua ad Atticum 67. ut ambo H-S ccc c consulibus darent, si essent ipsi consules facti, nisi tres augures dedissent, qui se affuisse dicerent, cum lex curiata ferretur, quæ lata non esset. quo patet summa in Appio prouinciæ cupiditas. Imperium dabat populus lege curiata, senatus lege Cornelia. qui lege curiata, sumptu publico, qui Cornelia, sito ibant in prouinciam. ideo in episto-

la



### Commentarius in lib. III.

la ad Atticum 65: Appius, inquit, sine lege, suo sumptu in Ciliciam cogitat. et fam. 17. **L E N T V L O** nostro] Spintheri, Ciliciam administranti, qui Ciceronem consul ab exilio restituerat.

**I L L O** die] de quo dixit iam, Ipso decimo die: cum Gabinius in senatu actus & uexatus undique est. **A C C V S A V I T**] non ad prætorem in foro, sed in senatu. **D A T A**] prolata, eorum qui participes aut conscii fuerant maiestatis imminutæ: quibus testibus conuinci Gabinius posset.

**I P S A** domus] quod scilicet reliquum erat, expolitio. iam enim ædificatam magna ex parte crediderim; cum in proxima superiore epistola dixerit, Urbanam expolitionem urget Philotimus. et in ea, quæ sequitur proxima, Expolitiones utriusque nostrum sunt in manibus. Nec unius Quincti, sed utriusque domum intelligo, cum sequatur, A redemptoribus. suum enim uterque redemptorem habebat. itaque epistola 1111. libri 11. Redemptori, inquit, tuo dimidium pecuniæ curavi. quo item in loco de utriusque coniuncta domo cognoscitur. ergo cum dixit, Domi recte, de utriusque pariter domesticis rebus intellexit. **T R A C T A T V R** non indiligenter] satis curatur strenue, urgentibus Philotimo & Cincio, ipso etiam Cicerone crebro interuisente. supra in epistola proxima. Et quod hic μεταφορικῶς dixit, Tractatur; in proxima epistola, eadem translatione usus, In manibus sunt.

EPISTOLA

Q  
Diam scier  
sas] zel  
Syr r an  
la que ant  
res rustica  
nois libro  
præter hui  
est rustica  
ingeretur. m  
in peripet  
mo, quasi  
reuerentem  
tate non r  
ut Rusticas  
funderem  
quam signi  
no plene  
bis: Habes  
de urbanam  
& Lateran



## EPISTOLA III.

325:

## Iisdem consulibus.

Q V I D Q V I D conficio, aut cogito,]  
quidquid scribo, quidquid, quod de-  
inde scribatur, cogito. NEGOCIA  
nostra] quæ ad me pertinent, ea quo  
modo se habeant, ostendi, cum dixi:

Diem scito esse nullum &c. EXPOLITIO-  
NES] ædium nostrarum. epistola I. huius libri.  
SUNT in manibus,] tractantur, curantur. episto-  
la, quæ antecedit, proxima, in extremo. IAM  
res rustica] siue sic, ut est in manuscripto Bessa-  
rionis libro, legas; siue, ut in impressis omnibus,  
præter hunc nostrum postremo editum, Iam res  
est rustica; utroque modo, subesse mendum, intel-  
ligetur. mihi Bessarionis librum, cuius habeo iam sa-  
tis perspectam bonitatem, sequi placuit: ad eumq;  
uolo, quasi minus remotum à ueritate, meam cor-  
rectionem accommodare. opinor enim, nec for-  
tasse non recte, legendum sic: Iam, res rusticas;  
ut Rusticas, dictum accusandi casu, uerbum, Per-  
scriberem, infra positum spectet. nam & in ea ipsa,  
quam significat, epistola, cum de Arcano & Late-  
rio plene scripsisset, conclusit eam partem his uer-  
bis: Habes fere de rebus rusticis. deinde subiunxit  
de urbanarum ædium expolitione. ARCANI,  
& Laterii] dixi iam, loca fuisse in Arpinati, quæ  
Quinctus



881 Commentarius in lib. III.

Quintus possidebat. quid aliud? etiam. nam mihi saepe, quæ difficultatis habere nihil uidentur, in iis mea scrupulum iniecit cogitatio. Hic sine dubio quasi retractat Cicero breuiter ea, quæ scripsit multis uerbis in epistola 1. huius libri. dubitare igitur aliquis iure possit, cur hic Arcanum & Laterium modo nominet, cum in ea epistola de Manliano præterea, de Fufidiano, deq; Bouiliano fundis mentionem fecerit. Ad hanc dubitationem id, de quo quidem mihi dubitatio nulla est, respondebo: Manlianum, Fufidianum, Bouilianum non ab Arcano loca separata, sed ipsius Arcani partes fuisse: ut Arcanum loci generale nomen esset, quo multi fundi continerentur. **PRAETEREA**] ergo, cum dixit, Res rustica Arcani, & Laterii, non de tota rustica re, sed de uillis tantum intellexit; cum adiungat, De aqua, de uia. **ENUCLEATE**] diligenter, & plane. hoc enim uocabulum Nonius exponit, purgate, exquisite, sine asperitate, aut durtia. ductum à nucleis nucum. **EXISTIS locis**] ex Britannia. **MARE** istuc, & terra] maritimæ tempestates, terrestres pugnae. **TOLLUNTUR**] sublatis ad usque pridie cal. O&. constat ex epistola ad Atticum 64: **OBNUNCIATIONIBVS**] per Q. Mucium Scaeuolam tribunum pl. interpositis, opera candidatorum consularium; qui produci comitia uolebant, quo possent, numinis interea distributis, populi uoluntatem sibi adiungere. significauit iam hoc in epistola proxima, dixit ad Atticum 64: Obnunciare quid sit, notum satis est. **BONORVM**] qui comitia haberi eo anno à consulibus

con'sulib  
pacta a  
datis.  
pactione  
ad Attici  
quadring  
1838,  
manifestu  
lum, & S  
Memoria  
doli quæ  
que non t  
progreſſa  
lum, tribu  
quod quæ  
Exite m  
no. non en  
lum. nam e  
ix, Quid e  
um, ſic u  
omias ſuſci  
tum, addu  
emola: M  
ſchaleuare  
ſuo patroc  
lone] Meſ  
dorum ca  
ſuſe iudici  
deinde reli  
umore, ac  
nus eſt,  
max orat



consulibus nolebant, ne præmia consequerentur  
pacta à Memmio & Caluino, consularibus candi-

datis. **SUSPICIONEM**] nondum enim  
pactionem illam Memmius in senatu recitauerat.

ad Atticum 67. **PRAEMIORVM**] H-S  
quadrigena, hoc est scutatos aureos Venetos

1838, marculos triginta duos. **QUATVOR**]   
manifestum est significari duos patricios, Messal-  
lam, & Scaurum; duos plebeios, Caluinum, &

Memmium. **REI**] de ambitu postulati. epi-  
stola quæ huic antecedit. **DIFFICILES**]

quæ non facile defendi possint. quorum enim ita  
progressa licentia est, ut nummos contra leges, pa-  
lam, tributim, uno loco diuiserint, pro iis quid est  
quod quisquam possit dicere? ad Atticum 64. 66.

**ENITEMVR**,] studio, & precibus, non patroci-  
nio. non enim puto defensum à Cicerone Messal-  
lam. nam etsi in epistola ad Atticum 64: cum di-  
xit, Quid poteris, inquires, pro iis dicere? ne ui-  
uam, si scio: fore, uidetur significare, ut eorum  
causas suscipiat: tamen, id ut existimem non esse fa-  
ctum, adducor iis uerbis, quæ sunt infra in ultima  
epistola: Messallam iam nostrum, reliquosq; mo-  
lestia leuatos, uehementer gaudeo. non enim de  
suo patrocinio tacuisset. **CVM** reliquorum sa-

lute] Messallæ enim absolutio reliquorum candi-  
datorum causas præiudicio subleuabit. Ergo Mes-  
sallæ iudicium uidet Cicero primo loco factum iri,  
deinde reliquorum. **P. SYLLA**] is, qui de

ambitu, accusante L. Torquato competitore, dam-  
natus est, postea de ui à Cicerone defensus: quæ  
extrat oratio. dextrum in exercitu Cæsar's cornu

T

rexit



### Commentarius in lib. III.

rexit in acie Pharsalica . ipsi enim Cæsari , de se ipso scribenti, fidem habeo potius, quàm Plutarcho, qui dextro cornu Cæsarem , sinistro Antonium præfuisse tradit , de P. Sylla uerbum facit nullum . hunc opinor significari in epistola ad Dolabellam , fam. 131 : & in duabus epistolis , Ciceronis , & Cassii fam. 253 : & 254 : & de officiis lib. 11 . Sed inquiri ipse in me , ne quid in historia peccem , nominum similitudine deceptus . quam esse lubricam admodum rationem, ideoq; labi in ea permultos animaduerto . Nam cum statuissem iam, ut omnino nihil dubitans, hunc esse P. Syllam , qui consul cum P. Autronio Pæto designatus est, de ambituq; L. Torquato accusante damnatus : orta mihi suspicio est , cum hic Sylla Gabinium Romæ reum faciat , non esse eum , qui iudicio de ambitu conuictus est . nam de ambitu damnatos exilii pœna sequebatur . quod in oratione pro Plancio declaratur his uerbis : Nunc postulatur à uobis , ut eius exilio , qui creatus sit , iudicium populi reprehendatis . idq; in eadem infra confirmatur : Agitur , inquit , Plancii salus , patria , fortunæ . Sane mihi hæc aliquandiu molesta dubitatio fuit . postea quasi nodum soluit observatio . reperi enim in oratione pro Sylla id ipsum , quod quia suspicatus iam eram , attenta lectione quærebam ; hoc uidelicet : quo anno Sylla est damnatus, nondum ambitus pœnam exilium fuisse . sic enim in ea de Sylla , ambitus antea condemnato , Cicero loquitur : Absuit ab oculis uestris , & , cum lege retineretur , ipse se exilio pene multauit . Ergo , quo anno habita est oratio pro Plancio , exulabant de ambitu damnati ;



ti; quo damnatus est Sylla, non exulabant. Placuit etiam quærere, quo anno lex, quæ exilium irrogabat, lata sit. comperi. lata est ab ipso Cicerone consule, triennio post Syllam damnatum. docet hoc duobus in locis oratio pro Murena. hoc amplius ex Dione cognoscitur, exilium illud per decem annos fuisse.

**F R A T R E ]** uterino, cum sit Cæcilie gentis: nam Sylla Cornelius.

**S Y L L A filio ]** quem in ea, quam nominavi proxime, Cassius epistola significat, cum ait: Sectorem Cæsar non desiderabit, cum filium uiderit.

**C O N T R A D I X I T ]** in diuinationis iudicio: accusator enim, Sylla reiecto, deligi uolebat. ad Atticum 65: Gabinium, inquit, P. Sylla, non dubitans quin foris esset, postularat, contradicente, & nihil obtinente Torquato.

**T O R Q U A T V S ]** is, qui hunc Syllam de ui accusauit, filius eius, qui eundem de ambitu accusauerat, & damnauerat: ut æternas cum P. Sylla gerere inimicitias uiderentur.

**L I B E N T I B V S ]** nimium enim infesti Syllæ Torquati uidebantur. damnauerant ambitus: consulum eripuerant: de ui accusauerant: an etiam alterius accusandi locum, ipso repulso, obtinerent? nimia hæc quidem arrogantia. itaque propensiores in Syllam homines, quam in Torquatum, qui uetere inimici calamitate contentus non esset.

**O M N I V M generum ]** ut uniuersus pene populus ad iudicium concurreret; parumq; abfuerit, quin eum discerperet. Dio lib. xxxix. **C A E D I T V R ]** accusatur, affligitur. ductum à pugnantibus.

**A C C V S A T O R I B V S ]** L. Lentulum, eiusq; subscriptores intelligit. epistola proxima, & ad

T 2

Atticum



### Commentarius in lib. I II.

Atticum 65. **CONSILIVM** uarium ] iudices non omnes boni, non omnes improbi.

**QVÆSITOR** ] qui de maiestate quærebat, qui quæstioni præerat, prætor Alfius. quæstor est quicumque de aliquo quærit crimine, etiam si prætor non sit. itaque C. Iunium, qui de Oppianici ueneficio, accusante Cluentio, quæsierat, Pedianus quæstorem appellat: cum tamen is prætor non esset, ut pro Cluentio declarat oratio. prætor igitur omnis quæstor est, præter urbanum, qui nunquam quærit, sed tantum ius dicit: quæstor autem non omnis est prætor. quod in libro de legibus Romanis demonstratum est. **GRAVIS**, & firmus ] quem nihil moueat, nihil flectat.

**LOCVM** tamen ] etiam si de maiestate absoluator; fore tamen uideo, ut aut de repetundis, aut de ambitu damnetur. itaque omnino locum in ciuitate non habebit: ibit in exilium. **MODERATVM** ] non nimis cupidum. testis enim fuit, præterea quieuit. epistola ultima. **LENISSIMVM** ] quod euenerit, æquo animo feram.

**ΠΕΡΙΛΟΓΕΡΩΝ**, ] subtilius, philosophicis quæstionibus magis refertum. **DECLAMATORIO** ] in quo illum rhetor Præonius exercet: quod potius in quadam uerborum copia, quàm in sententiarum acumine, consistit. **MERCES** ] amoris augendi erga me tui. epistola huius libri prima.

**SPES** ] tui ditandi, uel ex præda bellica, uel è Cæsaris liberalitate.

EPISTOLA

principi ciuitatis.  
ut. quod in  
uerbis: Est m  
dem multus,  
tates adiuuauit.  
ego, xxxi  
xxx] in ora  
morat. I  
dis, de ambit  
tuent. damna  
Sed et v  
pla in Cicero  
nos, ne mire  
tribus ordin  
tera deinde  
modo præto  
dum, una ci  
tus, iudical  
torius hom  
felicis culpæ



epist. ad Q. fratrem . 131

EPISTOLA IIII.

326:

Iisdem consulibus .

**A**BSOLVTVS] de maiestate. SORDIDVS] improbius. sic ad Atticum 65. de iisdem, Iudicum sordes, dixit. DICTATURAE] quam Pompeio delatum iri, omnes uidebant, principi ciuitatis. hic igitur iudices timor commouit. quod in ad Atticum epistola confirmatur his uerbis: Est non nullus odor dictaturæ, sermo quidem multus, qui etiam Gabinium apud timidos iudices adiuuit. xxxir.] in antiquis libris, xxii. ego, xxxir. ex epistola ad Atticum 65. lxx] in oratione in Pisonem lxxv. commemorat. RELIQUIS iudiciis] de repetundis, de ambitu. supra. PERITVRVS] quod euenit. damnatum enim Dio scribit libro xxxix. SEDERVNT] de iudicibus proprie. passim exempla in Ciceronis orationibus. Et, iudicasse prætorios, ne miremur: cum uniuersa iudicum sortitio de tribus ordinibus à quæstoribus urbanis fieret, altera deinde sortitio à singulis prætoribus. ita non modo prætorii, uerum etiam consulares interdum, una cum iis, qui nullos gesserant magistratus, iudicabant. APERTE] ergo prætorius homo & improbus, qui Gabinium, manifestæ culpæ reum, absolueret; & impudenter im-

T 3 probus,



### Commentarius in lib. III.

probus, qui sic absolueret, ut omnes uiderent: cum ceteri sententias teste ferrent. ex quo, quæ tum fuerit forma reipublicæ, quàm inquinata uitiis, quàm non similis antiquæ, licet existimare: cum Caluinus, qui cum consulibus turpissima pactione coierat, quam C. Memmius, eiusdem pactionis particeps, in senatu recitauit; qui Gabinium, cuius crimina luce clarius patebant, aperte absoluerat; consul tamen fuerit anno sequenti.

CATO ] non is, qui postea Uticensis dictus est. erat enim hoc anno prætor, ut in prima huius libri epistola demonstratum est. prætores autem in aliorum prætorum consilio iudicēs sedisse, non est ut credi possit. Accedit illa ratio, quòd, uir omnium optimus, & constantissimus cum esset, nunquam, adulandi gratia, Gabinium absolutum primus Pompeio nunciaffet. est igitur alius Cato, uel Porcius, uel Hostilius; qui sua sententia Gabinium uidetur absoluisse. de C. Catone, qui tribunus pl. fuit Marcellino & Philippo cos. non licet intelligi. non enim uno tantum anno post tribunatum gerere præturam potuit. DIRVPTIS ] malim, diribitis, pro, discretis, dinumeratis: ut, quæ absoluisissent, quæ damnasent, cognosceretur. non enim discessit Cato, nisi postea quàm, tabellis dinumeratis, Gabinium uidit absolutum. eademq; coniectura ductus, legendum crediderim in oratione in Pisonem, tabellæ diribeantur, non, ut est in impressis libris, diripiantur. et pro Plancio, diribitio pro diremptio. itidem accipiendum est illud de diribitis suffragiis apud Varronem lib. III. de re rustica.

CIRCULO ] ubi iudices, circa prætoris

prætoris et  
POMPEI  
rio. id cont  
uerba: In  
non affuisse  
dicium ueni  
erodem iudic  
vi r ] cupie  
causam.  
nes turpis  
sed alibi sepe  
tum. De  
periti, uter p  
ad condemna  
re r ] quòd  
Gabinio ui  
nunc enim in  
introuiser, sic  
num. curus  
huc hoc, opi  
imperio.  
datorum ind  
Afermino po  
uide libellum  
AVRICV  
complexum  
discedit à fin  
dio ] inim  
bri i i.  
eam ob caut  
peium offen  
& prætor N



prætoris tribunal sedentes, sententias tulerant.

POMPEIO] extra urbem. nam erat cum imperio. id confirmant illa, quæ paulo post sequuntur, uerba: In urbem introisset. et Dio lib. xxxix. non affuisse Pompeium tradit: cum enim ad hoc iudicium uenire uoluisset, pauloq; tardior fuisset, ad urbem iudicii exitum expectasse.

NUNCIAVIT] cupiens cupienti. COMMITTEREM?] causam. QUID essem,] quàm apud homines turpis?

ELAPSVS?] non hic tantum, sed alibi sæpe hoc uerbum pro, absolutus, usurpatum. DE sua dignitate] quasi ego uellem experiri, uter plus ualeret, ipse ad absolutionem, ego ad condemnationem Gabinii.

INTROISSET] quòd, me accusante, plus impendere periculi Gabinio uideret, quàm accusante L. Lentulo. nunc enim in urbem non introiuit: me accusante introisset, sicuti ante introierat, ut laudaret P. Sextium. cuius rei mentio fit epist. fam. ii. impetrabant hoc, opinor, à senatu, qui erāt ad urbem cum imperio. CVM Aesernino] in signe par gladiatorum inductum uideretur, ut Pacideianus cum Aesernino pugnaturus: de quibus Lucilius poeta. uide libellum de optimo genere oratorum.

AVRICVLAM] quòd inter pugnantes, ubi ad complexum uentum est, quandoque contigit. non discedit à similitudine gladiatorum.

CLODIO] inimico suo, ut constat ex epistola iii. libri ii. MEVM consilium] quòd Gabinium eam ob causam maxime non accusauerim, ne Pompeium offenderem. SINGVLARIBVS] cum & prætor Maniliam rogationem, de committenda

T 4

Pompeio



### Commentarius in lib. III.

Pompeio belli Mithridatici cura, luculenta, quæ extat, oratione suaserit: & consul, Mithridatico bello confecto, supplicationem ei dierum duodecim decreuerit. epist. fam. 12. & in oratione de provinciis. **D I S S E N T I E N T E M** ] cum Cicerô pro republica loqueretur; contra, Pompeius, Cæsar, Crassus ad suam potentiam omnia referrent. **N O N** tulit ] offensus enim ob eam causam, eiici me, contra quàm promiserat, in exilium à Clodio passus est. **N O N** dicam grauius ] Non dicam, quod uere possem, prodidit. eius enim in me perfidiam leuiter notatam uolo. **M I N V S** potens ] nam postea, discessu Cæsaris, & Crassi, potentia Pompeii ad summum peruenit. **A L T E R V T R V M** ] si Pompeii causa, Salustius aiebat, Gabinium accusare noluit: at eiusdem causa defendisses. **D E F E N D I S S E S** ] elegans & antiqua locutio, pro eo, quod uulgo dicunt, defendere debebas. sic libro III in Verrem 98. Voconia lex te uidelicet delectabat: imitatus esses illum ipsum C. Voconium. et de officiis III. Male Curio, cum causam transpadanorum æquam esse dicebat; semper autem addebat, Vincat utilitas. potius diceret; non esse æquam, quia non esset utilis reipublicæ, quàm, cum æquam esse diceret, non esse utilem fateretur. **C O N T E N D E N T I** ] uehementer oranti: ut se ipse proxime sequentibus uerbis exponit. **I N I M I C I T I A S** ] cum Pompeio, si Gabinium accusarem. **I N F A M I A M** ] si defenderem. **H A C** mediocritate ] cum neque accusauerim, neque defenderim, sed mediam quasi uiam tenuerim, citra periculum, & infamiam.

am. Infra  
que urbi, n  
terea quie  
nam infra  
ciuitate ] si  
stare exulat  
riam relatu  
monio cont  
ut ] hoc fac  
prehenderet  
i reo Milon  
legimus. fui  
nihil interro  
& religionem  
qua uel men  
scribi ] q  
la ultima libe  
O P E R A ] e  
liberatus ] si  
ut. quod in e  
monetor anim  
ne cura ] tim  
quenti P. Cl  
cum ædilis fa  
C H R Y S I  
literati, T. V  
tra, & ad A  
re in extrem  
no puto coi  
præterea, q  
aereq; que  
D i A l e a n



am. Infra, in ultima epistola, Illum, inquit, neque urfi, neque leuau: testis uehemens fui: præterea quieui. GRAVISSIME] uehementer. nam infra, Testis, inquit, uehemens fui. IN ciuitate] si absolutus esset. damnati enim de maiestate exulabant. SATISFACTVRVM] gratiam relaturum, quod eum non accusassem, testimonio contentus. NEQVE me interrogaui] hoc faciebant rei, quo testes in mendacio prehenderent. sic apud Pedianum, interrogatos a reo Milone testes, quos accusator produxerat, legimus. fuit igitur honorificum Ciceroni, à reo nihil interrogari: quasi nihil, nisi secundum fidem & religionem, dixisset. COMMVTANDIS] quia uel mendose, uel non belle scripti. TRIBI scribi] quibus uteris, ut tuis. supra in epistola ultima libri I I. in extremo, & prima libri I I. OPERA] operam in hac re ponere non possum. ἔνθυσιασμός] furor ille, qui poetis diuinitus inspiratur. quod in epistola sequenti dixit, Non satis commoueor animo ad ea, quæ uis, cauenda. Sine cura] timebat omnino, ne prætor esset anno sequenti P. Clodius id enim erat ei legitimus annus, cum ædilis fuisset Marcellino & Philippo cos. CHRYSIPPO] & hic, & Tyrannio serui erant. literati, Tyrannio etiam Quinti filii magister. supra, & ad Atticum. FISCO] ærario. hac de re in extrema epistola sequenti his uerbis: Ab ærario puto confectum esse, dum absum. quærere præterea, quid plane rei sit, inepti hominis esset, uereq; quod aiunt, nodum in syrpo quærentis. DE Ascanione] seruo fortasse manumittendo. quod



### Commentarius in lib. III.

quod Cicero non uidetur probare, sicuti nec de Statio probauerat. DE suburbano ] emendo. de quo scripserat Quintus ad Anitium. epistola huius libri I. V I I I cal. Nou. ] forte, V I. nam in uetere Romano calendario primum uideo ludorum Victoriæ diem V I. cal. Nou. COMMITTEBANTVR ] committi ludos, pro incipi, ignorat, opinor, nemo. QVAM uellem ] non placet hæc loquendi ratio, Non longius, quàm uellem. perpendatur sententia: inesse quiddam, quod teretes aures offendat, sentietur. forte abundat, Quàm uellem. PONTINIO ] C. Pontinio, de Allobrogibus triumphaturo. præturam gessit Cicerone consule. eiusdem in Cilicia legatus fuit. I I I. NON. ] in ad Atticum epistola 65. est, I I I. NON. SERVILIUS ] Isaurici filius. SECVM habebit ] uide nostrum commentarium. quo in loco illud exposuimus, Erit cum Pontinio Appius consul, 65: ἀρην πνέων ] Martem spirans. dictum de iis, qui terribile quiddam uultu præferunt. sic in ad Atticum 244: Hoc loco, fortibus sane oculis, Cassius, (Martem spirare diceret) se in Siciliam non iturum. ἀρην βλέπων, dixit Aristophanes. SCAEVO LA ] tribunus pl. ad Atticum 65:

S EPISTOLA

D  
gitur. L  
oris Africa  
Q. Seruili  
tico consul  
PHILI]  
Atlio Serra  
quicum L.  
TVBERO  
noris Africa  
tus est. in  
FANNI  
ta cum so  
non nomin  
63: N  
diales dicti  
flea conu  
stola prox  
rer] ut A  
HERAC  
phus, ut p



epist. ad Q. fratrem . 134

EPISTOLA V.

327:

Isidem consulibus .

D E ILLIS libris ] de republica. libro II. epistola, Duas. NOVEN-  
DIALIBVS ] nouem dierum, ut  
proxime patebit. AFRICA-  
NI ] minoris, ut ex Macrobio colli-  
gitur. LAELII ] duo C. Lælii fuere, alter ma-  
ioris Africani, alter minoris amicissimus, hic cum  
Q. Seruilio Cæpione, ille cum L. Cornelio Asia-  
tico consul. nunc de posteriore fit mentio.  
PHILI ] P. Furii Philī, qui consul fuit cum Sex.  
Atilio Serano. MANILII ] M. Manilii,  
qui cum L. Marcio Censorino consul fuit.  
TUBERONIS, ] Q. Aelii Tuberonis; qui mi-  
noris Africani sorore, L. Aemilii Paulli filia, na-  
tus est. in oratione pro Murena, & alibi.  
FANNII, & Scæuolæ ] quos in libro de amici-  
tia cum socero colloquentes facit. Rutilium hic  
non nominat; de quo mentionem facit ad Atticum  
63: NOVEN dies ] feriarum. ideo nouen-  
diales dicti. LIBROS ] quos tamen in sex po-  
stea contulit. SALVSTIO ] de quo in epi-  
stola proxima superiore. SI IPSE loque-  
rer ] ut Aristoteles in politicis, omisso dialogo.  
HERACLIDES Ponticus ] mollis philoso-  
phus, ut pro, Ponticus, Pompicus uocaretur. La-  
ertius.



### Commentarius in lib. III.

ertius. **CONSULARIS** ] quem oratio de statu ciuitatis optimo, deq; optimo item ciue decere uideretur. dignitas enim personæ pondus affert orationi. **NOSTRIS** libris ] tribus de

oratore. **BELLE** ] cum causa: ne uiderer mihi perfectam dicendi rationem arrogare.

**VIDISSEM** ] uidit enim Cicero, ac sæpe dicentes audiuit, Crassum, Antonium, Scæuolam, Catulum, Cæsarem, Cottam, Sulpicium; quibus tribuit sermonem de ratione dicendi: at uero Africanum, Lælium, Philum, Manilium, Tiberonem non uidit: unum Scæuolam puer cognouit: ut est in libro de amicitia. **DE REP.** & præstante uiro ] scribit enim in suis, qui extant, politicis libris Aristoteles & de optima rep. & de optimo ciue. quales erant, qui perierunt, & Ciceronis libri. itaque dixit proxime, De optimo statu ciuitatis, & de optimo ciue.

**COMMOWIT** me ] suum tamen institutum Cicero persecutus est. loquitur enim in somnio Scipionis Scipio ipse, Lælio respondens, querenti nullas Nasicæ, qui Ti. Gracchum, perniciose de republica cogitantem, occiderat, statuas in publico locatas. **OFFENDEREM**

quempiam ] cum attingerem maximos motus nostræ ciuitatis. **ID VITABO** ] ne quempiam offendam.

**LOQVAR** ipse tecum ] te & me de rep. loquentes inducam. quod tamen, ut proxime ostendi, non fecit. **QVÆ** institueram ] duos libros, quos iam nominauit.

**ROMAM** ] scripsit igitur epistolam in aliqua uillarum suarum.

**STOMACHO** ] quod ingenii sui quasi partum non libenter imperfectum abiiceret.

**RELI-CTOS** ]

ctos ]  
uisset.  
is rebus  
cum de h  
promittit  
ulimam.  
epistola.  
veor at  
proxima.  
benda: qu  
tur, quib  
proprium  
tum: res,  
ad  
quod indic  
ipse egi  
sequi pro  
tu autem in  
tione possit  
ciendis.  
ad poema  
ammi alact  
nullam esse  
tate ] ol  
res pro re  
equum en  
bus, his rei  
uiter agen  
bore ] ag  
quod eum  
in temp.  
uideretur.



CTOS] omisos; cum me Salustii sermo commo-  
uisset. IN EA ambitione] nullam enim ex  
iis rebus, unde parantur honores, prætermitto;  
cum de honoribus tamen ipsis, quos mihi Cæsar  
promittit, non laborem. epistola huius libri ante  
ultimam. VERSIBVS] quos edas pro tuis.  
epistola, quæ antecedit proxima. COMM-  
O-V E O R' animo] abest ἐνθουσιασμός. sic enim dixit in  
proxima. CANENDA.] aptius, quàm scri-  
benda: quòd poetarum, qui animo commouean-  
tur, quibus scilicet ἐνθουσιασμός ille adsit, canere  
proprium est. ὑποθέσεις] poematis argumen-  
tum: res, de quibus scribatur. EA] hoc non  
ad ὑποθέσιν, sed ad uersuum elegantiam spectat,  
quod indicant proxima uerba: Tu, qui omnes &c.  
IPSE ego] cum mea causa conor: nedum con-  
sequi pro te possim. NE cogitando quidem]  
tu autem ita hæc à me petis, quasi uel sine cogita-  
tione possim præstare. ISTO] uersibus fa-  
ciendis. ANIMI alacritate] tria iam, quæ  
ad poema requirantur, attingit, ἐνθουσιασμόν, ocium,  
animi alacritatem. TEMPORA] quia uideo,  
nullam esse temp. nulla iudicia. AVCTORI-  
TATE] ob magistratus administratos, maximasq;  
res pro republica gestas. SENATORIA]  
æquum enim erat, ut homo hoc ætatis, iis honori-  
bus, iis rebus gestis, ea tantum, quæ in senatu gra-  
uiter agenda sunt, curarem. FORENSI la-  
bore] agendis in foro causis. IACTARI]  
quod eum, qui summos honores gesserit, summa  
in temp. merita contulerit, decere non admodum  
uideretur, iactari, enim grauitatem non haber.

DOME-



### Commentarius in lib. III.

**DOMESTICIS**] quibus domi operam do.  
**SYSTENTARI**] malis reip. fractum. hoc enim  
 eò uerbum spectat. αἰὲν ἀριτεύειν] uersus Ho-  
 mericus in Iliadis Z, à Glauco pronūciatus. sed  
 integra duobus uersibus sententia cōprehenditur.

», πέμπε δέ μ' εἰς τροίην, καὶ μοι μάλα πόλλ' ἐπέτελλεν,  
 », αἰὲν ἀριτεύειν, καὶ παύροχον ἔμμεναι ἄλλων.

misit autem me ad Troiam, & mihi ualde multa  
 mandauit, semper strenue fortiterq; agere, & aliis  
 præstare. **TOTVM** occidisse] nullo prorsus  
 modo fieri. cur? quia, cum inimicos suos partim  
 non oppugnarit, ut Gabinium Pompeii causa, par-  
 tim etiam defenderit, ut Vatinium propter Cæsa-  
 rem; quod utrunque in his epistolis iam demonstra-  
 tum est; nimirum plane illud amisit, αἰὲν ἀριτεύειν.

**NON** modo animum,] non modo, inquit, li-  
 bere sentire non possum, sed nec odisse quos de-  
 beo; ne scilicet eorum, qui nunc principes in rep.  
 sunt, animos offendam. **QVI** uellet] quasi

unus Cæsar non alicuius commodi spe, sed uere,  
 atque ex animo, planeq; sua sponte amaret; alii si-  
 mulate, & astute. quod de Pompeio creditum est:  
 (ideo dixit, sicut alii putant) qui Ciceronē, quem,  
 contra datam fidem, pelli passus erat, ideo reuoca-  
 uit ab exilio, ut eius opera cum senatu rediret in  
 gratiam. Plutarchus. **MULTA** consolatio-

ne] domesticis literis. quod proxime dixit. et hic,  
 eodem spectans, intulit, Quotidie. quotidiana e-  
 nim tractatio literarum. **PANSA**] C. Vibius

Pansa, qui consul cum Hirtio fuit, anno post Cæ-  
 saris necem proximo. is, opinor, in exercitu Cæ-  
 saris cum Quinto locutus erat de Gabinio defen-  
 dendo

dendo. f  
 tionem a  
 CIDIS  
 gratiam b  
 didissem.  
 ordines,  
 beus) sed  
 P a o p t  
 propter q  
 qui me sim  
 uexarum  
 los neque  
 accusauit,  
 illam, q  
 In omni fi  
 cio: inima  
 ubris] de b  
 mrandis,  
 summo stue  
 theca pono  
 ut in imprel  
 lationis lib  
 conuenit a  
 ber Rubriu  
 gunt sibi ce  
 uncto.  
 lis meis su  
 cio Crebri  
 uet enim i  
 lupra dixi



dendo. scripsit Quintus: respondet Marcus; & rationem affert, cur eum non defenderit. **CONCIDI SEM** ] collectam multis præclare factis gratiam bonorum, hac una re profudissem, ac perdidissem. **TOTI** ordines ] non modo omnes ordines, (hi tres erant, senatorius, equester, plebeius) sed omnium ordinum omnes homines.

**PROPTER** quem oderunt, ] me quoque ipsum, propter quem Gabinium oderunt, odisse cœpissent: qui me simul cum rep. crudelissime ab illo consule uexatum recordantur. **TENVI** me ] progressus neque in hanc partem sum, neque in illam: non accusavi, non defendi. **VIDERENT** ] dixi in illum, quæ nota erant: præterea quicui.

**IN** omni summa ] quidquid ago, ocium meum specto: inimicitias contentionesq; fugio. **DE** libris ] de bibliotheca græca supplenda, libris commutandis, latinis comparandis. supra. **IN** summo studio ] quod ipse in curanda mihi bibliotheca pono. **CREBRIUS** ] malo sic, quàm, ut in impressis libris, Crebrius: primum, quia Belsarionis librum, quem sequar, habeo: deinde, quia conuenit à creber ita deductum Crebrius, ut à ruber Rubrius.

**QUI** omnia adiurant ] qui cogunt sibi credi, iureiurando ad asseuerationem adiuncto. **RENUNCIANT** ] mihi, dum in uilis meis sum. nam infert, dum abs sum. forte à Quinto Crebrius hic beneficia acceperat in Gallia. mouet enim me illud, Romæ est. **AB ærario** ] quod supra dixit in proxima, De fisco quid egerit Scipio.

## EPISTOLA



Commentarius in lib. III.

EPISTOLA VI.

329.

Iisdem consulibus.

**A** **B**ALIO] à me scilicet: quem de  
uerſibus tibi ſcribendis ſæpe rogas.  
ſupra quatuor in locis. *καί τις* quæ-  
ris? ] laudem aliunde quæris; cum in  
te ipſo ſit, unde illam pares?

**I**STAS] Electram, & Troadem. **E**RIGO-  
NAM] quam, à Quinto ante miſſam, quod ex  
huius libri epistoſa 1. liquet, tabellarius amiſerat:  
quod epistoſa ultima declarat. **P**ROXIMAS] **A**  
hanc breuem, & proximam ſuperiorem, utranque  
in eundem faſciculum coniectas. nam cum illam  
ſcripſiſſet, atque obſignaiſſet; alteram hanc, literis  
à Quinto acceptis, illico ſcripſit, breuiorem o-  
mnino, quàm ut uideri poſſit ad fratrem trans al-  
pes uſque miſſa: uerum, ſi, cum proxima ſimul  
miſſam, intelligamus, tollitur admiratio. Aut di-  
camus epistolam falſo putari: particulam enim po-  
tius epistolæ ſuperioris eſſe. quod eo etiam uerifi-  
milis uidetur, quia, cum dixit, Epistolæ proxi-  
mas, epistolam non appellaret ſex aut ſeptem uer-  
ſus. quod ſi ita eſt; epistolæ proximas uocabit,  
duas ſuperiores, quia ſimul utranque miſerit. Ac  
uereor, ne item ea, quæ ſequitur, epistoſa cum hac  
ſit coniungenda: ut eam de ſe ipſo ſcripſerit Mar-  
cus, ſuperiora omnia ad Quinti literas reſpõderit.

EPISTOLA

manita. Ma-  
ſus, ſignific  
gimus.  
tur colloca  
Homeri ] a  
Iliados 2, d  
fundere, cum  
obos, utatus  
inmiſiſſe, q  
inque ferat  
ſe. D  
ture. diſco  
nar: quas di  
fra, & ad A  
Labienum,  
cuius bello  
legem tuler  
legis erept  
ru ] A.  
ad Atticum



## EPISTOLA VII.

329.

## Iisdem consulibus.

A

**P** P I A, ad Martis ] Appia uia, ad  
 ædem Martis. et Appia uia, ad portam  
 Capenam, extra urbem. ea ducebat  
 usque Brundisium, omnium uiarum  
 celeberrima, ab Ap. Claudio censore  
 munita. Martis autem templum, quod in Appia uia  
 fuit, significat. nam de altero etiam intra urbem le-  
 gimus. **P** I S C I N A M publicam ] eam P. Vi-  
 ctor collocat in regione XII. **V** I G E T illud  
 Homeri ] accidit plane, quod in illis uersibus,  
 Iliados π, dixit Homerus: Iouem magnos imbres  
 fundere, cum est hominibus, iustitiam non colen-  
 tibus, iratus. uidetur enim ideo proluuiem hanc  
 immisisse, quia Gabinium contra leges absolutum  
 inique ferat. **H** A E C ] quæ sunt in rep. non re-  
 cte. **D** E dictatura ] ad quam res uidetur spe-  
 ctare. discordiis enim ciuium comitia producun-  
 tur: quas dictatoris potestas sedabit. supra, & in-  
 fra, & ad Att. 65: **L** A B I E N V M ] T. Atium  
 Labienum, Cæsaris in Gallia legatum, qui postea  
 ciuili bello ad Pompeii partes transiit. tribunus pl.  
 legem tulerat, auctore Cæsare, ut sacerdotia, col-  
 legiis erepta, populus mandaret. **L** I G V R I -  
 V M ] A. Ligurium, Cæsaris familiarem: de quo  
 ad Atticum 176. et epist. fam. 263: **D** A B O ]  
 V uidetur



### Commentarius in lib. III.

uidetur hoc Quintus à Marco petiisse; ut eorum, quos maxime Cæsar diligeret, amicitiam literis tueretur. **L Y C H N V C H V M** ] quo lucerna sustinetur. **S A M I** ] cum, Asiam pro prætore administrans, Samum uenisses. fuit enim Samus in prouincia Quincti. epistola 1. libri 1.

### EPISTOLA VIII.

329:

### Iisdem consulibus.

**S**UPERIORI epistolæ ] tres Quintus ad Marcum epistolas dederat, primam Labieno, qui nondum uenerat; alteram, quam Marcus ante primam accepit; tertiam; quæ ultima Marco est reddita. **S T O M A C H I**, & quelearum ] ex militiæ laboribus, ex urbis desiderio. adde, ex periculo illo maximo, in quo his temporibus, Ambiorigis fraude, uersatus est. Cæsar comm. lib. v. **M O L E S T I I S**, & laboribus ] molestiis animi, laboribus corporis. **D E S I D E R I I S** ] urbis, & tuorum. **D I S C E S S V** nostro ] ut alter ab altero disiungeremur. **P L V R A** ponuntur in spe ] plus in spe constituitur emolumenti, & præfidii, quàm in pecuniis: quas in hac legatione potes colligere. **R E L I Q V A** ] præter spem: aut, præter ea, quæ iam habemus, à nobis ipsis parta. quæcunque, inquit, struas, ad iacturam struentur; id est, eiusmodi erunt, ut aliquid ex iis quotidie possis

his amittere  
idq; petiit  
Cym uo  
nbi licebit  
non nihil  
eius, quo  
re poruerit  
sare comm  
dentur figt  
sequebamus  
ponuntur i  
no ] uide  
manurus;  
lis, quas ad  
Nervii  
sar comm.  
tos cum leg  
P o e m a ]  
bri prima. d  
& confectur  
positum, se  
ad alterum  
tama libri i  
uidetur esse  
bri epistola  
ba: Quoni  
n. quod ne  
epistola sic  
cipit, Ad  
teris Quin  
ta uero, q  
rogat frati



sis amittere . at Cæsaris præsidium erit firmissimū :  
idq; petimus ad omnem statum nostræ dignitatis .  
C V M uoles ] arbitrato enim tuo in urbem redire  
tibi licebit . P R O L A T V M ] diuulgatum . forte  
non nihil in superiore illa epistola scripserat Quin-  
ctus , quod Cæsar si nosset , non æquo animo fer-  
re potuerit : ut , se non ea , quæ sperauerat , à Cæ-  
sare commoda obtinere . quod etiam illa uerba ui-  
dentur significare : Non enim commoda quædam  
sequebamur parua , ac mediocria . et illa : Plura  
ponuntur in spe , quàm in pecuniis . L A B I E -  
N O ] uidetur Labienus aliquandiu Romæ fuisse  
mansurus ; cum loquatur Cicero de multis episto-  
lis , quas ad Quinctum deinde daturus erat .  
N E R V I I ] ubi nunc hibernas cum legione . Cæ-  
sar comm. lib. v . I N summo dolore ] ob lega-  
tos cum legione & cohortibus cæsos . comm. lib. v .  
P O E M A ] non illud , de quo in epistola huius li-  
bri prima . dixit enim se incidisse , iam compositum  
& confectum . at hoc habere se scribit ; neque com-  
positum , sed institutum appellat . neque uero il-  
lud alterum poema significat , de quo in epistola ul-  
tima libri 11 . in extremo . nam ad Cæsarem id non  
uidetur esse missum . sed illud , de quo in eiusdem li-  
bri epistola , Ad 1111 . non . in qua sunt hæc uer-  
ba : Quoniam scribis poema ab eo nostrum proba-  
ri . quod non esse id , de quo in extrema eius libri  
epistola fit mentio , inde patet : quia in ea , quæ in-  
cipit , Ad 1111 . non . indicat se cognouisse ex li-  
teris Quincti , poema suum à Cæsare probari : in  
ea uero , quæ ultimum in eo libro locum obtinet ,  
rogat fratrem , ut iudicium Cæsaris de suis uersibus

V 2 perscribat :



### Commentarius in lib. III.

perferbat : nihilq; omnino ea de re à Quinto significat ante se accepisse , quòd ait : Sed heus tu, celari uideor à te. sunt igitur tria Ciceronis poemata, quæ in his ad fratrem epistolis nominantur ; unum ad Cæsarem , de quo non absoluto , sed instituto legitur in epistola , Ad IIII. non. lib. II. et in hac huius ultimi libri ultima : alterum, de quo in extrema eius epistolæ parte, quæ librum II. concludit : quod non esse ad Cæsarem missum , probauimus : tertium , & ipsum ad Cæsarem : quod cum absoluisset , incidit . de quo in epistola huius libri prima. CVM opera, tum animo ] supra, non iisdem uerbis, idem dixit : Deest mihi opera, quæ non modo tempus, sed etiam animum uacuum ab omni cura desiderat. SUPPLICATIONVM ] quas Cæsari fortasse ob Ambiorigem profligatum senatus decreuerat. OCIOSIS ] per dies enim supplicationum lege non agebatur. ita ocium illi à forensi labore futurum erat. ne cum populo quidem tum potuisse agi, indicat illud in epistola, Dederam ad te, lib. II. Lentulus dies comitiales exemit omnes. nam etiam Latine instaurantur : nec tamen deerant supplicationes. RELIQUOSQVE ] candidatos. MOLESTIA leuatos ] ambitus iudicio absolutos. id fore diuinavit in epistola ad Atticum 65 : inquit enim : Candidati consulares omnes rei ambitus. accedit etiam Gabinius. sed omnes absoluentur. cum tamen nocentes iudicaret, ut in eadem ad eundem 64 : et hic in epistola huius libri II. postea tamen Memmius & Messalla damnati. ad Atticum 89. Appianus lib. II. ep. fam. 113 : PRAESTABO.] efficiam, si erit consul, ne quid

quid agi  
tem.  
stola II.  
Cæsar ce  
cum in pi  
lib. x x x  
fuisse, ut  
illico non  
nius eum  
bi amicum  
A B I E C I  
ncum 62 :  
quebantur  
bus licebat  
cet. dixima  
in ep. ad A  
A D D V C I  
lo habere  
prolatæ res  
erant comi  
omnino ca  
det. L o  
potentia,  
I V S ] L u  
opinor, qu  
que, infra  
agente nol  
magistrati  
tem cur. r  
tum pl. pe  
cum iniet  
III. id. D



quid agat in magistratu contra Cæsaris uoluntatem. **ADVENTV**] hoc iam exposuimus in epistola II. huius libri. **PVTO** errare] forte, quia Cæsar consulem nolet eum, quem sibi fuisse inimicum in prætura meminerit. Suetonius. etiam Dio lib. XXXVII. tradidit, hoc ingenio Cæsarem fuisse, ut, quos accepta iniuria odisset, eos tamen illico non ulcisceretur. itaque fieri potest, ut Memmius eum, deleta superioris temporis memoria, sibi amicum fore crediderit in consulatu petendo. **ABIECIT**] quem adiuuandum suscepit. ad Atticum 62: **RES** prolata] negocia dilata. ita loquebantur, cum illud tempus, quo feriari hominibus licebat, intelligerent. iterare eadem non placet. diximus hac de re satis in commentario nostro in ep. ad Att. ubi rerum prolatio nominatur, 109: **ADDVCTA**] affirmat id Cicero, quod etsi pro cerlo habere non potest, (nam post id tempus, quo prolata res dicebantur, dies præterea multi supererant comitiales, quibus haberi comitia liceret) omnino tamen ob ciuium discordias futurum uidet. **LOQVVNTVR**] boni: de nimia Pompeii potentia, cui etiam dictatura deferretur. **HIRRVVS**] Luceiæ gentis, plebeiæ. **AUCTOR**] opinor, quia designatus tribunus pl. quod eo quoque, infra quod sequitur, uidetur confirmari: Hirro agente nolle se non probabit. ut omittam, quod magistratum ordo consentit. petiit enim ædilitatem cur. triennio post: & ædilitas cur. post tribunatum pl. petebatur. epist. fam. 112: 117: **FORE**] cum inierit magistratum: cuius erat primus dies III. id. Dec. ut iam diximus. **SEIPSE** amans]



### Commentarius in lib. III.

qui etiam cum Cicerone, homine consulari, nondum ipse ædilicius auguratum biennio post, Pompeio III. cos. petere sit ausus. **CRASSVM Iunianum** ] quæ sit hic mea coniectura, dicam: ea probari debeat, nec ne, iudicium aliorum esto. libenter legerem, Crassum Licinianum: ut, cum esset Licinius Crassus, in aliam postea familiam, adoptionis iure, transferit. at quam familiam? opinor, Cœliam. placet enim, hunc esse Cœlium illum, qui in M. Cœlii epistola ad Ciceronem, fam. 114. Cœlius Vicinianus male nominatur: cum, Licinianus, uideatur esse reponendum. et congruit hic de dictatura locus cum illo. nam hic uerbum, deterruit, significat, eum, quod instituerat de dictatura, omisisse: in epistola uero M. Cœlii, promulgatam ab eo de dictatore legem, scriptum est. Eundemq; crediderim esse Cœlium illum, qui lib. 111. de bello ciuili Vincianus uocatur, mendose, pro Licinianus. Præterea, tribunum pl. hunc eodem anno cum C. Hirro fuisse, ideo credibile est, quia eodem etiam anno ædilitatē simul biennio post petierunt. quod ex ea, quam nominaui, M. Cœlii epistola constat. Ut omittam, quod hunc ipsum, qui de dictatore Pompeio egit, Lucilium uideo apud Plutarchum nominari. ut Liciniani nomen in Vicinianum, Vincianum, Lucilium, ob similitudinem facile uideatur abiisse. Neque uero quidquam obstat, cur, etsi Cœlius ex Licinio sit factus, prioris tamen familiæ nominibus Crassus Iunianus appellari non possit. nam & Scipio potius, quàm Metellus, uocatur is, qui Magni Pompeii socer fuit; cum quidem uno cognomine nominatur: qui tamen Cæcilius, adoptante

præce M  
ter L. Lu  
nem fact  
lus came  
gnomine  
deterruit  
tura cons  
tur, ad Po  
ferri si cal  
bunatu eg  
lit, quia  
ad Att. 60  
lum, ubi m  
queur. Ha  
non perius  
gatur. sed  
bello conti  
Vicillem F  
Luccorum  
eum genti  
SERANA  
cognomen  
PTO meo  
laudibus fi  
nime illi  
det, max  
solatum d  
candidat  
tur. uidet  
latum pe  
narum pl  
Caluino



prante Metello Pio, factus erat: & Lucullus, frater L. Luculli, cum Terentius Varro per adoptionem factus esset, quod supra probauimus, Lucullus tamen, nunquam Varro, nominatur, nouo cognomine omisso, uetere conseruato. PER me deterruit ] mea opera effecit, ut captum de dictatura consilium abiecerit. Hoc enim, & quæ sequuntur, ad Pompeium, non ad Hirrum, conuenit referri: si tamē is est, de quo Plutarchus, qui inito tribunatu egit de dictatore Pompeio. VELIT nolit, ] quia Pompeius aliud sentire, & loqui solebat. ad Att. 60. 62: fam. 112. AGENTE ] ad populum, ubi magistratum inierit. in epistola, quæ sequitur, Hirrus, inquit, parat. NON probabit, ] non persuadebit hominibus, cum per eius amicum agatur. secutus est autem Hirrus Pompeium civili bello contra Cæsarem. comm. lib. 1. quo in loco, Vlcillem Hirrum, mendose legitur: cum potius, Luceium Hirrum, legendum uideatur. Luceiæ enim gentis cognomen Hirrus fuit. epist. fam. 117: SERANI. ] gentis Atiliæ. DOMESTICI ] cognomen aut Serani ipsius, aut filii. SCRIPTO meo ] cum orationem, ei à me scriptam de laudibus filii, legeret. NIHIL tribuit, ] minime illi, anno sequenti consulatum petituro, studet, maxime uero Guttæ. petiit anno sequenti consulatum Milo. etsi non habita, propter dissensiones candidatorum, comitia, uel ex Pediano cognoscitur. uideo autem eum, interuersa prætura, consulatum petiisse: qui Lentulo & Metello cos. tribunatum pl. Pompeio & Crasso ædilitatem gesserit; Caluino autem & Messalla consulatum petierit.



### Commentarius in lib. III.

**GUTTAE** ] non habeo certum, quis hic sit Gut-  
ta, competitor Milonis in consulatu anno proxi-  
mo futurus. Pedianus candidatos consulares tres  
duntaxat nominat, omnes plebeios, T. Annium  
Milonem, P. Plautium Hypsæum, Q. Cæcilium  
Metellum Scipionem, Pompeii Magni socerum.

**ILLO** ] Gutta ad consulatum efferendo.

**DIFFIDIT** ] se posse consulatum adipisci.

**INTERCESSOREM** ] tribunum pl. tribuno, ro-  
gationem de dictatore dicendo ferenti, interceden-  
tem. multi autem intercessuri uidebantur. episto-  
la, quæ sequitur. **PER** uim ] sprete interces-  
sione: quod ante, quo anno C. Cæsar, quo Pom-  
peius consul fuit, euenerat. quod si uim ui repel-  
let Milo, ualebit intercessio.

**LUDOS** ] ut  
eum honoraret mortuum, cuius legatam sibi testa-  
mento hereditatem creuerat. cui & munus dede-  
rat.

**SYMPTIVOSIORES** ] scribit Pedia-  
nus, Milonem in scenicorum ludorum, & gladi-  
atorii muneris impensas, effusasq; largitiones tria  
patrimonia effudisse. idq; Cicero tum in oratione  
pro ipso, tum in epistola ad Curionem significat  
his uerbis: Studium habemus uulgi, ac multitudi-  
nis, propter magnificentiam munerum, liberalita-  
temq; naturæ.

**TERQVE** ] ut fortasse trinos  
in ludos tria illa patrimonia, in singulos singula,  
profuderit.

**NON** postulatus ] à populo. so-  
lebat enim ludos interdum populus postulare. fa-  
mil. 129: **MVNVS** ] gladiatorium.

**FA-  
CVLTATES** non erant ] binis iam ludis, & in  
gladiatoribus consumptæ.

**MAGISTER** ]  
hereditatis curandæ inter coheredes. Dicit, opi-  
nor,



nor, hoc magistratum non gerit Milo: ut eum ad impensas huiusmodi uideatur dignitas impulisse. tantum est magister, uile scilicet ministerium. Non ædilem] uidetur hoc significare. ludos dare, magistrorum non est, sed ædilium. debuit igitur Milo, cum magister, non ædilis, esset, ludis abstinere. Hæc mihi non omnino probatur interpretatio. nam si hoc Cicero significaret, idem diceret, quod proximis uerbis: Vel quia magister. dicit autem diuersum quiddam, & hoc forte, cum is, cui mortuo ludos dat, ædilis fuerit hoc ipso anno: putat Milo, se, qui magnam bonorum eius partem testamento acceperit, quodam modo in eius locum successisse, ludosq; dare pro ædili debere. uerum potuerat se magistrum putare, sicut est, non ædilem, qui re uera non sit.

EPISTOLA IX.

330:

Iisdem consulibus,  
in extremo anno.

Nihil istorum] sine dubio scripserat Quinctus, debuisse Marcum & Pompeii & Cæsaris causa reo Gabinius de maiestate adesse. atque hoc facile mihi persuadent illa, quæ proxime sequuntur, græca uerba: τότε μοι χάνει: hoc est, tunc mihi dehiscat lata terra: cum hoc scilicet flagi

tii



### Commentarius in lib. III.

tii commiserō . integrum enim est hemistichium  
 apud Homerum , duobus in libris Iliadis, Δ , Θ , τέ-  
 τε μοι χάρις ἐν ῥῆϊ χθών . N E Q V E urfi , neque le-  
 uau . ] neque accusaui , neque defendi . N V N C  
 denique redundat ] hoc bonum , quo antea nimi-  
 um indigebam , ( bonum appellat , animi siue pa-  
 tientiam , siue fortitudinem quandam in malis reip.  
 leuiter ferendis ) mihi nunc denique satis superq;  
 est . C V R stomacher , ] si quid accidit iniqui-  
 us : cum respublica iam plane desperata tota sit .  
 A N G I T ] consulatus causa : quem petet aduersan-  
 te , ut uidetur , Pompeio : cum ego utrique summe  
 debeam . F I N E M ] sollicitudinis meæ . uelim ,  
 inquit , post consulatum , qui est honorum sum-  
 mus , nihil accadat præterea , quod illius causa me  
 angat . E N I T A R ] quàm enisus sit , intelli-  
 get , qui epistolam ad Curionem libro I I . fam. le-  
 gerit . I S T I N C , ] ut Cæsaris amicis in peti-  
 tione Milonis utamur . D E Q V O ] de consu-  
 latu , nisi ui res agatur , spero fore quod uolumus .  
 T I M E O ] ne sustinere tantos sumptus non possit ,  
 ne ad inopiam redigatur . *μαίνεται &c.* ] recte , &  
 proprie , quod modum superat , insania uocatur .  
 unde illud , de emptione , ad Atticum 216 : Nec ta-  
 men insanitutum puto . et , de sumptu , in oratio-  
 ne pro Milone : Insanas illas P. Clodii substructio-  
 nes . recte igitur & hic , de Milone nimiam pecu-  
 niam in ludos erogante , *ὃ δὲ μαίνεται ἕκ τ' ἀνείκτως* :  
 quod est : Hic autem insanit sic , ut ferri amplius  
 non possit . finis exametri uersus apud Homerum ,  
 Iliadis I . 78 . quod enim ille de Ciclope Polyphe-  
 mo , *ὃ δὲ μαίνεται ἕκ τ' ἀνείκτως* ; Cicero de Milone , pau-  
 lulum

lulum  
 rans ,  
 raris au  
 ta lex ,  
 sexagint  
 inimo co  
 igitur ,  
 tamen at  
 parat .  
 homine  
 sunt , ut  
 r i s ann  
 interreg  
 indicio m  
 rit , illum  
 impendit  
 latum de  
 cognom  
 inquit , h  
 dicium u  
 accusari  
 ri omnia  
 summam  
 latum ,  
 soluat  
 lum odes  
 terregen  
 per inte  
 sum no  
 satus de  
 demnat  
 s i i ]



lulum quiddam sententiæ causâ , ut solet , immu-  
tans , ὁ δὲ μάλιστα ἐκ τῶν αἰετῶν . H-S ccc ] scu-  
tatis aureis decem millibus , & centum septuagin-  
ta sex , marculis , ut appellant , qui olim asses erant ,  
sexaginta quatuor . CONSIDERANTIAM ]  
immo contra : cum in sumptibus insaniat . malim  
igitur , Inconsiderantiam , uocabulo inusitato , sed  
tamen ab , Inconsiderante , usitato . et referetur ad  
μάλιστα . SVSTINEBO ] et ego feram hoc in  
homine amicissimo uitium : & animi tui vires ex  
sunt , ut ipse quoque ferre possis . VENIEN-  
TIS anni ] de quo ad te scripseram . SIPER  
interregem , sine iudicio ] quem hic locum habet  
iudicii mentio ; cum in proxima epistola iam dixe-  
rit , illum esse absolutum ? intellige de altero , quod  
impendebat , de ambitu iudicio . nam & post consu-  
latum de ambitu accusatus . id ego locis obseruatis  
cognoui , ad Atticum 74 : fam. 112 : 113 : si consul ,  
inquit , habitis ab interrege comitiis creabitur ; iu-  
diciu vitabit : statim enim consulatum inibit : &  
accusari magistratus non licet . sin à dictatore : fie-  
ri omnino potest , ut dictator pro ea , quam habet  
summam , potestate nolit eum inire antea consu-  
latum , quàm iudiciu fiat : sed tamen , quin ab-  
solutur , mihi dubium non est . uideo enim , qui il-  
lum oderit , esse neminem . Et , quod ait , Si per in-  
terregem , sine iudicio ; uere dicit . nam , Messalla  
per interregem consule creato , iudiciu de eo fa-  
ctum non est : peracto autem consulatu , bis accu-  
satus de ambitu est , primo absolutus , deinde con-  
demnatus . epist. fam. 112 : 113 : HORTEN-  
SIS ] fratris eius uterini : quod ex Plutarcho in  
Sylla



### Commentarius in lib. I I I.

Sylla coniicitur. **CALOR**] pro absolute con-  
tentio. defensum ab eo Messallam, & absolutum,  
significat M. Caelius in duabus epistolis I I. & I I I.  
libri V I I I. fam. **LEX** impunitatis] quasi la-  
ta lex uidetur, ut, qui peccauerint, iis impune sit.  
his uerbis nocentem Messallam significat. fore ta-  
men, ut absoluator, tribus causis, dixit: quod odii  
nihil habet: quod pro eo contendet Hortensius:  
quod, absoluto Gabinio, nemo iam uidetur ita ne-  
farius, qui absolui non possit. innocentiam Messal-  
lae ad has causas non admiscet. satis enim constabat,  
& ipsum, & reliquos candidatos pecuniam contra  
leges populo dedisse. quo nomine post consulatum  
damnatus est, ut proxime dixi. **ἐν παρίστω**] nar-  
rationem de rep. duas in partes tribuit; quarum ad  
Messallam una pertinet, ad dictaturam altera. atque  
hanc posteriorem **ἐν παρίστω**, hoc est, breuiter, & ue-  
lut in cursu, exequi se uelle significat. **TAMEN**  
quamuis iam ante rumor fuerit. epistola, quae an-  
tecedit. **ABEST**] erat omnino Pompeius ex-  
tra urbem, quia cum imperio, iturus, ut uideba-  
tur, in Hispanias: sed non diceret Cicero, Abest,  
de eo, qui ad urbem esset. longius, opinor, disces-  
serat, nimirum rei frumentariae causa: quod legi-  
mus apud Dionem lib. xxxix. in extremo. **AP-  
PERS** miscet:] notat hominis ingenium, miscen-  
tis potius, quam agentis. Miscet autem, non quia  
dictatorem, sed quia comitia uellet. nam in episto-  
la huius libri I I I. Consules, inquit, comitia habe-  
re cupiunt. quam uideo scriptam post rumorem  
de dictatura natum. nam in ea consulares ait candi-  
datos de ambitu postulatos: & ad Atticum 65: ubi  
e osdem

e osdem  
dictatu  
quis A  
iri cred  
Pompe  
RAT] u  
bunus pl  
epistola  
re uideat  
non pot  
ta signific  
no habita  
historia d  
id est hoc  
hic nollet  
comitatus  
buniciis  
comitia  
quod cert  
de dictatu  
rat] huc  
CIPES  
proxima  
monente  
tem. sup  
ad ocium  
ad me mi  
pris.  
mancipi  
plus est  
ut mea  
Ista



eosdem reos memorat, odorem esse non nullum dictaturæ dicit. Atque hoc ideo dictum uolui, ne quis Appium dictaturæ, quam Pompeio delatum iri credebatur, existimet fauere, quia filiam suam Pompeii filio collocasset, ut est in fam. 42. **P A R A T]** ut legem ferat de dictatura, cum scilicet tribunus pl. erit. nunc enim designatus erat. quod in epistola proxima significatum est in eo: Auctor fore uidetur. Quod si quis obiiciat, designatum esse non potuisse, cum Cicero comitia nondum habita significet: is, consularia quidem comitia hoc anno habita non esse, tribunicia uero esse habita, ab historia discat. nam Plutarchus, Catone prætor, idest hoc anno, habita, perspicue demonstrat. et hic noster ad Att. 63. cum dixisset de consularibus comitiis: Comititia puto fore ut ducantur: de tribuniciis intulit: Hæc ego pridie scribebam, quàm comitia fore putabantur. **N V M E R A N T V R]** quod certo iam sciretur, qui ferenti legem Hirro de dictatura intercessuri uiderentur. **N O N c u r a t]** siue lex feratur, siue non feratur. **P R I N C I P E S]** uidetur eos significare, quos in epistola proxima bonos nominauit. **Q V I E S C O.]** te monente; ut calamitate iam doctus inimicitias uitem. supra: In omni summa, ut mones, ualde me ad ocium pacemq; conuerto. **M A N C I P I I S]** ad me mittendis, Gallico, aut Britannico bello captis. **I N F R E Q V E N S]** cum paucis admodum mancipiis. quo magis te amo; quia, quod mihi opus est, id polliceris. **F A C I L I T A T E]** nihil ut mea causa cures, nisi quod facillime possis. **I S T A** odia] de quibus ad me scribis. quia Vatinus,



### Commentarius in lib. III

nus, literis Roma ad Cæsarem missis, quæcunque diceret ageret ue Cicero, tanquam explorator significabat. ex quo Quintus, literis iis inspectis, de odio illius in Marcum coniecit.

**C O N C O Q V A M** ] prorsus minimi faciam, facile feram. sic, deuorare molestiam, oratione vi. in Antonium: deuorare hominum ineptias, in Bruto.

**επος** ] poema: de quo in epistola proxima.

**L O C V P L E T E M** ] cui meum **επος** bene credatur. iocus: quia missa à Quinto Erigona tragœdia perierat in itinere, tabellarii culpa. ideo dixit in epistola, Quatuor, Erigonam mihi uelim mittas: cum tamen, eam aliquanto ante missam esse, iam significauerit in epistola huius libri prima.

**C A E S A R E** ] qui omnia multis uictoriis tuta reddidit.

**Q V I D**, si cæmentum ] minime placet hæc ab **επος** ad ædificium subita transitio. nec dubito, quin huius partis, in qua de Quinti agitur uilla, fortasse in Laterio, initium desideretur. itaque uisum est, ut hac nota \*, quasi lacunam loci significaret, à superiori bus inferiora disiungerem.

**A R C A N O** ] Quinti fundo: de quo in epistola huius libri prima.

**C A E S A R I S** opus ] maximum uidelicet. magnifica enim Cæsaris monumenta: qui forum usque ad atrium libertatis explicare, deinde in campo Martio septa & tecta marmorea facere cogitauerit: ut est ad Atticum 66: legimus etiam apud Tranquillum, Italiæ, Galliarum, Hispaniarum, Asiæ quoque, & Græciæ potentissimas urbes, eius munificentia, præcipuis operibus exornatas.

**I M A G I N I S** ] quas in Arcani uilla constitui Quintus mandauerat.

**N I L V S** ] ut opinor, plures riuulos

uulos,  
tibus co  
men offi  
in piscin  
ueniant.  
epist. i. in  
diano, ho  
dum Fufid  
nas, & sal  
etiam men  
PHILO  
gentiam Pl  
car. hoc, in  
Philorum;  
torum. Dip  
In Manian  
rem. inen  
tamus autem  
utrumque in  
nisi noname  
libra, duod  
uidetur. du  
postea qua  
sed, ut in  
Sicuri etia  
non oblige  
se antea let  
bulæ testat  
mentum f  
MISSIM  
suis in du  
dis mutar



uulos, è salientibus aquis in piscinam diuersis par-  
 tibus confluentes, appellat Nilum: quòd, ut hoc flu-  
 men ostiis septem profluit in mare, sic salientes illæ  
 in piscinam riuulis multis, quasi paruus Nilus, per-  
 ueniant. hanc ego coniecturam duco ex huius libri  
 epist. i. in qua, cum de uilla, quæ erat in agro Fusi-  
 diano, hoc est in Arcano, meminit; (iam enim, fun-  
 dum Fusidianum in Arcano fuisse, ostendimus) pisci-  
 nas, & salientes, & palæstram simul nominat. Nili  
 etiam mentionē facit lib. ii. de legib. in proœmio.  
 PHILOTIMORVM est, non Diphilorum ] dili-  
 gentiam Philotimi, negligentiam Diphili signifi-  
 cat. hoc, inquit, Diphili negocium non est, sed  
 Philotimi; neque uero unius Philotimi, sed mul-  
 torum. Diphili tarditatem notauit iam illis uerbis:  
 In Manliano offendi Diphilum Diphilo tardio-  
 rem. is in Arcano Quincti uillas curabat: Philo-  
 timus autem urbanam expolitionem urgebat. quod  
 utrumque in eadem i. epistola. IN unciis ]  
 assis nomine tota significatur hereditas. as, qui &  
 libra, duodecim in partes, quæ dicuntur uncix, di-  
 uiditur. duodecim igitur partes bonorum suorum,  
 postea quàm esset mortuus, fieri Felix uolebat.  
 sed, ut in propinqua morte, mente perturbatus,  
 Sicuræ etiam serui imprudentia, tabulas de unciis  
 non obsignauit: alteras, aliam in sententiam, à  
 se antea scriptas, obsignauit. ratæ autem erant ta-  
 bulæ testamenti, quæ non essent eius, qui testa-  
 mentum fecerat, annulo obsignatæ. FIR-  
 MISSIMVM tenuerat ] consilium illud de bonis  
 suis in duodecim partes inter coheredes diuiden-  
 dis mutare noluerat. ἀλλ' εἰμολίτω ] iubent Græci  
 εἰμολίαν




### Commentarius in lib. III.

εὐμῶζεν eos, quibus male precantur. Aristophanes, ἐγὼ μὲν εὐμῶζεν λέγω σοι. uidetur autem esse finis senarii ex aliqua uetere comœdia. nec uero dubium est, quin de mortuo loquatur. nam uiuens testamentum mutasset, erroremq; suum correxisset. VALEAMVS] & hoc ad mortuum pertinere, εὐμῶζέτω, significat. illi mortuo male sit, qui tam male suis consuluerit: nos ualeamus. DIMITTO] patior eum ire cum matre; cum antea mecum habitaret. supra dixit, Tyrannio docet apud me. MAGISTRIS] duobus, Tyrannione grammatico, Pæonio rhetore. quo de utroque iam facta mentio est. PVERI] annum XIII. Quinctus filius, cum hæc scripta est epistola, hoc est Appio & Ahenobarbo cos. nondum impleuerat. id ex eo coniicio, quia togam puram sumpsit Paullo & Marcello: quam non nisi anno ætatis XVI. finito sumi solitam, satis constat. ad Att. 80: 86: SVMVS una tamen] ergo non exierat urbe Pomponia, sed ex illa domo, quam Ciceronis cum domo iunctam fuisse iam diximus, in aliam Quincti domum transferat.

Epistolam ad Octauium, ultimo loco impressam, & quia satis aperta, & multo etiam magis, quia, Ciceronis non esse, ἐκ τῆς χαρακτηριστικῆς intelligo, non placuit interpretari.

FINIS.



005812561



ristopha-  
elle hais  
ern dubi-  
mens te-  
stexillet.  
mure, a-  
c, qui tam  
Dimit-  
antea me-  
locer apud  
yransione  
moque iam  
xiii. Quia  
hoc est Ap-  
leuerat. id  
ipsum Paullo  
xvi. fin-  
do: 86:  
x urbe Dom-  
nis cuncto-  
am Quatu

co amovet-  
am magis,  
intelligo,



